

**RHETORICO** *Lib:*  
**RV M AD C.HEREN** *1889m*  
**NIVM LIBRI QVATTVOR.** *de Court*

**M. T. CICERONIS DE**  
**INVENTIONE LIBRI**  
**DVO,**

**Ioannis Michaelis Bruti animaduersionibus illustrati.**



*Quattor  
up of dono. 2  
in the 18th.*

*Quattor Robert*

**LONDINI,**  
**Excudebat Thomas Vautrollerius,**  
**Typographus.**  
**1579.**

**Cum Privilegio Regie Maiestatis.**

Guilielmus Frmo.  
ecce hunc posidet  
librum



4





# CLARISSIMIS, ATQVE ORNATIS-

SIMIS ADOLESCENTIBVS,

*Iulio, & Baptista Lomelinis, Francisci*

*F. F. Pulchris Ioan. Michael*

*Brutus S. D.*



Loquentiæ laudes  
tantę sunt, Iuli Lo-  
meline, quanta sunt  
ab illa profecta in  
homines commo-  
da, & beneficia.  
Quæ quidem si tā-  
ta sunt, vt eorum  
admirari magnitu-

dinem, quam inire numerum facilius homi-  
nes possint: merito illa debet, vna laudan-  
darum rerum omnium maxima, atque am-  
plissima videri. Qua de re, & multa alia sæpe  
à doctissimis hominibus, atque eloquentis-  
simis, & nonnulla à nobis, cum tertio ab  
hinc anno Ciceronis orationes edendas cu-

raremus, accurate dicta, & copiose sunt. Illud in præsentia exposulandum videtur, cum nulla sit vitæ pars, in qua non magnos fructus eloquentiæ atq; vberes homines referant, qui eius studio ducatur non ita multos esse: qui illam complexi animo ita excoluerint, ut digni iisdem magna laude habiti sint, perpaucos semper ad nostram memoriam esse inuentos. Cuius rei tamen non vna modo causa afferri potest. Nam & sunt nonnulli, qui cum ingenio excellent, naturæ bono cōtenti, vsu modo, atq; exercitatione, dicendi facultatē se assequi posse confidunt, & si qui sunt, qui ita à natura habeant adiumenta ad dicendum maxima, ut tamen existiment ea sibi præceptionibus artis augenda, ita se totos huic studio addicunt, ut nihil naturæ tribuant, cuius quidem in hac re, ut in alijs omnibus, quo illæ excultæ à nobis diligentius ad summam absolutionem perducantur, sunt principes partes. Quorum utriusque longe, mea sententia, falli videntur. Nam qui omnia à natura petunt, artem contemnunt: ij non intelligūt, magnum naturæ subsidium, atq; vnum adeo, sine quo vita hominum nulla futura sit, à se contemni. Ratio enim, à qua vna artes omnes, atq; hominum inuenta manant, cum eius tanta vis sit, ut nos à brutis animantibus seiunctos, dei immortalis

talis efficiat quam simillimos, tota à natura est, vt non prius quis ab arte discedat, quam idem à naturæ præscripto, & rationis discedere, qua vna homines ad agendum vtuntur duce, existimetur. Itaque non solum, quod inter nos loquimur, quo nihil magis proprium hominis est, sed quod ornate, apte, apposite ad persuadendum loquimur, quod eloquentis est proprium munus, cum quæ in nobis inchoauit ratio, arte inuenta perfecit, naturæ tribuendum est. Ita autem multis notatis, & animaduersis, quæ in vna quaque re à prudentissimis hominibus sapienter, & certa ratione fierent, singulæ sunt artes à nostris maioribus inuentæ, & perfectæ. Atque, vt de hac ipsa arte dicendi loquamur, cum nulli adhuc rhetores existissent, quorum præceptionibus hæc in nobis facultas corroborata altius se efferret, & Thucidides, & Herodotus doctissimi homines historiam luculenter scripserunt, & magna cum eloquentiæ laude, & in foro, atque in concionibus clari homines multi Athenis, cum nondum ludum Isocrates aperuisset, magister in primis dicendi clarus magnam gloriâ sunt apud suos ciues in dicendo assecuti. Neq; tamē, quoniam illi tantū efficere sine arte potuissent, mirifice a natura, & ab ingenio parati, Demosthenes cuius

maxime illustre nomen apud posteros manauit, Demades, Hyperides, AEschines, alij artis adiumenta neglexerunt. Ita enim opinor, doctissimi homines statuebant, qui magnam laudem tum dicendo, tum scribendo affecti essent nullis artis praesidijs innixi, multo clariores illos hac laude futuros fuisse, si ad naturæ, atque ingenij vim, qua excellabant, ars quoque dicendi accessisset. Verum, ut magnopere hi reprehendendi, qui artem contemnentes omnia sibi in natura posita esse arbitrantur, ita minime illi laudandi, qui plane ingenio diffisi, quo valent, arte vna ad dicendum, atq; adeò ut ab ea diuelli nulla ratione possint, innituntur. Neque enim ita est omnia vna ars complexa, ut non multa temporum ratio, hominum mores, religio, vitæ instituta, quorum nulla certa ratio & parum diuturna est, ab ingenijs postulent, quæ arte non traduntur: ut vere iam dici possit, ut ingenia artis subsidijs, ita artem ornari ingenijs maxime, & augeri. Nā qui nihil potest à se afferre, cum ab arte discesserit, quod alijs instar artis sit, is, licet hauriat præcepta omnia, quæ aut Græci, aut Latini scriptores de dicendi arte tradiderunt, nullus orator sit futurus: cui quidem ita ab arte est prælidium petendum, ut intelligat, plurimum in arte inesse ad naturæ vim, si adsit,

adfit, excitanda, atque conformanda, omnia in arte non inesse. Certa enim, ac definita genera quædam rerum ars complectitur, id, quod facile fieri potest: in hominum vita, multa quotidie emergunt, quæ cum infinita numero sint, ab eo modo tractari recte possunt, quem ubi artis præcepta deficient, ingenij vis quædam acerrima, quæ nullis in nobis aut temporum, aut rerum finibus circumscribi potest, suis magis, quàm externis viribus dicentem tueatur. Quæ cum optimè nossent vir clarissimus, ac sapientissimus pater vester, quanquam eos liberos suscepisset, in quibus imaginem sui ingenij, pudoris, probitatis, mirificam ad virtutem indolem, eximiam spem posteritatis intueretur, censuit in vobis naturæ vim, cura acerrima sibi, & studio adiuvandam. Ita doctissimos homines pueritiæ vestræ moderatores, qui vos & literis auferent, & exemplis ad virtutem, & honestatē conformarent, vobis educandis instituendisque præfecit. Quo quidem factum est, ut breui, ob admirabilem quandam ad omnes virtutes progressionem, quæ in vobis maiore indies cum vestra laude spectabatur, inter principes iuuentutis vestra virtus eluceret. Itaque quod admirabile quiddam, & maius inter homines habendum est, cum vos maiorum nobilitas,

diuitiæ, fortunæ amplissimæ, & quæ in vestra  
domo hereditaria est, formæ decus, venustas  
& cognomine vestro digna oris pulchritudo  
commendaret: perfecistis pudore, suauitate  
morû, vitæ elegãtia, vt quibus rebus in mul-  
tis sæpe obruitur virtutis lumẽ, inter eas tã-  
quã inter minora luminã, & suum splendore  
virtus obtineret: & tantis naturæ, & fortunæ  
ornamētis aucta, si modo fieri posset, vt vllã  
aliunde accessionẽ, quam a se ipsa virtus su-  
meret, maiorẽ etiam multo obtineret: Licet  
it vobis per patrẽ in vna hac re vobis indole  
gentilissimũ: quod vobis erat maxime in op-  
tatis, per hunc laudis cursum ad summã glo-  
riam peruenire: quo vos tamẽ alio vitæ cur-  
su, sed æque illo laudabili, & recto facile ve-  
stra vos virtus prouexit. Atq; illud in vobis  
maxima dignũ laude: quod in magna nego-  
riorũ mole, quæ in Italia, in Gallijs, Hispani-  
js, Belgis, omnibusq; Europæ cõuentibus di-  
strictos habent: omnibus rebus persequen-  
dis, quæ dignæ habentur amplissimo lo-  
co natis adolescentibus, si cui id modo du-  
bium sit, fidem facitis, in omni vitæ ratio-  
ne, virtutis decus, nisi obrui ipsi id patia-  
mur, enitere. Ac te quidem, Iuli, quem non  
mihi prius tua cõsuetudo, qua est nihil sua-  
uius, quam tuæ virtutis fama conciliauit, cum  
alij multa in te fortunæ, & naturæ bona alia  
admiran-

admirentur, quibus ipse non teneor: neque  
vllæ curæ grauiore, neq; negotia amplissi-  
ma quæ geris, neque ætatis vllæ illecebræ a  
tam laudabili instituto deducere poruerunt.  
Itaq; & quotidie legis ipse multa: & ne qua  
tibi hora pereat, ea de doctis hominib<sup>9</sup> per-  
quirendo, percunctandoq; consequeris, quæ  
non prius deesse liberis hominibus possunt,  
quam illis certa ratio desit, vitam, vt dignum  
homine est, honeste, & cum laude agendi.  
Quæ tua virtus tâta nō me tibi solum amo-  
re deuinxit, sed ita deuinxit, vt nisi insigni  
monumento ad posteritatem quantus meus  
in te amor esset testarer: non me tibi magis,  
quam mihi ipse facere iniuriā viderer. Quæ  
enim in libero homine summa laus est, nul-  
lum tu quidem virtutis fructum vberio-  
rem tua virtute habes: qui totus tibi in conscien-  
tia recte factorum positus est: ipse cum pos-  
sim, nisi tuam virtutem mihi litteris illustran-  
dam suscipiam: aut videar ea non videre,  
quæ sita in oculis omnium clarissime elu-  
cent: aut tibi, quem vnice amo, & obseruo,  
videar maximum vitæ ornamentum, & de-  
cus inuidere. Ita lætis secundisque omini-  
bus, clarissimo tuo, & fratris nomini inscri-  
pti Ciceronis Rhetorici libri in lucem pro-  
deunt, summo a me labore, studio, vigi-  
lantia, id, quod res ipsa declarat, emenda-

ti. Id & vestrae virtutis illustre testimonium,  
& summi mei in vos amoris, studij, obser-  
vantiae haud obscurum monumentum, per-  
petuum vt sit non despero aliquando fore:  
opto quidem certe, atque auco in primis.  
Ac, si in omni munere largiendo voluntas  
magis, & studium, quam munus spectatur,  
spero vobis maximum idem, atque amplissi-  
mum visum iri. Datum Lugduno, Kal. Ia-  
nuar. CIO. IO. LXX.

RHE-



# RHETORICO-

## RVM AD C. HE-

### RENNIVM LIBER

#### PRIMVS.

**E**TSI negotijs familiaribus impediti, vix satis otium studio sup-  
 peditare possumus, & id ipsum  
 quod datur otij, libentius in phi-  
 losophia consumere consueuimus:  
 tamen tua nos, C. Herenni, voluntas commouit,  
 ut de ratione dicendi cōscriberemus: ne aut tua  
 caussa noluisse, aut fugisse nos laborem putares:  
 & eo studiosius hoc negotiū suscepimus, quod te  
 non sine caussa velle cognoscere rhetoricam in-  
 telligebamus. non enim parum habet in se fru-  
 ctus copia dicendi, & commoditas orationis, si re-  
 cta intelligentia, & definita moderatione animi  
 gubernetur. Quas ob res, illa, quæ Græci scrip-  
 tores\* arrogantiæ caussa sibi assumpserunt, reliqui-  
 mus. nam illi, ne parum multa scisse viderentur,  
 ea conquisuerunt\* quæ nihil attinebant, ut ars  
 difficilior cogniti putaretur. nos autē ea quæ vi-  
 debantur ad rationem dicendi pertinere, sumpsi-  
 mus. non enim spe quæstus, aut inanis gloriæ cō-  
 moti venimus ad scribendum, quemadmodum  
 ceteri: sed ut industria nostra tuæ morē geramus

voluntati. Nunc, ne nimium longa sumatur oratio, de re dicere incipiemus: sed, si re unum illud monuerimus, artem sine assiduitate dicendi non multum iuuare: ut intelligas hanc ratione præceptionis accommodari ad exercitationem oportere.

ORATORIS officium est, de his rebus posse dicere, quæ res ad usum ciuilem moribus, ac legibus constitutæ sunt, cum assensione auditorum, quoad eius fieri poterit. Tria sunt genera causarum, quæ recipere debes orator: demonstratiuum, deliberatiuum, iudiciale. Demonstratiuum est, quod tribuitur in alicuius certæ personæ laudem, vel vituperationem. Deliberatiuum est, quod in consultatione positum, habet in se suasionem, & dissuasionem. Iudiciale est, quod positum in controuersia, habet accusationem, aut petitionem cum defensione. Nunc quas res oratorem habere oporteat, docebimus: deinde quomodo has causas tractari conueniat, ostendemus. Oportet igitur in oratore esse inventionem, dispositionem, elocutionem, memoriam, & pronuntiationem. Inuentio, est excogitatio rerum verarum, aut verisimilium, quæ causam probabilem reddant. Dispositio, est ordo, & distributio rerum, quæ demonstrat quid quibus in locis sit collocandum. Elocutio, est idoneorum verborum, & sententiarum ad inuentionem accommodatio. Memoria, est firma animi rerum, & verborum dispositionis perceptio. Pronuntiatio, est vocis, & vultus, & gestus moderatio

Herennius  
part 6.5

deratio cum venustate. Hæc omnia tribus modis assequi poterimus, arte, imitatione, exercitatione. Ars, est præceptio, quæ dat certam viam, rationemque dicendi. Imitatio, est quæ impellimus cum diligenti ratione, ut aliquorum similes in dicendo\* velimus esse. Exercitatio, est assiduus usus, consuetudoque dicendi. Quoniam igitur demonstratum est, quas causas oratorem recipere, quasque res habere conveniret: nunc, quemadmodum possint ad inuentionis rationem officia oratoris accommodari, dicendum videtur.

Definitio  
artis  
qui rationis  
Definitio.

INVENTIO in sex partibus orationis consumitur, in exordium, narrationem, divisionem, confirmationem, confutationem, conclusionem. 1  
Exordium, est principium orationis, per quod animus auditoris, aut iudicis constituitur, vel apparetur ad audiendum. Narratio, est rerum gestarum, aut perinde ut gestarum expositio. 2  
Divisio, est per quam aperimus quid conveniat, & quid in controuersia sit, & per quam exponimus quibus de rebus\* simus dicturi. 3  
Confirmatio, est nostrorum argumentorum expositio cum assuefactione. 4  
Confutatio, est contrariorum locorum dissolutio. 5  
Conclusio, est artificiosus orationis terminus. 6  
 Nunc quoniam una cum oratoris officiis, quo res cognita facilius esset, producti sumus ut de orationis partibus loqueremur, & eas ad inuentionis rationem accommodaremus: de

B 6 pht  
inbo...

exordio primum dicendum videtur.

CAVSSA posita, quo commodius exordiri possimus, \*genus causse est considerandum. Genera causarum sunt quattuor: honestum, turpe, dubium, humile. Honestum causse genus putatur, cum aut id defendimus quod ab omnibus defendendum videtur, aut id oppugnamus quod ab omnibus videtur oppugnari debere, ut pro viro forti contra paricidam. Turpe genus causse intelligitur, cum aut honesta res oppugnatur, aut defenditur turpis. Dubium genus est, cum habes in se causa & honestatis, & turpitudinis partem. humile genus est, \*cum contempta res afferitur. Cum hæc ita sint, conveniet exordiorum ratione ad omne genus causse accommodari. Exordiorum duo sunt genera, Principium, quod Græce προοίμιον appellatur: & insinuatio, quæ ἰσχυρισμός nominatur. Principium est, cum statim auditoris animum nobis idoneum reddimus ad audiendum. Id ita sumitur, ut attentos, ut dociles, ut benevolos auditores habere possimus. Si genus causse dubium habebimus, à benevolentia principium constituemus. nequid illa turpitudinis pars nobis obesse possit. Sin humile genus erit causse, faciemus attentos. Sin turpe causse genus erit, \*insinuatione utendum erit: de qua posterius dicemus, nisi quid nacti erimus quare aduersarios criminando benevolentiam captare possimus. Sin honestum causse genus erit, licebit recte vel

causa  
honestæ.

Turpis causa.

Dubium  
genus causa.

humilis  
causa.

duo genera  
exordiorum.

vii, vel non vii principio. \* Si vii volumus, aut  
 id oportebit ostendere, quare causa sit honesta,  
 aut breuiter quibus de rebus sumus dicturi, ex-  
 ponere. Si principio vii \* nolimus, à lege, à scrip-  
 tura, aut ab aliquo firmissimo nostræ causæ ad-  
 iumento principium capere oportebit. Quoniam  
 igitur docilem, beneuolum, attentum habere au-  
 ditorem volumus, quo modo quidque eorum con-  
 fici possit, aperiemus. Dociles auditores habere  
 poterimus, si summam causæ breuiter exponemus,  
 & si assensos eos faciemus. nam docilis est is,  
 qui attente vult audire. Assensos habebimus, si  
 pollicebimur, nos de rebus magnis, nonis, inusi-  
 tatis verba facturos, aut de iis rebus, quæ ad  
 remp. pertineant, aut ad eos ipsas qui audient, aut  
 ad deorum immortalium religionem, aut ad \* pie-  
 tatem: & si rogabimus ut attente audiant, & si  
 numero exponemus res, quibus \* de rebus dicturi  
 sumus. Beneuolos auditores facere quattuor mo-  
 dis possimus: à nostra, ab aduersariorum, ab  
 audientis persona, & à rebus ipsis. A nostra per-  
 sona beneuolentiam contrahemus, si nostrum of-  
 ficiū sine arrogantiā laudabimus, \* atq; in remp.  
 quales fuerimus, aut in parentes, aut in a-  
 micos, aut in eos ipsos qui \* audiunt, aliquid refe-  
 remus: dummodo hæc omnia ad eam ipsam rem,  
 de qua agitur, sint accommodata. Item si nostra  
 incommoda proferemus, inopiam, solitudinem,  
 calamitatem: & si orabimus ut nobis sint auxi-

quid sunt  
 dociles aut  
 tute.

lio, & simul ostendemus, nos in alijs spem noluisse habere. Ab aduersariorum persona beneuolentia capiabitur si eos in odium, in inuidiam, in cōtemptionem adducemus. In odium rapiemus, si quid eorum spurce, superbe, perfidiose, crudeliter, confidenter, malitiose, flagitiose factum proferemus. In inuidiam trahemus, si vim, si potentiam, factionem, diuitias, incōtinentiam, nobilitatem, clientelas, hospitium, sodalitatem, affinitates aduersariorum proferemus, & his adiumentis magis, quàm ueritati eos confidere aperiemus. In contemptionem adducemus, si inertiam, ignauiam, desidiam, Inxuriam\* aduersariorum proferemus. Ab auditorum persona beneuolentia colligemus, si res eorum fortiter, sapienter, mansuete, magnifice iudicatas proferemus: & si, quæ de his existimatio, quæ iudicij expectatio sit, aperiemus. A rebus ipsis beneuolum efficiemus auditorem, si nostram causam laudando extollemus, aduersariorum per cōtemptionem deprimemus. Deinceps de insinuatione aperiendum est. \*T R I A sunt tempora, quibus principio uiri non possumus, quæ diligenter sunt consideranda: aut cum turpem causam habemus, hoc est cum ipsa res animum auditoris à nobis alienat: aut cum animus auditoris persuasus esse uidetur ab ijs, qui ante contradixerunt: aut cum defessus est eos audiendo, qui ante dixerunt. Si causa turpitudinem habebit, exordiri poterimus his rationibus: rem, non hominem:

hominem: \* aut hominem. non rem spectari oportere: non placere nobis ipsis quæ facta dicantur ab aduersarijs, & esse indigna, aut nefaria. Deinde, cum diu rē auxerimus, nihil simile à nobis factum esse ostendemus, aut aliquorum iudicium de simili causa, aut de eadem, aut de minore, aut de maiore proferemus. Deinde ad nostram causam pedetentim accedemus, & similitudinem cōferemus. Item si negabimus nos de aduersarijs, aut de aliqua re\* eorum dicturos: & tamen occulte dicemus, inuersione verborum. Si persuasus auditor fuerit, id\* est, si oratio aduersariorum auditoribus fidem fecerit (neque enim non facile scire poterimus quoniam non sumus nescij quibus rebus fides fieri soleat,) Ergo si fidem factam putabimus, his rebus nos insinuabimus ad causam. de\* eo quod aduersarij firmissimum sibi adiumentum putauerint, primum nos dicturos pollicebimur: \* ab aduersarij dicto exordiemur: & ab eo maxime, quod ille nuperrime dixerit: dubitatione utemur, quid potissimum dicamus, aut\* cui loco primum respondeamus cum admiratione. Si defessi erunt audiendo, ab aliqua re, quæ risū mouere possit, exordiemur: ab apologo, a fabula verisimili, \* imitatione, deprauatione, inuersione, \* ambiguo, suspitione, irrisione, stultitia, exuperatione, \* collatione, adiectione, abiectione, literarū mutatione, præterea expectatione, similitudine, \* nouitate, historia, versu, aut ab

alicuius interpellatione, aut irrisione: & si promiserimus aliter ac parati fuerimus, nos esse dicturos: nos non eodem modo, ut ceteri solcant, verba facturos: quid alij solcant, quid nos facturum simus, breuiter exponemus. Inter insinuationem, & principium hoc interest: Principium huiusmodi debet esse, ut statim apertis rationibus quibus \* præscriptum, aut beneuolum, aut attentum, aut docilem faciamus auditorem. At insinuatio eiusmodi debet esse, ut occulte per dissimulationem eadem illa omnia conficiamus, ut ad eandem commoditatem in dicendi opere venire possimus. Verum hæc tres utilitates, tametsi in tota oratione sunt comparandæ, hoc est, ut auditores sese perpetuo nobis attentos, dociles, beneuolos præbeant: tamen id per exordium causæ maxime comparandum est. Nunc, \* nequando vitioso exordio utamur, quæ vitia vitanda sint, docebo. In exordienda causa seruandum est, ut lenis sit sermo, ut usitata verborum consuetudo, ut non apparatus oratio videatur esse.

VITIOSVM exordium est, quod in pluribus causis potest accommodari, quod vulgare dicitur. Item vitiosum est, quo nihilominus aduersarius potest vti, quod commune appellatur. Item illud, quo aduersarius poterit vti ex contrario. Item vitiosum est, quod nimium apparatus verbis compositum est, aut nimis longum est: & quod non ex ipsa causa natum \* videtur, ut proprie cohereat



cum narratione: & quod neque beneuolum, neque docilem, neque assensum facit auditorem. De exordio satis dictum est, deinceps ad narrationem transeamus.

NARRATIONVM tria sunt genera. Vnum, quo exponimus rem gestam, & unumquodq; trahimus ad utilitatem nostram vincendi causa: \* quod pertinet ad eas causas, de quibus iudicium futurum est. Alterum genus est narrationis, quod intercurret nonnunquam, aut fidei, aut criminationis, aut transiionis, aut alicuius apparationis, \* vel laudationis causa. Tertium genus est id, quod a causa ciuili remotum est, in quo tamen exerceri conuenit, quo commodius illas superiores narrationes in causis tractare possimus. Eius narrationis duo sunt genera: unum quod in negotijs, alterum quod in personis positum est. Id quod in negotiorum expositione positum est, treis habet partes, fabulam, historiam, argumentum. Fabula est, quæ neq; veras, neq; verisimiles res continet, ut eæ, quæ tragædijs traditæ sunt. Historia, est gestares, sed ab ætatis nostræ memoria remota. Argumentum, est fictares, quæ tamen fieri possunt, velut argumenta comædiarum. Illud genus narrationis quod in personis positum est, debet habere sermonis festiuitatem, animorum dissimilitudinem, grauitatem, lenitatem, spem, metum, suspensionem, desiderium, dissimulationem, \* errorem, misericordiam, rerum va-

rietates, fortunæ commutationem, insperatum incommodum, subitam lætitiā, iucundum exitum verum. verum hoc in exercendo transigetur: illud quod ad veritatem pertinet, quomodo tractari conueniat, aperiemus. Tūc conuenit res habere: narrationem, ut brevis, ut dilucida, ut verisimilis sit: quæ quoniam fieri oportere scimus, quemadmodum faciamus, cognoscendum est. Rem breuiter narrare poterimus, si inde incipiemus narrare, vnde necesse erit: & si nō ab ultimo initio repetere volumus: & si summam non particulatim narrabimus: & si nō ad extremum, sed usq; eo quo opus erit, \* persequemur: & si transitionibus nullis utemur: & si nō deerrabimus ab eo quod caperimus exponere: & si exitus rerum ita \* exponemus, ut ante quoq; quæ facta sunt, sciri possint, tametsi nos ret. nuerimus. quod genus est, si dicā, me ex prouincia redisse, profectū quoque in prouinciam intelligatur: & omnino non modo id quod obest, sed etiam id quod neq; obest, neq; adiuvat, satius est præterire: & ne bis, aut sæpius idem dicamus: cauendum est etiam ne id quod \* semel supra diximus, deinceps dicamus, hoc modo, Athenis Megaram vespere aduenit Simo: ubi aduenit Megaram, insidias fecit virgini: insidias postquam fecit, vim illi in loco attulit.

Rem dilucide narrabimus, si ut quidque primum gestum erit, ita primum exponemus, & re-  
 rum, ac temporum ordinem conseruabimus: ut  
 gesta

gestæ res erunt, aut ut potuisse geri videbuntur.

Hic erit considerandum, \* nequid perturbare, nequid contorere, nequid ambigue, nequid noue dicamus: nequam in aliam rem transeamus: ne ab ultimo repetamus: ne longe persequamur: nequid, quod ad rem pertineat, prætereamus: & si persequemur ea, quæ de breuitate præcepta sunt. nam quo breuior, eo dilucidior, & cognitu faciliior narratio fiet. Verisimilis narratio erit: si ut mos, ut opinio, ut natura postulat dicemus: si spacia temporum, personarum dignitates, consiliorum rationes, locorum opportunitates constabunt: \* ne refelli possit aut temporis parum fuisse, aut causam nullam, aut locum idoneum non fuisse, aut homines ipsos facere, aut pati non potuisse. Si vera res erit, nihilominus hæc omnia narranda conseruanda sunt. nam sæpe veritas, nisi hæc seruata sint, fidem non potest facere. Sin erit ficta, eo magis erunt conseruanda. de his rebus cause confligendum est, quibus in rebus tabula, aut alicuius firma auctoritas videbitur interfuisse. Adhuc quæ dicta sunt, arbitror mihi consistare cum cæteris artis scriptoribus, \* nisi quia de insinuatione noua excogitauimus, quod eam soli præter ceteros in iria tempora diuisimus, ut plane certam viam, & perspicuam rationem exordiorum haberemus. Nunc, quod reliquum est, quoniam de rerum inuentione disputandum est, in qua singulare consumitur oratoris \* artificium: dabimus ope-

ram, ut nihilo minus \*industrie, quam rei utilitas postulabit, quæsisse videamur, si prius pauca de causarum diuisione dixerimus.

CAUSSARVM diuisio in duas partes distributa est. Primum \* perorata narratione debemus aperire quid nobis conueniat cū aduersarijs: si ea, quæ nobis utilia erunt, conuenient, quid in controuersia relinquatur, hoc modo: Interfectam esse ab Oreste matrem conuenit mihi cum aduersarijs: iure feceris, & licuerisne facere, id est in controuersia. Item è contrario, Agamemnonē esse a Clytemnestra occisum consensitur. cum id ita sit, me uicisci parentem negare oportuisse. Deinde cum hoc fecerimus, distributione uti debemus. Ea diuiditur in duas partes, enumerationem, & expositionem. Enumeratione utemur, cum dicemus numero, quos de rebus dicturi sumus. eam plusquam triumparium numero \* consistare non oportet. nam & periculosum est, nequādo plus, minúsue dicamus, & suspicionem afferi auditori meditationis, & artificij: quæ res fidem abrogat orationi. Expositio est, cum, quibus de rebus dicturi simus, exponimus breuiter, & absolute. Nunc\* ad confirmationem transeamus.

TOTA spes vincendi, ratioq; persuadendi posita est in cōfirmatione, & in confutatione. Nam cum adiumenta nostra exposuerimus, contrariaq; dissoluerimus, absolute nimirū munus oratorum confecerimus. Vtrumq; igitur facere poterimus, si consti-

constitutionem causæ cognouerimus. Causariam constitutiones alij quattuor fecerunt: noster doctor \*Hermes tres putauit esse: non ut de illorum quidquam detraheret inuersione, sed ut ostēderet id quod oportuisset, simpliciter, & singulari modo docere, illos distribuisse dupliciter, & bipartito.

Constitutio, est prima deprecatio defensoris cum accusatoris insimulatione coniuncta. Constitutiones itaque, ut ante diximus, tres sunt: Coniecturalis, Legitima, Iuridicialis. Coniecturalis est, cum de facto controuersia est, hoc modo: Ajax in sylua, postquam rescituit quæ fecisset per insaniam, gladio incubuit. Vlysses interuenit: occisum conspiciatur: e corpore cruentum\* telum educit. Teucer interuenit, cum fratrem occisum, & inimicum fratris cum gladio cruento uidet, capitis arcessit. Hic quoniam coniectura verum queritur, de facto erit controuersia: & ex eo constitutio causæ cōiecturalis nominatur. Legitima cōstitutio est, cum ex scripto, aut ex scriptis aliquid cōtrouersie nascitur. Ea diuiditur in parteis sex, scriptum, & sententiam, contrarias leges, ambiguum, definitionem, translationem, ratiocinationem. Ex scripto & sententia controuersia nascitur, cum uidetur scriptoris voluntas cum scripto ipso desensire, hoc modo: Si lex sit, quæ iubeat, eos, qui propter tempestatē nauim reliquerint, omnia perdere: eorum nauim, ceteraq; esse, si nauis conseruata sit, qui remanserint in nauim.

Magnitudine rēpestatis omnes perterriti, nauim  
 reliquerunt, & in scaphā conscenderunt, præter  
 unum egrotum: is propter morbum exire, & fu-  
 gere, non potuit. casu & fortuitu nauis in portum  
 incolumis delata est: illā egrotus possidet: nauim  
 petit ille, cuius fuerat. Hæc constitutio legitima  
 est ex scripto & sententia. Ex contrarijs legibus  
 controuersia constat, cum alia lex iubet, aut per-  
 mittit, alia vetat quidpiam fieri, hoc modo: Lex  
 vetat eum qui de pecunijs repetundis damnatus  
 sit, in concione orationem habere. Altera lex iu-  
 bet, augurem, in demortui locum qui petat, in con-  
 cione nominare. Augur quidam damnatus de pe-  
 cunijs repetundis, in demortui locū qui petat, no-  
 minauit: petitur ab eo multa. Constitutio hæc est  
 legitima ex contrarijs legibus. Ex ambiguo con-  
 trouersia nascitur, \* cum scriptū duas, aut plures  
 res significat, hoc modo. Paterfamilias, cum filiū  
 heredē faceret, testamento vasa argentea uxori  
 legauit. TULLIVS heres meus Terentiæ uxori  
 meæ xxx. pondo vasorum argenteorum dato, quæ  
 volet. Post mortem eius vasa pretiosa & celata  
 magnificè, illa petit: Tullius se quæ velit ipse  
 xxx. pondo ei debere dicit. Constitutio est legiti-  
 ma ex ambiguo. Ex definitione caussa constat,  
 cum in controuersia est, quo nomine factū appel-  
 letur. ea est huiusmodi: Cum Lucius Saturninus  
 legem frumentariam de semissibus, & trientibus  
 laturus esset: Cæpio, qui per id temporis quaestor  
 urbanus

urbanus erat, docuit senatum, aerarium non posse pati largitionem tantam. senatus decreuit, si eam legem ad populum ferat, aduersus rempublicam videri eū facere. Saturninus ferre cepit: collegæ intercedere: ille nihilominus cistellā detulit. Cepio, ut illum contra senatusconsultum intercedētibz collegis aduersus remp. vidit ferre: cū viris bonis impetū facit, pontes disturbat, cistas deiecit, impedimento est quo secius feratur lex: accersitur Cepio maiestatis. Constitutio est legitima ex definitione. vocabulū enim definitur ipsum, cum quæritur, quid sit minuere maiestatem. Ex translatione controuersia nascitur, cum aut tempus differendum, aut accusatorem mutandum, aut iudices mutandos reus dicit. Hac parte constitutionis Græci iudicijs, nos in iure civili plerumq; utimur. In hac parte nos iuris civilis scientia inuabit: in iudicijs tamen nonnihil ea utimur, hoc modo: Si quis peculatus accusatur, quod vasa argentea publica de loco privato dicatur sustulisse, possit dicere, cum definitione sit usus, quid sit furtum, quid peculatus, secū furri agi, nō peculatus oportere. Hæc partitio legitimæ cōstitutionis his de causis raro venit in iudiciū, quod in privata actione prætorie exceptiones\* sūt, & causa cadit is, qui non quemadmodū oportet, egerit: & in publicis quæstionibus canetur legibus, ut ante, si reo cōmodum sit, iudiciū de accusatore fiat, utrū illi liceat accusare necne. Ex ratiocinatio-

ne controuersia constat, cum res sine propria lege  
 venit in iudicium, quæ tamen ab alijs legibus\* si-  
 militudinem quandam aucupatur, ea est huius-  
 modi: Lex est, SI FVRIOSVS exister: ag-  
 natorum, gentiliumq, in eo, pecuniaq, eius pote-  
 stas esto. & Lex, QVI PARENTEM ne-  
 casse iudicatus eris, \*is obuolutus, & obligatus  
 corio, \*deiciatur in profluentem. & lex, P A-  
 TERFAMILIAS, vii super familia, pecunieque  
 sua\* legassit, ita ius esto. & Lex, Si paterfamilias  
 intestato moritur, familia, pecuniaq, eius agna-  
 torum gentiliumq, esto. Malleolus iudicatus est  
 matrem necasse, ei damnato statim folliculo lupi-  
 no\* os obuolutum est, & sole & lineæ pedibus\* in-  
 dita sunt, & in carcerem ductus est. Qui defen-  
 debant eum, tabulas in carcerem afferunt: testa-  
 mentum ipso præsentie conscribunt: testes vii  
 affuerunt: de illo supplicium paullo post sumitur.  
 ij qui heredes erant, testamento hereditatem a-  
 deunt. Frater minor Malleoli, qui eum oppug-  
 nauerat, in eius periculo suam vocat hereditatem  
 lege agnationis. Hic certa lex in rem nulla affer-  
 tur, & tamen multe afferuntur, è quibus ratio-  
 cinatio nascitur, quare potueris, aut non potueris  
 iure testamentum facere. Constitutio legitima, est  
 ex ratiocinatione. Cuiusmodi partes essent legi-  
 timæ constitutionis, ostendimus: nunc de iudi-  
 ciali cōstitutione dicamus. IVRIDICIALIS  
 constitutio est, cum factum conuenis, sed iure, an  
 iniuria



iniuria factum sit, queritur. Eius constitutionis partes sunt duae, quarum una absoluta, altera assumptiua nominatur. Absoluta est, cum id ipsum quod factum est, ut aliud nihil foris assumatur, recte factum esse dicemus. ea est huiusmodi: Minus quidam nominatim Accium poetam compellauit in scena: cum eo Accius iniuriarum agit. hic nihil aliud defendit, nisi licere nominare eum, cuius nomine scripta dentur agenda. Assumptiua pars est, cum per se defensio infirmata est, sed assumpta ex<sup>a</sup> extranea re comprobatur. Assumptiua partes sunt quattuor, concessio, remotio criminis, translatio criminis, comparatio. Concessio est, cum reus postulat sibi ignosci: ea diuiditur in purgationem, & deprecationem. Purgatio est, cum consulto se negat reus fecisse. Ea diuiditur in fortunam, imprudenciam, necessitatem. Fortunam, ut Cepio ad tribunos pleb. de amissione exercitus. Imprudentiam, ut ille, qui de eo seruo, qui dominum occiderat, supplicium sumpsit, cui frater esset, antequam tabulas testamenti<sup>a</sup> aperueris: cum is seruus manu missus testamento esset. Necessitudinem, ut ille, qui ad diem commeatus non venit, quod enim aquae interclusissent. Deprecatio est, cum & peccasse & consulto fecisse confiteatur, et tamen postulat ut sui misereantur. Hoc, in iudicio non fere potest usu venire, nisi quando pro eo dicimus, cuius multa recte facta esse constas. Hoc modo, in loco communis per amplificationem inijciemus: Quod si hoc

fecisset, tamen ei pro pristinis beneficijs ignosci  
 conueniret: verum nihil postulat ignosci. ergo in  
 iudicium non venit: at in senatum, aut ante im-  
 peratorem, & in concilium talis causa potest  
 venire. Ex translatione criminis causa constat,  
 cum fecisse nos non negamus, sed aliorum peccatis  
 coactos fecisse dicimus: ut Orestes, cum se defen-  
 dit, in matrem<sup>\*</sup> confert crimen. Ex remotione  
 criminis causa constat, cum à nobis non crimen,  
 sed culpam ipsam amouemus, & vel in hominem  
 transferimus, vel in rem quampiam conferimus.  
 In hominem transfertur: ut si accusetur is, qui  
 Publium Sulpicium se fateatur occidisse, & id  
 iussu consulum defendat: & eos dicat non modo  
 imperasse, sed rationem quoque ostendisse quare  
 id facere liceret. In rem confertur, ut si quis ex  
 testamento, quod facere iussus sit, ex plebiscito  
 vetetur. Ex comparatione criminis causa constat,  
 cum dicimus necesse fuisse alterutrum facere:  
 & id, quod fecerimus, satius fuisse facere. Ea  
 causa huiusmodi est: Caius Pompilius, cum à  
 Gallis obsideretur, neque effugere villo modo posset,  
 venit cum hostium ducibus in colloquutionem: ita  
 discessit,<sup>\*</sup> ut impedimenta relinqueret, exercitum  
 educeret: satius esse duxit amittere impedi-  
 menta quam exercitum. exercitum eduxit, impedi-  
 menta reliquit. Arcessitur maiestatis. Quae con-  
 stituciones, & quae constitutionum partes sine  
 satis videor ostendisse. Nunc quomodo eas, &  
 qua

qua via tractari conueniat, demonstrandum est,  
 si prius aperuerimus quid oporteat ab ambobus  
 in causa destinari, quo ratio omnis totius orati-  
 onis conferatur. Constitutione igitur reperta, sta-  
 tim querenda est ratio. Ratio est, quæ causam  
 facit, & continet defensionem, hoc modo, ut do-  
 cendi causa in hac potissimum causa consista-  
 mus: Orestes, cum confitetur se occidisse matrem:  
 nisi attulerit facti rationem, peruerterit defen-  
 sionem. ergo affert eam: quæ nisi intercederet,  
 ne causa quidem esset. illa enim, inquit, patrem  
 meum occiderat. Ergo, ut ostendi, ratio ea est, quæ  
 continet defensionem, sine qua nec parua quidem  
 dubitatio potest remorari damnationem. Inuenta  
 ratione, firmamentum querendum est: id est, quod  
 accusationem continet, quodq; affertur contra ra-  
 tionem defensionis, de qua ante dictum est. Id  
 constituetur hoc modo: Cum usus fuerit Orestes  
 ratione, hoc pacto, Iure occidi: Illa enim patrem  
 meum occiderat: utetur accusator firmamento, hoc  
 modo: Sed non abs te occidi, neq; indemnariam  
 penas pendere oportuit. Ex ratione defensionis,  
 & ex firmamento accusationis, iudicii quæstio  
 nascatur oportet: quam nos iudicationem, Græci  
 ἀποκρίσεως appellant. Ea constituitur ex coniun-  
 ctione firmamenti, & rationis defensione, hoc mo-  
 do: Cum dicat Orestes, se patris ulciscendi caus-  
 sa matrem occidisse, recte fuerit à filio sine iu-  
 dicio Clytænestræ occidi. Ergo hac ratione iudica-

tionem<sup>\*</sup> inuenire conuenit. Inuenta iudicatione,  
 omnem rationem totius orationis eo conferri o-  
 portebit. In omnibus constitutionibus, & parti-  
 bus constitutionum hac via iudicationes repe-  
 riantur, præterquam in coniecturali constitutio-  
 ne. nam in ea nec ratio, quare fecerit quaeritur:  
 fecisse enim negatur: nec firmamentum exquiri-  
 tur: quoniam non subest ratio. Quare ex inten-  
 tione & inficiatione iudicatio constituitur. hoc  
 modo: Intentio, Occidisti Aiacem. Inficiatio, Nō  
 occidi. Iudicatio, occiderime. Ratio omnis vtri-  
 usq; orationis, ut ante dictum est, ad hanc iudi-  
 cationem conferenda est. Si plures erunt consti-  
 tutiones, aut partes constitutionum, iudicationes  
 quoque plures erunt in vna caussa, sed omnes si-  
 mili ratione reperiētur. Sedulo dedimus operam,  
 ut breuiter, & dilucide quibus de rebus adhuc  
 dicendum fuit, diceremus. Nunc, quoniam satis  
 huius voluminis magnitudo creuit, commodius  
 est in alio libro de ceteris rebus deinceps ex-  
 ponere: nequa propter multitudinem litterarum  
 possit animum tuum defatigatio retardare. sed, si  
 quidem hac tardius, quam studes, absoluentur,  
 cum rerum magnitudini, tum nostris quoque oc-  
 cupationibus assignare debebis. Veruntamen na-  
 turabimur, & quod negotio deminutum fuerit,  
 exaequabimur industria: ut pro tuo in nos offi-  
 cio, & nostro in te studio munus hoc accumula-  
 rissime tunc largiamur voluntati.

# RHETORICORVM

## AD C. HERENNIVM

### LIBER II.

**N** PRIM o libro, Herenni, breuiter exposuimus, quas causas recipere oratorem oporteret, & in quibus officijs artis elaborare conueniret, & ea officia qua ratione facillime consequi posses. Verum quod neq, de omnibus rebus simul dici poterat, & de maximis primum scribendum fuit, quo cetera tibi faciliora cognitu viderentur, ita nobis placuit est, ut ea, quae difficillima essent, potissimum scriberemus. CAVSSARVM tria genera sunt, demonstratiuum, deliberatiuum, iudiciale. multo difficillimum est iudiciale. Ergo id primum absolueamus. hoc & priore libro egimus, cum de oratoris \* officijs quinque tractaremus, quorum inuentio & prima, & difficillima est. ea quoq, nobis erit hoc in libro propemodum absoluta: parua partem eius in tertium volumen transferemus. De sex partibus orationis primum scribere incipimus. In primo libro locuti sumus de exordio, narratione, diuisione, nec pluribus verbis, quam necesse fuit: nec minus dilucide, quam te velle existimabamus. Deinde coniuncte de confirmatione, & confutatione dicendum fuit: quare genera constitutionum, & ea-

rum parteis aperuimus, ex quo simul ostendebatur quomodo constitutionem, & parteis constitutionis causa posita reperiri oporteret. Deinde docuimus, indicationem quemadmodum queri conueniret: qua inuenta, curandum ut omnis ratio totius orationis ad eam conferatur. Postea adinuimus, esse causas complures, in quibus plures constitutiones, aut partes constitutionum accommodaretur. Reliquum videbatur esse, ut ostenderemus quæ ratio posset inuersiones ad unamquamque constitutionem, aut partem constitutionis accommodare. Et item quales argumentationes, quæ Græci *ἐπιχειρήματα* appellant, sequi, & quales vitari oporteret: quorum virumque pertinet ad confirmationem, & confutationem. Deinde ad extremum docebimus, cuiusmodi conclusionibus orationis uti oporteat, qui locus erat extremus de sex partibus orationis. Primum ergo queremus, quemadmodum quamque causam tractari conueniat, & nimirum coniecturalem, quæ prima, & difficillima est potissimum consideremus.

IN CAUSSA coniecturali, narratio accusatoris suspensiones interiectas, & dispersas habere debet: ut nihil actum, nihil dictum, nusquam ventum, aut abitum, nihil denique, factum sine causa putetur. Defensoris narratio simplicem & dilucidam expositionem debet habere cum attenuation suspitionis. Huius constitutionis ratio in sex parteis est distributa: probabile, collationem, signum,  
argu.

argumentum, consecutionem, approbationem. Horum unumquodque quid valeat, aperiemus. Probabile est, per quod probatur expedire eo peccare, & a simili turpitudine hominem nunquam\* abfuisse. Id diuiditur in causam, & in vitam. Causa est ea, quæ induxit ad maleficium, commodorum spe, aut incommodorum euitatione: ut cum quaeritur, num quod commodum maleficio appetierit: num honorem, num pecuniam, num dominationem, num aliquam cupiditatem aut amoris, aut huiusmodi libidinis voluerit ex-  
 plere: aut num quod incommodum vitaret, inimicitias, infamiam, dolorem, supplicium. Hic accusator in spe commodi, cupiditatem ostendet aduersarij, in vitatatione incommodi formidinem augebit. Defensor autem negabit fuisse causam, si poterit, aut eam vehementer extenuabit. Deinde iniquum esse dicet, omnes, ad quos aliquid emolumentum ex aliqua re peruenit, in suspicionem maleficij deuocari. Deinde vita hominis ex ante factis spectabitur. In quo primum considerabit accusator, num quando simile quid fecerit. Si id non reperiet, quaeret num quando venerit in similem suspicionem: & in eo debet esse occupatus, ut ad eam causam peccati, quam paullo ante exposuerit, vita hominis possit accommodari, hoc modo: Si dicet pecuniae causa fecisse, ostendet eum semper auarum fuisse: si honoris, ambitiosum: ita poterit animi

*vitium cum caussa peccati conglutinare. Si non poterit par vitium cum caussa reperire, reperiat dispar. Si non poterit auarum demonstrare,\* demonstret corruptorum, vel perfidiosum, si quo modo poterit. denique aliquo, aut quamplurimis vitijs contaminabit personam: deinde qui illud fecerit tam nequiter, eundem hunc tam perperam fecisse non esse mirandum. Si vehementer castus & integer existimabitur aduersarius, dicet, facta, non famam spectari oportere: illum ante occultasse sua flagitia: se planum facturum ab eo maleficio non abesse. Defensor, primum demonstrabit vitam integram, si poterit: id si non poterit, confugiet ad imprudentiam, stultitiam, adolescentiam, vim, persuasionem: quibus de rebus, vituperatio eorum, quae extra id crimen erunt, non debeat assignari. Sin vehementer hominis turpitudine impediatur, & infamia: prius dabit operam ut falsos rumores dissipatos esse dicat de innocente: & uetur loco communi, rumoribus credi non oportere. Si nihil eorum fieri poterit, utatur extrema defensione, & dicat, non se de moribus eius apud censores, sed de criminibus aduersariorum apud iudices dicere. Collatio est, cum accusator id, quod aduersarium fecisse criminatur, alij nemini, nisi reo bono fuisse demonstrat, aut alium neminem potuisse perficere, nisi aduersarium: aut cum ipsum alijs rationibus*



aut non potuisse, aut non æque commode potuisse: aut eum effugisse alias rationes commodiores propter cupiditatem. Hoc loco\* defensor demonstraret oportet, aut alijs quoque bono fuisse, aut alios quoque id, quod ipse insimuletur, facere potuisse. Signum est, per quod ostenditur idonea perficiendi facultas esse quaesita: id diuiditur in parteis sex, locum, tempus, spatium, occasionem, spem perficiendi, spem celandi. Locus, queritur, celebris, an desertus: semper desertus, an tum cum id factum sit, fuerit in eo loco solitudo: sacer, an profanus: publicus, an priuatus fuerit. cuiusmodi loci attingant: num qui est passus, perspectus aut exauditus esse possit. Horum quid reo, quid accusatori conueniat, perscribere non grauaremur, nisi facile quiuis causa posita, posset iudicare. Initia enim inuentionis ab arte debent proficisci: ceretera facile comparabit exercitatio. Tempus ita queritur, qua parte anni, qua hora, noctis, an interdiu, qua diei, qua noctis hora factum esse dicatur, & cuiusmodi temporibus. Spatium ita consideratur, satisne longum fuerit ad eam rem transigendam: \* & potueritne scire satis adhuc id perficiendum spatij futurum. Nam parui refert satis spatij fuisse ad id perficiendum, si id ante sciri, & ratione prouideri non potuit. Occasio queritur, idoneane satis fuerit ad rem adoriendam, an alia melior. quæ aut præterita sit,

aut non expectata. Spes perficiendi, quæ fuerit spectabitur, hoc modo: si quæ supradicta sunt signa, concurrent: si præterea ex altera parte vires, pecunia, consilium, scientia, apparatus: ex altera parte imbecillitas, inopia, stultitia, imprudentia, inapparatio demonstrabitur fuisse, quare scire potuerit, utrum dissidendum, an confidendum fuerit. Spes celandi quæ fuerit, quaeretur ex conscijs, arbitris, adiutoribus, liberis, aut servis, aut vtrisque. Argumentum, est, per quod res coarguitur certioribus argumentis, & magis firma suspitione. id diuiditur in temporaria, præteritum, instans, consequens. In præterito tempore oportet considerare, ubi fuerit, ubi visus sit, quocum visus sit, num quid apparuit, num quem conuenerit, num quid dixerit, num quem habuerit de conscijs, de adiutoribus, de adiumentis, num quid in eo loco præter consuetudinem fecerit, aut alieno tempore. In instanti tempore quaeritur num visus sit cum faciebat, num qui strepitus, clamor, crepitus exauditus sit, aut denique num quid aliquo sensu perceptum sit, aspectu, auditu, tactu, odoratu, gustatu. nam quicquid horum sensus potest conflare suspitionem. In consequenti tempore spectabitur, num quid, re transacta, relictum sit quod indicet aut factum esse maleficium, aut a quo factum sit. Factum esse, hoc modo: si tumore, aut liuore decoloratum est corpus mortui, signifi-

gnificat, eum veneno necatum. A quo factum sit, hoc modo: si telum, si vestimentum, si quid eiusmodi relictum sit, aut si vestigium rei fuerit, aut si cruor in vestimentis: si aut in eo loco comprehensus, aut visus sit, transacto negotio. quo in loco res gesta dicitur. Consecutio est, cum queritur, quæ signa nocentis, & innocentis consequi soleant. Accusator dicet, si poterit, adversarium, cum ad eum ventum sit, erubuisse, expalluisse, titubasse, inconstanter locutum esse, concidisse, pollicitum esse aliquid: quæ signa conscientiae sunt. Si reus horum nihil fecerit: accusator dicet, eum usqueadeo praemeditatum fuisse quid sibi esset usu venturum, ut confidentissime resistens responderet: quæ signa, confidentiae, non innocentiae sunt. Defensor, si perimuerit, magnitudine periculi, non conscientia peccati se commotum esse dicet. Si non pertimuerit, fretum innocentia negabit esse commotum. Approbatio est, qua usimur ad extremum, confirmata suspitione. Ea habet locos proprios, atque communes. Proprii sunt ij, quibus nisi accusator, nemo potest uti: & ij, quibus nisi defensor. Communes sunt, qui alia in causa ab reo, alia ab accusatore tractantur. In causa coniecturali proprius locus accusatoris est, cum dicit malorum misereri non oportere, & cum auget peccati atrocitatem. Defensoris proprius locus est, cum misericordiam capiat, & cum accusato-

rem calumniari criminatur. Communes loci sunt cum accusatoris, tum defensoris, a testibus, contra testes, a questionibus, contra questiones, ab argumentis, contra argumentum, a rumoribus, contra rumores. A testibus dicemus, secundum auctoritatem, & vitam testium, & constantiam testimoniorum. Contra testes, vitæ turpitudinem, testimoniorum inconstantiam, si aut fieri non potuisse dicemus, aut non factum esse, quod dicant, aut scire illos non potuisse, aut cupide dicere, & argumentari. hæc & ad improbationem, & approbationem testium pertinebunt. A questionibus dicemus, cum demonstrabimus, maiores nostros veri inueniendi causa tormentis, & cruciatu voluisse queri, & summo dolore homines cogi, ut quidquid sciant, dicant, Et præterea confirmatio hæc erit disputatio, si quæ dicta erunt argumentando, iisdem vijs, quibus omnis coniectura tractatur, trahemus ad verisimilem suspicionem: idemque hoc in testimonij facere oportebit. Contra questiones hoc modo dicemus: primum, maiores voluisse ceris in rebus interponi questiones, cum, quæ vere dicerentur, sciri: quæ falso in questione pronuntiarentur, refelli possent, hoc modo: Quo in loco quid possum sit, & siquid esset simile, quod videri, aut aliquo simili signo percipi posset: deinde, dolori credi non oportere, quod alius alio recentior sit in dolore, quod ingeniosior ad  
com.

*comminiscendum, quod denique saepe scire, aut  
 suspicari possit, quid quaesitor velit audire: quod  
 cum dixerit, intelligat sibi finem doloris futu-  
 rum. Hæc disputatio comprobabitur si refelle-  
 mus, quæ in quaestionibus erunt dicta proba-  
 bili argumentatione: idque partibus coniectu-  
 ræ, quas ante exposuimus, facere oportebit. Ab  
 argumentis, & signis, & ceteris locis, quibus  
 augetur suspicio, dicere hoc modo conveniit: Cum  
 multa concurrant argumenta, & signa, quæ in-  
 ter se consentiant, rem perspicuam, non suspi-  
 ciosam videri oportere. item plus oportere signis,  
 & argumentis credi, quam testibus: hæc enim  
 eo modo exponi, quo modo re vera sunt gesta:  
 testes corrumpi posse vel pretio, vel gratia, vel  
 metu, vel similitate. Contra argumenta & si-  
 gna, & cæteras suspiciones dicemus hoc modo:  
 si demonstrabimus, nullam rem esse, quam non  
 suspicionibus quivis possit criminari, deinde,  
 unamquamque suspensionem extenuabimus, &  
 dabimus operam ut ostendamus, nihilo ma-  
 gis in nos eam, quam in alium quempiam con-  
 venire: indignum esse facinus, sine testibus, con-  
 jecturam, & suspensionem firmamenti satis ha-  
 bere. A rumoribus dicemus: si negabimus re-  
 mere famam nasci solere, quin subsit aliquid, &  
 si dicemus causam non fuisse quare quispiam  
 confingeret & comminisceretur. Et præterea si  
 cæteri falsi soleant esse: argumentabimur hunc*

esse verum. Contra rumores dicemus primum, si docebimus, multos esse falsos rumores, & exemplis utemur, de quibus falsa fama fuerit: & aut inimicos nostros, aut homines natura maleuolos, & maledicos confinxisse dicemus: & aliquam aut fictā fabulam in aduersarios asseremus, quā dicamus omnibus in ore esse: aut verum rumorem proferemus, qui illis aliquid turpitudinis afferat, neque tamen ei rumori nos fidem habere dicemus: ideo quod quivis homo possit quemvis turpem de quolibet rumorem proferre, & confictam fabulam dissipare. Verumtamen si rumor vehementer probabilis esse videbitur, argumentādo famæ fidem poterimus abrogare. Quod & difficillima tractatus est constitutio coniecturalis, & in veris causis sæpissime tractanda est, eo diligentius omneis eius partes perscrutati sumus, ut ne parvula quidem titubatione, aut \* offensione impediremur, si ad hanc rationem præceptionis assiduitatem exercitationis accommodaremus. Nunc ad legitimæ constitutionis parteis transeamus.

CUM voluntas scriptoris cum scripto dissidere videbitur, si a scripto dicemus, his locis utemur secundum narrationem. Primum scriptoris collaudatione: deinde scripti recitatione: deinde percunctatione, scirene aduersarij id scriptum fuisse in lege, aut in testamento, aut in stipulatione, aut in quolibet scripto, quod ad eam rem pertinereat:

tineat : deinde collatione quid scriptum sit, quid aduersarij se fecisse dicant : quid iudicem sequi conueniat : utrum id quod diligenter perscriptum sit, an id quod acute sit excogitatum : deinde ea sententia, quæ ab aduersarijs sit excogitata, & scripto attributa, contemnetur, & infirmabitur. Deinde quaeretur quid ei obfuerit, si id \* voluisset scribere, ut non potuerit perscribere. Deinde a nobis sententia reperietur, & caussa proferetur quare id scriptor senserit, quod perscripsit, & demonstrabitur scriptum esse illud dilucide, breuiter, commode, perfecte, certa cum ratione. Deinde exempla proferentur, quæ res, cum ab aduersarijs \* sententia, & voluntas afferretur, a scripto potius iudicatæ sint. Deinde ostendetur, quam periculosum sit a scripto recedere. Locus communis est contra eum, qui, cum fateatur se contra id, quod legibus sancitum, aut testamento perscriptum sit, fecisse, tamen facti quærat defensionem. A sententia sic dicemus : Primum laudabimus scriptoris commoditatem, atque breuitatem, qui tantum scripserit quod necesse fuerit ? illud, quod sine scripto intelligi potuerit, non necessario scribendum putarit. Deinde dicemus calumniatoris esse officium, verba & litteras sequi, negligere voluntatem. Deinde id quod scriptum sit, aut non posse fieri, aut non lege, non more, non natura, non bono & æquo posse fieri : quæ omnia voluisse

Scriptorem quam rectissime fieri nemo dubitet  
 at ea quæ a nobis facta sint, iustissime facta. De-  
 inde contrariam sententiam, aut nullam esse, aut  
 stultam, aut iniustam, aut non posse fieri, aut  
 non constare cum superioribus, & inferioribus  
 sententijs, aut cum iure communi, aut cum alijs  
 legibus communibus, aut cum rebus indicatis  
 dissentire. Deinde exemplorum a voluntate, &  
 contra scriptum indicatorum enumeratione uti-  
 mur: deinde legum, & stipulationum brevis  
 exceptarum: in quibus intelligatur scriptorum  
 voluntas, & expositio. Locus communis contra  
 eum, qui scriptum recitet, & voluntatem scri-  
 ptoris non interpretetur. Cum duæ leges inter se  
 discrepant, videndum est primum, num quæ  
 \* abrogatio, aut derogatio sit. Deinde, utrum  
 leges ita dissentiant ut altera iubeat, altera re-  
 cet: an ita ut altera cogat, altera permittat. In-  
 firma enim erit eius defensio, qui negabit se fe-  
 cisse, quod cogeretur, cum altera lex permitti-  
 ret: plus enim valet sanctio permissione. Item  
 illa defensio tenuis est, cum ostenditur, id factum  
 esse quod ea lex sanciat, cui legi \* abrogatum,  
 vel derogatum sit: id quod posteriori lege \* san-  
 ctum sit, esse neglectum. Cum hæc erunt consi-  
 derata, statim nostræ legis expositione, recitatio-  
 ne, collaudatione utemur: deinde, contrariæ le-  
 gis enodabimus voluntatem, & eam trahemus  
 ad nostræ causæ commodum: deinde de iuridi-  
 ciali



ciali absoluta sumemus rationem iuris, & quæremus partem iuris, utrum cum ea faciat: de qua parte postcrius differemus. Si ambiguit esse scriptum putabitur, quod in duas aut plureis sententias trahi possit, hoc modo tractandum est: Primum, si ne ambiguum, querendum est: deinde quomodo scriptum esset, si id quod aduersarij interpretantur, scriptor fieri voluisset, ostendendum est: deinde id quod nos interpretemur & fieri posse, & honeste, recte, lege, more, natura, bono, & æquo fieri posse, quod aduersarij interpretantur è contrario: nec esse ambigue scriptum, cum intelligatur vera sententia vera sit. Sunt qui arbitrantur ad hanc causam tractandam, vehementer pertinere cognitionem\* amphibolarum eam, quæ à dialecticis profertur. Nos vero arbitramur, non modo nullo adiumento esse, sed potius maximo impedimento. omnes enim illi amphibolias aucupantur, eas etiam quæ ex altera parte sententiam nullam possunt interpretari. Itaque, & alieni sermonis molesti interpellatores, & scriptum odiosi, tum obscuri interpretes sunt: & dum caute, expediteque loqui volunt, infan-  
tissimi reperiuntur. Ita dum metuant, in dicendo nequid ambiguum dicant, nomen suum pronunciare non possunt. Verum horum pueriles opiniones, rectissimis rationibus cum voles, refellemus. In præsentia hæc interferere non alienum fuit, ut huius infantie garrulam disciplinam

contemneremus. Cum definitione utemur, primum  
 afferemus breuem vocabuli definitionem, hoc  
 modo: Maiestatem is minuit, qui ea tollit, ex quibus  
 rebus ciuitatis amplitudo constat: \* quæ  
 sunt ea? quæ capiunt suffragia populi, & magistratus  
 consilium. Nempe igitur tu & populum  
 suffragio, & magistratum consilio priuasti, cum  
 pontes disturbasti. Item ex contrario, Maiestatem  
 is minuit, qui amplitudinem ciuitatis detrimento  
 affecit. Ego non affeci, sed prohibui, detrimento,  
 ærarium enim conseruavi, libidini malorum  
 restiti, maiestatem omnem interire non passus  
 sum. Primum igitur vocabuli sententia breuiter,  
 & ad utilitatem causæ accommodate describetur:  
 deinde factum nostrum cum verbi descriptione  
 coniungetur: deinde, contraria descriptionis ratio  
 refelleretur, si aut falsa erit, aut inutilis, aut turpis,  
 aut iniuriosa. Id quoque ex iuris partibus  
 sumetur de iuridicali absoluta, de qua iam loquemur.  
 Queritur in translationibus, primum, num aliquis eius rei  
 actionem, petitionem, aut persecutionem habeat, quem  
 non oporteat, num alio modo, tempore, loco, num  
 alia lege, num alio querente, aut agente. Hæc  
 legibus, & moribus æque, & bono reperiuntur,  
 de quibus dicitur in iuridicali absoluta. In causâ  
 rationali primum queretur, ecquid in rebus maioribus,  
 aut minoribus, aut similibus, similiter scriptum,  
 aut iudicatum sit: deinde,

UTRUM

utrum ea res similis sit rei, qua de agitur, an dis-  
 similis: deinde utrum consulto de ea re scrip-  
 tum non sit, \* quod noluerit cauere, quod satis  
 cautum putarit, propter ceterorum scriptorum  
 similitudinē. De partibus legitimæ constitutionis  
 satis dictum est, nunc ad iuridicalem reuer-  
 tamur. ABSOLUTA iuridicali constitutione  
 utemur, cum ipsam rem, quam nos fecisse confi-  
 semur, iure factam dicemus, sine ulla assumptione  
 extrinsecæ defensionis. in ea convenit queri,  
 iurene factum sit. De eo causa posita dicere po-  
 terimus, si ex quibus partibus ius constet, co-  
 gnoverimus. Constat igitur ius ex his partibus,  
 natura, lege, consuetudine, iudicato, æquo, &  
 bono, pacto. Natura ius est, quod cognationis, aut  
 pietatis causa observatur: quo iure parentes à  
 liberis, & à parentibus liberi coluntur. Lege ius  
 est id, quod populi iussu sancitum est, quod ge-  
 nus, Vt in ius eas, cum voceris. Consuetudine ius  
 est id, quod sine lege æque, ac si legitimum sit,  
 usitatum est: quod genus id, Quod argentario  
 \* nuleris expensum, à socio eius recte repetere  
 possis. Iudicatum est id, de quo sententia lata est,  
 aut decretum interpositum. Ea sæpe diuersa sunt,  
 ut aliud alijs iudici, aut prætori, aut consuli, aut  
 tribuno plebis placitum sit: & fit, ut de eadem  
 re sæpe alius aliud decreuerit, aut iudicauerit.  
 quod genus, M. Drusus prætor urbanus, quod  
 cum herede mandati ageretur, iudicium red-

didit : Sextus Iulius non reddidit, Item Cains  
 Cælius index absoluit iniuriarum eum, qui L.  
 cilium poëtam in scæna nominatim læserat. P.  
 Mutius eum, qui L. Accium poëtam nominave-  
 rat, condemnauit. Ergo quia possunt res simili de  
 causâ dissimiliter iudicatæ proferri, cum id uis-  
 uenerit, iudicem cum iudice, tempus cum tempo-  
 re, numerum cum numero iudiciorum profere-  
 mus. Ex æquo & bono ius constat, quod ad veri-  
 tatem, & utilitatem communem uidetur peri-  
 nere : quod genus, ut maior annis LX. & cui  
 morbus causâ est, cognitorẽ det. Ex eo uel nouum  
 ius constitui conuenit ex tempore, & hominis  
 dignitate. Ex pacto ius est si qui inter se pepigi-  
 rint, siquid inter quos conuenit. Pacta sunt, quæ  
 legibus obseruanda sunt, hoc modo : REM VBI  
 PAGUNT, oratione pagunt: in comitio, aut in  
 foro ante meridiem causam \* condicito. Sunt  
 item pacta, quæ sine legibus obseruantur ex \* con-  
 uentu : quæ iuri præstare dicuntur. His igitur  
 partibus iniuriam demonstrari, ius confirmari  
 conuenit, idque in absoluta in iudiciali facien-  
 dum uidetur. CVM ex comparatione queretur,  
 utrum satius fuerit agere id, quod reus dicat si  
 fecisse: an id, quod accusator dicat oportuisse fu-  
 ri: primum queri conuenit, utrum fuerit uilius ex  
 contentione : hoc est, utrum uenustius, facilius,  
 conducibilius: deinde oportebit queri, ipsumne  
 oportuerit indicare, utrum fuerit uilius, an alio-

rum fuerit statuendi potestas: deinde interpone-  
tur ab accusatore suspicio ex coniecturali con-  
stitutione, quare punitur, non ea ratione factum  
esse, quo melius deteriori anteponeretur: sed dolo  
malo negotium gestum. deinde quaeritur po-  
tueritne vitari, ne in eum locum veniretur. Ab  
defensore contra refelletur argumentatio con-  
iecturalis aliqua probabili causa, de qua ante  
dictum est. His locis ita tractatis, accusator u-  
teatur loco communi in eum, qui inutile utili  
præposuerit, cum statuendi non habuerit pote-  
statem. Defensor, contra eos qui æquum cense-  
ant, rem perniciosam utili præponi, utetur lo-  
co communi per conquestionem, & simul quaeret  
ab accusatoribus & ab iudicibus ipsis, quid fa-  
cturi essent, si in eo loco fuissent, & tempus, lo-  
cum, rem, deliberationem suam ponet ante ocu-  
los. Trāslatio criminis est, cum ab reo facti causa  
in aliorum peccatum transfertur: in qua pri-  
mum querendum est, \*iurane in alium crimen  
transferatur: deinde spectandum est, an æque  
magnum sit illud peccatum, quod in alium trans-  
feratur, atque illud quod reus suscepisse fa-  
teatur: deinde oportueritne in ea re peccare,  
in qua alius ante peccarit: deinde oportueritne  
iudicium ante fieri: deinde, cum factum iudi-  
cium non sit de illo crimine, quod in alium  
transferatur, oporteatne de eare iudicium fieri,  
quæ res in iudicium non venerit. Locus commu-

nis accusatoris, cōtra eum, qui plus censeat vni-  
 quam iudicia valere oportere. & ab aduersarij  
 percontabitur accusator, quid futurum sit, si idem  
 ceteri faciant: ut de indemnatis supplicium su-  
 mant, quod eos idem fecisse dicant. quid si ipsi  
 accusator idem facere voluisset? Defensor eorum  
 peccati atrocitatem proferet, in \* quos crimen  
 transferetur. rem, locum, tempus ante oculos po-  
 net: ut ij, qui audient, existiment, aut non po-  
 tuisse, aut non fuisse vtile rem in iudicium ve-  
 nire. \* Concessio est, per quam nobis ignosci postu-  
 lamus. ea diuiditur in purgationem, & deprecia-  
 tionem. Purgatio est, cum consulto à nobis fa-  
 ctum negamus. ea diuiditur in necessitudinem,  
 fortunam, imprudentiam. De his primum pa-  
 ribus ostendendum est: deinde ad deprecatio-  
 nem reueriendum videtur. Primum, conside-  
 randum est, \* vtrum per culpam ventum sit in ne-  
 cessitudinem: num culpam veniendi necessitudo  
 fecerit: deinde querendum est, ecquo modo vis  
 illa vitari poterit, ac leuari: deinde is qui in  
 necessitudinem causam conferet, expertusne sit,  
 quid contra facere, aut excogitare posset: dein-  
 de, num quæ suspensiones ex coniecturali consti-  
 tutione trahi possint, quæ significant id consilio  
 factum esse: quod necessario \* accidisse dicitur:  
 deinde, si maxime necessitudo quæpiam fuerit,  
 conueniam eam satis idoneam causam putari.  
 Si autem imprudentia reus se peccasse dicet,

primum

*primam quæretur, utrum potuerit scire, an non potuerit: deinde, utrum data sit opera ut sciretur, an non: deinde, utrum casu nescierit, an culpa. nam, qui se propter vinum, aut amorem, aut iracundiam fugisse rationem dicit, is animi vitio videbitur nescisse, non imprudentia. quare non imprudentia se defendet, sed culpa\* contaminabit: deinde, coniecturali constitutione quæretur utrum scierit, aut ignorauerit: & considerabitur, satisne imprudentia præsidij debet esse, cum factum esse constet. Cum infortunam causa conferetur, & ea re defensor ignosci dicit reo oportere: eadem omnia videntur considerata, quæ de necessitudine præscripta sunt. etenim hæ tres partes purgationis inter se finitimæ sunt, ut in omnes eadem fere possint accommodari. Loci communes in his causis: Accusatoris contra eum, qui cum se peccasse confiteatur, tamen oratione iudices moretur. Defensoris, de humanitate, misericordia: voluntatem in omnibus rebus spectari convenire: & quæ consulto facta non sint, ea fraudi esse non oportere. Deprecatione utemur, cum fatebimur nos peccasse, neque id imprudenter, aut fortuito, aut necessario fecisse dicemus, & tamen ignosci nobis postulabimus. Hic ignoscendi ratio quæritur ex ijs locis, si plura, aut maiora officia, quam maleficia videbuntur constare: si qua virtus, aut nobilitas erit in eo, qui supplicabit: si qua*

*spes erit, vñi futurum, si sine supplicio discesserit: si ipse ille supplex, mansuetus, & misericors in potestatibus ostendetur fuisse: si ea, quæ peccauit, non odio, neque crudelitate, sed officio, & recto studio commotus fecit: si tali de causa alijs quoque ignotum est: si nihil ab eo periculi nobis futurum videbitur, si eum missum fecerimus: si nulla aut à nostris ciuibus, aut ab aliqua ciuitate vituperatio ex ea re suscipietur. Locis communes, de humanitate, fortuna, misericordia, rerum commutatione. His locis omnibus ex contrario vñetur is, qui contradicet, cum amplificatione, & enumeratione \* omnium peccatorum. Hæc causa iudicialis fieri non potest, ut in primo libro ostendimus, sed quod potest vel ad senatum, vel ad concilium venire, non visa est supersedenda. Cum à nobis crimen remouere vñemus, aut in rem, aut in hominem nostri peccati causam conferemus. Si causa in hominem conferetur, quærendum erit, primum potueritne tantum, quantum reus demonstrabit is, in quem causa conferetur: & equonam modo aut honeste, aut sine periculo potuerit obsistì, si maxime ita sit: num ea re concedi reo conueniat, quod alieno inductu fecerit: deinde in coniecturalem trahetur controuersiam, \* & quæretur, num consulto factum sit. Si causa in rem quandam conferetur, & hæc eadem fere, & omnia, quæ de necessitudi-  
ne*



ne præcepimus, considerata erunt. QUONIAM satis ostendisse videmur quibus argumentationibus in vnoquoque genere causse iudicialis vii conveniret: consequi videtur, ut doceamus quemadmodum ipsas argumentationes ornate, & absolute tractare possimus. nam fere non difficile est inuenire quid sit causse adiumento: difficillimum vero est, inueni-  
 tum\* expolire, & expedite pronuntiare. hæc enim res facit ut neque diutius, quam satis sit, in eisdem locis commoremur: neque eodem identidem reuoluamur: neque inchoatam argumentationem relinquamus: neque incommode ad aliam deinceps transeamus. Itaque hac ratione & ipsi meminisse poterimus quid quoquo loco dixerimus: & auditor cum totius causse, tum uniuscuiusque argumentationis distributionem percipere, & meminisse poterit. Ergo absolutissima, & perfectissima argumentatio est ea, quæ in quinque partibus est distributa: propositio-  
 nem, rationem, rationis confirmationem, exornationem, complexionem. Propositio est, per quam ostendimus\* summam quid sit quod probare volumus. Ratio est caussa, quæ demonstrat verum esse id quod intendimus, breui subiectione. Rationis confirmatio est ea, quæ pluribus argumentis corroborat breuiter expositam rationem. Exornatio est, qua vimur rei honestande, & locupletande caussa confirmata argumentatione.

Complexio est, quæ concludit breuiter colligens  
 parteis argumentationis. Hisce igitur quinque  
 partibus ut absolutissimè utamur, hoc modo tra-  
 ctabimus argumentationem. Causam ostende-  
 mus Vlyssi fuisse quare interfecerit Aiace: ini-  
 micum enim acerrimum de medio tollere vo-  
 lebat, à quo sibi non iniuria summum periculum  
 metuebat: videbat illo incolumi, se incolumem  
 non futurum. sperabat illius morte, se salutem  
 sibi comparare. consueuerat, si iure non poterat,  
 quauis iniuria inimico exitium machinari. cui  
 rei mors indigna Palamedis testimonium dat.  
 Ergo & metus periculi hortabatur eum interi-  
 mere, à quo supplicium verebatur: & consue-  
 tudo peccandi, maleficij suscipiendi remonebat  
 dubitationem. Omnes enim cum minima pecca-  
 ta cum causa suscipiunt, tum vero illa, quæ  
 multo maxima sunt maleficia aliquo certo emo-  
 lumento inducti suscipere conantur. Si multos  
 induxit in peccatum pecuniæ spes, si complures  
 scelere se contaminauerunt imperij cupiditate,  
 si multi leue compendium fraude maxima com-  
 mutauerunt: cui mirum videbitur, istum à ma-  
 leficio propter acerrimam formidinem non  
 temperasse? virum fortissimum, integerrimum,  
 inimicitarum persequentissimum, iniuria la-  
 cessitum, \*ira excitatum, homo timidus, no-  
 cens, conscius sui peccati, insidiosus, inimicum  
 incolumem esse noluit: cui tandem hoc mirum  
 vide-

videbitur? Nam cum feras bestias videamus alacres, & erectas vadere, ut alteri bestiae noceant: non est incredibile putandum, istius quoque animum ferum, crudelem, atque inhumanum cupide ad inimici perniciem profectum: praesertim cum in bestiis nullam neque bonam, neque malam rationem videamus: in isto plurimas, & pessimas rationes semper fuisse intelligamus. Si ergo pollicitus sum, me daturum causam, qua inductus Vlysses accesserit ad maleficium, & si inimicitiarum acerrimam rationem, & periculi metum intercessisse demonstraui: non est dubium quin confiteatur causam maleficij fuisse. Ergo absolutissima est argumentatio ea, quae ex quinque partibus constat: sed ea non semper necesse est vti.\* Est cum complexione super sedendum est, si res brevis est, ut facile memoria comprehendatur: est cum exornatio praetermittenda est, si parum locuples ad amplificandum, & exornandum res videtur esse. Sin & brevis erit argumentatio, & res tenuis, aut humilis, tum & exornatione & complexione super sedendum est. In omni argumentatione de duabus partibus postremis, haec, quam exposui, ratio est habenda. Ergo amplissima est argumentatio quinquepartita: breuissima est tripartita: mediocris, sublata aut exornatione aut complexione, quadripartita.

DVO genera sunt vitiosarum argumenta-

tionum : unum, quod ab aduersario reprehendi potest, idque pertinet ad caussam: alterum, quod tametsi nugatorium est, tamen non indiget reprehensione. Quæ sint quæ reprehensione confutari conueniat, quæ tacite contemni, atque vitari sine reprehensione, si exempla subiecero, intelligere dilucide poteris. Hæc cognitio vitiosarum argumentationum duplicem utilitatem afferet. nam & vitare in argumentatione vitium admonebit, & ab alijs non vitium commodè reprehendere docebit. Quoniam igitur ostendimus perfectam, & plenam argumentationem ex quinque partibus constare, in unaquaque parte argumentationis quæ vitia euitanda sint consideremus: ut & ipsi ab his vitijs recedere, & aduersariorum argumentationes hac præceptione in omnibus partibus tentare, & ab aliqua parte labefactare possimus. Expositio vitiosa est, cum ab aliqua, aut à maiore parte ad omnes conferitur id, quod non necessario est omnibus attributum: ut si quis hoc modo exponat: Omnes, qui in paupertate sunt, malunt maleficio parare diuitias, quàm officio paupertatem mueri. Si quis hoc modo exposuerit argumentationem, ut non curet querere qualis ratio, aut rationis confirmatio sit: ipsam facile reprehendemus expositionem, cum ostendimus id, quod in aliquo paupere improbo sit, in omnes pauperes falso & iniuria conferri. Item vitiosa expositio

positio est, cum id quod raro fit, fieri omnino negatur: hoc modo: Nemo potest uno aspectu, neque prateriens in amorem incidere. nam cum non nemo deuenerit in amorem uno aspectu, & cum ille neminem dixerit omnino, nihil differe raro id fieri, dummodo aliquando fieri, aut posse fieri intelligatur. Item vitiosa expositio est, cum omneis res ostendemus nos collegisse, & aliquam rem idoneam praterimus, hoc modo: Quoniam igitur hominem occisum constat esse, necesse est aut à prædonibus, aut ab inimicis occisum esse, aut abs te, quem ille heredem testamenti ex parte faciebat. prædones illo loco nunquam sunt visi: inimicum nullum habebat: relinquitur, si neque à prædonibus, neque ab inimicis occisus est, quod alteri non erant, alteros non habebat, ut abs te sit interemptus. Nam in huiusmodi expositione, reprehensione utemur, si quos præter eos, quos ille dixerit, potuisse suscipere maleficiū, ostenderimus: velut in hoc exemplo, cum dixerit necesse esse aut à prædonibus, aut ab inimicis, aut à nobis occisum esse: dicemus potuisse vel à familia, vel à coheredibus nostris. Cum hoc modo illorum collectionem disturbauerimus, nobis latiore locum defendendi relinquemus. Ergo hoc quoque vitandum est in expositione, nequando, cum omnia collegisse videamur, aliquam idoneam partem reliquerimus. Item vitiosa expositio est, quæ constat

ex falsa enumeratione: ut si, cum plura sint, pauciora dicamus, hoc modo: Duae res sunt, iudices, quæ omnes ad maleficium impellunt, luxuries, & auaritia. Quid amor, inquit quispiam? quid ambitio? quid religio? quid metus mortis? quid imperij cupiditas? quid denique alia permulta? Item falsa enumeratio est, cum pauciora sunt, & plura dicimus, hoc modo: Tres res sunt, quæ omnes homines sollicitant: metus, cupiditas, ægritudo. Satis enim fuerat dixisse metum, & cupiditatem: quoniam ægritudinem cum utraque re coniunctam esse necesse est. Item vitiosa expositio est, quæ nimium longe repetitur, hoc modo: \* Omnium malorum stultitia est mater, quæ pestis præ ceteris parit immensas cupiditates: immensæ porro cupiditates infinitæ, & immoderate sunt, hæc pariunt auaritiam: auaritia porro hominem ad quoduis maleficium impellit. igitur auaritia inducti aduersarij nostri, hoc in se facinus admiserunt. Hic id, quod extremum dictum est, satis fuit exponere, ne Ennium, & ceteros poetas imitemur, quibus hoc modo loqui concessum est.

*Vinam ne in nemore Pelio securibus  
 Cæsæ \* cecidissent abiegnæ ad terram trabes,  
 Neue inde navis inchoandæ exordium  
 Capisset, quæ nunc nominatur nomine  
 Argo, qua vecti Argiui delecti viri  
 Petebant \* illam pellem inauratam arietis  
 Colchis*

*Colchis, imperio regis Peliae per dolum?*

*Nam nunquam hera errans mea, domo efferret pedem*

*Medea, animo agra, amore saevo saucia.*

*Nam hic satis erat dicere (si id modo, quod esset satis, curasset poeta)*

*Vinā ne hera errans mea, domo efferres pedē*

*Medea, animo agra, amore saevo saucia.*

*Ergo hac quoq, ab ultimo repetitione in expositionibus magnopere supersedendum est. non enim reprehensione eget, sicut aliae complures, sed sua sponse vitiosa est.*

*Vitiosa ratio est, quae ad expositionem non est accommodata, vel propter infirmitatem, vel propter vanitatem.*

*Infirma ratio est, quae non necessario ostendit ita esse, quemadmodum expositum est, velut apud Plautum.*

*Amicum castigare ob meritam noxiam,*

*\* Immine est facinus, verum in aetate utile,*

*Et conducibile-*

*Haec expositio est. Videamus quae ratio afferatur,*

*-Nam ego amicum hodie meum*

*\* Concastigabo pro commerita noxia.*

*Ex eo quod ipse facturum est, non ex eo quod fieri cōuenit, utile quid sit ratiocinatur. Vanaratio est, quae ex falsa causa constat, hoc modo: Amor fugiendus non est nam ex eo verissima nas-*

ciunt amicitia: aut hoc modo, Philosophia vitanda est: affert enim socordiam, atq; desidiam. Nam hæ rationes, nisi falsæ essent, expositiones quoq; earum veras esse confiteremur. Item infirma ratio est, quæ non necessariam causam affert expositionis, velut Pacuvius,

Fortunam insanam esse, & cæcam, & brutam perhibent philosophi,

\* Saxoq; instare globoso prædicant volubili. Ideò quo saxum fors impulerit, eo cadere fortunam autumant.

Cæcam, ob eam\* rem esse iierant, quia nihil cernat, quo sese applicet.

Insanam autem aiunt, quia atrox, incerta, instabilisq; sit.

Brutam, quia dignum, atq; indignum nequeas internoscere.

Sunt autem alij philosophi, qui contra, fortunam negent

Esse ullam, sed temeritate omnia autument regi, id magis

Verisimile esse aiunt, quod usus reapse experiundo edocet,

Velut hic Orestes modò fuit rex, modò mendicus factus est.

Naufragio res hæc contigit. nempe ergo haud fortuna obigit.

Nam hic Pacuvius infirma ratione vitatur, cum ait, verius esse temeritate, quàm fortuna res regi.



regi, nam utraque opinione philosophorum fieri potuit, ut is, qui rex fuisset, mendicus factus esset. Item infirma ratio est, quæ videtur pro ratione afferri, sed idem dicit, quod in expositione dictum est, hoc modo: Magno malo est omnibus auaritia, iccirco quod homines magnis, & multis incommodis conflictantur propter immensam pecunie cupiditatem. Nam hic alijs verbis idem per rationem dicitur, quod dictum est per expositionem. Item infirma ratio est, quæ minus idoneam, quam res postulat, causam subijcit expositioni, hoc modo: Vtilis est sapientia, propterea quod qui sapientes sunt, pietatem colere consueuerunt. Item utile est amicos veros habere: habes enim quibus cum iocari possis, nam in huiusmodi rationibus non vniuersali, neque absoluta, sed extenuata ratione expositio confirmatur. Item infirmatio est, quæ vel alij expositioni potest accommodari, ut facit Pacuvius, qui eandem afferit rationem quare cæca, eandem quare bruta fortuna dicatur. IN confirmatione rationis multa & vitanda in nostra, & obseruanda in aduersariorum ratione sunt vitia, proptereaque diligentius considerata sunt, quod accurata confirmatio rationis totam vehementissime comprobatur argumentationem. Vtuntur igitur studiose in confirmanda ratione duplici conclusione, hoc modo:

*Inimici abste afficior indigna pater:*

*Nam, si improbum Chresphontem existimaueras.*

*Cur me huic locabas nuptijs? sin est probus,*

*Cur talem inuitam inuitum cogis relinquere?*

*Quæ hoc modo concludentur, aut ex contrario conuertentur, aut ex simplici parte reprehendentur. ex contrario, hoc modo:*

*Nulla te indigna o nata afficio iniuria:*

*Si probus est, bene locavi: sin est improbus,*

*Diuortio te liberabo incommotis.*

*Ex simplici parte reprehendentur, si ex duplici conclusione alterutra pars diluitur, hoc modo:*

*Nam si improbum Chresphontem existimaueras,*

*Cur me huic locabas nuptijs: Duxi probum, Erravi, post cognoui, & fugio cognitum.*

*Ergo reprehensio huius conclusionis duplex est. acuior illa superior, facilior hæc posterior ad excogitandum. Item vitiosa est confirmatio rationis, cum eare, quæ plures res significat, abui-mur pro certo unius rei signo, hoc modo: Necessè est, quoniam pallet, ægrotaſſe: aut necesse est peperisse, quoniam sustinet puerum infan-tem. Nam hæc sua sponte certa signa non habent, si non cetera quoq; similia concurrant: quod si concurrerint, non nihil huiusmodi signa adaugent suspicionem. Item vitiosum est, cum vel in alium, vel in eum ipsum, qui dicit id, quod in aduersarium dicitur, potest conuenire, hoc modo:*

*Miseri*

Miseri sunt, qui uxores ducunt : at tu duxisti alteram.

Item vitiosum est id, quod vulgarem habet defensionem, hoc modo: Iracundia inductus peccauit, aut adolescentia, aut amore. huiusmodi enim deprecationes si probabuntur, impune maxima peccata dilabentur. Item vitiosum est, cum id pro certo sumitur, quod inter omneis non constat: quia etiam nunc in controuersia est, hoc modo:

Eho tu, dii, quibus est potestas, motus superum, atq; inferum,

Pacem inter sese conciliant. & conferunt cōcordiam.

Nam ita pro suo iure, hoc exemplo vsus Chresphonem Ennius induxit, quasi iam satis certis rationibus ita esse demonstrasset. Item vitiosum est, quod iam quasi sero, atque actō negotio dici videtur, hoc modo: In mentem mihi si venisset, Quirites, non commissem ut hunc in locum res veniret, nam hoc, aut hoc fecissem: sed me tum haec ratio fugit. Item vitiosum est, cum id quod in aperto delicto positum est, tamen aliqua leui segitur defensione, hoc modo:

Cum te expetebant omnes florētissimo

Regno reliquis nunc desertum ab omnibus,

Summo periculo sola ut restituam paro.

Item vitiosum est, quod aliam in partem, ac dictum sit potest accipi. id est huiusmodi: ut si-

quis potens, ac factiosus in concione dixeris: Sapius est uti regibus, quàm malis legibus. nam hoc, tamen si rei\* augendæ causa potest sine malitia dici, tamen propter potentiam eius, qui dicit, non dicitur sine atroci suspitione. Item vitiosum est, falsis, aut vulgaribus definitionibus uti. Falsæ sunt huiusmodi: si quis dicat iniuriam nullam esse, nisi quæ ex pulsatione, aut comitio constet. Vulgares sunt: quæ nihilominus in aliam rem transferri possunt: ut si quis dicat: quadruplator, ut breuiter describam, capitalis est. est enim improbus, & pestifer ciuis. nã nihil magis quadruplatoris, quàm furis, quàm sicarij, aut proditoris attulit definitionem. Item vitiosum est, pro argumento sumere, quod in disquisitione positum est: ut si quis quem furti arguat, dicat eum esse hominem improbum, auarum, fraudulentum, ei rei testimonium esse quod sibi furtum fecerit. Item vitiosum est, controuersiam controuersia dissolvere, hoc modo: Non conuenit censores istum vobis satisfacere, ex eo quod ait, se non potuisse adesse ita ut iuratus fuerat: \* quid si ad exercitum non venisset, idne tribuno militum diceret? Hoc idcò vitiosum est, quia non expedita, aut iudicata res, sed impedita, & in simili controuersia posita, exempli loco proferitur. Item vitiosum est, cum id, de quo summa controuersia est, parum expeditur, & quasi transactum sit, relinquatur, hoc modo:

Aperte

*Aperte factur dictio, si intelligas:*

*Tali dari arma, qualis, qui gessit, fuit,  
Iubet, potiri si studeamus Pergamo.*

*Quae ego profitor esse mea. nam me æquum  
est frui*

*Fraternis armis, mihiq̃ue adiudicariet,*

*Vel quod propinquius, vel quod virtute æmu-  
lus.*

*Item vitiosum est, ipsum sibi in sua oratione  
dissentire, & contra ea quæ ante dixerit, dicere  
hoc modo:*

*\* Quæ causâ accusem hunc, nequeo expian-  
do evolvere.*

*Nam si veretur: quid eum accusem, qui est  
probus?*

*Sin inuerecundum animi ingenium possidet,*

*Quid eum accusem, qui id parui audiri exi-  
stimet?*

*Non incommoda ratione videtur sibi ostendisse  
quare non accusaret. quid quod postea ait?*

*Nunc ego te ab summo iam detexâ exordio.*

*Item vitiosum est, quod dicitur contra iudicis  
voluntatem, aut eorum qui audiunt: si aut par-  
tes quibus illi student, aut homines, quos illi ca-  
ros habent, lædantur: aut aliquo huiusmodi vi-  
tio læditur auditoris voluntas. Item vitiosum  
est, non omnes res confirmare, quas pollicitus sis  
in expositione. Item verendum est, ne de aliâ re  
dicam, cum aliâ de re controuersia sit, inque*

huiusmodi vitio considerandum est, ne aut ad rem addatur quid, aut quippiam de re detrahatur, aut tota causa mutata, in aliam causam deriuetur. Vti apud Pacuuium Zethus cum Amphione: quorum controuersia cum de musica inducta sit, disputatio in sapientiae rationem, & virtutis utilitatem consumitur. Item considerandum est, ne aliud accusatoris criminatio contineat, aliud defensoris ratio purget: quod saepe consulto mul- ti ab reo faciunt angustijs causae coacti. Vti si quis cum accusetur ambitu magistratum petisse, ab imperatoribus saepenumero se apud exercitum donatum esse dicat. Hoc si diligenter in aduersariorum oratione obseruauerimus, saepe deprehendemus, & in eiusmodi deprehensione ostendemus eos de eare quid dicant, non habere. Item vitiosum est, artem, aut scientiam, aut studium quodpiam vituperare propter eorum vitia qui in eo studio sunt: veluti qui rhetoricam vituperat propter alicuius oratoris vituperandam vitam. Item vitiosum est, ex eo, quod perperam factum esse constat, putare ostendi à quo homine factum est, hoc modo: Mortuum deformatum, tumore praeditum, corpore decoloratum fuisse constat, ergo veneno necatus est. Deinde si sit quisque adeo in eo occupatus, ut multi faciunt, venenum datum, vitio non mediocri conflictetur. non enim factumne sit, quaeritur, sed à quo factum sit. Item vitiosum est, in comparandis rebus alteram

rem\* efferre, de altera mentionē non facere, aut  
negligentius disputare. ut si comparatur, utrum  
satius sit populum frumentum accipere, an non  
accipere: \* quæ commoda sint, in altera re cures  
enumerare, quæ in altera incommoda sint, &  
quanta, velut depressa prætereas: aut ea quæ  
minima sunt, dicat. Item vitiosum est, in rebus  
comparandis necesse putari, alteram rem vitu-  
perari, cum alteram laudes: quod genus, si quæ-  
ratur, utrius maior honor habendus sit Alben-  
sibus, an\* Vestinis Pimmsibus, quod reip. & po-  
pulo Romano profuerunt: & is qui dicat, alie-  
ros ledas. Non enim necesse est, si alios præ-  
ponas, alteros vituperare. fieri enim potest, ut  
cum alteros magis laudaris, aliquam alteris par-  
tem laudis attribuas, ne cupide pugnasse contra  
veritatem puteris. Item vitiosum est, de nomi-  
ne, & vocabulo eius rei controuersiam struere,  
quam rem cōsuetudo optime potest indicare: ve-  
lut Sulpitius, qui intercesserat, ne exsules, qui-  
bus causam dicere non licuisset, reducerentur:  
idem posterius immutata voluntate, cum eandem  
legem ferret, aliam sese ferre dicebat propter  
nominum commutationem nam non exsules, sed  
vaciectos se reducere aiebat: proinde quasi id  
fuiſſet in controuersia, quo illi nomine appella-  
rentur à pop. Rom. aut proinde quasi non omnes,  
quibus aqua, & igni interdictum est, exsules ap-  
pellerentur. Verum illi fortasse ignoscimus si cum

causa fecit: nos tamen intelligamus vitiosum esse intendere controuersiam propter nominum mutationem. QVONIAM exornatio constat ex similibus, & exemplis, & amplificationibus: & iudicariis rebus, & ceteris quæ pertinent ad \* exaggerandam, & locupletandam argumentionem: quæ sint his rebus vitia consideremus. Simile vitiosum est, quod ex aliqua parte dissimile est, nec habet parem rationem comparationis: aut illi ipsi obest, qui affert. Exemplum vitiosum est, si qui falsum est, ut reprehendatur: aut improbum, ut non sit imitandum: aut maius, aut minus, quam res postulabit. Res iudicata vitiose proferatur, si aut dissimili de re proferatur: aut de ea re, de qua controuersia non est: aut si improba, aut eiusmodi ut aut plures, aut magis idoneæ res iudicatæ ab aduersariis proferri possint. Item vitiosum est id, quod aduersarij factum esse confiteantur, de eo argumentari, & platum facere factum esse, nam id tantum augeri oportet. Itē vitiosum est, id augere, quod conuenit doceri hoc modo: Ut si quis, quem arguat hominem occidisse: & aue, quam satis idoneas argumentationes attuleris, augeat peccatum, & dicat, nihil indignius esse, quam hominem occidere: non enim utrum indignum sit, an non, sed factumne sit, queritur. Complexio vitiosa est, quæ non ut quidque primum dictum est, complectitur: & quæ non breuiter concludit.



que non ex enumeratione certum, & constans aliquid relinquit, ut intelligatur, quid propositum in argumentatione sit: quid deinde ratione, quid confirmatione, quid tota argumentatione demonstratum sit.

CONCLUSIONES, quae apud Græcos ἐπιλογαί nominantur, tripartitæ sunt. nam constans ex enumeratione, amplificatione, & commiseratione. Quattuor locis vii possumus conclusionibus: in principio, secundum narrationem, secundum firmissimam argumentationem, in conclusione. Enumeratio est, per quam colligimus, & commovemus quibus de rebus verba fecimus, breuiter, ut renouetur, non redintegretur oratio: & ordine, ut quidquid erit dictum, referemus: ut auditor, si memorie mandauerit, ad id, quod ipse meminerit, reducat. In qua curandum est ne aut ab exordio, aut à narratione repetatur orationis enumeratio. Ficta enim, & de dicta opera comparata oratio videbitur esse, artificij significandi, aut ingenij venditandi, vel memorie ostentandæ causa, quæ propter initium enumerationis sumendum est à diuisione. deinde ordine breuiter exponendæ sunt res, quæ tractatæ erunt in confirmatione & confutatione. Amplificatio est res, quæ per locum communem instigationis auditorum causâ sumitur. Loci communes ex decem præceptis commodissime sumuntur ad arguendi crimi-

nis causa. Primus locus sumitur ab auctoritate,  
 cum commemoramus, quantæ curæ ea res fuerit  
 dijs immortalibus, aut maioribus nostris, regibus,  
 civitatibus, nationibus, hominibus sapientissimis,  
 senatui. item maxime quomodo de his rebus in  
 legibus sancitum sit. Secundus locus est, cum con-  
 sideramus, illæ res, de quibus criminamur, ad  
 quos pertineant: utrum ad omnes, quod atro-  
 cissimum est, an ad superiores, (quod genus hi  
 sunt, à quibus auctoritatis locus communis su-  
 mitur) an ad pares, hoc est in eisdem partibus  
 animi, corporis, fortunarum positos: an ad infe-  
 riores, qui omnibus his rebus antecelluntur. Ter-  
 tius locus est, quo percunctamur quid sit even-  
 turum, si omnibus idem concedatur. & ea re ne-  
 glecta, ostendemus quid periculorum, aut incom-  
 modorum consequatur. Quartus locus est, quo  
 demonstratur, si huic sit remissum, multos alacri-  
 ores ad maleficia futuros, quos adhuc expectatio  
 iudicii remoratur. Quintus locus est, per quem  
 ostendimus, si semel aliter iudicatum sit, nullam  
 rem fore, quæ incommodo mederi, aut perperam  
 factum, aut erratum iudicium corrigere possit.  
 quo in loco non incommodum eris, uti ceterarum  
 rerum comparatione, ut ostendamus alias res  
 posse aut vetustate sedari, aut consilio corrigi:  
 huius rei, aut leniendæ, aut corrigendæ nullam  
 rem adiumento futuram. Sextus locus est, cum  
 ostendimus, & consilio factum, & dicimus  
 voluntatio

voluntario facinori nullam esse excusationem: imprudentia etiam iustam deprecationem paratam. Septimus locus est, quo ostendemus rerum facinus, crudele, nefarium, tyrannicum esse: quod genus iniuriæ mulierum, aut earum rerum aliquid, quarum rerum causa, bella suscipiuntur, & cum hostibus de viâ dimicatur. Octauus locus est, quo ostendimus, non vulgare, sed singulare esse maleficium, spurcum, nefarium, inuisitatum: quo maturius & atrocius vindicandum sit. Nonus locus constat ex peccatorum comparatione, quasi cum dicemus, maius esse maleficium stuprare ingenuam, quam sacrum ledere: quod propter egestatem alterum, alterum propter intemperantem superbiam fiat. Decimus locus est per quem omnia, quæ in negotio gerendo acta sunt, quæq; rem consequi solent, exponemus acriter, & criminosè, & diligenter, ut agires, & gerere negotium videatur rerum consequentium enumeratione. Misericordia commouebitur auditoris animus, si variam fortunarum commutationem dicemus: si ostendemus, in quibus commodi fuimus, quibusq; incommodis sumus comparatione: si quæ nobis futura sint, nisi causam obinuierimus, enumerabimus & ostendemus: si supplicabimus, & nos sub eorum, quorum misericordiam captabimus, potestatem subiiciemus. siquid nostris parentibus, liberis, ceteris necessarijs casuum sit propter nostras calamitates, ape-

riemus: & simul ostendemus, illorum nos solici-  
tudine, & miseria, non nostris incommodis dole-  
re. si de clementia, humanitate, misericordia no-  
stra, qua in alios vsi sumus, aperiemus. si nos sem-  
per, aut diu in malis fuisse ostendemus. si nostrum  
fatium, aut fortunam conqueremur. si animum no-  
strum fortem, patientem incommodorum ostende-  
mus futurum. Commiserationem breuem esse o-  
porer. Nihil enim lacryma citius arescit. Fere  
locos obscurissimos totius artificij tractauimus in  
hoc libro: quapropter huic volumini modus hic  
sit. reliquas praeceptiones, quoad videbitur, in  
tertium librum transferemus. Hae si, ut conqui-  
site conscripsimus, ita tu diligenter fueris conse-  
cutus: & nos industrie fructus ex \* tua scien-  
tia capiemus, & tute nostram diligentiam lau-  
dabis, tuaq; \* perceptione letabere: tu scientior  
eris praeceptorum artificio, nos alacriores ad reli-  
quum persoluendum. Verum haec futura satis  
scio. te enim non ignoro. sed nos deinceps  
ad cetera praecepta transeamus, vs  
(quod libentissime facimus)  
tuae voluntati rectis-  
sime morem  
geramus.

\* \*  
\*

RHE.

# RHETORICORVM

## AD C. HERENNIVM

### LIBER III.



DOMNEM iudicalem causſam  
quemadmodum conueniret inuen-  
tionem rerum accommodari, ſatis  
abundanter, ut arbitror, ſuperi-  
oribus libris demonſtratum eſt.

Nunc earum rationem rerum inuenientiarum,  
quæ pertinebant ad cauſſas deliberatiuas, &  
demonſtratiuas, in hunc librum tranſtulimus: ut  
omnis inueniendi præceptio tibi quam primum  
perſolueretur. Reliquæ quatuor partes erant ar-  
tiſci. \* De tribus in hoc libro dicemus, diſpoſi-  
tione, pronuntiatione, memoria. De elocutione,  
quia plura dicenda videbantur, in quarto libro  
conſcribere maluimus: quem, ut arbitror, tibi  
librum celeriter abſolutum miſſemus, ne quid ti-  
bi rhetoriæ artiſci deeſſe poſſit. Interea prima  
quæque & nobiſcum, cum uoles, & interdum ſi-  
ne nobis legendo conſequere, ne quid impedire  
• quin ad hanc utilitatem pariter nobiſcum pro-  
gredi poſſis. Nunc tu ſac ut attentum te præbe-  
as, nos proficiſci ad inſtituta pergemus.

DELIBERATIONES partim ſunt hu-  
iuſmodi, ut queratur, utrum poſius faciendum

sit : partim huiusmodi, ut quid potissimum faci-  
 endum, consideretur : Vtrum potius, hoc modo :  
 Carthago tollenda, an relinquenda videatur,  
 Quid potissimum, hoc pacto : Vt si Annibal con-  
 sulset, cum ex Italia Carthaginem arcessitur, an  
 in Italia remaneat, an domum redeat, an in Ae-  
 gyptum profectus, occupet Alexandriam. Item  
 deliberationes partim ipsæ propter se consultan-  
 dæ sunt : ut si deliberet senatus, captiuos ab ho-  
 stibus redimat, an non. partim propter aliquam  
 extraneam causam veniunt in deliberationem,  
 & consultationem : ut si deliberet senatus, bel-  
 lo Italico soluatne legibus Scipionem, ut cum  
 liceat ante tempus consulem fieri : partim &  
 propter se sunt deliberandæ, & magis propter ex-  
 traneam causam veniunt in consultationem :  
 ut si deliberet senatus, bello Italico socijs cini-  
 tatem det, an non. In quibus causis rei natura  
 faciet deliberationem, omnis ratio ad ipsam rem  
 accommodabitur, in quibus extranea causa con-  
 faciet deliberationem, in his \* ex ipsa causa, e-  
 runt ad augendam aut deprimendam orationem  
 eorum qui sententiam dicent. Eum qui sententi-  
 am dicet finem sibi conueniet utilitatis propone-  
 re, ut omnis eodem totius orationis ratio conse-  
 ratur. Utilitas in duas partes in civili consulta-  
 tione diuiditur : tutam, & honestam. Tuta est,  
 quæ conficit in stans, aut consequentis periculi  
 vitiationem qualibet ratione. Hæc distribuitur in  
 vim,

vim, & dolum: quorum aut alterum separatim, aut utrunq, sumemus coniuncte. \* Vis discernitur per exercitus, classes, arma, tormenta reuocationes hominum, & alias huiusmodi res. Dolus consumitur in pecunia, pollicitatione, dissimulatione, maturatione, mentitione & ceteris rebus, de quibus magis idoneo tempore loquemur, si quando de re militari, aut de administratione rei pub. scribere velimus. Honestas res diuiditur in rectum, & laudabile. Rectum est, quod cum virtute, & officio sit, id diuiditur in prudentiam, iustitiam, fortitudinem, modestiam. Prudentia est calliditas, quæ ratione quadam potest \* delectum habere bonorum, & malorum. Dicitur item prudentia scientia cuiusdam artificij: Et appellatur prudentia multarum rerum memoria, & usus complurium negotiorum. Iustitia est æquitas ius unicuique tribuens pro dignitate cuiusque. Fortitudo est rerum magnarum appetitio, & rerum humilium contemptio, & laboria cum utilitatis ratione perpassio. Modestia est in animo continens moderatio \* cupiditatum. Prudentia partibus utemur in dicendo, si commoda cum incommotis conferemus: cum alterum sequi. Utare alterum cohortabimur: aut si qua in re cohortabimur aliquem, \* cuius rei aliquam disciplinam aut scientiam poterimus habere, & quo modo: aut qua quidq, ratione fieri oporteat offendemus. Aut si suadebimus quippiam, cu-

ius rei gestæ aut præsentem, aut auditam memori-  
 am poterimus habere : qua in re facile id, quod  
 velimus, exemplo allato persuadere possimus.  
 Iustitiæ partibus utemur, si aut innocentum, aut  
 supplicum misereri dicemus oportere : si offen-  
 demus, bene merentibus gratiam referri conue-  
 nire : si demonstrabimus, ulcisci male meritos o-  
 portere : si fidem magnopere censebimus conser-  
 vandam : si leges, & mores civitatis egregie dic-  
 mus servari oportere : si societates, atq; amicitii-  
 as studiose dicemus coli convenire : si quod ius  
 in parentes, deos, patriam naturæ comparavit, id  
 religiose colendum demonstrabimus : si hospitii,  
 clientelas, cognationes, affinitates caste colendas  
 esse dicemus : si nec prece, nec pretio, nec gratia,  
 nec periculo, nec similitate à via recta ostēdemus  
 deduci oportere : si dicemus in omnibus æquabi-  
 le ius statui convenire. His atq; huiusmodi parti-  
 bus iustitiæ, si quam rem in contione, aut in con-  
 silio faciendam censebimus, iustam esse ostēde-  
 mus : contrarijs iniustam, ita fiet ut eisdem locis  
 & ad suadendum, & ad dissuadendum sumus præ-  
 parati. Sin fortitudinis retinendæ causa faciendi  
 quid esse dicemus, ostēdemus res magnas, & ex-  
 cellas sequi, & appeti oportere : & item res hu-  
 miles, & indignas viris fortibus viros fortes pro  
 præerea contemnere oportere, nec idoneas pro di-  
 gnitate sua indicare. Item à nulla re honesta pe-  
 riculi, aut laboris magnitudine deduci oportere  
 antiquiores



antiquiorem mortem rapiditate haberi: nullo dolore cogi ut ab officio recedatur: nullius pro rei veritate metuere inimicitias: quodlibet pro patria, parentibus, hospitibus, amicis, & ijs rebus, quas iustitia colere cogit, adire periculum, & quemlibet suscipere laborem. Modestiae partibus utemur si nimias libidines honoris, pecuniae, similibusq; rerum vituperabimus: si unamquamque rem certo naturae sermone desinemus: si denique quod cuiq; satis sit, ostendamus, & nimium progredi dissuadebimus, & modum unicuiq; rei statuemus. Huiusmodi partes sunt virtutis, amplificandae, si suadebimus: attenuandae, si ab his dehortabimur, ut haec attenuentur, quae supra demonstravi. nam nemo erit qui censeat à virtute recedendum: verum aut res huiusmodi non dicetur esse, ut virtutem possimus egregiam experiri: aut in contrarijs potius rebus, quam in his virtus constare ostendetur. Item, si quo pacto poterimus, quam is, qui contra dices, iustitiam vocatis, nos demonstrabimus ignaviam esse, & inertiam, ac pravam\* liberalitatem. Quam prudentiam appellavit, ineptiam, & garrulam, & odiosam scientiam esse dicemus. Quam ille modestiam dices esse, eam nos inertiam, & dissolutam negligentiam dicemus. Quam ille fortitudinem nominatis, eam nos gladiatoriam, & inconsideratam appellabimus temeritatem. Laudabile est, quod conficit honestam, & praesentem, & consequentem com-

memorationem: hoc nos eo à recto separauimus, non quod hæ quatuor partes, quæ subijciuntur sub vocabulo recti, hanc honestatis commemorationem dare non soleant: sed quanquam ex recto laudabile nascatur, tamen in dicendo seorsum tractandum est hoc ab illo. neq, enim solum laudis causa rectum sequi conuenit, sed si laus consequitur, duplicatur recti appetendi voluntas. Cū igitur erit demonstratum rectum, laudabile esse demonstrabimus, aut ab idoneis hominibus, ut si quæ res honestiori ordini placeat, quæ à deteriore ordine improbetur: aut ab aliquibus socijs, aut omnibus ciuibus, exteris nationibus, posterisq, nostris. Cum huiusmodi locorum diuisio sit in consultatione, breuiter aperienda est tractatio totius causæ. Exordiri licebit vel à principio, vel ab insinuatione, vel ysdem rationibus, quibus in iudiciali causâ. Si cuius rei narratio incidet, eadē ratione narrari oportebit. Quoniam in huiusmodi causis finis est utilitas, & ea diuiditur in rationem iuram, atq, honestam: si utrumque poterimus ostendere, utrumque pallicebimur nos in dicendo demonstraturos esse: sin alterum demonstraturi erimus, simpliciter quod dicturi sumus, ostendemus. Ac si nostram rationem iuram esse dicemus, diuisione utemur in vim, & consilium. Nā quod in docenda rei dilucidandæ causâ dolum appellauimus, id in dicendo honestius, consilium appellabimus. Si rationis nostræ sententiam rectam

rectam esse dicemus, & omnes partes recti incidenti, quadripartita diuisione utemur: si non incidenti, quos erunt, tot exponemus in dicendo. In confirmatione, & cōsultatione utemur locis, quos ante ostendimus nostris confirmandis, contrarijs consiliandis. Argumentationis artificiosæ tractandæ ratio de secundo libro petetur. Sed si acciderit ut in consultatione alteri ab tua ratione, alteri ab honesta sententia sit: ut in deliberatione coris, qui a Pœnis circumseffi deliberant quid agant: qui tuam rationem sequi suadebit, his locis utetur. Nullam rem utiliore esse incolumitate: virtutibus uti neminem posse, qui suas rationes in tuo non collocarit: nec deos quidem esse auxiliarios, qui se inconsulto in periculū mittant: honestum nihil oportere existimari, quod non salutem pariat. Qui tuæ rei præponet rationē honestam, his locis utetur: Virtutem nullo tempore relinquendam: vel dolorem, si is timeatur: vel mortem, si ea formidetur, dedecore, & infamia leuiorem esse: considerare, quæ sit iurpando consecutura: non immortalitatem, neque æternam incolumitatem consequi: nec esse exploratum, illo vitato periculo, nullum in aliud periculum venturos: virtute vel ultro ad mortem proficisci, esse præclarum. fortitudini fortunam quoque esse adiuncto solere; eum tuto viuere, qui honeste uiuat, non qui in præsentia incolumis sit: & eum qui iurpiter uiuat, incolumem in perpetuum esse nota

posse. Conclusionibus fere similibus in his, & iudicialibus causis vii solemus, nisi quod his maxime conducit quamplurima rerum ante gestarum exempla proferre. Nunc ad demonstrandum genus causae transeamus.

QVONIAM haec causa diuiditur in laudem, & vituperationem, quibus ex rebus laudem constituerimus, ex contrariis rebus erit vituperatio comparanda. Laus igitur potest esse rerum externarum, & corporis, & animi. Rerum externarum sunt ea, quae casu, aut fortuna secunda, aut aduersa accidere possunt: ut genus, educatio, diuitiae, potestates, gloria, ciuitates, amicitiae, & quae huiusmodi sunt, & ea quae his sunt contraria. Corporis sunt ea, quae natura corpori attribuitur commoda, aut incommoda: ut velocitas, vires, dignitas, valetudo, & quae his contraria sunt. Animi sunt ea quae consilio, & cogitatione nostra constant: ut prudentia, iustitia, fortitudo, modestia, & quae his contraria sunt. Erit igitur haec confirmatio, & confutatio nobis. In huiusmodi causa principium sumetur aut ab nostra, aut ab eius, de quo loquemur, aut ab eorum, qui audiunt, persona, aut ab re. Ab nostra, si laudabimus, dicemus, aut officio facere, quod causa necessitudinis intercedat: aut studio, quod eiusmodi virtutis sit, ut omnes commemorare debeant velile: aut quod rectum sit ex aliorum laude ostendere, qualis noster animus sit. Si vituperabimus,

aut merito facere, quod ita tractari sumus: aut studio, quod utile putemus esse ab omnibus unicam malitiam, atque nequitiam cognosci: aut quod placeat ostendi, quid nobis displiceat ex aliorum vituperatione. Ab eius persona de quo loquemur, si laudabimus, dicemus, vereri nos ut illius facta verbis consequi possimus: omnes homines illius virtutes predicare oportere: ipsa facta omnium laudatorum eloquentiam antecire. Si vituperabimus, ea quæ videbimus, contrarie paucis verbis commutatis dici posse, dicemus: ut paulo ante supra exempli causa demonstrationem est. Ab auditorum persona, si laudabimus, dicemus, quoniam non apud ignotos laudemus, nos monendi causa pauca esse dicturos: aut si erunt ignoti, ut talem virum velint cognoscere, petemus: quoniam in eodem virtutis studio sint, apud quos laudemus, quo ille, qui laudatus fuerit, sperare nos facile ijs, quibus velimus, huius facta probaturus. Contraria vituperatio quoniam norunt, pauca de nequitia eius nos esse dicturos: quod si ignorent, petemus, ut cognoscant, ut malitiam vitare possint: quoniam dissimiles sunt, qui audiunt, atque ille qui vituperatur, nos sperare illius vitam vehementer eos improbaturos. Ab rebus ipsis, incertas esse quid potissimum laudemus, vereri, ne cum multa dixerimus, plura praeteramus: & quæ similes sententias habebunt, quibus sententijs contraria sumuntur a vi-

supplicatione. Principium tractum ab aliqua harum, quas antea commemorauimus, rationum narratio non erit ulla, quæ necessario consequatur: sed, si qua inciderit, cum aliquod factum eius, de quo loquemur, nobis narrandum sit cum laude, aut vituperatione, præceptio narrandi de  
 \* primo libro repetetur. Diuisione hac uiuemus: primo exponemus quas res laudaturi sumus, aut vituperaturi. deinde ut quæque, quoue tempore res erit gesta, ordine dicemus, ut quid, quâq, nati  
 \* cauteq, egerit, intelligatur. Sed exponere oportebit animi virtutes, aut uitia: deinde commoda, aut incommoda corporis, aut rerum externarum, quomodo ab animo \* tractata sint, demonstrare. Ordinem hunc adhibere in demonstranda uita debemus. Ab externis rebus, genus in laude, quibus maioribus natus sit, si bono genere, patre, aut excelsiorem fuisse: si humili genere, ipsum in suis, non in maiorum uirtutibus habuisse presidium. In vituperatione, si bono genere, \* de decori maioribus fuisse: si malo, tamen his ipsis detrimentum fuisse. Educatio in laude: bene & honeste, in bonis disciplinis per omnem patris aetatem educatus esse. in \* vituperatione, e contrario. Deinde transire oportet ad corporis commoda. A natura in laude, si sit dignitas, atq, forma, laudi fuisse eam, non quemadmodum ceteris detrimento, atq, de decori. si vires, atq, velocitas egregia, honestis hæc exercitationibus, & industrijs dicemus comparata.

valetudo, ex perpetua diligentia, & temperantia  
 cupiditatum. In vituperatione, si erunt hæc cor-  
 poris commoda, his male usum dicemus, quæ casu,  
 & natura tanquam quilibet gladiator habuerit.  
 si non erit, præter formam omnia ipsius culpa, &  
 intemperantia non fuisse dicemus. Deinde reuer-  
 temur ad extraneas res, & in his animi quæ vir-  
 tutes, aut quæ vitia fuerint, considerabimus: di-  
 uitiæ, an paupertas fuerit, & quæ potestates, quæ  
 gloria, quæ amicitia, quæ inimicitia, & quid for-  
 titer in inimiciis gerendis fecerit, cuius causa  
 susceperit inimicitias: qua fide, beneuolentia, offi-  
 cio gesserit amicitias. In diuitiis qualis, aut in  
 paupertate cuiusmodi fuerit, quemadmodum ha-  
 buerit in potestatibus gerendis animum. Si inse-  
 ruerit, cuiusmodi mors eius fuerit: cuiusmodi res  
 mortem eius sit consecuta. Ad omnes autem res  
 in quibus animus hominis maxime consideratur,  
 illæ quattuor animi virtutes erunt accommodan-  
 dæ: ut si laudemus, aliud iuste, aliud fortiter,  
 aliud modeste, aliud prudenter factum esse dica-  
 mus. Si vituperemus, è contrario \* aliud iniuste,  
 aliud ignaue, aliud immodeste, aliud stulte fa-  
 ctum esse prædicemus. Perspicuum est iam nimi-  
 rum ex hac dispositione, quemadmodum sit tra-  
 ctanda tripartita diuisio laudis, & vituperatio-  
 nis, si illud etiam assumpserimus, non necesse esse  
 nos omnes has partes in laudem, aut vituperati-  
 onem transferre, \* propterea quod sæpe ne inci-

dunt quidem: sæpe ita tenuiter incidunt, ut non sint necessaria dictu. Quapropter eas partem, quæ firmissimæ videbuntur, legere oportebit. Conclusionibus breuibus utemur, enumeratione ad exitum causæ: in ipsa causâ crebras, & breues amplificationes interponemus per locos communes. Nec hoc genus causæ, eo quod raro accidit in vita, negligentius\* considerandū est. neq; enim id, quod potest accidere, ut faciendum sit aliquando, non oportet velle quam accommodatissime posse facere. Et si separatim hæc causâ minus sæpe tractatur: at in iudicialibus, & in deliberatiuis causis sæpe magnæ partes versantur laudis, aut vituperationis. quare in hoc quoque genere causæ nonnihil industriæ conferendum\* putauimus. Nunc absoluta nobis difficillima parte rhetoricæ, hoc est inuentione perpolita, atq; ad omne causæ genus accommodata, tempus est ad ceteras partes orationis proficisci. Deinceps igitur de dispositione dicemus.

Q V O N I A M dispositio est, per quam illa quæ inuenimus, in ordinem redigimus, ut certa quidque loco pronuntietur: videndum est cuiusmodi rationem in disponendo nos habere conueniat. Genera dispositionis sunt duo: vnum ab institutione artis profectum: alterū ad casum temporis accommodatū. Ex institutione artis disponemus, cum sequemur eam præceptionem, quam in primo libro exposuimus: hoc est, ut vitam

prim



principio narratione, diuisione, confirmatione, consutatione, conclusione: & hunc ordinē, quem admodum præceptum est ante, in dicendo sequemur. Item ex institutione artis non modo totas causas per orationem: \* sed per singulas quoque argumentationis partes disponemus, quemadmodum in secundo libro docuimus, id est expositionem, rationem, confirmationem rationis, exornationem, complexionem. Hæc igitur duplex dispositio est, una per orationem, altera per argumentationes ab institutione artis profecta. Est autem alia dispositio, quæ, cum ab ordine artificioso recedendū est, oratoris iudicio ad tempus accommodatur: ut si a narratione dicere incipiamus, aut ab aliqua firmissima argumentatione, aut a litterarum aliquarū recitatione: aut si secundū principium cōfirmatione utamur, deinde narratione: aut, si quam huiusmodi permutationem ordinis faciamus, quorum nihil, nisi causa postulet, fieri oportebit. Nam si vehementer aures auditorum \* obtusa videbūtur, atq; animi defatigati ab aduersarij multitudinem verborum, commodè poterimus principio supersedere, & exordiri causam aut a narratione, aut ab aliqua firma argumentatione, deinde si commodum erit, quod non semper necesse est, ad principij sententiam reuerti libebit. Si causa nostra magnam difficultatē videbūtur habere, ut nemo æquo animo principij possit audire, a narratione cū inciperimus, ad prin-

cipi sententiam reueriamur licebit. Si narratio parum probabilis est, exordiemur ab aliqua firma argumentatione. His commutationibus, & translationibus partium sepe uisi necesse est: cum ipsa res artificiosam dispositionē artificiose commutare cogit. In confirmatione, & confutatione, argumentationū dispositiones huiusmodi cōueni habere: firmissimas argumentationes in primis, & in postremis causæ partibus collocare: mediocres, & neq; inutiles, ad dicendum, neque necessarias ad probandum, quæ si separasim, ac singule dicantur, infirmæ sunt, cum ceteris cōiunctæ, firmæ, & probabiles fiunt, interponi, & in medio collocari oportet. Nam statim re narrata expectat animus auditoris ex qua re causæ confirmari possit: quapropter continuo firmam aliquam oportet inferre argumentationem. Et quoniam nuperime dictum facile memoriæ mandatur, uile est, cum dicere desinamus, recentem aliquam relinquere in animis auditorum bene firmam argumentationem. Hæc dispositio locorum, tanquam instructio militum facillime in dicendo, sicut illa in pugnando, parere poterit victoriam.

PRONUNTIATIONEM multi maxime oratori utilem dixerunt esse, & ad persuadendum plurimum ualere. \* nos unam de quibus rebus plurimum posse, non facile dixerimus: nec egregie magnam esse utilitatem in pronuntiatione sola audacter confirmauerimus. Nam commo-  
de

de inuentiones, & cōcinnæ verborum elocutiones, & partium caussæ artificiosæ dispositiones, & horum omnium diligens memoria sine pronuntiatione, non plus quā sine his rebus pronuntiatio sola valere poterit. Quare quia nemo de ea re diligenter scripsit (nam omnes vix putarunt posse de voce, & vultu, gestu, dilucide scribi, cum heres ad sensus nostros pertineret) & quia magnopere ea pars a nobis ad dicendum comparanda est: non negligenter videtur tota res consideranda. Diuiditur igitur pronuntiatio in vocis figuram, & corporis motum. Figura vocis est, quæ suam quandam possidet habitum ratione, & industria \*cōparatum. Ea diuiditur in treis partes: magnitudinem, firmitudinem, molliudinē. Magnitudinem vocis maxime comparat natura: nō nihil hanc augeat, sed maxime cōseruat cura. Firmitudinem vocis maxime natura comparat, nō nihil ad augeat, & maxime cōseruat exercitatio declamationis. Molliudinem vocis, hoc est, ut eā torquere pro nostro commodo possimus, maxime faciet exercitatio declamationis. Quapropter de magnitudine vocis, & firmitudinis parte, \*quoniam altera natura paritur, altera cura comparatur, nihil nos attinet comminisci: nisi ut ab ijs, qui nō inscīj sunt eius artificij, ratio curādæ vocis petatur. De ea parte firmitudinis, quæ cōseruatur ratione declamationis, & de molliudine vocis, quæ maxime necessaria est oratori, quoniā

ea quoque moderatione declamationis comparatur. dicendum videtur. Firmam igitur quam maxime poterimus in dicendo vocē cōseruare, si quam maxime sedata, & depressa voce principia dicimus. nam leduntur arteriæ, si ante, quam leni voce permulse sunt, acri clamore compleantur. Etiam intervallis longioribus uti conveniet. recreatur enim vox spiritus, & arteriæ reticendo acquiescunt. Et continuum clamorem remittere, & ad sermonem transire oportet, (commutationes enim faciunt, \* ut nullo genere vocis effuso, in omni voce integri simus) & acutas vocis exclamations vitare debemus: ictus enim fit, & vulnerantur arteriæ acuta, atque attenuata nimis acclamatione: & si quis spendor est vocis, consumitur clamore vniuersus. Et vno spiritu continenter multa dicere, in extrema consuevit oratione: fauces enim calefiunt, & arteriæ complentur, & vox, quæ varie tractata est, reducitur in quendam sonum æquabilem, atque constantem. Sæpe rerum naturæ gratia quedam iure debetur, velut accidit in hac re. Nam, quæ diximus ad vocem seruandam prodesse, eadem attinent ad suauitatem pronuntiationis: ut quod nostræ voci prodest, idem voluptate auditoris probetur. Vtile est ad firmitudinem vocis sedata vox in principio. quid insuuius quam clamor in exordio causse? Intervalla vocem confirmant: eadem sententias concinniores diuisione reddunt, & auditori spatium cogitandi

giandi relinquunt. Conseruat vocem continui  
 clamoris remissio: & auditorem quidem varie-  
 tas maxime delectat, cum sermone animum eius  
 retinet, aut exsuscitat clamore. Acuta exclama-  
 tio vocem, & fauces vulnerat: eadē lādīt audi-  
 torem: habet enim quiddam illiberale, & ad mu-  
 liebrē potius vociferationem, quam ad virilem  
 dignitatē in dicendo accommodatum. In extrema  
 oratione continens vox remedio est voci. quid?  
 hec eadem, nonne animum vehemētissime cale-  
 facit auditoris in totius conclusione causse? Quo-  
 niam igitur res eadem vocis firmitudini, & pro-  
 nunciationis suauitadini profunt, de utraque  
 re simul erit in præsentia dictum: de firmitu-  
 dine,\* quæ visa sunt, & de suauitate, quæ con-  
 iuncta fuerunt: cetera suo loco paullo post dice-  
 mus. Mollitudo igitur vocis, quoniam omnis  
 ad rhetoris præceptionem pertinet, diligentius  
 nobis consideranda est. eam diuidimus in ser-  
 manem, contentionem, amplificationem. Sermo,  
 est oratio remissa, & finitima quotidiana locu-  
 tioni. Contentio, est oratio acris, & ad confir-  
 mandum, & confutandum accommodata. Am-  
 plificatio est oratio, quæ aut ad iracundiam in-  
 ducit, aut ad misericordiam trahit auditoris  
 animum. Sermo diuiditur in parteis quattuor,  
 dignitatem, demonstrationem, narrationem, io-  
 cationem. Dignitas, est oratio cum aliqua graui-  
 tate, & vocis remissione. Demonstratio est, quæ do-

cet remissa voce quomodo quid fieri potueris, aut  
 non potueris. Narratio est rerum gestarum\* aut  
 proinde ut gestarum expositio. Locatio, est oratio  
 quæ ex aliqua re risum prudentem, & liberalem  
 potest comparare. Contentio rursus diuiditur in  
 continuationem, & distributionem. Continuatio  
 est orationis enuntiandę acceleratio clamosa. Di-  
 stributio est in contentione, oratio frequens cum  
 raris, & breuibus intervallis acri vociferatione.  
 Amplificatio diuiditur in cohortationem, &  
 conquestionem. Cohortatio est, quæ aliquod pec-  
 catum amplificans, auditorem ad iracundiam  
 adducit. Conquestio est oratio, quæ incōmodorum  
 amplificatione animum auditoris ad misericor-  
 diam perducit. Quoniam igitur mollitudo vocis  
 in treis partes diuisa est, & hæ partes ipsæ in o-  
 cto partes alias distributæ: harū octo partiū quæ  
 cuiusq; idonea pronuntiatio sit, demonstrandum  
 videtur. Sermo cum est in dignitate, plenis fauci-  
 bus quam sedatissima, & depressissima voce vi  
 conueniet: ita tamen, ut ne ab oratoria consuetu-  
 dine ad tragicam transeamus. Cum autem est in  
 demonstratione, voce paululum attenuata, cre-  
 bris intervallis, & diuisionibus oportet vi, ut ip-  
 sa pronunciatione eas res, quas demonstrabimus  
 inferere, atque\* interfecare videamur in animis  
 auditorum. Cum autem sermo in narratione est,  
 cum vocum varietate opus est: ut quo quidque  
 pacto gestum sit, ita narrari videatur. Sirene  
 quod

quod volumus ostendere factum, celeriuscule dicemus: at aliud otiose: retardabimus. deinde modo acriter, tum clemēter, mōste, \* hilare in omnis partes commutabimus, ut verba, ita pronuntiationem. Siqua inciderint in narratione dicta yogata, responsa, si quæ admiratione de quibus nos narrabimus, diligenter animaduersemus ut omnium personarum sensus, atque animos voce exprimamus. Sin erit sermo in iocatione, leniter tremebūda voce, cum parua significatione risus, sine ulla suspitione nimiae cachinnationis, leniter oportebit à sermone serio torquere ad liberalem iocum vocem. Cum autem contendere oportebit, quoniam id, aut per continuationem, aut per distributionem faciendum est: in continuatione ad aucto mediocriter sono vocis, verbis cōtinuādis, vocem quoque adaugere oportebit, & torquere sonum, & celeriter cum clamore verba cōficere, ut vim volubilem orationis vociferatio consequi possit. In distributione vocem ab imis faucibus exclamatione \* quam clarissima adhibere oportet: \* & quantum spatij per singulas exclamationes sumpserimus quantum in singula intervalla spatij consumere \* iubemur. In amplificationibus, cum cohortatione utemur voce attenuatissima, clamore leni, sono equabili, cōmutationibus crebris, maxima celeritate. In conquestione utemur voce depressa, inclinato sono, crebris intervallis, longis spatij, magnis commutationibus. De figura vocis

satis dictum est, nunc de corporis motu dicendum  
 videtur. Motus, est corporis gestus, & vultus mo-  
 deratio quaedam, quæ probabiliora reddit ea quæ  
 pronuntiantur. Conuenit igitur in vultu pudor-  
 em & acrimoniam esse. In gestu nec vetustatem  
 \* conspiciendam, nec turpitudinem esse, ne au-  
 thistrones, aut operarij videamur esse. Ad eas-  
 dem igitur partes, in quas vox est distributa, mo-  
 tus quoque corporis ratio videtur esse accommo-  
 danda. Nam si erit sermo cum dignitate, stantes  
 in vestigio, leui dextra motu loqui oportebit: hi-  
 laritate, tristitia, mediocritate vultus ad sermo-  
 nis sententias accommodata. Sin erit in demon-  
 stratione sermo, paullulū corpus à ceruicibus de-  
 mitemus. Nam hoc est à natura datum, ut quan-  
 proxime tum vultum admoneamus ad auditores  
 si quam rem eos docere, & vehementer instigare  
 velimus. Sin erit in narratione sermo, idem mo-  
 tus poterit idoneus esse, qui paullo ante demon-  
 strabatur in dignitate, Sin erit in iocatione, vultu  
 quandam debemus hilaritatem significare si-  
 ne commutatione gestus. Sin contendemus per  
 continuationem, brachio celeri, mobili vultu, acri  
 aspectu utemur. Sin contentio fiet per distribu-  
 tionē, celeri porrectione brachij, in ambulatione,  
 pedis dextri rara supplotione, acri & defixo aspe-  
 ctu uti oportebit. Sin utemur amplificatione per  
 cohortationem, paullo tardiore & consideratione  
 gestu conueniet uti: similibus ceteris rebus alijs.



in contentione per continuationem. Sin utemur  
 amplificatione per conquestionem, semineo plan-  
 gore, & capitis ictu, nonnunquam sedaro, &  
 constanti gestu mactato, & conturbato vultu vii  
 oportebit. Non sum nescius, quantum suscep-  
 rim negotij, qui motus corporis exprimere verbis,  
 & imitari scriptura conatus sum voces. Verum  
 nec hoc confisus sum posse fieri, ut de his rebus  
 satis commode scribi posset: nec si id fieri non pos-  
 set, hoc quod feci, fore inutile putabam, propterea  
 quod hic admonere volumus quid oporteres: re-  
 liqua trademus exercitationi. Hoc tamen scire  
 oportet, pronunciationem bonam id perficere, ut  
 res ex animo agi videatur. Nunc ad thesaurum  
 inuentorum, atq; omnium partium, rhetoricæ cu-  
 sfodem memoriam transeamus, MEMORIA  
 unum habeat quiddam artificij, an omnis à na-  
 tura profisciscatur, aliud dicendi tempus magis  
 idoneum dabitur. Nunc proinde atque constet in  
 hac re multum valere artem & præceptionem,  
 ita de ea re loquemur. Placet enim nobis esse  
 artificiam memorię: quare placeat, alias ostende-  
 mus: in præsentia cuiusmodi sit ea, aperiemus.  
 Sunt igitur due memorię: una naturalis, altera  
 artificiosa. Naturalis est ea, quæ nostris animis  
 insita est, \* & simul cum cogitatione nata. Arti-  
 ficiosa est ea, quam confirmat inductio quædam,  
 & ratio præceptionis. Sed quia in ceteris rebus  
 ingenij bonitas imitatur sæpe doctrinā: ars por-

ro naturæ commoda confirmat & augeat: item fit in hac re, ut nonnumquam naturalis memoria, sicui data est egregia, similis sit huic artificiosa. Porro hæc artificiosa, naturæ commoda retinet, & amplificat ratione doctrinæ. Quapropter & naturalis memoriæ præceptione confirmanda est, ut sit egregia: & hæc quæ doctrina datur, indiget ingenij. Nec hoc magis aut minus in hac re quàm in ceteris artibus fit, ut ingenio, doctrina, præceptione, natura nitescat. Quare & illis qui natura memores sunt, utilis hæc erit institutio, quod tute paullo post poteris intelligere. Quod si illi freti ingenio, nostra præceptione non indigerent: tamen iusta causa daretur, quare ijs qui minus ingenij habent, adiumento velimus esse. Nunc de artificiosa memoria loquemur. Constat igitur artificiosa memoria ex locis & imaginibus. Locos appellamus eos qui breuiter, perfecte, insignite aut natura, aut manu sunt absoluti, ut eos facile naturali memoria comprehendere & amplecti queamus: ut aedes, intercolumnium, angulum, formicem, & alia quæ his similia sunt. Imagines sunt formæ quædam & notæ, & simulacra eius rei, quam meminisse volumus: quod genus, equi, leones, aquilæ: quorum memoriâ si volumus habere, imagines eorum certis in locis collocare nos oportebit. Nunc cuiusmodi locos inuenire, & quo pacto reperire, & in locis imagines constituere oporteat, ostendemus. Quemadmodum igitur qui litteras

litteras sciunt: possunt id \* quod dictum est, scribere & recitare quod scripserunt: ita qui pronuntiā didicerunt, possunt quæ audierunt in locis collocare, & ex his memoriter pronuntiare. Loci enim ceræ, aut chartæ simillimi sunt: imagines, litteris: dispositio & collocatio imaginum, scripturæ: pronuntiatio, lectioni. Oportet igitur, si volumus multa meminisse, multos nobis locos comparare, ut in multis locis multas imagines collocare possimus. Item putamus oportere ex ordine hos locos habere, nequando perturbatione ordinis impediamur, quo secius quotoquoq; loco libebit, vel à superiore, vel ab inferiore, vel ab media parte imagines \* secuti, ea quæ mandata loci erunt, edere & proferre possimus. Nam ut si ordine stantes notos complures viderimus, nihil nostra intersit utrum à summo, an ab imo, an ab medio nomina eorum dicere incipiamus: item in locis ex ordine collocatis eueniet, ut in quâlibet parte quotoquoq; loco libebit, imaginibus cōmoniti dicere possimus id quod locis mādauerimus.

\* Quare & ex ordine locos comparare: & locos quos assumpserimus, egregie & \* commoditer notare oportebit, ut perpetuo nobis hæere possint. Nam imagines, sicut littera delentur: ubi nihil illis vimur, loci tamquam cera remanere debent. Et ne forte in numero locorum falli possimus, quintum quemque placet notari: quod genus, si in quinto loco manum auream collocemus,

Et si in decimo aliquem notum, cui prænomen sit  
 Decimo: deinde facile erit similes notas quibus  
 quoque loco collocare. Item commodius est in de-  
 relicta, quam in celebri regione locos comparare:  
 propterea quod frequentia, et obambulatorio ho-  
 minum conturbat, et infirmat imaginum notas,  
 solitudo conseruat integras simulacrorum figuras.  
 Præterea dissimiles forma, atque natura loci com-  
 parandi sunt, \* ut distincti interlucere possint,  
 nam si quis multa intercolumnia sumpserit, con-  
 turbabitur similitudine locorum, ut ignoret quid  
 in quoque loco collocarit: et magnitudine modica:  
 et mediocres locos habere oportet. nam et præ-  
 ter modum ampliagae imagines reddunt, et ni-  
 mis angusti sæpe non videntur posse capere ima-  
 ginum collocationem. Tum nec nimis illustres, nec  
 vehementer obscuros locos haberi oportet: ne aut  
 obcæcetur tenebris imagines, aut splendore præ-  
 fulgeant. Intervalla locorum mediocria placeat esse  
 fere paullo plus aut minus pedum tricentum. nam  
 ut aspectus, ita cogitatio minus valet, siue nimis  
 procul remoueris, siue vehementer prope admo-  
 ueris id quod oportet uideri. Sed quamquam fa-  
 cile est ei, qui paullo plura explorauerit, quamuis  
 multos et idoneos locos comparare: tamen, si quis  
 ad ista satis idoneos inuenire se non putabit, ipse  
 sibi constituat, quam uolet multos, licebit. Cog-  
 itatio enim quamuis regionem potest amplecti, et  
 in ea situm loci cuiusdam ad suum arbitrium  
 fabricari

fabricari & architectari. Quare licebit, si hac  
 prompta copia contenti non erimus, nosmetipsos  
 nobis cogitatione nostra regionem constituere, &  
 idoneorum locorum commodissimam distinctio-  
 nem comparare. De locis satis dictum est: nunc  
 ad imaginum rationem transeamus. Quoniam  
 ergo rerum similes imagines esse oportet, & ex  
 omnibus verbis nosmet nobis notas similitudines  
 eligere debemus, duplices similitudines esse de-  
 bent, una rerum, altera verborum. Rerum simili-  
 tudines exprimuntur, cum summatim ipsorum ne-  
 gotiorum imagines comparamus. Verborum simi-  
 litudines constituuntur, cum uniuscuiusque no-  
 minis, & vocabuli memoria imagine notatur.  
 Rei totius memoriam saepe una nota, & imagine  
 simplici comprehendemus hoc modo: Ut si accusa-  
 tor dixerit ab reo hominem veneno necatum, &  
 hereditatis causa factum argueris, & eius rei  
 multos dixeris testes, & conscios esse. Si hoc pri-  
 mum, ut ad defendendum nobis expeditum sit,  
 meminisse volumus, in primo loco rei totius ima-  
 ginem conformabimus, egrotum in lecto cuban-  
 tem faciemus, ipsum illum de quo agitur, si for-  
 mam eius adhibebimus: si eum non agnouerimus,  
 at aliquem egrotum non de minimo loco sume-  
 mus, ut cito in mentem venire possit, & eum ad  
 lectum eius adstiuemus: dextra poculum, sini-  
 stra tabulas, medico testiculos ariesinos tenentem.  
 Hoc modo & testium, & hereditatis, & veneno  
 necati memoriam habere poterimus. Item dein-

ceps cetera crimina ex ordine in locis ponemus :  
 & quotiescunque rem meminisse volumus, si for-  
 marum dispositione, & imaginum diligenti no-  
 tatione viemur, facile ea, quæ volumus, memoria  
 consequemur. Cum verborum similitudines ima-  
 ginibus exprimere volumus, plus negotij suscipi-  
 emus, & magis ingenium nostrum exercebimus.  
 id nos hoc modo facere oportebit: Iam domitius  
 nec reges Atridæ parant. in loco cōstitueret oportet  
 manus ad cælum tollentem Domitium, cum à  
 regibus Marijs loris cædatur. Hoc erit, Iam do-  
 mitionem reges. In altero loco Aesopū, & Cim-  
 brum subornare Iphigeniam, Agamemnonem, &  
 Menelaum : hoc erit, Atridæ parant. hoc modo  
 omnia verba erunt expressa. Sed hæc imaginum  
 confirmatio tum valet, si naturalem memoriam  
 exsuscitauerimus hac notatione: ut versu posito,  
 ipsi nobiscum primū transeamus bis, aut ter eum  
 versum: deinde cum imaginibus verba exprima-  
 mus. hoc modo naturæ suppedietur doctrina,  
 nam utraque, altera separata minus erit firma:  
 ita tamen ut multo plus in doctrina, atque arte  
 præsidij sit. quod docere non grauaremur, ni me-  
 meremus, ne cū ab instituto nostro recessissemus,  
 minus cōmode seruaretur hæc dilucida breuius  
 præceptionis. Nūc quoniā solet accidere ut ima-  
 gines \* partim firmæ & hærentes, & ad monen-  
 dum idoneæ sint: partim \* imbecillæ & infirmæ,  
 quæ vix memoriā possint excitare: qua de caus

sa utrumque fiat, considerandum est, ut cognita  
caussa, quas vitemus, & quas sequamur ima-  
gines, scire possimus. Docet igitur nos ipsa na-  
tura, quid oporteat fieri. nam, si quas res in vi-  
ta videmus parvas, vsitatas, quotidianas, eas  
meminisse non solemus: propterea quod nulla  
nisi noua, aut admirabili re commouetur ani-  
mus: at siquid videmus, aut audimus egregie  
turpe, aut honestum, inusitatum, magnum, in-  
credibile, ridiculum, id diu meminisse consue-  
nimus. Itaque quas res ante ora videmus, aut  
audimus, obliuiscimur plerumque: quæ accide-  
runt in pueritia meminimus optime sæpe: nec  
hoc alia de causa potest accidere, nisi quod vsi-  
tate res facile à memoria elabuntur, insignes &  
nouæ manent in animo diutius. Solis exortus,  
cursus, occasus nemo admiratur, propterea quod  
quotidie fiunt: at eclipses solis mirantur, quia  
raro accidunt, & solis eclipses magis mirantur  
quam lune, quod hæ crebriores sunt. Docet er-  
go, se natura vulgari, & vsitata re non exsus-  
citari, nouitate & insigni quodam negotio com-  
moueri. Impletur igitur ars naturam: & quod  
ea desiderat, inueniat: quod ostendit, sequatur.  
Nihil est enim quod aut natura extremum in-  
uenerit, aut doctrina primum, sed rerum prin-  
cipia ab ingenio profecta sunt, & exitus disci-  
plina comparantur. Imagines igitur nos in eo  
genere constituere oportebit, quod genus in me-

memoria manere diutissime potest. id accidit, si  
 quammaxime notas similitudines constituemus:  
 si\* non mutas, nec vagas, sed aliquid agentes  
 imagines ponemus: si egregiam pulchritudi-  
 nem, aut unicam turpitudinem eis attribuamus:  
 si aliquare exornabimus, ut si coronis, aut ve-  
 ste purpurea, quo nobis notior sit similitudo: aut  
 si quare deformabimus, ut si cruentam, aut ca-  
 no oblitam, aut rubrica delibutam inducamus,  
 quo magis insignita sit forma: aut si ridiculas  
 res aliquas imaginibus attribuamus. nam ea res  
 quoque faciet, ut facilius meminisse possimus.  
 nam quas res veras facile meminimus, easdem  
 fictas, & diligenter notatas meminisse non est  
 difficile. Sed illud facere oportebit, ut idemi-  
 dem primos quosque locos imaginum renouada-  
 rum causa celeriter animo\* percurramus. Scia-  
 plerosque Græcos, qui de memoria scripserunt,  
 fecisse, ut multorum verborum imagines con-  
 scriberent: uti qui ediscere vellent, paratas ha-  
 berent, nequid in quaerendo consumerent opera:  
 quorum rationem aliquot de causis improba-  
 mus. Primum, quod in verborum innumerabi-  
 lium multitudine ridiculum sit mille verborum  
 imagines comparare. Quantulum enim pote-  
 runt hæc valere, cum ex infinita verborum co-  
 pia modo aliud, modo aliud nos verbum memi-  
 nisse oportebit: deinde cur volumus ab industria,  
 quemquam remouere, ut nequid ipse quaerat



cum nos illi omnia parata, quæ sita, tradamus ?  
 Præterea similitudine alia alius magis commo-  
 nentur, nam ut sæpe formam, siquam similem cui-  
 piam dixerimus esse, non omnes habemus assen-  
 sores, quod alij videtur aliud : ita fit in imagini-  
 bus, ut quæ nobis diligenter notæ sint, eæ parum  
 videantur insignes alijs. Quare sibi quemque  
 suo commodo convenit imagines comparare. Po-  
 stremo præceptoris est docere, quæadmodum quæ-  
 ri quidque conveniat, aut unum aliquod, aut al-  
 terum, non omnia, quæ eius generis erunt, ex-  
 emplis causis subiungere, quo res possit esse diluci-  
 dior : ut cum de præmijs querendis disputa-  
 mus, rationem damus querendi, non nulle præ-  
 miorum genera conscribimus. ita arbitramur de  
 imaginibus fieri convenire. Nunc, ne forte ver-  
 borum memoriam aut nimis difficilem, aut pa-  
 rum utilem arbitreris, & ipsarum memoria re-  
 rum contentus sis, quod & utiliores sint, & plus  
 habeant facilitatis : admonendus es quare ver-  
 borum memoriam non improbemus. Nam puta-  
 mus oportere eos, qui velint res faciliores sine  
 labore & molestia facile meminisse, in rebus dif-  
 ficilioribus esse ante exercitatos. Nec nos hanc  
 verborum memoriam in lucimus, ut versus me-  
 minisse possimus : sed ut hac exercitatione, illa  
 rerum memoria, quæ pertinet ad utilitatē, confir-  
 metur : ut ab hac difficili cōsuetudine, sine labore  
 ad illam facilitatem transire possimus. Sed cum

in omni disciplina infirma est artis præceptio sine  
summa assiduitate exercitationis. tum vero in  
minimo: xois minimum valet doctrina, nisi in-  
dustria, studio, labere, diligentia comprobetur.  
Quamplurimos locos ut habeas, & quammaxi-  
me ad præcepta accommodatos curare debebis.  
In imaginibus collocandis exerceri quotidie  
conueniet. non enim, sicut in ceteris studiis, ab-  
ducimur nonnunquam occupatione, ita ab hac  
re nos potest causa deducere aliqua. nunquam  
est enim quin aliquid memorie tradere velimus,  
& tum maxime, cum aliquo maiore negotio  
detinemur. Quare cum sit utile facile memi-  
nisse, non te fallit, quod tantopere utile sit, quan-  
to labore sit appetendum: quod poteris existi-  
mare utilitate cognita. Pluribus verbis ad eam  
te hortari non est sententia: ne aut tu nostro, aut  
nos tuo studio diffidere, aut minus, quam res po-  
stulat, dixisse videamur. De quinta parte rhe-  
toricæ deinceps dicemus: in primas quasque  
partis in animo frequenta: & quod maxime  
necessè est, exercitatione confirma.

RHETO.



# RHETORICORVM

## AD C. HERENNIVM

### LIBER IIII.

**Q**UONIAM in hoc libro C. Herenni de elocutione conscripsimus, & quibus in rebus opus fuit exemplis vii, nostris exemplis vti sumus, & id fecimus præter consuetudinem Græcorum, qui de hac re scripserunt: necessario faciendum est, vt paucis rationem nostri consilij demus. Atque hoc nos necessitudine facere, non studio, satis erit signi, quod in superioribus libris nihil neque amere rem, neque præter rem locuti sumus. Nunc, si pauca, quæ res postulat, dixerimus, tibi id, quod reliquum est arui, ita, vii instituimus, persoluemus. Sed facilius nostram rationem intelliges, si prius quid illi dicant cognoueris. Compluribus de causis putant oportere, cum ipsi præceperint, quo pacto oporteat ornare elocutionem, vniuscuiusque generis ab oratore, aut poëta probato sumptum ponere exemplum. Et primum se id modestia commotos facere dicunt, propterea quod videatur esse ostentatio quædam, non satis habere præcipere de artificio: sed ipsos etiam videri velle artificiose gignere exempla: hoc est, inquiunt, ostentare se, non artem ostendere. Quare pudor in primis est ad

eam rem impedimento, ne nos solos probare, nos  
amare, alios contemnere, & deridere videamur.  
Etenum cum possimus ab Ennio sumptum, aut à  
Graccho ponere exemplum, videtur esse arrogan-  
tia, illa relinquere, & ad sua deuenire. Præterea,  
exempla, & testimoniorum locum obtinent. id enim  
quod admonuerit, & leniter fecerit præceptum,  
exemplo, sicut testimonio comprobatur. Non igitur  
ridiculus sit, si quis in lite, aut in iudicio do-  
mestico pugnet, & sui ipsius testimonio abusa-  
tur? ut enim testimonium sic exemplum rei con-  
firmandæ causa sumitur. Non ergo oportet hoc,  
nisi à probatissimo sumi: ne, quod aliud confir-  
mare debeat, egeat ipsum confirmationis. etenim  
necesse est aut se omnibus anteponant, & sua ma-  
xime probent, aut negent optima esse exempla,  
quæ à probatissimis oratoribus aut poetis sumpta  
sunt. Si se omnibus anteponant, intolerabili ar-  
rogantia sunt: si quos sibi præponant, & eorum  
exempla suis exemplis non putent præstare, non  
possunt dicere, quare sibi illos anteponant. Quid  
igitur ipsa auctoritas antiquorum? Nam iuniores  
probabiliores, tum hominum studia ad imitan-  
dum alacriora reddit: immo erigit omnium cupi-  
ditates, & acuit industriam: cum spes iniecta  
est posse imitando Gracchi, aut Crassi consequi  
facultatem. postremo hoc ipsum est summum arti-  
ficium res varias, & dispares in tot poematibus,  
& orationibus sparsas, & vage dissectas, ita dili-  
gen-

genter eligere, ut unumquodq, genus exēplorum  
 sub singulos artis locos subijcere possis. Hoc si in-  
 dustria solum fieri posset, tamen essemus laudan-  
 dū, cum talem laborem non fugissemus: nunc ve-  
 ro sine summo artificio non potest fieri. Quis est  
 enim qui non, cum summe teneat artem, possit ea,  
 quæ iubeat ars, de tāta, & iam diffusa scriptura  
 notare, & separare? Ceteri cum legunt orationes  
 bonas, aut poēmata, probant oratores, & poētas,  
 neque intelligunt quare commoti probent, quod  
 scire non possunt, ubi sit, nec quid sit, ne quo-  
 modo factum sit id, quod eos maxime delectet. At  
 is, qui & hæc omnia intelligit, & idonea maxi-  
 me eligit, & \*omnia in arte maxima scribendo,  
 redigit in singulas rationes præceptionis: necesse  
 est eius rei summus artifex sit. Hoc igitur ipsum  
 maximum artificium est, in arte sua posse & alic-  
 nis exemplis uti. hæc illi cum dicunt, magis nos  
 auctoritate sua commouēt, quam veritate dispu-  
 tationis. Illud enim veremur, ne cui satis sit ad  
 contrariam rationem probandam, quod ab ea ste-  
 terint ij, qui & inuētores huius artificij fuerunt,  
 & vetustate iam satis omnibus probati sunt.  
 quod si illorum auctoritate remota, res omnes vo-  
 lent cum re comparare: intelligēt, non omnia esse  
 concedenda antiquitati. Primum igitur quod ab  
 eis de modestia dicitur, videamus ne nimium  
 inutiliter & pueriliter proferatur. Nam si tace-  
 re, & nihil scribere modestia est: cur quidquam

scribunt aut loquuntur? Sin aliquid suum scribunt, cur quo secius omnia scribant, impediuntur modestia? Quasi, si quis ad olympiacum venerit cursum, & steteris ut mittatur, impudentes illos dicat esse, qui currere cœperint, ipse in ira carcerem stes, & narret alijs quomodo  
 \*Ladas, aut Boius cum Sicyonijs cursitaris: sic isti, cum in artis curriculum descenderunt, illos, qui in eo quod est artificij, elaborent, aiunt facere immodeste: ipsi aliquem antiquum oratorem aut poëtam laudant, aut scripturam, sic ut in stadium rhetoricæ artis prodire non audeant. Non ausim dicere, sed tamen vereor, ne qua in re laudem modestiæ venentur, in ea ipsa re sint impudentes. Quid enim tibi vis? aliquis inquit, artem tuam scribis: gignis nobis novas præceptiones: eas ipse confirmare non potes: ab alijs exempla sumis: vide ne facias impudenter, qui tuo nomini velis ex aliorum laboribus libare laudem. Nam si eorum volumina prehenderint antiqui oratores, & poëtæ, & suum quisq; de libris suis iulerit: nihil istis, quod suum esse velint, relinquetur. At exempla, quoniam testimoniorum similia sunt, item conuenit, ut testimonia, ab hominibus probatissimis sumi. Primum omnium exempla ponuntur hic non confirmandi, neque testificandi causa, sed demonstrandi. Non enim, cum dicimus esse exornationē, quæ, verbi causa, cōstet ex similiter desinētib; verbis, & ponimus  
 hoc

hoc exemplum à Crasso, QUIBUS POSSV-  
MVS, ET DEBEMVS, testimonium collo-  
catus, sed exemplum. Hoc igitur interest inter  
exemplum, & testimonium. Exemplo demonstra-  
tur id quod dicimus, cuiusmodi sit: Testimonio  
esse illud ita, ut nos dicimus, cōfirmatur. Præte-  
rea oportet testimonium cum re convenire, aliter  
enim rem nō potest confirmare. at id, quod illi fa-  
ciunt, cum re nō convenit. Quid ita? Quia polli-  
centur artem se scribere, et exempla proferunt  
ab ijs plerumque, qui artem nescierunt. tum quis  
est, qui possit id, quod de arte scripserit, compro-  
bare, nisi aliquid scribat ex arte? Contraque fa-  
ciunt, quam polliceri videntur. nam cum scri-  
bere artem instituunt, videntur dicere se exco-  
gitasse, quod alios docerent: cum vero scribunt,  
ostendunt nobis quid alij excogitarint. At hoc  
ipsum est difficile, inquiunt, eligere de multis.  
Quid dicis difficile? virum laboriosum, an ar-  
tiosum? Si laboriosum, non statim præclarum.  
sunt enim multa laboriosa: quæ si faciatis, non  
continuo gloriemini: nisi etiam, si vestra manus  
fabulas, aut orationes totas transcripseritis, glo-  
riosum putaretis. sin autem istud artificium egre-  
gium dicitis: videte, ne infusi rerum maiorum  
videamini, si vos parva res, sicuti magna, dele-  
ctat. Nam isto modo, eligere rudis quidem nemo  
potest: sed sine summo artificio multi. Quisquis  
enim audieris de arte paullo plus, in elocutione

*praesertim, omnia videre poterit quae ex arte dicuntur: facere nemo poterit, nisi eruditus. Ita ut si de tragædijs Ennii velis sententias eligere, aut de Pacuvianis periodos: sed quia plane rudis id facere nemo poterit, cum feceris, te literratissimum putes, ineptus sis: propterea quod id facile faciat quivis mediocriter litteratus. Item si cum ex orationibus, aut poematibus elegeris exempla, quae certis signis artificij notata sunt, quia rudis id nemo facere possit, artificiosissimum te fecisse putes, erras: propterea quod isto signo videmus te non nihil eius scire, alijs signis te scire multa intelligimus. Quod si artificiosum est intelligere, quae sunt ex arte scripta: multo est artificiosius, ipsum scribere ex arte. qui enim scribit artificiose, ab alijs commode scripta facile intelligere poterit: qui eligit facile, non continuo ipse commode scribit. Et si est maxime artificiosum, alio tempore utantur ea facultate, non tum cum parere ipsi, et gignere, et proferre debent. Postremo in eo vim artificij consumant, ut ipsi ab alijs potius eligendi quam aliorum boni electores existimentur. Contra ea, quae ab ijs dicuntur, qui dicunt alienis se exemplis uti oportere, satis est dictum. nunc quae separatim dici possunt consideremus. Dicimus ergo eos omnes, cum in eo quod alienis utantur, peccare: tum etiam magis delinquere, quod à multis exempla sumant. sed de eo, quod postea diximus, ante videamus. Si recte dero*



derem aliena oportere assumere exempla, vince-  
 rem unus oportere. Primiti, quod contra hoc nulla  
 staret eorum ratio. liceret enim eligere, & pro-  
 bare, quentlibet, qui sibi in omnes res suppedi-  
 taret exempla, vel poetam, vel oratorem, cuius au-  
 thoritate niterentur. Deinde interest magni eius,  
 qui discere vult, utrum unum omnia, an omnia  
 neminem, sed aliud alium putet consequi posse.  
 Si enim putabit posse omnia penes unum conse-  
 flere, ipse quoque ad omnium niscetur faculta-  
 tem: si id desperarit, in paucis se exercebit. ipsis  
 etiam contentus erit. nec mirum, cum ipse prae-  
 ceptor artis omnia penes unum reperire non po-  
 merit. Allatis igitur exemplis à Catone, à Grac-  
 cho, à Lelio, à Scipione, Galba, Porcina, Crasso,  
 Antonio, ceteris: ite sumptis alijs à poetis, & hi-  
 storiarum scriptoribus, necesse erit eum qui di-  
 scet, ab omnibus putare omnia, ab uno pauca  
 vix potuisse sumi. Quare si se unus alicuius esse  
 similem satis habebit, omnia quae omnes habue-  
 rint, solū habere se posse diffidet. ergo inutile est  
 ei, qui discere vult, nō putare unum omnia posse.  
 Igitur nemo in hanc\* incidet opinionem, si ab  
 uno exempla sumpsissent, nunc hoc signi est, ipsos  
 artis scriptores non putasse unum potuisse in om-  
 nibus elocutionis partibus enitere, quoniam neq;  
 sua promulerunt, neq; unius alicuius, aut deniq;  
 duorum sed ab omnibus oratoribus, & poetis  
 exempla sumpserunt. Deinde si quis velit artem

demonstrare, nihil prodesse ad discendum, non male utatur hoc adiumento, quod unus omnium artis partes consequi nemo poterit. Quod igitur iuuat horum rationem, qui omnino impræben arteor, id non ridiculum est, ipsum scriptorem artis suo iudicio comprobare? Ergo ab uno sumenda fuisse docuimus exempla, si semper aliunde sumerentur. Nunc omnino aliunde sic intelligimus sumenda non fuisse primum omnium, quod ab artis scriptore affertur exemplum, de eius artificio debet esse, non, ut si quis purpuram, aut aliud quippiam vendens, dicat, Summe à me: sed huius exemplum aliunde rogabo, tibi que ostendam. Si merces ipsi qui vendit, aliunde exemplum quaerit aliud mercis: acervos se dicant tritici habere, & eorum exemplum pugno non habeant quod ostendant: si Triptolemus, cum \* hominibus semen largiretur, ipse ab alijs hominibus id mutaretur: aut si Prometheus, cum mortalibus ignem diuidere vellet, ipse à vicinis cum testæ ambulans carbunculos corrogaret, non ridiculum videretur? Isti magistri omnium dicendi præceptores non videntur sibi ridicule facere, cum id quod alijs pollicentur, ab alijs quaerunt? Si, qui se fontes maximos penitus absconditos aperuisse dicat, & hæc sitiens quam maxime loquatur, neque habeat quo sitim sedes, non irrideatur? Isti, cum non modo dominos se fontium, sed se ipsos fontes esse dicant, & omnium rigare

rigare debeant ingenia, non putant fore ridicu-  
lum, si cum id polliceantur alijs, arescant ipsi sic-  
citate. Chares à Lysippo statuas facere non isto  
modo didicit, ut Lysippus caput ostenderet My-  
ronis, brachia Praxitelis, pectus Polycleri: sed  
omnia coram magistrum facientem videbat, ce-  
terorum opera, vel sua sponte considerare poterat.  
Isti credunt eos, qui hæc velint discere, alia rati-  
one doceri posse commodius. Præterea, nec possunt  
quidem ea, quæ sumuntur ab alijs exempla, tam  
esse accommodata ad artem, quam propria. pro-  
pterea quod in dicendo leuiter unusquisq; locus  
plerumque tangitur, ne ars appareat. In præci-  
piendo, expresse conscripta ponere oportet exem-  
pla, ut in artis formam conuenire possint: & post  
in dicendo, ne possit ars eminere, & ab omnibus  
videri facultate oratoris occultata. Ergo etiam,  
ut magis ars cognoscatur, suis exemplis melius  
est vii. Postremo hæc quoque res duxit nos ad  
hanc rationem, quod nomina rerum Græca, quæ  
conuertimus, ea remota sunt à consuetudine.  
Quæ enim res apud nostros non erant, earum re-  
rum nomina non poterant esse usitata. Ergo hæc  
asperiora primo videantur necesse est, idq; fiet  
rei, non nostra difficultate. Reliquum scripturæ  
consumetur in exemplis. hæc aliena si posuisse-  
mus, factum esset, ut quod commodius esset in hoc  
libro, id nostrum non esset: quod asperius, & inusi-  
tatum, id propriè nobis attribueretur. Ergo hanc

demonstrare, nihil prodesse ad discendum, non male utatur hoc adiumento, quod unus omnem artis partes consequi nemo potuerit. Quod igitur iuvat horum rationem, qui omnino improben artei, id non ridiculum est, ipsum scriptorem artis suo iudicio comprobare? Ergo ab uno sumenda fuisse docuimus exempla, si semper aliunde sumerentur. Nunc omnino aliunde sic intelligimus sumenda non fuisse primum omnium, quod ab artis scriptore affertur exemplum, de eius artificio debet esse, non, ut si quis purpuram, aut aliud quippiam vendens, dicat, Summe à me: sed huius exemplum aliunde rogabo, tibi que ostendam. Si, merces ipsi qui venditam, aliunde exemplum quaeritent aliud mercis: acervos se dicant tritici habere, & eorum exemplum pugno non habeant quod ostendant: si Triptolemus, cum \* hominibus semen largiretur, ipse ab alijs hominibus id mutaretur: aut si Prometheus, cum mortalibus ignem diuidere vellet, ipse à vicinis cum testa ambulans carbunculos corrogaret, non ridiculum videretur? Isti magistri omnium dicendi praeceptores non videntur sibi ridicule facere, cum id quod alijs pollicentur, ab alijs quaerunt? Si, qui se fontes maximos penitus absconditos aperuisse dicat, & hæc sitiens quam maxime loquatur, neque habeat quo sitim sedet, non irrideatur? Isti, cum non modo dominos se fontium, sed se ipsos fontes esse dicant, & omnium rigare

rigare debeant ingenia, non putant fore ridicu-  
 lum, si cum id polliceantur alijs, arescant ipsi sic-  
 citate. Chares à Lysippo statuas facere non isto  
 modo didicit, ut Lysippus caput ostenderet My-  
 ronis, brachia Praxitelis, pectus Polycleti: sed  
 omnia coram magistrum facientem videbar, ce-  
 terorum opera, vel sua sponte considerare poterat.  
 Isti credunt eos, qui hæc velint discere, alia rati-  
 one doceri posse commodius. Præterea, nec possunt  
 quidem ea, quæ sumuntur ab alijs exempla, tam  
 esse accommodata ad artem, quam propria. pro-  
 pterea quod in dicendo leuiter unusquisq, locus  
 plerumque tangitur, ne ars appareat. In præci-  
 piendo, expresse conscripta ponere oportet exem-  
 pla, ut in artis formam conuenire possint: & post  
 in dicendo, ne possit ars eminere, & ab omnibus  
 videri facultate oratoris occultari. Ergo etiam,  
 ut magis ars cognoscatur, suis exemplis melius  
 est vti. Postremo hæc quoque res duxit nos ad  
 hanc rationem, quod nominaverum Græca, quæ  
 conuertimus, ea remota sunt à consuetudine.  
 Quæ enim res apud nostros non erant, earum re-  
 rum nomina non poterant esse vsitata. Ergo hæc  
 asperiora primo videantur necesse est, idq, fiet  
 rei, non nostra difficultate. Reliquum scripturæ  
 conseruetur in exemplis. hæc aliena si posuisse-  
 mus, factum esset, ut quod commodius esset in hoc  
 libro, id nostrum non esset: quod asperius, & inusi-  
 tatum, id propriè nobis attribueretur. Ergo hanc

quoq; incommoditatem fugimus. His de causis, cum artis inuentionem Græcorum probassemus, exemplorum rationem secuti non sumus. Nunc tempus postulat, ut ad elocutionis præcepta transeamus. Bipartita erit igitur nobis elocutionis præceptio. Primum dicemus quibus in generibus semper omnis oratoria elocutio debeat esse. Deinde ostendemus quas res semper habere debeat.

\* SUNT igitur tria genera, quæ nos figuræ appellamus, in quibus omnis oratio non uisita consumitur: unam grauem, alteram mediocrem, tertiam extenuatam vocamus. Grauis est, quæ constat ex verborum grauium magna, & ornata constructione. Mediocris est, quæ constat ex humiliore, neq; tamen ex infima, & peruulgatissima verborum dignitate. Attenuata est, quæ demissa est usq; ad vsitatissimam puri consuetudinem sermonis. In graui figura consumitur oratio, si quæ cuiusq; rei poterunt ornatissima verba reperiri, siue propria, siue translata ad unamquamque rem accommodabuntur: & si graues sententiæ, quæ in amplificatione, & commiseratione tractantur, eliguntur: & si exornationes sententiarum, aut verborum, quæ grauitatem habebunt, de quibus postea dicemus, adhibebuntur. In hoc genere figuræ erit hoc exemplum: Nam quis est vestrum, iudices, qui satis idoneam possit in eum pœnam excogitare, qui prodere hostibus patriam cogitarit? quod, maleficium cum hoc scelere

scelere comparari? quod huic maleficio dignum supplicium potest inueniri? In ijs, qui violassent ingenuam, matrem familias constuprassent, pul-  
lassent aliquem, aut postremo necassent, maxima supplicia maiores nostri consumpserunt: huic iraculentissimo, ac nefario facinori singularem poenam non reliquerunt? Atqui in alijs maleficijs ad singulos, aut ad paucos ex alieno peccato iniuria peruenit: huius sceleris, qui sunt affines, uno consilio vniuersis ciuibus, atrocissimas calamitates machinantur. O feros animas: O crudeles cogitationes: O derelictos ab humanitate homines: quid agere ausi sunt, aut cogitare potuerunt? quo pacto hostes reuulsis maiorum sepulcris, deiectis manibus, ouantes irruerent in ciuitatem: quo modo deum spoliatis templis, optimatibus trucidatis, alijs arreptis in seruitutem matribus familias, & ingenuis sub hostilem libidinem subiectis, vrbs acerbissimo concidat incendio conflagrata? qui se non putant id quod voluerim, ad exitum perduxisse, nisi sanctissimæ patriæ miserandum scelerati viderint cinerem? Nequo verbis consequi, iudices, indignitatem rei: sed negligentius id fero, quia vos mei non indigetis. Vester enim vos animus amantissimus reip. facite cācer, ut eum, qui fortunas omnium voluerit prodere, præcipitem\* proturbetis ex ea ciuitate, quam iste spurcissimorum hostium dominatu nefario voluerit obruere. In mediocri figura ver-

*sabitur oratio, si hæc, ut ante dixi, aliquantulum  
 demiserimus, neque tamen ad infimum descen-  
 derimus, sic: Quibuscum bellum gerimus, Iudi-  
 ces, videtis: cum socijs, qui pro nobis pugnare, &  
 imperium nostrum, nobiscum simul virtute, &  
 industria conservare soliti sunt. Hi cum se, & o-  
 pes suas, & copiam necessariorum norunt: non  
 verò nihilominus propter propinquitatem, & o-  
 mnium rerum societatem, quid in omnibus re-  
 bus populus Romanus posset, scire, & existimare  
 poterant. Hi, cum deliberaissent nobiscum bellum  
 gerere, quæso, quæ res erat, qua freti bellum sus-  
 cipere conarentur? cum multo maximam socio-  
 rum partem in officio manere intelligerent: cum  
 sibi non multitudinem militum, non idoneos im-  
 peratores, non pecuniam publicam præsto esse vi-  
 derent, non denique ullam rem, quæ res pertinet ad  
 bellum administrandum? Si cum finitimis de fi-  
 nibus bellum gererent, si totum certamen in uno  
 prælio positum putarent, tamen omnibus rebus  
 instructiores, ac paratiores venirent, nedum il-  
 lud imperium orbis terræ, cui imperio omnes  
 gentes, reges, nationes, partim vi, partim volun-  
 tate consenserunt, cum aut armis, aut liberalita-  
 te à populo Romano superati essent, ad se trans-  
 ferre tantis viribus conarentur. Quæret ali-  
 quis, quid Fregellani, non sua sponte conati  
 sunt? Eo quidem minus isti facile conarentur,  
 quo illi, quemadmodum descissent, videbant.*

*Nam*



Nam verum imperiti, qui uniuscuiusq; rei, de rebus ante gestis exempla petere non possunt, yper imprudenciam facile deducuntur in fraudem: atq; y, qui sciunt quid alijs acciderit, facile ex aliorum euentis suis rationibus possunt providere. Nulla igitur re inducti, nulla spe freti arma sustulerunt? Quis hoc credat, tantam amentiam quemquam tenuisse, ut imperium populi Romanientare auderet nullis copijs fretus? Ergo aliquid fuisse necesse est. quid aliud, nisi id quod dico, potest esse? In attenuato figuræ genere, quod ad infimum, & quotidianum sermonem demissum est, hoc erit exemplum: Nam, ut forte hic in balneas venit, cæpit, postquã persusus est, defricari: deinde, ubi visum est in alucum descendere, ecce ibi iste de transuerso. Heus, inquit adolescens, pueri tui modo me pulsauerunt, satisfacias oportet. Hic, qui id ætatis ab ignoto præter consuetudinem appellatus esset, erubuit. Iste clarius eadem, & alia dicere cæpit. Hic vix iãdens, inquit, Sine me considerare. Tum verò iste cæpit voce clamare ista, quæ facile cuius \* rubores eijcere posset, Ita petulans es, atq; acer, ut ne \* ad solariũ quidem idoneus, ut mihi videtur, sed \* penes scenam, & in eiusmodi locis exercitus sis? Conurbatus est adolescens, nec mirum, cui etiam nunc pædagogi lites ad auriculas versarẽtur, imperio eiusmodi cõuitorum. Vbi enim iste vidisset scurrantem exhausto rubere, qui se putaret nihil

habere quod de existimatione perderet, ut omnia sine fanae detrimento facere posset? Igitur genera figurarum ex ipsis exemplis intelligi poterunt. Erit enim & attenuata verborum constructio quaedam, & item alia in gravitate posita, alia in mediocritate. Est autem cauendum, ne dum haec genera confectemur, in finitima, & propinqua vitia veniamus. Nam graui figure, quae laudanda est, propinqua est ea, quae fugienda est, quae recte videbitur appellari, si\* sufflata nominabimus. Nam ita, ut corporis bonam habitudinem tumor imitatur saepe, ita grauis oratio saepe imperiis videtur ea, quae iurget, & inflasit, cum aut nouis, aut priscis verbis, aut diuina aliunde translatis, aut grauioribus, quam res postulat, aliquid dicitur, hoc modo: Nam qui perduellionibus vendidit patriam, non satis supplicij dederit, si praecipis in Neptunias depultus erit lacunas. Poenitet igitur istum, qui monies belli fabricatus est, campos sustulit pacis. In hoc genus plerique cum declinassent, & ab eo, quo profecti sunt, aberrauerunt, & specie grauitatis falluntur, nec prospicere possunt orationis tumorem. Qui in mediocre genus orationis profecti sunt, si peruenire eo non potuerunt, errantes perueniunt ad consine genus eius generis, quod appellamus fluctuans, & dissolutum: eo quod sine nervis, & articulis fluctuat huc & illuc, nec potest confirmare, nec viriliter sese expedire. id est huiusmodi.

Socij nostri, cum belligerare nobiscum vellent, profecto ratiocinati essent etiam atque etiam, quid possent facere, si quidem sua sponte facerent, & non haberent hinc adiutores multos, & malos homines, & audaces. Solent enim diu cogitare omnes, qui magna negotia volunt agere. Non potest huiusmodi sermo tenere attentum auditorem. diffinit enim totus, neque quidquam comprehendens perfectis verbis amplectitur. Qui non possunt in illa facerissima verborum attenuatione commode versari, veniunt ad aridum, & exsangue genus orationis, quod non alienum est exile nominari, cuiusmodi est hoc: \* Nam istuc ad balneas accessit: ad hunc postea dixit, Hic nunc seruis me pulsavit. postea dixit hic illi, Considerabo. Post ille conuicium fecit, & magis, magisque presentibus multis clamauit. Frivolus hic quidem iam, & illiberalis est sermo. non enim adeptus est id, quod habet attenuata figura prae verbis, & electis compositam orationem.

Omne genus orationis, & graue, & mediocre, & attenuatum, dignitate afficiunt exornationes, de quibus post loquemur: quae si rariè disponantur, distinctam sicuti coloribus, si crebrae collocabuntur, oblitam reddunt orationem, Sed figuram in dicendo commutari oportet, ut grauem mediocrem, mediocre excipiat attenuata. Deinde indentidem commutentur, ut facile satietas varietate vitetur.

QVONIAM quibus in generibus elocutio  
 versari debeat, dictum est: videamus nunc quas  
 res debeat habere elocutio cōmoda, & perfectā.  
 Quæ maxime admodum oratori accommodata  
 est, treis res in se debet habere, elegantiam, com-  
 positionem, dignitatem. ELEGANTIA est, quæ  
 facit ut unumquodque pure, & aperte dici vi-  
 deatur. Hæc distribuitur in latinitatem, & ex-  
 planationem. Latinitas est, quæ sermonem pu-  
 rum conseruat ab omni vitio remotum. Vitiū in  
 sermone, quo minus is Latinus sit, duo possunt  
 esse, Solæcismus, & Barbarismus. Solæcismus  
 est, cum in verbis pluribus consequens verbum  
 superiori non accommodatur. Barbarismus est,  
 cum verbum aliquod vitiose effertur. Hæc  
 quæ ratione vitare possimus, in arte gramma-  
 tica dilucide discemus. Explanatio est, quæ  
 reddit apertam, & dilucidam orationem. ea  
 comparatur duabus rebus, vsitatis verbis, &  
 proprijs. Vsitata sunt ea, quæ versantur in ser-  
 mone, & quotidiana consuetudine. Propria, quæ  
 eius rei verba sunt, aut esse possunt, quæ de lo-  
 quemur. COMPOSITIO est verborum con-  
 structio, quæ facit omnes partes orationis aqua-  
 liter perpolitas. Ea conseruabitur, si fugiemus  
 crebras vocalium concassiones, quæ vastam,  
 atque hiantem orationem reddunt, ut hoc est:  
 \* Bacchæ æneæ amantissimæ impendebant. Et si  
 vitabimus eiusdem litteræ nimiam assiduitatē:  
 cui

cui vitio versus hic erit exemplo (nam hic nihil prohibet in vitijis, alienis exemplis vii) O Tite rite Tati tibi tanta tyranne tulisti. & hic eiusdem poetæ, Quidquam, quisquam, cuiquam quod conveniat, neget, Et si eiusdem verbi assiduitatem nimiam fugiemus. ea est huiusmodi: Nam cuius rationis ratio non exstet, ei rationi, ratio non est, fidem habere. Et si non utemur continenter similiter cadentibus verbis, hoc modo: Flentes, plorantes, lacrymantes, obestantes. Et si verborum transiectionem vitabimus, nisi quæ erit concinna, qua de re posterius loquemur. quo in vitio est Lucilius assiduus, ut hoc est in priore libro: Has res ad te scriptas, Luci, misimus Aeli. Item fugere oportet longam verborum continuationem, quæ & auditoris aures, & oratoris spiritum ledit, His vitijis in compositione vitatis, reliquum operis consumendum est in dignitate. DIGNITAS est, quæ reddit ornatam orationem, varietate distinguens. Hæc in verborum, & sententiarum exornationem dividitur. Verborum exornatio est, quæ ipsius sermonis insignita continetur perpositione. Sententiarum exornatio est, quæ non in verbis, sed in ipsis rebus quandam habet dignitatem. REPETITIO est, cum continenter ab uno, atque eodem verbo in rebus similibus, & diversis principia sumuntur, hoc modo: Vobis istud attribuendū est, vobis gratia habenda, vobis res

ista erit honoris. Item, Scipio Numantiam sustinuit, Scipio Carthaginem deleuit, Scipio pacem peperit, Scipio ciuitatem seruauit. Item, Tu in forum prodire, in lucem conspicerere, in in horum conspectum venire conaris? audes uerbum facere, audes quidquam ab istis petere, audes supplicium deprecari? Quid est, quod possis defendere? quid est, quod audeas \* postulare? quid est, quod tibi putes concedi oportere? Non insurandam \* contempsisti? non amicos prodidisti? non parentis manus intulisti? non denique in omni dedecore uolutatus es? Hæc exornatio, cum multum uenustatis habet, tum grauitatis, & acrimoniae plurimum. Quare uidetur esse adhibenda & ad exornandam, \* & ad exaugendam orationem.

CONVERSIO est, per quam non, ut ante, primum repetimus uerbum: sed ad postremum continenter reuertimur, hoc modo: Pænos pop. Rom. iniustitia uicit, armis uicit, liberalitate uicit. Item, ex quo tempore concordia de ciuitate sublata est, libertas sublata est, fides sublata est, amicitia sublata est. Item, C. Lælius homo nouus erat, ingeniosus erat, doctus erat, bonis uiris, & studiosis amicus erat: ergo in ciuitate primus erat. Item, Nam cum istos, ut absoluerent, rogas, ut peierent rogas, ut existimationem negligant rogas, ut leges pop. Rom. tuæ libidini largiantur rogas. COMPLEXIO est, quæ utramque complectitur exornationem, & hanc,

Et quam ante exposuimus, ut et repetatur idem  
 primum verbum sepius, et crebro ad idem po-  
 situm reuertamur, hoc modo: Qui sunt, qui  
 fœdera sepe ruperunt? Carthaginienses, qui sunt  
 qui crudele bellum\* in Italia gesserunt? Cartha-  
 ginieneses. qui sunt, qui Italiam deformauerunt?  
 Carthaginienses. qui sunt qui sibi postulant igno-  
 sci? Carthaginienses. Videte ergo, quid conueniat  
 eos impetrare. Item, Quem senatus damnarit,  
 quem pop. Rom. damnarit, quem omnium existi-  
 matio damnarit, eum vos sententijs vestris absol-  
 uetis? TRADUCTIO est, quæ facit, ut cum  
 idem verbum crebrius ponatur, non modo non  
 offendat animum, sed etiam concinnior em ora-  
 tionem reddat, hoc pacto: Nihil habet in vita  
 iucundius vita, qui cum virtute vitam non potest  
 colere. Item, Eum tu hominem appellas, qui si  
 fuisset homo, nunquam tam crudel ter vitam ho-  
 minis petisset. At erat inimicus, ergo inimi-  
 cum sic ulcisci voluit, ut ipse sibi reperiretur ini-  
 micus. Item, Diuitias sine diuitum esse: tu ve-  
 ro virtutem præfer diuitijs, nam si voles diuitias  
 cum virtute comparare, vix satis idoneæ tibi ri-  
 debuntur diuitiæ, quæ virtutis pedisequæ sint.  
 Ex eodem genere est exornationis, cum idem  
 verbum modo ponitur in hac, modo in altera  
 re, hoc modo: Cur eam rem tam studiose curas  
 quæ multas tibi dabit curas? Item, Amari iu-  
 cundum est, si curetur nequid insit amari. Item,

Veniam ad vos, si mihi senatus det veniam. In his quattuor generibus exornationum, quæ adhuc propositæ sunt, non inopia verborum fuit ad idem verbum redeatur sapius, sed inest festiuitas\* quædam, quæ facilius auribus dijudicari, quam verbis demonstrari potest. Contentio est, cum\* ex contrarijs verbis oratio conficitur, hoc pacto: Habet assentatio iucunda principia, eadem exitus amarissimos affert. Item, Inimicis te placabilem, amicis inexorabilem præbes. Item, In otio tumultuarius, in tumultu solus es otiosus. In re frigidissima cales, in feruentissima friges. Tacito cum opus est, clamas: cum loqui consuevit, obmutescis. Ades? abesse vis. abesse reuertere cupis. In pace bellum queritis: in bello pacem desideras. In concione de virtute loqueris: in prælio per ignam tubæ sonitum perferre non potes. Hoc genere si distinguemus orationem, & ornati, & graves poterimus esse. Exclamatio, est, quæ cōficit significationem doloris, aut indignationis alicuius, per hominis, aut urbis, aut loci, aut rei cuiuspiam cōpellationē, hoc modo: Te nunc alloquor, Africane, cuius mortui quoque nomen splendori, ac decori est civitati. Tui clarissimi nepotes suo sanguine abluerunt inimicorum crudelitatem. Item, O perfidiosa Fregellæ, quam facile scelere vestro contabulistis: ut, cuius nitor urbis Italiam nuper illustravit, eius nunc vix fundamentorum reliquæ maneat. Item, Bonorum insidiatores la-

troci-



procinio vitam innocentissimi cuiusq, petis: tã-  
 rane ex iniquitate iudiciorum vestris calum-  
 nijs assumis facultatem? Hac exclamatione si  
 loco viemur, & raro, & cum rei magnitudo po-  
 stulare videbitur, ad quam volumus indignatio-  
 nem animum auditoris adducemus. Interroga-  
 tio non omnis gravis est, neq, concinna: sed hæc,  
 quæ cum enumerata sunt ea, quæ obsunt caus-  
 se aduersariorum, confirmat superiorem oratio-  
 nem, hoc pacto: Cũ igitur hæc omnia faceres, di-  
 ceres, administrares, virum animos sociorum ab  
 republica remouebas & alienabas, an nõ? & v-  
 trũne aliquem exorari oportuit, qui ista prohi-  
 beret, ac fieri non sineret, an non?

Ratiocinatio est, per quam nos ipsi a nobis ra-  
 tionem poscimus, quare quidq, dicamus: & cre-  
 bro nosmet a nobis petimus vniuscuiusq, propo-  
 sitionis explanationẽ. ea est huiusmodi: Maiores  
 nostri: si quam vnius peccati mulierẽ damnabãt,  
 simplici iudicio multorũ maleficiorum conuictam  
 putabant. Quo pacto? quoniam quam impudicam  
 iudicabant, eam veneficij quoq, damnatam exi-  
 stimabant. Quid ita? quia necesse est eam, quæ  
 suum corpus addiderit turpissimæ cupiditati, ti-  
 meret permultos, Quos istos? virum, parentes, cete-  
 ros, ad quos videt sui dedecoris infamiã pertinere.  
 Quid postea? quos tãto perire timeat, eos necesse est,  
 ut quo quo modo possit, veneficio petat. Cur? quia  
 nulla potest honesta ratio retinere eam, quã ma-

gnitudo peccati facit timidam, intemperantia audacem, natura muliebris inconsideratam. Quid veneficii damnatam? quid putabant impudicam quoque necessario. Quare? quia nulla facilius ad id maleficium caussa, quam turpis amor, & intemperans libido commovere potuit: cum cuius animus mulieris esset corruptus, eius corpus castum esse non putarint. Quid in viris? idem ne hoc observabant? minime. Quid ita? quia viros ad unumquodque maleficium singule cupiditates impellunt: mulieres ad omnia maleficia cupiditas una\* ducit. Item, Bene matres nostri hoc comparauerunt, neminem regem, quem armis cepissent, vita priuarent. Quid ita? quia quam nobis facultatem fortuna dedisset, iniquum erat in eorum supplicio consumere, quos eadem fortuna paulo ante in amplissimo statu collocarat. Quid quod exercitum contra duxit? desino meminisse. Quid ita? quia viri fortis est, qui de victoria contendunt, eos hostes putare: qui victi sunt, eos homines indicare: ut possit bellum fortitudo minuire: pacem humanitas augere. At ille si vicisset, num idem fecisset? non profecto tam sapiens fuisset. Quid igitur ei parcis? quia talem stultitiam contemnere, non imitari consuevi. Hæc exortatio ad sermonem vehementer accommodata est, & animum auditoris\* retinet attentum, tum venustate sermonis, tum rationum expectatione. Sententia, est oratio sumpta de vita, quæ autem quæ sit

fit, aut quid esse oporteat in vita breuiter ostendit, hoc modo: Difficile est \* primum virtutem reuereri, qui semper secunda fortuna sit usus. Item, Liber is est existimandus, qui nulli inopititudini seruit. Item, Egens æque est is, qui non satis habet, & is, cui nihil satis potest esse. Item, Optima viuenditatio est eligenda, eam incundam consuetudo reddet. Huiusmodi sententiæ simplices non sunt improbandæ: propterea quod habet brevis expositio, si rationis nullius indiget, magnam delectationem. Sed illud quoque probandum est genus sententiæ, quod confirmatur subiectione rationis, hoc modo: Omnes bene viuendi rationes in virtute sunt collocandæ: propterea quod sola virtus in sua potestate est: omnia præter eam subiecta sunt fortunæ dominationi. Item, Qui fortunis alicuius inducti, amicitiam eius secuti sunt: hi simul ac fortuna dilapsa est, deuolant omnes. Cum enim recessit ea res, quæ fuit consuetudinis causa, nihil superest, quare possint in amicitia reuereri. \* Sunt item sententiæ quæ dupliciter offeruntur, cū ratione, & sine ratione. Sine ratione, hoc modo, Errant qui in prosperis rebus omnes impetus fortunæ se putant fugisse. Sapiēter cogitant, qui temporibus secundis casus aduersus reformidant. Cū ratione hoc pacto: Qui adulescentium peccatis ignosci putant oportere, falluntur: propterea quod etas illa non est impedimento bonis studiis: ac hi sapienter faciunt, qui adulescentes maxime

castigant: ut quibus virtutibus omnem vitam  
 vi possint, eas in aetate maturissima velint compa-  
 rare. Sententias interponi raro convenit, ut rei a-  
 ctiores, non vivendi praeceptiores esse videamur: id  
 ita interponitur, multum afferens ornamenti.  
 Nam necesse est animo eam comprobet tacitus au-  
 ditor: cum ad causam videat accommodari rem  
 certam ex vita & moribus sumptam. contrarium  
 idem fere est, quod contentio. Contrarium est, quod  
 ex rebus diversis duabus alteram breviter, & fa-  
 cile confirmat, hoc pacto: Nam qui suis ratio-  
 nibus inimicus fuerit semper, eum quomodo alie-  
 nis rebus amicū fore speres? Et item, Nam quem  
 in amicitia perfidiosum esse cognoveris, cum qua-  
 re putes inimicitias cum \* fide habere posse? Et,  
 qui privatus intolerabili superbia fuerit: eum  
 commodum, & sui cognoscentem \* fore in pos-  
 sate quis speret? Et, qui in sermonibus, & con-  
 ventu amicorum verum dixerit nunquam, eum  
 sibi in concionibus credis a mendacio tempera-  
 turum? Item, Quos ex collibus deiecimus, cum  
 his in campo metuimus dimicare? Qui, cum plu-  
 res erant, paucis nobis exaequari non poterant:  
 hi, postquam pauciores sunt, metuimus ne sint  
 superiores? Hoc exornationis genus brevibus, &  
 continuatis verbis perfectum esse debet: & cum  
 commodum est auditu, propter breuem & abs-  
 lutam conclusionem, tum vero vehementer id  
 quod opus est oratori comprobat contrariare, &

ex eo, quod dubium non est, expedit illud, quod dubium est: ut aut dilui non possit, aut multo difficillime possit. Membrum orationis appellatur res breuiter absoluta sine totius sententiæ demonstratione, quæ denuo alio membro orationis excipitur, hoc modo: Et inimico proderas. id est unū, quod appellatur membrum. deinde hoc excipitur oportet ab altero, Et amicum ladebas. Ex duobus membris his, hæc exornatio potest constare: sed commodissima, & absolutissima est, quæ ex tribus constas, hoc pacto: Et inimico proderas, & amicum ladebas, & tibi ipsi non consulebas. Item, Nec reipublicæ consulisti, nec amicis profuisti, nec inimicis restitisti. Articulus dicitur, cum singula verba interuallis distinguuntur cæsa oratione, hoc modo: Acrimonia, voce, vultu aduersarios perterruisti. Item, Inimicos inuidia, iniurijs, potentia, perfidia sustulisti. Inter huius generis, & illius superioris vehementiam hoc interest, illud tardius, & rarius venit, hoc crebrius, & celerius peruenit. Itaque in illo genere ex remotione brachij, & contorsione dexteræ gladius ad corpus afferrī: in hoc autem crebro, & celeri videre corpus consauciari videtur. Continuatio est densa, & continens frequentatio verborum cum absolute sententiarum. ea videtur commodissime tripartito, in sententia, in contrario, in conclusione. In sententia, hoc pacto: Ei non multum potest obesse fortuna, qui

sibi firmitus in virtute, quam in casu præsidium collocavit. In contrario, hoc modo: Nam si quis spei non multum collocavit in casu, quid est quod ei magnopere casus obesse possit? In conclusione, hoc pacto: Quod si in eos plurimum fortuna preest, qui suas rationes omnes in casum contulerunt: non sunt omnia committenda fortune: ne magnam nimis in nos habeat dominationem. In his tribus generibus ad continuationis vim adæquationis est necessaria, ut infirma facultas oratoris videatur, nisi sententiam, et contrarium, et conclusionem frequentibus afferens verbis. Sed et alias quoque nonnunquam, non aliud est, tamen si necesse non est, eloqui res aliquas per huiusmodi continuationes. Comparatur, quod habet in se membra orationis, de quibus ante diximus: quæ constant ex pari fere numero syllabarum. Hoc non \* dinumeratione monstrabitur (nam id quidem puerile est) sed tantum affert usus, et exercitatio facultatis, ut enim quodam sensu per membrum superioris referre possimus, hoc modo: In prælio mortem parvi oppetebat. domi filius nuptiis comparabat: hæc omnia graueis casus administrabant. Item, illi fortuna felicitatem dedit, huic industria vinitatem comparauit. In hoc genere sepe fieri potest ut non plane par sit numerus syllabarum, et tamen esse videatur, si una, aut etiam altera syllaba est alterum breuius, aut si cum in alio

plur

plures sunt, in altero longior, aut longiores, plenior, aut pleniores syllabæ erunt: ut longitudo, aut plenitudo harum, multitudinē alterius assequatur, & exæquet. Similiter cadens exornatio dicitur, cum in eadem cōstructione verborum, duo, aut plura sunt verba, quæ similiter iisdem casibus efferuntur, hoc modo: Hominem laudas egenum virum, abundantem felicitatis. Item, Cuius omnis in pecunia spes est, eius a sapientia est animus remotus. Diligentia comparat diuitias, negligentia corrumpit animum; & tamen, cum ita vivit, neminem præ se ducit hominem. Similiter desinens est, cum tametsi casus non insunt in verbis, tamen similes exitus sunt, hoc pacto: Turpius audes facere, nequiter studeas dicere. Vinis inuidiose, delinquis studiosè, loqueris odiosè. Item, Audacter terribas, humiliter placas. Hac duo genera, quorum alterum in exitus, alterum in casus similitudine versatur, inter se vehementer conveniunt: & ea re, qui his bene vivunt, plerumque simul ea collocant in iisdem partibus orationis. Id hoc pacto facere oportet: Perdiscessit ratio est amorem petere, pudorem fugere, diligere formam, negligere famam. Hic & ea verba, quæ casus habent, ad casus similes: & illa, quæ non habent, ad similes exitus veniunt. Annominatio est, cum ad idem verbum \* & idem nomen acceditur commutatione, vel additione unius literæ, aut litterarum: aut ad

res dissimileis similia verba accommodantur. Ea multis, & varijs rationibus conficitur: attenuazione, aut complexione eiusdem litteræ, sic: Hic, qui se magnifice iactat, atq; ostentat, venit a te ante quam Romam venit. Ex cōtrario: Hic qui homines alea vincit, eos ferro statim vincit. Productione eiusdem litteræ, hoc modo: Hunc animum dulcedo ducit ad animum. Brevitate eiusdem litteræ, hoc modo: Hic tamen si videtur esse honoris cupidus, tamen non tātum curiam diligit, quantum Curiam. Addendis litteris, hoc pacto: Hic sibi posset temperare, nisi amor mallet obtemperare. Demendis litteris sic: Si lenones tanquam leones vitasset, vitæ se tradidisset. Transferendis litteris, sic: Videte, iudices, vtrum homini nano, an vano credere malitis. Item, Nolo esse laudator, ne videar adulator. Commutandis, hoc modo: Diligere oportet, quē velis diligere. Hæ sunt annotationes, \* quæ in litterarum brevis commutatione, aut productione, aut transfectione, aut aliquo huiusmodi genere versantur. Sunt autem aliæ, quæ non habent tam propinquam in verbis similitudinem, & tamen dissimiles non sunt: quibus de generibus unum est huiusmodi: Quid veniam, qui sim, quare veniam, quem insimulem, cui pro sim, quem postulem, breui cognosce. Nam hic est in quibusdam verbis quedam similitudo non tam affectanda, quam ille superiores: sed tamen adhibenda nonnunquam. Alterum  
genus



genus huiusmodi: Demus operam, Quirites, ne omnino patres conscripti, circumscripti putentur: Hæc annominatio magis accedit ad similitudinem, quam superior, sed minus quam illæ superiores: propterea quod non solum additæ, sed uno tempore demptæ quoque litteræ sunt. Tertium genus est, quod versatur in casuum commutatione, aut unius, aut plurimum nominum. unius nominis, hoc modo: Alexander Macedo summo labore animum ad virtutes a pueritia confirmavit. Alexandri virtutes per orbem terræ cum lande, & gloria vulgatæ sunt. \* Alexandrum omnes maxime meiserunt, plurimum dilexerunt. Alexandro si vita data longior esset, Oceanum Macedonum gloria trāsuolasset. Varie hic unum nomen in commutatione casuum voluntatum est. Plura nomina casibus commutatis, hoc modo facient anominationem: Tiberium Gracchum repub. administrantem indigna prohibuit nex diuini in ea commorari. C. Graccho similiter occiso oblata est: quæ virum reip. amanissimum subito de sinu civitatis eripuit, Saturninum fide captum, malgrum perfidia per scelus vita privavit. Tuus, ô Druse, sanguis domesticos parietes, & vultum parentis aspersit. Sulpitium, cui paullo ante omnia concedebant, breui spatium non modo vivere, sed etiam sepeliri prohibuerunt. Hæc tria genera proxima exornationum, quorum unum in similiter cadentibus, alterum in similiter def-

nentibus verbis, tertium in annominationibus  
 positum est, perraro sumenda sunt, cum in veri-  
 tate dicemus: propterea quod non hæc videntur  
 reperiri posse sine elaboratione, & operæ consum-  
 ptione. Eiusmodi autem studia ad delectationem,  
 quam ad veritatem videntur accommodatiora.  
 Quare fides & gravitas, & seueritas oratoria  
 minuitur his exornationibus frequenter colloca-  
 tis: & non modo tollitur auctoritas dicendi, sed  
 offenditur quoque in eiusmodi oratione \* auditor:  
 propterea quod est in his lepos, & festiuitas, non  
 dignitas, neque pulchritudo. Quare quæ sunt am-  
 pla, & pulchra, diu placere possunt: quæ lepida &  
 concinna, cito satietate afficiunt aurium sensum  
 fastidiosissimum. Quomodo igitur, si crebro his  
 generibus utemur, puerili videbimur elocutione  
 delectari: ita, si raro has interseremus exorna-  
 tiones, & in causa tota varie dispergemus, com-  
 mode luminibus distinctis illustrabimus oratio-  
 nem. Subiectio est, cum interrogamus aduersa-  
 rios: aut querimus ipsi quid ab illis, aut quid cõ-  
 tra nos dici possit. deinde subiicimus id quod dici  
 oportet, aut quod nõ oportet, aut nobis adiuven-  
 to futurum sit, aut offuturum illis e contrario, hoc  
 modo: Quæro igitur unde iste tam pecuniosus  
 factus sit. amplum patrimonium relictum est? an  
 patris bona venierunt. hereditas aliqua obuenit?  
 non potest dici: sed etiam a necessarijs omnibus  
 exheredatus est. premium aliquod ex lite, aut  
 iudicio

*iudicio cepit? non modo id non fecit, sed etiam  
 insuper ipse grandi sponſione victus est. Ergo si  
 his rationibus locupletatus non est, sicut omnes  
 videtis, aut isti domi nascitur aurum, aut unde  
 licinum non est, pecunias accepit. Item, Sæpe, iu-  
 dices, animaduerti, multos aliqua ex honestare,  
 quam ne inimici quidem criminari possint, sibi  
 presidium petere, quorum nihil potest aduersa-  
 rius facere. Nam virum ad patris virtutem con-  
 fugiet? at eum vos iurati capite damnastis. An  
 ad suam reuertetur antiquam vitam alicubi ho-  
 neste tractatam? nam hic quidem ante oculos ve-  
 stros quomodo vixerit, scitis omnes. An cognato-  
 suos enumerabit, quibus vos conueniat com-  
 moueri? at hi quidem nulli sunt. Amicos pro-  
 feret? at nemo est, qui sibi non putet turpe, istius  
 amicum nominari. Item, Credo inimicum, quem  
 nocentem putabas, in iudicium adduxisti. non.  
 nam indemnatum necasti. Leges, quæ id facere  
 prohibent, veritus es? at ne scriptas quidem indi-  
 casti. Cum ipse te veteris amicitie commonefa-  
 ceret, commotus es? at nihilo minus sed etiam stu-  
 diosius occidisti. Quid, cum tibi pueri ad pedes  
 volutarentur, misericordia motus es? at eorum  
 patrem crudelissime sepultura quoq; prohibuisti.  
 Multum inest acrimoniae, & grauitatis in hac  
 exornatione: propterea quod, cum quaesitum est  
 quid oporteat subijci, id non esse factum. quare  
 facillime fit, ut augeatur indignitas negotij. Ex*

eodem genere, ut ad nostram quoque personam referamus subiectionem, sic: Nam quid me facere conveniret, cum a tanta multitudine Gallorum circumfederer? an dimicare? at cum parva manu prodiremus, locum quoque inimicissimum habebamus. Sederem in castris? at neque subsidium, quod expectarem, habebamus: neque erat, quo viam produceremus. Castra relinquerem? at obsidebamur: Vitam militum negligerem? at ea videbar eos accepisse conditione, ut quoad possemus, incolumes patrie, & parentibus conservare. Hostium conditionem repudiarem? At salus antiquior est militum, quam impedimentum. Huiusmodi consequuntur idem subiectiones, ut ex omnibus ostendi videatur, nihil potius, quam quod factum sit, faciendum fuisse. Gradatio est, in qua non ante ad consequens verbum descenditur, quam ad superius consensum est, hoc modo: Nam quae reliqua spes manet libertatis, si illis, & quod libet licet, & quod licet possunt, & quod possunt, audent, & quod audent faciunt, & quod faciunt vobis molestum non est? Item, non sensi hoc, & non suasi: neque suasi, & non ipse statim facere capi: neque facere capi, & non perfeci: neque perfeci, & non probavi. Item, Africano industria virtutem, virtus gloriam, gloria emulos comparavit. Item, imperium Graeciae fuit apud Athenienses, Atheniensium potius sunt Spartiatae, Spartiatae superavere Thebani, Thebanos Macedones vincunt:

cerunt : qui ad imperium Græciæ breui tempore  
 adiunxerunt Asiam bello subactam. Habet in se  
 quendam leporem superioris cuiusq; crebra repe-  
 titio verbi, quæ propria est huius exornationis.  
 Definitio est, quæ rei alicuius proprias amplecti-  
 tur potestates breuiter & absolute, hoc modo:  
 Maiestas reip. est, in qua continetur dignitas,  
 & amplitudo ciuitatis. Item, Iniuriæ sunt, quæ  
 aut pulsatione corpus, aut conuulsio aures, aut  
 aliqua turpitudine vitam cuiuspiam violant.  
 Item, Non est ista diligentia, sed auaritia: ideo  
 quod diligentia est accurata conseruatio suorum:  
 auaritia, iniuriosa appetitio alienorum. Item,  
 Non est ista fortitudo, sed temeritas: propterea  
 quod fortitudo est contemptio laboris, & periculi  
 cum ratione utilitatis, & compensatione com-  
 modorum. Temeritas, est cum inconsiderata la-  
 borum perpeffione, gladiatoria periculorum sus-  
 ceptio. Hæc igitur conmoda putatur exornatio,  
 quod omnem rei cuiuspiam vim, & potestatem  
 ita dilucide proponit, & breuiter explicat, ut  
 neque pluribus verbis oportuisse dici videatur:  
 neque lucidius potuisse dici putetur. Transitio  
 vocatur, quæ cum ostendit breuiter quod dictum  
 sit, proponit item breui, quod consequatur, hoc  
 modo: In patriam cuiusmodi fuerit, habeis:  
 nunc in parentes qualis exstiterit, considerate.  
 Item, Mea in istum beneficia cognoscitis: nunc  
 quomodo iste mihi gratiam retulerit accipite.

Proficit hæc aliquantum exornatio ad duas res, nam & quid dixerit commonet, & ad reliquum comparat auditorem. Correctio est, quæ tollit id, quod dictum est: & pro eo id, quod magis idoneum videtur, reponit, hoc pacto: Quod si iste suos hospites rogasset, imo innuisset modo, hoc facile perfici posset. Item, Nam postquam isti vicerunt, atque adeo victi sunt, eam quomodo victoriam appellem, quæ victoribus plus calamitatis, quam boni dederit? O virtutis comes invidia, quæ bonos insequeris plerumque, atque adeo insectaris! Commonetur hoc genere animus auditoris. res enim cōmuni verbo clata tantummodo dicta videtur: ea post ipsius oratoris correctionem magis idonea fit pronuntiatione. Non igitur satius esset, dicet aliquis, ab initio (præsertim cum scribas) ad optimum, & lectissimum verbum deuenire? Est cum non est satius, si commutatio verbi id erit demonstrativa eiusmodi rem esse: ut cum eam communi verbo appellaris, lenius dixisse videaris: cum ad electius verbum accedas, insigniorem rem facias. Quod si continuo venisses ad id verbum, nec rei, nec verbi gratia animaduersa esset. Occupatio est, cum dicimus nos præterire, aut non scire, aut nolle dicere id, quod tunc maxime dicimus, hoc modo, Nam de pueritia quidem tua, quam tu omni intemperantiæ addixisti, dicerem, si hoc tempus idoneum putarem: nunc consulto relinquo, & il-

lud præterco, quod\* iribunis te rei militaris in-  
 frequentem tradidisti: Deinde quod iniuriarum  
 satisfecisti L. Labeoni, nihil ad rem pertinere  
 puto: horum nihil dico: reuertor ad illud, de quo  
 iudicium est. Item, Non dico te ab socijs pecunias  
 \*accepisse: non sum in eo occupatus, quod ciuita-  
 tes, regna, domos omnium depeculatus es: furta,  
 rapinas omnes tuas omitto. Hec utilis est exorna-  
 tio, si aut rem, quam non\* pertineat alijs osten-  
 dere, occulte admonuisse prodest: aut si lōgum est,  
 aut ignobile, aut planum, aut non potest fieri, aut  
 facile potest reprehendi: ut utilius sit occulte  
 fecisse suspicionem, quam huiusmodi intendisse  
 orationem, quæ redarguatur. Disiunctio est, cum  
 eorum, de quibus dicimus, aut virumque, aut u-  
 num quodq, certo concluditur verbo, sic: Populus  
 Rom. Numantiam deleuit, Carthaginem sustu-  
 lit, Corinthum desiecit, Fregellas euerit. Nihil  
 Numantinis vires corporis auxiliatæ sunt: nihil  
 Carthaginensibus scientia rei militaris adiu-  
 meio fuit: nihil Corinthijs erudita calliditas præ-  
 sidij tulit: nihil Fregellanis morum, & sermo-  
 nis societas opiulata est. Item, Formæ dignitas  
 aut morbo deflorescit, aut vetustate exstinguitur.  
 Sic virumque, & in superiore exemplo unam-  
 quamq, rem certo verbo concludi videmus. Con-  
 iunctio est, cum\* interpositione verbi, & superio-  
 res orationis partes comprehenduntur, & inferio-  
 res, hoc modo: Formæ dignitas, aut morbo deflo-

rescit, aut vetustate. Adinnetio est, cum verbum, quo res comprehenditur, non interponimus: sed aut primum, aut postremum collocamus. Primum, hoc pacto: Deflorescit formæ dignitas aut morbo, aut vetustate. Postremum sic: Aut morbo, aut vetustate formæ dignitas deflorescit. Ad festiuitatē disunctio est appositā. quare rarius vitemus ea, ne satietatem pariat: ad breuitatem coniunctio. quare sæpius adhibenda est. hæ tres exornationes de simplici genere manant. Conduplicatio est, cum ratione amplificationis, aut commiserationis, eiusdem vnius, aut plurium verborum iteratio, hoc modo: Tumultus C. Gracchi, tumultus domesticos & intestinos comparauit. Item, Commotus non es, cum tibi mater pedes amplexaretur, non es commotus. Item, Nunc etiam audes in horum conspectum venire proditor patriæ, proditor inquam patriæ venire audes in horum conspectum? Vehementer auditorem commouet eiusdem redintegratio verbi, & vulnus maius efficit in contrario causæ: quasi aliquod telum sæpius perueniat in eadem partem corporis. Interpretatio est, quæ non iterans idem redintegrat verbum: sed id commutat quod positum est, alio verbo quod idem valeat, hoc modo: Remp. radicibus euertisti civitatem funditus deiecisti. Item, Patrem nefarie verberasti: parenti manus scelerate intulisti. Necessè est eius, qui audit, animū commoueri, cum gravitas prioris dicti renouatur interpretatione verbo-



verborum. Cōmutatio est, cum duæ sententiæ inter  
 se discrepantes ex transfectione ita efferuntur, ut  
 a priori posterior contraria priori proficiatur,  
 hoc modo: *Esse oportet, ut viuas : non vivere, ut  
 edas.* Item, *Ea re poemata non facio quia cuius-  
 modi volo nō possum, cuiusmodi possum nolo.* Itē,  
*Quæ de illo dicuntur, dici non possunt : quæ dici  
 possunt, non dicuntur.* Item, *Si poema, loquens pi-  
 ctura est: pictura, tacitum poema debet esse.* Item,  
*Quia stultus es, ea re taces: nō tamen quia taces,  
 ea re stultus es.* Non potest dici quin cōmode fiat,  
 cum in contrariæ sententiæ translatione, verba  
 quoq; conuertantur. Plura subieciimus exempla,  
 ut quoniā difficile est hoc genus exornationis in-  
 ueniri, dilucidum esset: ut cum bene esset intelle-  
 ctum, facilius in dicendo inueniretur. Permissio  
 est, cum ostendimus in dicendo non aliquam rem  
 totam tradere, & concedere alicuius voluntati,  
 sic: *Quoniam omnibus rebus creptis, solum mihi  
 superest animus, & corpus: hæc ipsa, quæ mihi de  
 multis sola relicta sunt, vobis, & vestræ condono  
 potestati.* Vos me quo pacto vobis videbitur, ut a-  
 mini, atq; abstinere licebit impune: in me quic-  
 quid libet statuere: dicite,\* atque obtemperabo.  
 Hoc genus, tamen si alias quoq;, nonnūquam tra-  
 ctandum est, tamen ad misericordiā commouen-  
 dam vehementissime est accommodatum. Dubi-  
 tatio est, cum querere videtur orator, utrum de  
 duobus potius, aut quid de pluribus potissimum

dicat, hoc modo: Obfuit eo tempore plurimum  
 reip. consulum siue stultitiã, siue malitiam dicere  
 oportet, siue vtrumq;. Item, Tu istud ausus es di-  
 cere homo omnium mortalium? quero quonam ti-  
 digno moribus tuis appellem nomine. Expeditio  
 est, cum rationibus compluribus enumeratis, qui-  
 bus aliqua res aut fieri, aut non fieri potuerit, ce-  
 tera tolluntur, vna relinquitur, quam nos inten-  
 dimus, hoc modo: Necessesse est, cum constet, istum  
 nostrum fundum fuisse, ostendas te aut vacuum  
 possedisse, aut usu tuum fecisse, aut emisse, aut  
 hereditate tibi venisse. Vacuum, cū ego adessem,  
 possidere non potuisti. Tuū usu fecisse etiam tuum  
 non potes: emptio nulla profertur: hereditate tibi  
 me viuo mea pecunia venire non potuit. Relin-  
 quitur ergo, vt me vi de meo fundo deieceris.  
 Hæc exornatio plurimum iuuabit coniecturales  
 argumentationes: sed non erit tanquam in ple-  
 risq;, vt, cum velimus, ea possimus vii. nam facere  
 id non poterimus, nisi vobis ipsa negotij natura  
 dabit facultatem. Dissolutio est, quæ coniūctioni-  
 bus verborū e medio sublati, separatis partibus  
 effertur, hoc modo: Gere morem pārenti, pare co-  
 gnatis, obsequere amicis, obtempera legibus. liẽ.  
 Descēde in integrā defensionem: noli quidquam  
 recusare: da seruos in quæstionem: stude verum  
 inuenire. Hoc genus & acrimoniam habet in se  
 & vehementissimū est, & ad breuitatem accom-  
 modatum. Præcisio est, cum dictis quibusdā, re-  
 liquum

liquum, quod capium est dici, relinquitur in au-  
 dientium iudicio, sic: Mihi tecum præcertatio nō  
 est, ideo quod populus Rom. me: nolo dicere, ne cui  
 forte arrogans videar: te autem sæpe ignominia  
 dignum putauit. Item, Tu ista nūc audes dicere?  
 qui nuper aliena domi: non ausim dicere, ne, cum  
 te digna dixerō, me indignum quippiam dixisse  
 videar. Hic atrocior tacita suspicio, quam diserta  
 explanatio facta est. Conclusio est, quæ breui ar-  
 gumentatione ex ijs, quæ ante dicta sunt aut fa-  
 cta, conficit id, quod necessario consequatur, hoc  
 modo: Quod si Danaïs datum erat oraculum,  
 non posse capi Troiā sine Philoetæ sagittis: hæ  
 autē nihil aliud fecerunt, nisi Alexandrum per-  
 culerunt: hunc extinguere, id nimirum capi fuit  
 Troiam. Restant etiam decem exornationes ver-  
 borum, quas iccirco non vage disperdimus, sed à  
 superioribus separauimus, quod omnes in uno  
 genere posite sunt. Nam earum omnium hoc pro-  
 prium est, ut ab visitata verborum potestate re-  
 cedatur, atq; in aliam rationem cum quadam ve-  
 nustate oratio conferatur. De quibus exornatio-  
 nibus, Nominatio est prima, quæ nos admonet, ut  
 cui rei nomen aut non sit, aut satis idoneum non  
 sit, eā nosmet idoneo verbo nominemus, aut imi-  
 tationis, aut significationis causa. Imitationis,  
 hoc modo, ut maiores rudere, & vagire, & mus-  
 gire, & murmurare, & sibilare appellauerūt. Si-  
 gnificandæ rei causa, sic: Postquam iste in remp.

fecit imperium, fragor ciuitatis in primis est auditus. Hoc genere raro est utendum, ne noui verbi assiduitas odium pariat, sed si commode quis eo utatur, & raro, non modo non offenderit nouitate, sed etiam exornabit orationē. Pronominatio est, quæ sicuti cognomine quodam extraneo demonstrat id, quod suo nomine appellare non potest, ut si quis, cum loquatur de Gracchis, At non Africani nepotes, inquiet, istiusmodi fuerunt. Item si quis de aduersario dicat: Videte nunc, inquit, iudices, quemadmodum me Plagiosippus iste traetavit. Hoc pacto non inornate poterimus & in laudando, & in ledendo, aut in corpore, aut in animo, aut in extraneis rebus dicere, sicuti cognomen, quod pro certo nomine collocamus, denominationis est, quæ à propinquis, & finitimis rebus trahit orationem, qua possit intelligi res, quæ non suo vocabulo sit appellata id aut ab inuatore conficitur: ut si quis de Tarpeio loquens, cum Capitolium nominet. aut ab inuento: ut si quis pro Libero vinum, pro Cerere frugem appellet. Aut ab instrumento dominum: ut si quis Macedonas appellarit, hoc modo: Non tam cito Sarisse Græcia potitæ sunt. Aut idem Gallos significans dicat, Nec tam facile ex Italia Materis transalpina depulsa est: aut id quod fit, ab eo qui facit: ut si quis cum bello velit ostendere aliquid quempia fecisse, dicat: Mars istud necessario te facere coegit. aut si quod facit, ab eo quod fit: ut cum des-

desidiosam artem dicemus, quia desidiosos facit:  
 & frigus pigrum, quia pigros efficit. Ab eo quod  
 continet, id quod continetur, hoc modo denomi-  
 nabitur: Armis Italia non potest vinci, nec Græ-  
 cia disciplinis. nam hic pro Græcis, & Italis, quæ  
 continent, notata sunt. Ab eo quod continetur,  
 id quod continet: ut si quis aurum, vel argentum,  
 aut ebur nominet, cum diuitias velit nominare.  
 Harum omnium denominationum magis in præ-  
 cipiendo diuisio, quam in querendo difficilis in-  
 uentio est, ideo quod plena consuetudo est, non  
 modo poetarum, & oratorum, sed etiam quoti-  
 dianæ sermonis, huiusmodi denominationum.  
 Circuitio, est oratio rem simplicem assumptam  
 circumscribens elocutione, hoc pacto: Scipionis  
 providentia Carthaginis opes fregit. Nam hic,  
 nisi ornandi ratio quædam esset habita, Scipio  
 potuit, & Carthago simpliciter appellari. Trans-  
 gressio est, quæ verborum perturbat ordinem  
 peruersione, aut transiectione. Peruersione, sic:  
 Hoc vobis deos immortales arbitror dedisse vir-  
 tute pro vestra. Transiectione, hoc modo, Instabilis  
 in istum plurimum fortuna valuit. Omnes inui-  
 diose eripuit tibi bene viuendi casus facultates.  
 Huiusmodi transiectio, quæ rem non reddit ob-  
 scuram, multum proderit ad continuationes,  
 de quibus ante dictum est: in quibus oportet  
 verba sicut à poetis, in quendam extruere nu-  
 merum, ut perfecte, & perpolitissime possint esse

absolutæ. Superlatio est oratio superans veritatem, alicuius augendi, minuendine causa. hæc sumitur separatim, aut cum comparatione. Separatim sic: Quod si concordiam reginebimus in ciuitate, imperij magnitudinem solis ortu, atque occasu metiemur. Cum comparatione, aut à similitudine, aut à præstantia superlatio sumitur. A similitudine sic: Corpore niueum candorem, aspectu igneum ardorem assequebatur. A præstantia, hoc modo: Cuius ore sermo melle dulcior profluebat. Eodem genere hoc est: Tantus eras in armis splendor, ut solis fulgor obscurior videretur. Intellectio est, cum res tota parua de parte cognoscitur, aut de toto pars. De parte totum sic intelligitur, Non illæ te nuptiales tibi eius matrimonij commonebant? Nam hic omnis scetimoniam nuptiarum uno signo tibi arum intelligitur. De toto pars, ut si quis ei, qui vestitum, aut ornatum sumptuosum ostendit, dicat: Ostendas mihi diuitias, & locupletes copias iactas. Ab uno plura intelliguntur, hoc modo: Pater fuit Hispanus auxilio, fuit immanis ille transalpinus: in Italia quoque non nemo sensu idem rogatus. A pluribus unum sic intelligitur: Atrox calamitas pectora mærore pulsabat: ita ut anhelans ex imis pulmonibus præ cura spirare cohibebatur. Nam in superioribus plures Hispani, & Galli, & rogati: hic unum pectus, & unus pulmo intelligitur: & erit illic deminutus numerus festini-

festiuitatis, hic adauctus grauitatis graua. Abusio est, quæ verbo simili, & propinquo pro certo, & proprio abutitur, hoc modo: Vires hominis breues sunt, aut, parua statura, aut, longum in homine consilium, aut, oratio magna, aut, uti paucio sermone. Nam hic facile est intellectu, finitima verba rerum dissimilium, ratione abusionis esse traducta. Translatio est, cum verbum in quandam rem transfertur ex alia re, quod propter similitudinem recte videtur posse transferri, ea vtimur rei ante oculos ponendæ causâ, sic: Hic Italiam tumultus expergescit terrore subito. Breuitatis causâ, sic: Recem aduentus exercitus subito ciuitatem exstinxit. Obscenitatis vitædæ causâ, sic: Cuius mater quotidianis nuptiis delectatur. Augendi causâ, sic: Nullus vrbis moror, & calamitas istius explere inimicitias, & nefariam saturare crudelitatem potuit. Minuendi causâ, sic: Magno se prædicat auxilio fuisse, quia paullulum in rebus difficilimis aspirauit. Ornandi causâ, sic: Aliquando reip. rationes, quæ malitia nocentem exaruerunt, virtute optimatum reuiescunt. Translationem dicunt prudenter esse eportere, ut cum ratione in consimilem rem transeat, ne sine delectu temere, et cupide videatur in dissimile transcurrisse. Permutatio est oratio aliud verbis, aliud sententiâ demonstrans. Ea diuiditur in tres partes, similitudinem, argumentum, contrarium. Per similitudinem simitur, cum trans-

lationes, una aut plures frequenter ponuntur à simplici ratione ductæ, sic: Nam cum canes fungantur officijs luporum, cuiam præsidio pecuaria credemus? Per argumentum tractatur, cum à persona, aut à loco, aut à re aliqua similitudo, augendi, aut minuendi causa ducitur: ut, si quis Drusum, Gracchum, Numitorum, obsoletum dicat. Ex contrario ducitur sic: ut si quis hominem prodigum, & luxuriosum illudens, parcum, & diligentem appellet. Et in hoc postremo, quod ex contrario sumitur: & illo primo, quod à similitudine ducitur, per translationem argumento poterimus vii. Per similitudinem sic: Quid ais hic rex, atque Agamemnon noster, siue, ut crudelitas est, potius Atreus? Ex contrario, si quem impium, qui patrem verberauerit, Aeneam vocemus: intemperantem, & adulterum, Hippolytum nominemus. Hæc sunt fere quæ dicenda videbantur de verborum exornationibus. Nunc res ipsa monet, ut deinceps ad sententiarum exornationes transeamus.

DISTRIBVTIO est, cum in plures res, aut personas certa negotia quædã dispertiuntur, hoc modo: qui vestrum iudices, nomen senatus, diligit, hūc oderit necesse est: petulantiſſime enim semper iste oppugnavit senatum. Qui equeſtrem locum splendidissimum cupit esse in civitate, oportet istū maximas pœnas dedisse velit, ne iste sua turpitudine ordini honestissimo macule.

dedecori



dedecori sit. Qui parentes haberis, ostendite istius supplicio vobis homines impios nō placere. Quibus liberi sunt, statuite exemplum, quantæ pænæ in ciuitate sint hominibus huiusmodi comparatæ. Item, senatus officium est, consilio ciuitatem iuuare: magistratus officium est, opera & diligentia cōsequi voluntatem senatus: Populi officium est, res optimas, & homines idoneos maxime suis sententijs eligere, & probare: Accusatoris officium est, inferre crimina: Defensoris, diluere, & propulsare: Testis est dicere, quæ scierit, aut audierit: Quæstoris est, vnumquemque horum in officio suo cōtinere.\* Quare L. Cassi, si in causis testem, præterquam quod sciat, aut audierit, argumentari, & coniectura prosequi patieris, ius accusatoris cum iure testimonij commiscebis: resis improbi cupiditatem confirmabis, reo duplicem defensionem parabis. Est hæc exornatio copiosa, comprehendit enim breui multa, & suum cuique tribuens, officium separat, & res diuidit plures. Licetia est, cum apud eos, quos aut vereri, aut metuere debemus, tamen aliquid pro iure nostro dicimus, quod eos minime offendar, aut quas hi diligunt, cum in aliquo errato vere reprehendi posse videantur, hoc modo: Miramini, Quirici, quod ab omnibus vestra rationes deserant, quod causam vestram nemo suscipiat, quod se nemo vestri defensorem profiteatur: id tribuite vestræ culpæ, atque desinite istud mirari. quid enim

est quare non omnes istam rem fugere, ac vitare debeant? Recordamini quos habueritis defensores. studia eorū vobis ante oculos proponite: deinde omniū exitus cōsiderate: iam vobis veniet in mentem, ut vere dicam, negligentia vestra, siue ignavia potius, illos omnes ante oculos vestros trucidatos esse, inimicos eorum vestris suffragiis in amplissimum locū peruenisse. Item, Nam quid fuit, iudices, quare in sententijs ferendis dubitaueritis? aut istum hominem nefarium ampliaveritis? non apertissimæ res erant crimini datæ? non omnes hæc testibus comprobatæ? non contra tenuiter, & nugatorie responsum? Hic vos veni estis, si primo cæci condemnassetis, ne crudeles existimaremini. dum eam vitastis vituperationem, quæ longe à vobis erat absutura, eam invenistis, ut timidi, atque ignavi putaremini. Maximas, & priuatas, & publicas calamitates accepistis: cum etiam maiores impendere videantur, sedetis & oscitamini, Luce noctem, nocte lucem expectatis. Aliquid quotidie acerbi, atq; incommodi nuntiatur: & eum, cuius opera vobis hæc accidunt, remoramini diutius, & alijis, atque ad reip. perniciem retinetis, quoad potestis in ciuitate. Eiusmodi licentia si nimium videbitur acrimonie habere, multis mitigationibus lenietur. nam continuo aliquid huiusmodi licebit inferre: Hic ego virtutem vestram quæro, sapientiam considero, veterem consuetudinem requiro, ut \*quod

erit cōmotum licentia, id laude mitigetur: vt altera res ab iracundie molestia remoueat, altera res ab errato deterreat. Hęc res, sicut in amicitia, ita in dicendo, si loco sit, maxime facit, vt & illi, qui audient, à culpa absint: & nos, qui dicimus amici eorum, & veritatis esse videamur. Est autem quoddam genus licentię in dicendo, quod astutiore ratione comparatur: cum aut ita obiurgamus eos, qui audiunt, quomodo ipsi se cupiunt obiurgari, aut id, quod scimus facile omnes audire, dicimus nos timere, quomodo accipiant, sed tamen veritate commoueri, vt nihilo secius dicamus. Horum amborū generum exempla subiiciemus. Prioris huiusmodi: Nimiū, Quirites, animis estis simplicibus, & mansuetis, nimium creditis unicuique, existimatis unumquemque eniti, vt perficiat, quę vobis pollicitus sit. erratis, & frustra falsa spe iamdiu detinemini: stultitia vestra est: quia quod erat in vestra potestate, ab alijs petere, quā ipsi sumere maluistis. Posterioris licentię hoc erit exemplū: Mihi cum isto, indices, fuit amicitia, sed ista tamen amicitia (\* tamen si vereor quomodo accepturi sitis, tamen dicam) vos me priuastis. quid ita? quia, vt vobis essem probatus, eum, qui vos oppugnabat, inimicum, quam amicum habere malui. Ergo hęc exornatio, cui licentię nomen est, sicuti demonstrauimus, duplici ratione tractabitur: acrimonia, quę si nimium fuerit aspera, mitigabitur laude, & assimulatio-

ne, de qua superius diximus, quæ nō indiget mitigationis, propterea quod imitatur licetiam, & sua sponte ad animum auditoris se accommodat.

\*Deminutio est, cum aliquid esse in nobis, aut in ijs quos defendimus, aut natura, aut fortuna, aut industria dicemus egregium: quod nequa significetur arrogans ostentatio, deminuitur, & attenuatur oratione, hoc modo: Nam hoc pro meo iure, iudices, dico, me labore, & industria curasse, ut disciplinam militarem non in posremis tenerem. Hic si quis dixisset, Ut optime tenerem: tamen si vere dixisset, tamē arrogans visus esset. nunc & ad invidiam vitandam, & ad laudem cōparandam satis dictum est. Item, Virum igitur avaritiæ causa, aut egestatis accessit ad maleficium? Avaritiæ? at largissimus fuit in amicos, quod signum liberalitatis est, quæ cōtraria avaritiæ est. Egestatis? at huic quidem pater, nolo nimium dicere, nō tenuissimum patrimonium reliquit. Hic quoque vitatum est ne magnum, aut maximum diceretur. hoc igitur in nostris, aut eorum, quos decendemus, egregijs commodis proferēdis observabimus. Nam eiusmodi res & invidiam cōtrahunt in vita, & odium in oratione, si inconsiderate tractes. Quare quemadmodum in vivendi ratione fugitur invidia, sic in dicendo consilio vitatur odium. Descriptio nominatur, quæ rerum consequentiam continet perspicuam, & dilucidam cum gravitate expositionē, hoc modo: Quod

si istum

*si istum, iudices, vestris sententijs liberaueritis, statim sicut è canea leo \* missus, aut aliqua reterrima bellua soluta ex carenis volitabit, & vagabitur in foro: \* acuens dentes multos in cuiusque fortunas, in omnes amicos, atque inimicos, notos, atque ignotos incursans, aliorum famam depeculans, aliorum caput oppugnans, aliorum domum, atq. omnem familiam perfringens, rempub. funditus labefactans. Quare, iudices, eijcite eum de ciuitate, liberate omnes formidine, vobis denique ipsis consulite. nam si istum impunitum dimiseritis, in vosmetipsos, mihi credite, feram, & truculentam bestiam, iudices, immiseritis. Item, Nam si de hoc, iudices, grauem sententiam tuleritis, vno iudicio simul multos iugulaueritis. grandis natu parens, cuius spes senectutis omnis in huius adulescentia posita est, quare velit in vita manere, non habebit: filij parui priuati patris auxilio, ludibrio, & despectui paternis inimicis erunt oppositi: tota domus huius, indigna concidet calamitate: at inimici statim sanguinolenta palma, crudelissima victoria positi, insuladunt in horri miserias: \* & superbi, resimul, & verbis inuoluuntur. Item. Nam nemiñe nostrum fugit, Quirites capta vrbe, quæ miserie consequi soleant: arma qui cõtra tulerint, statim crudelissime trucidantur: ceteri, qui possunt per artem, & vires labore in ferre, rapiuntur in seruitutem: qui non possunt, vita priuantur: vno de-*

nique, atq; eodem tempore domus hostili flagrat  
 incendio. & quos natura, aut volūtas necessi-  
 dine, aut benevolentia coniunxit, distrahuntur:  
 liberi partim è gremijs parentum diripiuntur,  
 partim in sinu iugulātur, partim ante pedes con-  
 stuprantur. nemo, iudices, est, qui possit satis rem  
 cōsequi verbis, nec referre oratione magnitudi-  
 nē calamitatis. Hoc genere exornationis, vel in-  
 dignatio, vel misericordia potest commoueri: cum  
 res consequētes cōprehensæ uniuersæ perspicua  
 breuiter exprimuntur oratione. Diuisio est, quæ  
 rem, semouens à re vtramque absoluit ratione  
 subiecta, hoc modo: Cur ego nunc tibi quidquam  
 obijciam? si probus es, non meruisti: sin improbus,  
 non commoueris. Item, Quid nunc ego de meis  
 proprijs meritis prædicem? si meministi, obtun-  
 dam: sin obliui es, cum re nihil egerim, quid est  
 quod verbis proficere possim? Item, Duæ res  
 sunt, quæ possunt homines ad turpe compen-  
 dium commouere, inopia, atque auaritia. te ana-  
 rum in fraterna diuisione cognouimus, inopem,  
 atque egentem nunc videmus: qui potes igitur  
 ostendere causam maleficij non fuisse. ~~Mer~~ hanc  
 diuisionem, & illam, quæ de partibus orationis  
 tertia est, de qua in libro primo diximus, secun-  
 dum narrationem, hoc interest: quod illa diuidit  
 per enumerationē, aut per expositionē, quibus de  
 rebus in tota oratione disputatio futura sit: hæc  
 se statim explicat, & breui duabus, aut pluribus  
 partibus,

partibus, subiiciens rationes, exornat orationem. Frequentatio est, cum res in tota causa dispersæ coguntur unum in locum, quo grauior, aut acrior, aut criminiosior oratio sit, hoc pacto: A quo tandem abest iste vitio? quid est, iudices, cur velitis eum liberare? Suae pudicitie proditor est, infidator alienæ: cupidus, intemperans, petulans, superbus, impius in parentes, ingratus in amicos, \* infestus cognatis, in superiores contumax, in æquos & pares fastidiosus, in inferiores crudelis, denique in omnes intolerabilis. Eiusdem generis est illa frequentatio, quæ plurimum coniecturalibus causis opitulatur, cum suspensiones, quæ separatim dictæ, minutæ & infirmæ erant, unum in locum coactæ rem videntur perspicuam facere, non suspiciosam, hoc pacto: Nolite igitur iudices, nolite ea, quæ dixi separatim spectare, sed omnia colligite, & conferite in unum. Si, & commodum ad istum ex morte illius veniebat, & vita est turpissima hominis, animus auarissimus, \* fortunæ familiares attenuatissimæ, & res ista bono nemini præter istum fuit, neque alius quisquam æquæ commode, neque iste alijs commodioribus rationibus facere potuit, neque præteritum quidquam est ab isto, quod opus fuerit ad maleficium, neque factum, quod opus non fuerit, & cum locus idoneus maxime quesitus, tum occasio aggrediendi commoda, tempus ad- cundi opportunissimum spatium conficiendi lon-

gissimum sumptum est, non sine maxima perficiendi, & occultandi maleficij spe, & præerea ante, quam occisus homo is est, iste visus est in eo loco, in quo est occisio facta, solus, paullo post in ipso loco maleficij, vox illius, qui occidebatur, audita est, deinde post occisionem, istum multa nocte domum rediisse constat, postera die turbanter, & inconstanter de occisione illius locutum: hæc partim testimonijs, partim questionibus, & argumentis, omnia comprobantur, & rumore populi, quem ex argumentis natum necesse est esse verum: vestrum, iudices, est, his unum in locum collatis, certam sumere scientiam, non suspensionem maleficij. Nam unum aliquid, aut alterum potest in istum casu cecidisse suspiciose: ut omnia inter se, à primo ad postremum\* conveniant, necesse est casu non posse fieri. Vehemens est hæc exornatio, & in coniecturali constitutione causse ferme semper necessaria, & in ceteris generibus causсарum, & in omni oratione adhibenda nonnunquam. Expolitio est, cum in eodem loco manemus, & aliud atq; aliud dicere videmur. Ea dupliciter fit, si, aut eandem plagam dicemus rem, aut de eadem re. Eandem rem dicemus, non eodem modo (nam id quidem obtundere, auditorem est, non rem expolire) sed\* commutate. Commutabimus tripliciter, verbis, pronuntiando, tractando. Verbis commutabimus, cum, re semel dicta, iterum, aut sæpius alijs verbis, que  
idem



idem valeant, eadem res proferetur, hoc modo:  
Nullum tantum est periculum, quod sapiens pro salute patriæ vitandum arbitretur. Cum agatur incolumitas perpetua ciuitatis, qui bonis erit rationibus præditus, profecto nullum vitæ discrimen sibi pro fortunis reip. fugiendum putabit: Erat in ea sententia semper, ut pro patria studiose, quamuis in magnam descendat vitæ dimicationem. Pronuntiando commutabimus, si tum in sermone, tum in acrimonia, tum in alio, atq; alio genere vocis, atq; gestus, eadem verbis commutando, pronuntiatione quoq; vehementius immutabimus. Hoc neque commodissime scribi potest, neque parum est apertum: quare non eget exempli. Tertium genus est commutationis, quod tractando conficitur, si sententiam traiciemus aut ad sermocinationem, aut ad exsuscitationem. Sermocinatio est de qua planius paulo post suo loco dicemus. Nunc breuiter ad hanc rem quod satis sit attingemus: in qua constituetur alicuius personæ oratio accommodata ad dignitatem, hoc modo (ut, quo facilius res cognosci possit, ne ab eadem sententia recedamus) Sapiens, qui omnia reip. causa suscipienda pericula putabit, seip. secum loquitur: Non mihi soli, sed etiam, atque adeo multo potius natus sum patriæ: vita que fato debetur, saluti patriæ porissimum soluatur. Aluit hæc me, tute, atq; honeste: produxit usq; ad hanc ætatem: munijt meas ratio-

nes bonis legibus, optimis moribus, honestissimis disciplinis. Quid est, quod à me satis ei persolui possit, unde hæc accepta sunt.\* Quia hæc loquitur secum sapiens: Sæpe ego in periculis reip. nullum ipse periculum fugi. Item mutatur res tractando, si traducitur ad exuscitationem, cum & nos commoti dicere videmur, & audientis animum commouemus, sic: Quis est tam nui cogitatione præditus, cuius animus tantis angustijs inuidiæ continetur, qui non hunc hominem studiosissime laudet, & sapientissimum iudicet: qui pro salute patrie, pro incolumitate ciuitatis, pro reip. fortunis, quamuis magnam, atque atrox periculum studiose suscipiat, & libenter subeat? Equidem hunc hominem magis cupio satis laudare, quam possim, idemque hoc certo scio vobis omnibus usu venire, Eadem res igitur his tribus in dicendo commutabitur rebus, verbis, pronuntiando, tractando: sed tractando dupliciter, sermocinatione, & exuscitatione. Sed de eadem re cum dicemus, pluribus utemur commutationibus. Nam cum rem simpliciter pronuntiauerimus, rationem poterimus subijcere, deinde duplicem, vel sine rationibus, vel cum rationibus pronuntiare sententiam. deinde afferre contrarium: de quibus omnibus diximus in verborum exornationibus: deinde simile & exemplum, de quo suo loco plura dicemus: deinde conclusionem, de qua in secundo libro, quæ o-

pus fuerunt, diximus, demonstrantes argumen-  
 tationem quemadmodum concludere oporteat. In  
 hoc libro docuimus, cuiusmodi esset exornatio  
 verbi, cui conclusioni nomen est. Ergo huius-  
 modi vehementer ornata poterit esse expolitio,  
 quæ constabit ex frequentibus verborum exer-  
 nationibus, & sententiarum. Hoc modo igitur  
 septem partibus tractabitur: \* sed ab eiusdem  
 sententiæ non recedamus exemplo, ut scire pos-  
 sis, quam facile præceptione rhetorica, res sim-  
 plex multiplici ratione tractetur. Sapiens nullum  
 pro Repub. periculum vitabit, idè quod saepe  
 fit, ut cum pro repub. perire noluerit, necessario  
 cum repub. pereat. & quoniam sunt omnia com-  
 moda à patria accepta, nullum incommodum pro  
 patria graue putandum est: ergo qui fugiunt  
 id periculum, quod pro repub. subeundum est,  
 stulte faciunt. nam neque effugere incommoda  
 possunt, & ingrati in ciuitatem reperiuntur. At  
 qui patriæ pericula suo periculo expetunt, hi sa-  
 pientes putandi sunt: cum & eum, quem debent  
 honorem reipub. reddunt, & pro multis perire  
 malant, & quam cum multis. Etenim vehemen-  
 ter est iniquum, vitam, quam à natura acce-  
 pit, propter patriam conseruaueris, naturæ, cum  
 cogat, reddere: patriæ, cum roget, non dare:  
 & cum possis cum summa virtute, & honore  
 pro patria interire, malle per dedecus, & ignaui-  
 am vivere: & cum pro amicis, & parentibus &

ceteris necessarijs adire periculum velis, pro  
 pub. in qua & hoc, & illud sanctissimum nomen  
 patriæ continetur, nolle in discrimen venire. I-  
 taq; uti contemnendus est, qui in nauigando se,  
 quam nauim manu incolumem: ita vituperan-  
 dus, qui in reipublicæ discrimine sua plus quam  
 communi saluti consulit. Naue enim fracta, mi-  
 ti incolumes euaserunt: ex naufragio patriæ sal-  
 uus nemo potest enatare. Quod mihi bene vide-  
 tur Decius intellexisse, qui se deuouisse dicitur,  
 & pro legionibus in hostes medios immisisse. a-  
 misit vitam, ac non perdidit. re enim vilissima  
 & parua maximam redemit: dedit vitam, acce-  
 pit patriam: amisit animam, positus est gloria,  
 quæ cum summa laude prodita, vetustate quoti-  
 die magis enitescit. Quod si pro republica\* de-  
 cere accedere ad periculum & ratione demon-  
 stratum est, & exemplo comprobatum: ij sapi-  
 entes sunt existimandi, qui nullum pro salute  
 patriæ periculum vitant. In his igitur generibus  
 expolitio versatur, de qua producti sumus. ni  
 plura diceremus, quod non modo cum causam  
 dicimus, adiuvat, & exornat orationem, sed mul-  
 to maxime per eam exercemur ad elocutionis  
 facultatem. Quare conueniet extra causam in  
 exercendo rationes adhibere expolitionis, in di-  
 cendo uti cum exornabimus argumentationem,  
 de qua diximus in libro secundo. Commotatio  
 est, cum in loco firmissimo, quo tota causa consi-  
 nitur,

neretur, manetur diutius: & eodem sepius redi-  
 tur. hac usi maxime convenit, & id est, oratoris  
 boni maxime proprium. Non enim datur audi-  
 tori potestas, animum de re firmissima\* demonen-  
 di, huic exemplum satis idoneum subijci non po-  
 tuit: propterea quod hic locus non est à tota  
 causa separatus, sicut membrum aliquod, sed  
 tanquam sanguis perfusus est per totum corpus  
 orationis. Consentio est, per quam contraria refe-  
 rantur. Ea est in verborum exornationibus, ut  
 ante docuimus, eiusmodi: Inimicis te placabi-  
 lem, amicis inexorabilem præbes. In sententiariū,  
 huiusmodi: Vos huius incommodis lugetis, iste  
 reipub. calamitate letatur. Vos vestris fortune  
 diffiditis: iste solus suis eo magis confidit. Inter  
 hæc duo contentionum genera hoc interest: illud  
 ex verbis celeriter relatis constat, hic sententiæ  
 contrariæ ex comparatione referantur oportet.  
 Similitudo, est oratio traducens ad rem quampi-  
 am aliquid ex re dispari simile. Ea sumitur aut  
 ornandi causa, aut probandi, aut apertius dicen-  
 di, aut ante oculos ponendi. Quomodo igitur  
 quattuor de causis sumitur, ita quattuor modis  
 dicitur: per contrarium, per negationem, per bre-  
 vitatem, per collationem. Ad unamquamque su-  
 mendæ causæ similitudinis accommodabimus  
 singulos modos pronuntiandi. Ornandi causa su-  
 mitur per contrarium, sic: Non enim, quemad-  
 modum in palestra, qui redas candentes accipit,

celerior est in cursu continuo, quam ille qui  
 dit : ita melior imperator novus, qui accipit  
 ercitur, quam ille qui decedit : propterea quod  
 defatigatus cursor integro facem : hic peritum  
 imperator imperito exercitum tradit. Hoc sine si-  
 mili satis plane, & perspicue, & probabiliter di-  
 ci potuit, hoc modo : Dicitur minus bonos im-  
 ratores à melioribus exercitum accipere solere  
 sed ornandi causa simile sumptum est, ut orati-  
 oni dignitas quaedam comparetur. Dictum est  
 autem per contrarium. nam tunc similitudo sumi-  
 tur per contrarium, cum ei rei, quam nos proba-  
 mus, aliquā rem negamus esse similem, ut paullo  
 ante, cum de cursoribus differebamus. Per nega-  
 tionem dicitur probandi causa, hoc modo : Neque  
 equus indomitus, quamvis natura bene compo-  
 situs sit, idoneus potest esse ad eas utilitates, & ap-  
 tus, quæ desiderantur ab equo : neque homo indo-  
 ctus, quamvis sit ingeniosus, ad virtutem potest  
 pervenire. hoc probabilius factum est, quod magis  
 est verisimile non posse virtutem sine doctrina  
 comparari, quoniam nec equus quidem indomitus  
 idoneus possit esse. ergo sumptum est probandi  
 causa. Dictum est autem per negationem. id  
 nim perspicuum est de primo similitudinis verbo.  
 Apertius dicendi causa similitudo dicitur per  
 brevitatem, hoc modo : In amicitia gerenda,  
 sicut in certamine currendi, non ita connexus  
 exerceri, ut, quæ ad necesse sit, pervenire possit  
 sed.

sed ut productus studio, & viribus ultra facile produrras. Nam hoc simile est, ut apertius intelligatur, mala ratione facere, qui reprehendant eos, qui (verbi causa) post mortem amici, liberos eius custodiant: propterea quod in cursore tantum velocitatis esse oporteat, ut efferatur usque ad finem: in amico tantum benevolentiae studium, ut ultra quam amicus sentire possit, procurret amicitiae studio. Dictum autem simile est per breuitatem. non enim ita, ut in ceteris rebus, res ab re separata est: sed utraque res coniuncte & confuse pronuntiata. Ante oculos ponendi negotij causa, sumetur similitudo cum dicetur per collationem, sic: Vti ciatharus, cum prodierit optime vestitus, palla inaurata indutus, cum chlamyde purpurea colubis varijs intexta, & cum corona aurea magnis fulgentibus gemmis illuminata, ciatharam tenens exornatissimam auro, & ebore distinctam: ipse praeterea forma, & specie sit, & statura appositae ad dignitatem: si, cum magnam populi commouerit his rebus expectationem, repente silentio facto vocem emittat acerbissimam cum turpissimo corporis motu: quo melius ornatus, & magis fuerit expectatus, eo magis derisus, & contemptus eijcitur: ita si quis in excelsa loco, & in magnis, ac locupletibus copijs collocatus, fortunae muneribus, & naturae commodis omnibus abundabit, si virtutis, & artium, quae virtutis ma-

gistræ sunt, egebit : quo magis ceteris rebus erit  
 copiosus, & illusis & expectatus, eo vehemē-  
 tius derisus, & contemptus ex omni conventu  
 bonorum ejicietur. Hoc simile per exornationem  
 utriusq; rei, & alterius inscitia artificij, alterius  
 stultitia simili ratione collata sub aspectu omniū  
 rem subiecit. Dictum autem est per collationem,  
 propterea quod proposita similitudine, paria sunt  
 relata omnia. In similibus observare oportebit  
 diligenter, ut cum rem asseramus similem, cuius  
 rei causa similitudinem attulerimus, verba quo-  
 q; ad similitudinem habeamus accommodata.  
 id est huiusmodi : Ita, ut hirundines æstivo tem-  
 pore præsto sunt, frigore pulsæ recedunt : ex ea-  
 dem similitudine nunc per translationem verba  
 sumimus : Ita falsi amici sereno vitæ tempore  
 præsto sunt : simulatq; hiemem fortunæ viderim,  
 deuolant omnes. Sed inuentio similium facilis e-  
 rit, si quis sibi omnes res animatas, & inanima-  
 tas, mutas, & loquentes, feras, & mansuetas,  
 terrestres, & caelestes, & maritimas, artificio, ca-  
 su, natura comparatas, vsitatas, atque inusitatas,  
 frequenter ante oculos poterit ponere, & ex his  
 aliquam venari similitudinem, quæ aut ornare,  
 aut docere, aut apertiore rem facere, aut pone-  
 re ante oculos possit. Non enim res tota toti rei  
 necesse est similis sit, sed ad ipsum, ad quod con-  
 feretur, similitudinem habeat oportet. Exemplū  
 est alicuius facti, aut dicti præteriti, cum certis  
 auctoris



*auctoris nomine, propositio. Id sumitur iisdem de  
 causis, quibus similitudo. Rem ornatiorem facit,  
 cum nullius rei, nisi dignitatis causa sumitur:  
 Apertiores, cum id, quod sit obscurius, magis di-  
 tucidum reddit: Probabiliorem, cum magis veri-  
 similem facit: Ante oculos ponit, cum exprimit o-  
 mnia perspicue, ut res dicta prope manu tentari  
 possit. Vniuscuiusq; generis singula subiecissimus  
 exempla, \* nisi exemplis, quod genus esset in ex-  
 positione demonstrassemus, & causas sumendi  
 in similitudine aperuissemus. quare nolimus,  
 neq; pauca, quo minus intelligeretur, neq; re in-  
 tellecta, plura conscribere. Imago, est formæ cum  
 forma, cum quadam similitudine, collatio. Hæc  
 sumitur, aut laudis, aut vituperationis causa.  
 Laudis causa, sic: \* Inibat prælium corpore, tau-  
 ri validissimi, impetu, leonis acerrimi similis. Vi-  
 tuperationis, ut in odium, aut in invidiam, aut in  
 contempnionem adducat. Ut in odium, hoc modo:  
 Iste quotidie per forum medium tamquam iuba-  
 tus draco serpit, \* aspectu venenato, spiriturabi-  
 do, circumspiciens huc, & illuc, si quem reperiat,  
 cui aliquid mali faucibus afflare, quem ore at-  
 tingere, dentibus infecare, lingua aspergere pos-  
 sit. Ut in invidiam adducat, hoc modo: Iste, qui  
 divitias suas iacet, sicut gallus è Phrygia, aut  
 ariolus quispiam depressus, & \* oneratus auro  
 \* delirat, clamat, & peierat. Ut in contempnionem  
 adducat, sic: Iste qui tamquam cochlea abscon-*

dens retentat sese tacitus, quo sit tutus, cum domo sua, ut comedatur aufertur. Effectio est, cum exprimitur, & effingitur verbis corporis cuiuspiam forma, quoad satis sit ad intelligendum, hoc modo: Hunc dico, indices, rubrum, breuem, incruuum, canum, subcrispum, cæcū, cui sane magna est in mento cicatrix, si quo modo potest vobis in memoriam redire. Habet hæc exornatio, cum utilitatem, si quem velis ostendere, tum venustatem, si breuiter & dilucide facta est. Notatio est, cum alicuius natura certis describitur signis, que sicuti notæ quædam, naturæ sunt attributa. Ut si velis non diuitem, sed ostentatorem\* pecuniosum describere: Iste, inquires, indices, qui se dici diuitem, putat esse præclarum: primum nunc videte quo vultu nos intueatur, nonne vobis videtur dicere, Darem, si mihi molestum non essetis? Cum vero sinistra mentum subleuat, existimat se gemmæ nitore, & auri splendore aspectus omnium præstringere. Cum puerum respicit hunc unum, quem ego noui, vos non arbitror nouisse, alio nomine appellat, deinde alio atque alio, Heus tu, inquit, veni, Sannio, ne quid isti barbari perturbent: Ut ignoti, qui audiunt, unum putent eligi de multis: ei dicit in aurem, aut, ut domilectuli sternantur, aut ab amiculo rogetur. Atrops, qui ad balneas veniat: aut asturconi locus ante ostium suum detur, aut aliquod fragile falsæ choragium gloriæ comparetur. Deinde exclamat,

ut

Hic, in  
erat e  
bans. a  
nism. i  
eamus  
obuiam  
res disc

ut omnes audiant, Videto ut diligenter nume-  
 rentur, si potest ante noctem. Puer\* qui iam be-  
 ne hominis naturam nouit, Tu illo plures mittas  
 oportet, inquit, si hodie vis transnumerari. Age,  
 inquit, duc tecum Libanum & Sosiam. Sane.  
 Deinde casu veniunt hospites homini, qui istum  
 splendide, dum peregrinaretur, receperant: ex  
 eare homo hercle sane conturbatur, sed tamen à  
 viuis naturæ non recedit. Bene, inquit, facitis,  
 cum venitis: sed rectius fecissetis, si ad me do-  
 mum recta abissetis. Id fecissemus, inquiunt il-  
 li, si domum nouissemus. At istud quidem facile  
 fuit undelibes inuenire. verum ite mecum. Se-  
 quuntur illi. sermo interea huius consumitur o-  
 mnis in ostentatione. Querit in agris cuiusmo-  
 di frumenta sint. negat se, quia villæ incensæ  
 sint, accedere posse: nec ædificare etiam nunc  
 audere: Tamen si in Tusculano quidem capi in-  
 sanire, & in iisdem fundamentis ædificare. Dum  
 hæc loquitur, venit in ædes quasdam, in quibus  
 sodalitiū erat eodem die futurum: quo iste pro  
 notitia domini ædium ingreditur cū hospitibus:  
 Hic, inquit, habito. Perspiciunt argentum quod  
 erat expositum: vident triclinium stratum. pro-  
 bant. accedit seruulus. dicit homini clare, domi-  
 num iam venturum, si velit exire. Itaque, inquit?  
 eamus hospites, frater venit ex Falerno, ego illi  
 obuiam pergā: vos huc decima venite. Hospi-  
 tes discedunt. Iste se raptim domū suam conijcit:

Illi decima, quo iusserat, veniunt: querunt hūc:  
 reperiunt domus cui sit: in dinerforium derisi  
 conferunt sese. Vident hominem postera die: nar-  
 rant, exposculant, accusant. Ait iste, eos similitu-  
 dine loci deceptos, angiporro toto deerrasse, con-  
 tra valetudinem suam se ad multam noctem ex-  
 spectasse. Sannioni puero negotium dederat, ut  
 vasa, vestimenta, pueros corrogaret. Seruulus nō  
 inurbanus satis strenue, & concinne comparat:  
 iste hospites domum deducit, Ait se ædes maxi-  
 mas cuidam amico ad nuptias accommedasse.  
 Nuntiat interea puer argentum reperi (per-  
 muerat enim, qui cōmedarat.) Apagete, inquit,  
 ædes commodavi, familiam dedi: argentum quo-  
 q, vult? Tame si hospites habeo, tamen utatur  
 licet, nos famiys delectabimur. Quid ego, quæ  
 deinde efficiat, narrem? Eiusmodi est hominis na-  
 tura, ut quæ singulis diebus efficiat gloria, atque  
 ostentatione, ea vix annuo sermone enarrare  
 possim. Huiusmodi notationes, quæ describunt  
 quid consentaneum sit uniuscuiusq, nature, ve-  
 hementer habet magnam delectationem. Totam  
 enim naturam cuiuspiam ponunt ante oculos, aut  
 gloriosi, ut nos, exempli causa cæperamus: aut  
 invidi, aut timidi, aut avari, ambiriosi, amatoris,  
 luxuriosi, furis, quadruplatoris: denique cuius-  
 vis studium protrahi potest in medium tali nota-  
 tione. Sermocinatio est, cum alicui persone ser-  
 mo attribuitur, & is exponitur cum ratione di-  
 gnitatis,

gnitatis, hoc pacto : Cum militibus urbs redun-  
 daret, & omnes timore oppressi domi contineren-  
 tur, venit iste cum fago, gladio succinctus, te-  
 nens iaculum : \* quinque adolescentes hominem  
 simili ornatu subsequuntur, irrumpit in aedes su-  
 bito : deinde magna voce, Vbi est iste beatus, in-  
 quit, adium dominus, quin mihi præsto sit ? quid  
 taceas ? Hic alij omnes stupidi timore obmutue-  
 runt. Vxor illius infelicissimi cum maximo fleu  
 ad istius pedes abiicit sese : Parce, inquit, & per  
 ea quæ tibi dulcissima sunt in vita, miserere no-  
 stri, noli extinguere extinctos, Fer mansuete for-  
 tunam : nos quoque fuimus beati : nosce te esse  
 hominem. At ille : Quin illum mihi datis, ac vos  
 auribus meis opplorare desinitis ? non abibit. Illi  
 nuntiatum interea venisse istum, & clamore ma-  
 ximo mortem minari : quod simul ut audiuit,  
 Heus, inquit, Gorgia, pedisse qua puerorum, ab-  
 sconde pueros, defende, fac ut incolumes \* ad a-  
 dolescentiam perducas. Vix hæc dixerat, cū ec-  
 ce iste præsto, Sedes, inquit, audax ? non vox mea  
 tibi vitam ademit ? exple meas inimicitias, & i-  
 racundiam satura tuo sanguine. Ille cum magno  
 spiritu, Metuebam, inquit, ne plane victus essem :  
 nunc video in iudicio mecum contendere non vis  
 ubi superari turpissimum est, superare pulcher-  
 rimum : interficere me vis : occidas equidem, sed  
 victus non peribo. At ille, In extremo vitæ tem-  
 pore etiam sententiose loqueris : neque ei, quem

vides dominari, vis supplicare? Tum mulier, Immo quidem iste rogat, & supplicat, sed in quaeso, commouere. Et tu per deos, inquit, hunc amplexare, dominus est, vicit hic te, vince tu nunc animū. Cur non desinis, inquit, uxor loqui, quæ me digna non sunt? tace, & quæ curanda sunt, cura. tu cessas mihi vitam, tibi omnem bene vivendi spem mea morte eripere? iste mulierem repulsa ab se lamentantē: illi nescio quid insipienti dicere, quod dignis videlicet illa virtute esset, gladium in latere defixit. Puto in hoc exemplo datos esse unicuique sermones ad dignitatem accommodatos: id quod oportet in hoc genere observare. Sunt item sermocinationes consequētes hoc genus: Nā quid putamus illos dicturos, si hoc indicaveritis? nonne hac omnes utentur oratione? Deinde subiungere sermonem. Conformatio est, cum aliqua, quæ non adest persona consingitur quasi adsit: aut cū res muta, aut informis sit eloquens, \* & forma ei & oratio attribuitur ad dignitatem accommodata, aut actio quædam, hoc pacto? Quod si nunc hæc urbs inuictissima vocē emittat, non hoc pacto loquatur? Ego illa plurimis trophæis ornata, triumphis ditata certissimis, \* clarissimis locupletata victorijs, nunc vestris seditionibus, ô ciues, uxor: quam dolis malitiosa Carthago, viribus probata Numantia, disciplinis erudita Corinthus labefactare non potuit, eam patiēmini nunc ab homunculis deterrimis proteri, atque concul-

cari:

carum? Item, Quod si nunc Lucius ille Brutus renūscat, & hic ante pedes vestros adsit, non hac reus oratione? Ego reges eieci: vos tyrannos introducitis, ego libertatem, quæ non erat, peperisti: vos partem seruare non vultis. ego capitis mei periculo patriam liberaui: vos liberi sine periculo esse non curatis. Hæc conformatio, licet in plures res mutas, atque inanimatas transferatur, tamen proficit plurimum in amplificationis partibus, & commiseratione. Significatio est, quæ plus in suspitione relinquit, quam possum est in oratione: ea fit per exsuperationem, ambiguum, consequentiam, abscissionem, similitudinem. Per exsuperationem, cum plus dictum est quam patitur veritas, augenda suspitionis causa, sic: Hic de tanto patrimonio tam cito testam, qua sibi petas ignem, non reliquit. Per ambiguum, cum verbum potest in duas, pluresve sententias accipi, sed accipitur in eam partem, quam vult is, qui dixit: ut de eo si dicas, qui multas hereditates adiecit: Prospice tu, qui plurimum cernis. Ambigua quemadmodum vitanda sunt, quæ obscuram reddunt orationem: ita hæc consequenda, quæ conficiunt huiusmodi significationem. Ea reperientur facile, si nouerimus, & animaduernerimus verborum ancipites, aut multiplices potestates. Per consequentiam significatio fit, cum res, quæ sequuntur aliquam rem, dicuntur, ex quibus tota res relinquitur in suspitione: ut si falsametarij filio dicas:

Quiesce tu, cuius pater cubito se emungere sole-  
 bat. Per abscissionem, si, cum incipimus aliquid  
 dicere, præcidimus: & ex eo, quod iam diximus,  
 satis relinquitur suspicionis, sic: Qui ista forma,  
 & ætate nuper alienæ domi: nolo plura dicere.  
 Per similitudinem cū aliqua re simili allata, ni-  
 hil amplius dicimus, sed ex ea significamus quid  
 sentiamus, hoc modo: \* Noli, Saturnine, nimium  
 populi frequentia fretus esse: inulti iacent Grac-  
 chi. Hæc exornatio plurimū festiuitatis habet in-  
 terdum, & dignitatis. Sinit enim quiddam tacito  
 oratore ipsum auditorem suspicari. Breuitas, est  
 res, ipsis tantummodo verbis necessarijs expedi-  
 ta, hoc modo: Lemnū præteriens cepit: inde Thasi  
 præsidium reliquit: post \* urbem in Bithynia su-  
 stulit: inde pulsus in Hellespontū, statim posuitur  
 Abydo. Item, Modo consul, quondam tribunus,  
 deinde primus erat ciuitatis. tum proficiscitur in  
 Asiam: deinde exul, & hostis est dictus: post im-  
 perator, postremo consul factus est. Habet paucis  
 comprehensa breuitas multarum rerū expeditio-  
 nem. Quare adhibenda sæpe est, cum aut res non  
 egent longæ orationis, aut tempus non sinit com-  
 morari. Demonstratio est, cum ita res verbis ex-  
 primitur: ut geri negotium, & res ante oculos as-  
 videatur. Id fieri poterit, si quæ ante, & post, &  
 in ipsa re facta erunt, cōprehendemus: aut a re-  
 bus consequentibus, aut à circumstantibus non  
 recedemus, hoc modo: Quod simul atq; Gracchus  
 prospexit,

prosp  
 aucto  
 fieri  
 sceler  
 lat ex  
 bus, et  
 lijs ir  
 riam  
 \* dex  
 facere  
 sim is  
 \* con  
 Tiber  
 inde  
 fuger  
 helan  
 quer b  
 ses, ne  
 quent  
 instat  
 ssim  
 nus pr  
 gens,  
 natio  
 rimur  
 zis en  
 Omne  
 colleg



prospexit, fluctuare populum verentem ne ipse  
auctoritate senatus commotus, a sententia desi-  
sset: iubet advocari concionem. Iste interea  
scelere, & malis cogitationibus redundans, euo-  
lat ex templo Iouis, & sudans, oculis ardenti-  
bus, erecto capillo, contorta toga, cum pluribus a-  
lijs ire celerius cepit. Illi præco faciebat audien-  
tiam: hic subsellium quoddam calce premens,  
dextro pede desfringit, & alios hoc idem iubet  
facere. Cū Gracchus deos inciperet precari: cur-  
sim isti imperum faciunt. ex alijs, alijsq; partibus  
convolant, atque è populo unus, Fuge, inquit,  
Tiberi, fuge: non vides? respice, inquam. De-  
inde vaga multitudo, subito timore perterrita,  
fugere cepit. At iste spumans ex ore scelus, an-  
helans ex infimo pectore crudelitatem, contor-  
quet brachium: & dubitanti Graccho quid es-  
set, neq; tamen locum, in quo constiterat relin-  
quenti percussit tempus. Ille nulla voce delibans  
infamiam virtutem concidit tacitus. Iste viri for-  
tissimi miserando sanguine aspersus, quasi faci-  
nus præclarissimum fecisset, circumspiciens, &  
multis fœderatam gratulantibus manum porri-  
gens, in templum Iouis contulit sese. Hæc exor-  
atio in amplificanda, & commiseranda re plu-  
rimum prodest, in huiusmodi narrationibus: sta-  
tuunt enim totam rem, & prope ponit ante oculos.  
Omnes rationes honestandæ elocutionis studiose  
collegimus: in quibus Herēni, si te diligēter exer-

cueris, & gravitatem, & dignitatem, & suavitatem habere in dicendo poteris, ut oratorie plane loquaris: ne nuda atq; inornata inuentio vulgari sermone efferatur. Nunc identidem nosmetipsi nobis insemus. res enim communis agitur, ut frequenter & assidue consequamur aris rationem studio, & exercitatione: quod alij cum molestia tribus de causis maxime faciunt, aut, si cū quibus libenter exerceantur, non habent: aut, si sibi diffidunt: aut, si nesciunt quam viam sequi debent: quæ à nobis absunt omnes difficultates. Nā & simul libenter exercemur propter amicitiam, cuius initium cognatio fecit: cetera philosophiæ ratio confirmavit. Et nobis non diffidimus: propterea quod, & aliquantulum processimus, & alia meliora sunt, quæ multo intentius petimus in vita: ut, etiam si non pervenerimus in dicendo quo volumus, parva pars vitæ perfectissimæ desideretur: & viam, quam sequamur, habemus: propterea quod in his libris nihil præteritum est rhetoriæ præceptionis. Demonstratum est enim, quo modo res in omnibus generibus causari inveni oporteat: dictum est, quo pacto eas disponere conveniat: traditum est, qua ratione esset pronuntiandū: præceptū est, qua via meminissē possemus: demonstratum est, quibus modis perfecta elocutio compararetur. Quæ, si sequamur, acue & cito reperiemus: distincte & ordinate disponemus, graviter, & venuste pronuntiabimus, firmē,

me, & perpetuo meminimus: ornate & suauiter eloquimur. Ergo in arte rhetorica nihil est amplius. Hec omnia adipiscemur, si rationes præceptionis diligenter consequemur, & exercitatione.

# M. T. CICERONIS

## RHETORICORVM

### LIBER. I.

**S**ÆPE & multum hoc mecum cogitavi, bonine an mali plus attulerit hominibus, & ciuitatibus copia dicendi, ac summum eloquentiæ studium. Nā cum & nostræ reip. denimēta confidero, & maximarum ciuitatum veteres animo calamitates colligo: non minimā video per disertissimos homines inuectam esse partem incommodorū: cum autem res ab nostra memoria propter vetustatem remotas ex litterarum monumentis repetere instituo: multas urbes consuetas, plurima bella restincta, firmissimas societates, sanctissimas amicitias intelligo, cum animi ratione, tum facilius eloquentia comparatas. Ac me quidem diu cogitantem, ratio ipsa in hanc potissimum sententiam ducit, ut existimem, sapientiam sine eloquentia parum prodesse ciuitatibus: eloquentiam vero sine sapientia, nimium obesse

plerumq; prodesse nūquam. Quare si quis omnis rectissimis, atque honestissimis studiis rationis & officij, consumit omnem operam in exercitatione dicendi: is inutilis sibi, perniciosus patrie civis alitur. qui vero ita se armat eloquentia, ut non oppugnare commoda patrie, sed pro his propugnare possit: is mihi vir & suis, & publicis rationibus utilissimus, atq; amicissimus civis fore videtur. Ac, si volumus huius rei, quae vocatur eloquentia, siue artis, siue studij, siue exercitationis cuiusdā, siue facultatis a natura profectae considerare principium: reperiemus id ex honestissimis causis natum, atq; optimis rationibus profectum. Nam fuit quoddam tempus, cum in agris homines passim bestiarum more vagabātur, & sibi victu ferino vitam propagabant: nec ratione animi quidquam, sed pleraque viribus corporis administrabant. Nondum divinae religionis, non humani officij ratio colebatur: nemo legitimas viderat nuptias: non certos quisquam inspexerat liberos: non ius equabile quid utilitatis haberet, acceperat. Ita propter errorem, atq; inscientiam, ceca, ac temeraria dominatrix animi cupiditas, ad se explendam, viribus corporis abutebatur, perniciosissimis satellitibus. Quo tempore quidam magnus videlicet vir, & sapiens cognovit, quae materia esset: & quanta ad maximas res opportunitas animis inesset hominum, si quis eam posset elicere, & precipiendo meliorem reddere. Qui

disper-

dispersos homines in agris, & in tectis siluestribus  
 abditis ratione quadā compulsi unum in locum,  
 & congregavit: & \* eos in unamquamque rem  
 inducens vtilem, atque honestam, primo propter  
 insolentiam reclamantes, deinde propter rationē,  
 atque orationem studiosius audientes, ex feris, &  
 immanibus mites reddidit & mansuetos. Ac  
 mihi quidem videtur hoc, nec tacita, nec inops  
 dicendi sapientia perficere potuisse, ut homines a  
 consuetudine subito conuerteret, & ad diuersas  
 vite rationes traduceret. Age vero urbibus cōsti-  
 tutis, ut fidē colere, & iustitiā retinere discerēt,  
 & alijs parere sua volūtate consuescerent. ac nō  
 modo labores excipiēdos cōmunis commodi caus-  
 sa, sed etiam vitam admittendam existimarent:  
 quā tandem fieri potuit, nisi homines ea quæ ra-  
 tione inuenissent, eloquentia persuadere potuis-  
 sem? Profecto nemo nisi graui, ac suauis cōmōtus  
oratione, cum viribus plurimū posset, ad ius vo-  
luisse sine vi descēdere: ut inter quos posset ex-  
 cellere cum ijs se pateretur æquari: & sua volū-  
 tate a iucundissima consuetudine recederet: quæ  
præsertim iam naturæ vim obtineret, propter ve-  
tustatem. Ac primo quidem sic & nata, & pro-  
 gressa longius eloquentia videtur: & item postea  
 maximis in rebus pacis, & belli cum summis ho-  
 minum vilitatibus esse versata. Postquam vero  
 commoditas quædam, praua virtutis imitatrix,  
 sinceratione officij dicendi copiam consecuta est:

oratio  
 suauis

tum ingenio freta malitia, pervertere vrbes, & vitas hominum labefactare assuevit. Atq; huius quoq; exordium mali, quoniam principium boni diximus, explicemus. Verisimillimum mihi videtur, quodam tempore, neque in publicis rebus infantes, & insipientes homines solitos esse versari: nec vero ad priuatas causas magnos, ac discretos homines accedere: sed cum a summis viris maximæ res administrarentur: arbitror alios fuisse non incallidos homines, qui ad paruas controversias priuatorum accederent. Quibus in controversiis cum sæpe a mēdacio contra verum homines stare consuescerent: dicendi assiduitas aluit audaciam: ut necessario superiores illi propter iniurias ciuium resistere audacibus, & optulati suis quisque necessarijs cogeretur. Itaque cum in dicendo sæpe par, nonnumquam etiam superior visus esset is, qui omisso studio sapiētiae, nihil sibi præter eloquētiā comparasset: fiebat, ut & multitudinis, & suo iudicio dignus, qui temp. gereret, videretur. Hinc nimirum non iniuria, cum ad gubernacula reip. temerarij, atq; audaces homines accesserant: maxima ac miserrima naufragia fiebant. Quibus rebus tantum odij atq; inuidiæ suscepit eloquētia, ut homines ingeniosissimi, quasi ex aliqua turbida tempestate in portum: sic ex seditiosa, & tumultuosa vita se in studiū aliquod traderent quietum. Quare mihi videntur postea cetera studia recta, atq; honesta per otium conce-

conce-  
visq;  
mul-  
ad-  
et re-  
rum  
trium  
et v-  
fugit  
vere  
chos  
sum-  
stor-  
pres-  
m-  
quia  
tunt  
gno-  
nim-  
hoc  
pub-  
sta,  
Na-  
ji m-  
him-  
dign-  
iissi-  
Ac  
rebi-

concelebrata, ab optimis enituisse: hoc vero a ple-  
risq; eorum desertum obsoleuisse eo tempore, quo  
multo vehementius erat retinendū, & studiosius  
adagendū. Nā quo indignius rem honestissimā,  
& rectissimam violabat stultiorum, & improbo-  
rum temeritas, & audacia summo cum reip. de-  
trimento: eo studiosius & illis resistendum fuit,  
& reip. consulendum. Quod nostrum illum non  
fugit Catonem, neque Lælium, neque eorum (ut  
vere dicam) discipulum Africanum, neq; Grac-  
chos Africani nepotes: quibus in hominibus erat  
summa virtus, & summa virtute amplificata au-  
ditoritas: & quæ his rebus ornamento, & reip.  
præsidio esset, eloquētia. Quare, meo quidem ani-  
mo, nihilominus eloquētiæ studendum est: etsi ea  
quidam & priuatim, & publice peruerse abu-  
runtur: sed eo quidem vehementius, ne mali, ma-  
gno cum detrimento bonorum, & communi om-  
nium perniciæ plurimum possint: cum præsertim  
hoc unum sit, quod ad omnes res, & priuatas, &  
publicas maxime pertineat: hoc tuta, hoc bene-  
sta, hoc illustris, hoc eodem vita incunda fiat.  
Nam hinc ad remp. plurima commoda veniunt:  
si moderatrix omnium rerū præsto est sapientia.  
hinc ad ipsos, qui eam adepti sunt, laus, honor,  
dignitas confluit: hinc amicis quoq; eorum cer-  
tissimum, ac tutissimum præsidium comparatur.  
Ac mihi quidem videntur homines, cum multis  
rebus humiliores, & infirmiores sint: hac re ma-

xime bestijs præstare, quod loqui possunt. Quare præclarum mihi quiddā videtur adeptus is, qui, quare homines bestijs præstet, ea in re hominibus ipsis antecellat. Hoc si forte non natura modo, neque exercitatione conficitur, verum etiam artificio quodam comparatur: non alienum est videre quæ dicant ijs, qui quædam eius rei præcepta nobis reliquerunt. Sed antequam de præceptis oratorijs \* dicamus, videtur dicendum de genere ipsius artis, de officio, de fine, de materia, de partibus. Nam his rebus cognitis, facilius, & expeditius uniuscuiusq; animus ipsam rationem, ac viam artis considerare poterit. CIVILIS quædam ratio est, quæ multis, & magnis ex rebus constat. Eius quædam magna, & ampla pars est artificiosa eloquentia: quam rhetoricam vocant. Nam neque cum ijs sentimus, qui civilem scientiam eloquentia non putant indigere: & ab ijs, qui eam putant omnem rhetoricis vi, & artificio contineri, magnopere dissentimus. Quare hanc oratoriam facultatem in eo genere ponemus, ut eam civilis scientiæ partem esse dicamus. Officium autem eius facultatis videtur esse, dicere appositè ad persuasionem. Finis, persuadere dictione. Inter officium autem, & finem hoc interest: quod in officio quid fieri: in fine, quid officio conveniat, consideratur. Ut medici officium dicimus esse curare ad sanandum, apposite: finem, sanare curatione. Item oratoris, quid officium, & quid finem esse



esse dicamus, intelligemus, cum id, quod facere debet, officium esse dicemus: illud, cuius causa facere debet, finem appellabimus. Materiam artis eam dicimus, in qua omnis ars, & ea facultas, quæ conficitur ex arte, versatur: ut, si medicina materiâ dicamus, morbos ac vulnera, quod in his omnis medicina versetur: item, quibus in rebus versatur ars, & facultas oratoria, eas res materiam artis rhetoricæ nominamus. Has autem res alij plures, alij pauciores existimauerunt. Nâ Gorgias Leontinus antiquissimus fere rhetor, omnibus de rebus oratorem optime posse dicere existimauit. hic infinitam, & immensam huic artificio materiam subijcere videtur. Aristoteles autem, qui huic arti plurima adiumenta, atq; ornamenta subministravit, tribus in generibus rerum versari rhetoris officium putauit: demonstratiuo, deliberatiuo, iudiciali. Demonstratiuum est, quod tribuitur in alicuius certæ personæ laudem, aut vituperationem. Deliberatiuum est, quod positum in disceptatione, & consultatione civili, habet in se sententiæ dictionem. Iudiciale est, quod positum in iudicio, habet in se accusationem, & defensionem: aut petitionem, & recusationem. Et quemadmodum nostra quidem fert opinio, oratoris ars, & facultas in hac materia tripartita versari existimanda est. Nam Hermagoras quidem, nec quid dicat attendere, nec quid polliceatur intelligere videtur: qui ora-

toris materiam in causam & in questionem dividat. Causam esse dicit, rem quæ habeat in se controuersiam in dicendo positam, cum personarum certarum interpositione: quam nos quoque oratori dicimus esse attributam. nam ei tres par-  
teis, quas ante diximus, supponimus, iudicialem, deliberatiuam, demonstratiuam. Questionem au-  
tem eam appellat, quæ habeat in se cōtrouersiam in dicēdo positam, sine certarum personarum interpositione: ad hunc modum: \* Ecquid sit bo-  
num in vita præter honestatem: verine fini sen-  
sus: quæ sit mundi forma: quæ sit solis magni-  
tudo. Quas questiones procul ab oratoris officio remotas, facile omnes intelligere existimamus. Nam quibus in rebus summa ingenia philo-  
sophorum plurimo cum labore consumpta intelli-  
gimus, eas sicut aliquas paruas res oratori attri-  
buere magna amentia videtur, Quod si magnam in his Hermagoras habuisset facultatem, studio  
& disciplina comparatam: videretur, fretus sua  
scientia, falsum quiddam constituisse de oratoris officio: & non quid ars, sed quid ipse posset, expo-  
suisse. nunc vero ea vis est in homine, ut ei multo  
rhetoricam citius quis ademerit, quam philoso-  
phiam concesserit. Neque eo dico, quod eius ars, quam edidit, mihi mēdosissime scripta videatur: (nam satis in ea videtur ex antiquis artibus ingeniose, & diligenter electas res collocasse, & nonnihil ipse quoque non protulisse) verū oratori  
mini-

minimum est, de arte loqui, quod hic fecit: multo maximum ex arte dicere: quod eum minime potuisse omnes videmus. Quare materia quidem nobis rhetoricæ videtur artis, ea, quam Aristoteli visam esse diximus. Partes autem hæ sunt, quas plerique dixerunt, inuentio, dispositio, elocutio, memoria, pronuntiatio. Inuentio, est excogitatio rerum verarum, aut verisimilium, quæ causam probabilem reddant. Dispositio, est rerum inuentarum in ordinem distributio. Elocutio, est idoneorum verborum, & sententiarum ad inuentionem accommodatio. Memoria, est firma animi rerum, ac verborum ad inuentionem perceptio.

Pronuntiatio, est ex rerum, & verborum dignitate, vocis, & corporis moderatio. Nunc his rebus breuiter constitutis: eas rationes, quibus ostendere possimus genus, & officium, & finem huius artis, aliud in tempus differemus. Nam & multorum verborum indigent, & non tantopere ad artis descriptionem & præcepta tradenda pertinent. Eum autem, qui artem rhetoricam scribat, de duabus reliquis rebus, de materia artis, ac partibus scribere oportere existimamus. Ac mihi quædam videtur coniuncte agendum de materia ac partibus. Quare inuentio, quæ princeps est omnium partium, potissimum in omni causarum genere, qualis debeat esse, consideretur.

OMNIS res, quæ habet in se positam in diffinitione, aut disceptatione aliquam cōtrouersiam:

aut facti, aut nominis, aut generis, aut actionis  
 continet questionem. Eam igitur questionem, ex  
 qua causa nascitur, constitutionem appellamus.  
 Constitutio est prima conflictio causarum ex de-  
 pulsione intentionis profecta, hoc modo: Feci-  
 sti. non feci: aut iure feci. Cum facti controuer-  
 sia est, quoniam coniecturis causa firmatur, con-  
 stitutio coniecturalis appellatur. Cum autem no-  
 minis: quia vis vocabuli definienda verbis est: co-  
 stitutio definitiva nominatur. Cum vero, qualis  
 res sit queritur: quia & de vi, & de genere nego-  
 tij controuersia est: constitutio generalis vocatur.  
 At cum causa ex eo pendet, quod non aut is agere  
 videtur, quem oportet, aut, non cum eo, qui cum  
 oportet, aut, non apud quos, quo tempore, qua lege,  
 quo crimine, qua pena oportet: translata dicitur  
 constitutio, quia actio translationis, & commu-  
 tationis indigere videtur. Atque harum aliquam  
 in omne causae genus incidere necesse est. nam in  
 quam rem non inciderit, in ea nihil esse poterit  
 controuersiae. Quare eam nec causam quidem  
 conuenit putari. Ac facti quidem controuersia in  
 omnia tempora potest distribui. Nam\* ecquid fa-  
 ctum sit, potest queri, hoc modo: Occiderunt Aia-  
 cem Vlysses. Ec quid fiat, hoc modo: Bonone ani-  
 mo sint erga populum Rom. Fregellani. Ecquid  
 futurum sit, hoc modo: Si Carthaginem relique-  
 rimus incolumem: num quid sit incommodi ad repub.  
 perueniturum. Nominis est controuersia, cum de fa-  
 cto

Et conuenit, & queritur id quod factum est, quo  
 nomine appelletur. Quo in genere necesse est ideo  
 nominis esse controuersiam, non quod de re ipsa  
 non conueniat, \* non quod de facto non constet,  
 sed quod id, quod factum sit, aliud alij videatur  
 esse, & idcirco alius alio nomine id appellet.  
 Quare in huiusmodi generibus definiendares  
 erit verbis, & breuiter describenda: ut si quis  
 sacrum ex priuato stripuerit, utrū fur, an sacri-  
 legus sit iudicandus. nam, id cum queritur, ne-  
 cesse erit definire utrumq., quid sit fur, quid sa-  
 crilegus: & sua descriptione ostendere, alio nomi-  
 ne illam rem, de qua agitur, appellari oportere,  
 atq., aduersarij dicunt. Generis est controuersia,  
 cum ecquid factum sit, conuenit, & quo id fa-  
 ctum, nomine appellari oporteat, constat: & ta-  
 men, quantū, & cuiusmodi, & omnino, quale sit,  
 queritur, hoc modo: Iustum, an iniustum: utile, an  
 inutile: & omnia, in quibus quale sit id, quod fa-  
 ctum est, queritur sine vlla nominis controuersia.  
 Huic generi Hermagoras parteis quattuor sup-  
 posuit, deliberatiuā, demonstratiuam, iuridicia-  
 lem, negotialem. Quod eius, ut nos putamus, non  
 mediocre peccatum reprehendendum videtur,  
 verū breui: ne si aut taciti praterierimus, sine  
 causa non secuti cum putemur: aut si diutius in  
 hoc constiterimus, moram atque impedimentum  
 reliquis præceptis insulisse videamur. Si deli-  
 beratio, & demonstratio genera sunt causarum,

non possunt recte partes alicuius generis causse putari. Eadē enim res aliū genus esse, aliū pars potest: eidem genus esse, & pars non potest. Deliberatio autem, & demonstratio genera sunt causarum: nam aut nullum causse genus est, aut iudiciale solum, aut & iudiciale, & demonstrativū, & deliberativum, nullum dicere esse causse genus, cum caussis esse multas dicat, et in ea precepta dei, amentie est. Vnum autem iudiciale solum esse qui potest: cum deliberatio, & demonstratio neq; ipsę similes inter se sint, & ab iudicali, genere plurimum dissideant, & suum quęquē finem habeat, quo referri debeat. Relinquunt ergo, ut omnia tria genera sint causarum. Deliberatio igitur, & demonstratio non possunt recte partes alicuius generis causse putari. Male igitur eas generalis cōstitutionis partes esse dixit. Quod si generis causse partes non possunt recte putari, multo minus recte partis causse partes putabuntur. Pars autem causse constitutio est omnis. Non enim causa ad constitutionem, sed constitutio ad causam accommodatur: sed demonstratio, & deliberatio generis causse partes non possunt recte putari, quod ipsa sunt genera, multo igitur minus recte partis eius, quod hic dicit, partes putabuntur. Deinde, si constitutio & ipsa, & pars constitutionis eius quęlibet, intentionis depulsio est: quę intentionis depulsio non est, ea nec constitutio, nec pars constitutionis est. At, si  
quę

que intentionis depulsio non est, ea nec constitutio, nec pars constitutionis est : demonstratio, & deliberatio, neque constitutio, nec pars constitutionis est. Si igitur constitutio, & ipsa, & pars eius qualibet, intentionis depulsio est : deliberatio, & demonstratio, neq, constitutio, neq, pars constitutionis est. Placet autem ipsi\* constitutionem intentionis esse depulsionē. placeat igitur oportet non esse constitutionem, nec partē constitutionis. Atq, hoc eodem vrgebitur, siue constitutionem primam causae accusatoris confirmationem dixerit, siue defensoris primam deprecationem. Nam cum eadem omnia incommoda sequentur. Deinde coniecturalis causa nō potest simul ex eadem parte, eodem in genere & coniecturalis esse, & definitiua. Rursus nec definitiua causa potest simul ex eadē parte, eodē in genere & definitiua esse, & translatiua. Et omnino nulla constitutio, nec pars constitutionis potest simul, & suam habere, & alterius in se vim continere: ideo quod unaquaq, ex se, & ex sua natura simpliciter consideratur : altera assumpta numerus constitutionum duplicatur. Vis constitutionis augetur. At deliberatiua causa simul ex eadem parte, eodē in genere & coniecturalem, & generalem, & definitiuam, & translatiuam solet habere constitutionem, & unam aliquando, & plures nonnumquam : ergo ipsa nec constitutio est, nec pars constitutionis. Idem in demonstratione solet usu euenire.

Genera igitur, ut ante diximus, hæc causarum putanda sunt, non partes alicuius constitutionis. Hæc ergo constitutio, quam generalem nominamus, parteis nobis videtur duas habere, iuridicalem, & negotialem. Iuridicialis est, in qua æqui, & recti natura, aut præmij, aut pænæ ratio queritur. Negotialis est, in qua quid iuris ex civili more, & æquitate sit, consideratur: cui diligentie præesse apud nos iuris consulti existimantur. Ac iuridicialis quidē ipsa in duas distribuitur parteis: absolutam, & assumptiuam. Absoluta est, quæ ipsa in se continet iuris, & iniuriæ questionem. Assumptiua est, quæ ipsa ex se nihil firmi dat ad recusationem, foris autem aliquid defensionis assumit. Eius partes sunt quatuor, concessio, remotio criminis, relatio criminis, comparatio. Concessio est, cum reus non id, quod factū est, defendit, sed ut ignoscatur postulat. Hæc in duas parteis diuiditur, purgationem, & deprecationem. Purgatio est, cum factum conceditur, culpa remouetur. Hæc parteis habet tres, imprudentiam, casum, necessitatem. Deprecatio est, cum & peccasse, & consilio peccasse reus se confitetur, tamē, ut ignoscatur, postulat: quod genus perituro potest accidere. Remotio criminis est, cum id crimen, quod inferitur, ab se, & à sua culpa, vi, & potestate in alium reus remouere conatur. Id dupliciter fieri poterit, si aut causa, aut factum in alium transferetur. Causa transferitur, cum alie-



na dicitur vi, & potestate factum. Factum autem, cum alius aut debuisse, aut potuisse facere dicitur. Relatio criminis est, cum ideo iure factis dicitur, quod aliquis ante iniuria lacefferis. Comparatio est, cum aliud aliquod factum rectis, aut uile contenditur, quod ut fieret, illud, quod arguitur, dicitur esse commissum. In quarta constitutione, quam translatiuam nominamus, eius constitutionis est controversia, cum aut quem, aut quicum aut quomodo, aut apud quos, aut quo iure, aut quo tempore agere oporteat, queritur, aut omnino aliquid de commutatione, aut infirmatione actionis agitur. Huius constitutionis Hermagoras inuentor esse existimatur: non quia non uisi sint ea veteres oratores saepe muli: sed quia non animaduuerint artis scriptores eam superiores, nec retulerint in numerum constitutionum. Post autem ab hoc inuentam multi reprehenderunt, quos non tam imprudentia falli putamus (res enim perspicua est) quam inuidia atque obrectatione quadam impediri. Et constitutiones quidem, & earum partis exposuimus. *Exempla autem cuiusque generis tunc commodius exposuiri uidemur, cum in unumquodq, eorum argumentorum copiam dabimus. Nam argumentandi ratio dilucidior erit, cum & ad genus, & ad exemplum causae statim poterit accommodari. Constitutione causae reperta, statim placet considerare, utrum causa sit simplex, an coniuncta:*

Et si coniuncta erit, utrum sit ex pluribus questionibus iuncta, an ex aliqua comparatione. Simplex est, quæ absolutam in se continet unam questionem, hoc modo: Corinthiis bellum indicamus, an non.

Coniuncta ex pluribus questionibus, in qua plura queruntur, hoc modo: Utrum Carthago diruatur, an Carthaginensibus reddatur, an eo colonia deducatur. Ex cōparatione, in qua per contentionem, utrum potius, aut quid potissimū sit queritur, ad hunc modum: Utrum exercitus in Macedoniam contra Philipum mittatur, qui socijs sit auxilio, an teneatur in Italia, ut quam maximæ contra Annibalem copię sint. Deinde considerandum est\* in ratione, an in scripto sit controuersia. Nam scripti controuersia est ea, quæ ex descriptionis genere nascitur. Eius autē genera, quæ sunt separata à constitutionibus, quinque sunt. Nam tum verba ipsa videntur cum sententia scriptoris dissidere, tum inter se duæ leges aut plures discrepare, tum id quod scriptum est, duas aut plures res significare, tum ex eo, quod scriptum est, aliud quoque, quod non scriptum est, inueniri, tum vis verbi, quasi in definitiua constitutione, in quo posita sit, quæri. Quare primum genus de scripto et sententia, secundum ex contrarijs legibus, tertium ambiguum, quartum ratiocinatum, quintum definitiuum nominamus. Ratio est autem cum omnis quæstio non in scriptione, sed in

in aliqua argumentatione consistit. Ac tum considerato genere causse, & cognita constitutione, cum simplexne, an coniuncta sit, intellexeris, & scripti, an rationis habeat controuersiam videris: deinceps erit videndum, quæ quæstio, quæ ratio, quæ indicatio, quod firmamentum causse sit: quæ omnia à constitutione profisciscantur oportet. Quæstio est ea, quæ ex conflictione causсарum gignitur controuersia, hoc modo: Non iure fecisti. iure feci. Causсарum autem hæc est conflictio, in qua constitutio cõstat. Ex ea igitur nascitur controuersia, quam quæstionem dicimus, hoc modo: Iurene feceris. Ratio est ea, quæ continet causсарum. quæ si sublata sit, nihil in caussa controuersie relinquetur, hoc modo (ut docendi caussa in facili, & peruulgato exemplo consistamus: ) Orestes si accusetur matricidij, nisi hoc dicat: Iure feci: illa enim patrem meum occiderat: non habet defensionem, qua sublata, omnis quoque controuersia sublata sit. Ergo eius causсарum ratio est, quod illa Agamemnonem occiderit. Indicatio est, quæ ex infirmatione, & confirmatione rationis nascitur controuersia. Nam sit ea nobis exposita ratio, quam paullo ante exposuimus. Illa enim, inquit, patrem occiderat. At non, inquit aduersarius, abs te filio matrẽ necari oportuit. Potuit enim sine tuo scelere illius factum puniri. Ex hac deductione rationis illa summa nascitur controuersia, quam indicationem appellamus. Ea est

huiusmodi: Rectumne fuerit ab Oreste matrem occidi, cum illa Orestis patrem occidisset. Firmamentum, est firmissima argumentatio defensoris, & aptissima ad indicationem, ut si velis Orestes dicere, eiusmodi animum matris suæ fuisse in patrem suum, in se ipsum, in sorores, in regnū, in famam generis, & familię, ut ab ea pœnas liberi sui potissimū petere debuerint. Et in ceteris quidem cōstitutionibus, ad hunc modum indicationes reperiuntur: in coniecturali autem constitutione, quia ratio non est (factum enim non conceditur) non potest ex deductione rationis nasci indicatio. Quare necesse est eandem esse quæstionem, & indicationem: ut factum est: non est: factumne sit. Quot autem in causā constitutiones, aut earum partes erunt, totidem necesse erit quæstiones, rationes, indicationes, firmamenta reperiri. His omnibus in causā repertis, tum denique singulę partes totius causę considerandę sunt. Nam non ut quodque dicendum primum, ita primum animaduertendum videtur: ideo quod illa, quę prima dicuntur, si vehementer velis congruere, & coherere cum causis, ex eis ducas oportet quę post dicenda sunt. Quare cum indicatio, & ea, quę ad indicationem oportet inueniri argumenta, diligenter erunt artificio reperia, cura & cogitatione pertractata, tunc denique ordinandę sunt ceterę partes orationis.

He partes sex esse omnino nobis videntur: ex ordinis,

ordium, narratio, partitio, confirmatio, reprehensio, conclusio. Nunc quoniam exordium princeps omnium esse debet, nos quoque primum<sup>\*</sup> orationem exordiendi præcepta dabimus.

EXORDIVM, est oratio animum auditoris idonee comparans ad reliquam dictionem: quod eveniet, si eum benivolū, attentum, docile fecerit. Quare qui bene exordiri causam vult, eum necesse est genus suæ causæ diligenter arte cognoscere. Genera causarum sunt quinque, Honestum, admirabile, humile, anceps, obscurum. Honestum genus est, cui statim sine oratione nostra, auditoris fauet animus. Admirabile, a quo alienatus est animus eorum, qui audituri sunt. Humile, quod negligitur ab auditore, & non magnopere attendendū videtur. Anceps, in quo aut indicatio dubia est: aut causa & honestatis & turpitudinis particeps, ut & benevolentiam pariat & offensionem. Obscurum, in quo aut tardi auditores sunt, aut difficilioribus ad cognoscendum negotiis causa<sup>\*</sup> implicita est. Quare cum tam diversa sint genera causarum, exordiri quoque, disparatione in unoquoque genere necesse est. Igitur exordium in duas partes diuiditur, in principium, & insinuationē. Principium, est oratio perspicue, & protinus perficiens auditore benivolū, aut docilem, aut attentum. Insinuatio, est oratio quadam dissimulatione, & circūtione obscure subiens auditoris animū. In admirabili

genere causse, si non omnino infesti auditores  
 erunt, principio beneuolentiam comparare lice-  
 bis: sin erunt vehementer abalienati, confugere  
 necesse erit ad insinuationem. Nam ab iratis, si  
 perspicue pax & beneuolentia petitur, non modo  
 ea non inuenitur, sed augeatur atq; inflammatur  
 odium. In humili autem genere causse, contem-  
 ptionis tollendæ caussa, necesse erit attetum effi-  
 cere auditorem. Anceps genus causse, si dubiam  
 iudicationem habebit, ab ipsa iudicatione exor-  
 diendum est: sin autem partem turpitudinis, &  
 partem honestatis habebit, beneuolentiam capta-  
 re oportebit, ut in genus honestum caussa trans-  
 lata videatur. Cum autem erit honestum causse  
 genus, vel præteriri principium poterit: vel si cō-  
 modum fuerit, aut à narratione incipiemus, aut  
 à lege, aut ab aliqua firmissima ratione nostra  
 dictionis. Sin uti principio placebit, beneuolentia  
 partibus utendum est, ut id quod est augeatur. In  
 obscuro causse genere, per principium dociles au-  
 ditores efficere oportebit. Nūc quoniam quas rei  
 exordio conficere oporteat dictum est, reliquum  
 est, ut ostendatur quibus quæque rerum rationibus  
 confici possit. Beneuolentia quattuor ex locis com-  
 paratur: ab nostra, ab aduersarij, ab iudicij  
 persona, à caussa. Ab nostra, si de nostris factis,  
 & officijs sine arrogancia dicemus: si crimina il-  
 lata, & aliquas minus honestas suspiciones inie-  
 ctas diluemus: si quæ incommoda acciderint, aut  
 quæ

quæ insistent difficultates, proferemus: si prece &  
 obsecratione humili, ac supplici utemur. Ab ad-  
 versariorum autem, si eos aut in odium, aut in  
 inuidiam, aut in contempionem adducemus.\* In  
 odium ducuntur, si quod eorum spurce, superbe,  
 crudeliter, malitiose factum proferetur. In inui-  
 diam, si vis eorum potentia, diuitiæ, cognatio, pe-  
 cuniæ proferuntur, atq; eorum usus arrogans &  
 intolerabilis: ut his rebus magis videantur, quam  
 causse sue considerare. In contempionem adducē-  
 tur, si eorum inertia, negligentia, ignavia, desi-  
 diosum studium, luxuriosum otium proferitur.  
 Ab auditorum persona benevolentia captabi-  
 tur, si res ab his fortiter, sapienter, mansuete gestæ  
 proferuntur, ut nequa assensatio nimia signifie-  
 tur: & si de his, quam honesta existimatio, quan-  
 taq; eorum iudicij, & auctoritatis expectatio sit,  
 ostendatur. Ab ipsis rebus, si nostram causam  
 laudando extollemus, aduersariorum causam per  
 contempionem deprimemus. Attentos autem fa-  
 ciemus, si demonstrabimus ea, quæ dicturi erimus,  
 magna, noua, incredibilia esse, & aut ad omnes,  
 aut ad eos, qui audiunt, aut ad aliquos illustres  
 homines, aut ad deos immortales, aut ad sum-  
 mas reip. pertinere: & si pollicebimur nos breui  
 nostram causam demonstraturos, atq; expone-  
 mus indicationem, aut indicationes, si plures  
 erunt. Dociles auditores faciemus, si aperte, &  
 breuiter summam causse exponemus, hoc est, in

quo consistat controuersia. Nam & cum docilem velis facere, simul attentum facias oportet. nam is maxime docilis est, qui attentissime est paratus audire. Nunc insinuationes quemadmodum tractari conueniat, deinceps dicendum videtur. Insinuatione, igitur utendum est, cum admirabile genus causse est, hoc est, ut ante diximus, cum animus auditoris infestus est. Id autem tribus ex causis fit maxime: si aut inest in ipsa causa quedam turpitudine: aut, si ab iis, qui ante dixerunt, iam quiddam auditori persuasum videtur: aut si eo tempore locus dicendi datur, cum iam illi, quos audire oportet, defessi sunt audiendo. Nam ex hac quoque, re non minus, quam ex primis duabus, in oratione nonnunquam animus auditoris offenditur. Si causse turpitudine contrahet offensionem, aut pro eo, in quo offenditur, alium hominem, qui diligitur, interponi oportet: aut pro re, in qua offenditur, aliam rem, quae probatur: aut pro re hominem, aut pro homine rem, ut ab eo quod odit, ad id quod diligit auditoris animus traducatur: & dissimulare id te defensurum, quod existimeris defensurus. Deinde, cum iam mitior factus erit auditor, ingredi pedetentim in defensionem, & dicere ea, quae indignetur aduersarij, tibi quoque indigna videri. Deinde, cum lenieris eum, qui audiet, demonstrare nihil eorum ad te pertinere, & negare te quidquam de aduersarijs esse dicturum, neque hoc, neque illud: ut neque aperte ledas



ledas eos, qui diliguntur: & tamen id obscure  
 faciens, quoad possis alienes ab eis auditorū vo-  
 luntatem: & aliquorum iudicium simili de re,  
 aut auctoritatem proferre imitatione dignam.  
 Deinde, aut eandem, aut consimilem, aut maio-  
 rem, aut minorem agi rem in præsentia demon-  
 strare. Sin oratio aduersariorum fidem videbi-  
 tur auditoribus fecisse ( id quod ei, qui intelli-  
 git, quibus rebus fides fiat, facile erit cognitu )  
 oportet aut de eo, quod aduersarij sibi firmissimū  
 putarint, & maxime ij, qui audierint, probarint,  
 primū te dicturū polliceri: aut ab aduersarij di-  
 cto exordiri, & ab eo potissimum, quod ille nu-  
 perrime dixerit: aut dubitatione vii, quid pri-  
 mum dicas, aut cui potissimū loco respondeas cum  
 admiratione. Nam auditor, cum eum, quem ad-  
 uersarij perturbatum putant oratione, videt ani-  
 mo firmissimo contradicere paratum, plerumque  
 se potius temere assensisse, quam illum sine causa  
 confidere arbitratur. Sin auditoris studium defa-  
 tigatione abalienavit à causa, te breuius, quam  
 paratus fueris esse dicturum, commodum est pol-  
 liceri, non imitaturum aduersarium. Sin res da-  
 bit, non inutile est ab aliqua re noua, aut ridicu-  
 la incipere, aut ex tempore, quæ nata sit. \* quod  
 genus strepitus, acclamatione: aut iā parata, quæ  
 vel apologū, vel fabulam, vel aliquam contineat  
 irrisiōnem: aut si rei dignitas adinet iocandi fa-  
 cultatem, aliquid triste, nouum, horribile statim,

non incommodum est iniicere. Nam ut cibi satietas & fastidium, aut subamara aliqua re releuatur, aut dulci mitigatur: sic animus defessus audiendo, aut admiratione integratur, aut risu renouatur. Ac separatim quidem, quæ de principio, & insinuatione dicenda videbantur hæc fere sunt: nunc quiddam breuiter & communiter de utroque præcipiendum videtur. Exordium sententiarum, & grauitatis plurimum debet habere, & omnino omnia quæ pertinent ad dignitatem in se continere: propterea quod id optime faciendum est, quod oratorem auditori maxime commendat: splendoris, & festiuitatis, & concinnitudinis minimum, propterea quod ex his suspicio quædam apparationis, atque artificiosæ diligentie nascitur, quæ maxime, orationi fidem, oratori adimit auctoritatem. Vitia vero hæc sunt certissima exordiorum, quæ summo opere vitare oportebit: vulgare, commune, commutabile, longum, separatum, translatum, contra præcepta. Vulgare est, quod in plures causas potest accommodari, ut conuenire videatur. Commune est, quod nihilominus in hanc, quam in contrariam partem causæ potest conuenire. Commutabile, quod ab aduersario potest leuiter mutatum ex contraria parte dici. Longum est, quod pluribus verbis aut sententijs ultra, quàm satis est, produciuntur. Separatum, quod non ex ipsa causâ ductum est, nec sicut aliquod membrum annexum orationi. Translatum est, quod

quod aliud conficit, quam causſæ genus poſtulat: viſi quis docilem facias audirem, cum benevolentiam cauſſa deſideret: aut, ſi pricipio utatur, cum inſinuationem res poſtulat. Contra præcepta eſt, quod nihil eorū efficit, quorū cauſſa de exordijs præcepta traduntur: hoc eſt, quod eum, qui audit, neq, beneuolum, neq, attentum, neq, docilem efficit, aut, quo proſeſto nihil peius eſt, ut cōtraſi, facit. Ac de exordio quidē ſatis dictū eſt.

NARRATIO, eſt rerum geſtarum, aut ut geſtarum expoſitio. Narrationum tria ſunt genera. Vnum genus eſt, in quo ipſa cauſſa, & omnis ratio controuerſiæ continetur. Alterum, in quo digreſſio aliqua extra cauſſam aut criminatio- nis, aut ſimilitudinis, aut delectationis non aliena ab eo negotio, quo de agitur, aut amplifica- tionis cauſſa interponitur. Tertium genus eſt remotum à ciuilibus cauſſis, quod delectationis cauſſa non inuili cum exercitatione dicitur & ſcribitur. Eius partes ſunt due, quarum altera in negotijs, altera in perſonis maxime verſatur. Ea, quæ in negotiorum expoſitione poſita eſt, tres habet parteis: fabulam, hiftoriam, argumentum. Fabula eſt, in qua nec veræ, nec veriſimiles res continentur. cuiuſmodi eſt:

Angues ingentes alites iuncti iugo.

Hiftoria, eſt geſta res ab ætatis noſtræ memoria remota. quod genus: Appius indixit Carthagi- niſibus bellum. Argumentum, eſt ficta res, quæ

tamen fieri potuit. huiusmodi apud Terentium:  
 „ Nam is postquam excessit ex ephebis Sofia.  
 Illa autē narratio, quæ versatur in personis, eius-  
 modi est, ut in ea simul cū rebus ipsis personarum  
 sermones, & animi perspicui possint, hoc modo:  
 „ Venit ad me sæpe clamitans, quid agis Mitio?  
 „ Cur perdis adolescentem nobis? cur amas?  
 „ Cur potat? cur tu his rebus sumptus suggeris?  
 „ Vestitu nimio indulges? nimium ineptus es.  
 „ Nimitis ipse est durus, præter æquū et bonum.  
 Hoc in genere narrationis multa inesse debet fe-  
 stivitas confecta ex rerum varietate, animorum  
 dissimilitudine, gravitate, lenitate, spe, metu, su-  
 spicione, desiderio, dissimulatione, errore, miseri-  
 cordia, fortunæ commutatione, insperato incom-  
 modo, subita lætitia, incundo exitu rerū. Verum  
 hæc ex ijs, quæ postea de elocutione præcipiuntur,  
 ornamenta sumuntur. Nunc de narratione ea, quæ  
 causæ continet expositionem dicendum videtur.  
 Oportet igitur eam tres habere res, ut brevis, ut  
 aperta, ut probabilis sit. Brevis erit, si vnde neces-  
 se est, inde initium sumetur, & nō ab ultimo re-  
 peretur: & si, cuius rei satis erit summā dixisse,  
 eius partes non dicentur (nam sæpe satis est, quod  
 factum sit dicere, nō ut enarres quemadmodū sit  
 factum) & si non longius, quam quod scitis opus  
 est, in narrando procedetur: & si nullam in rem  
 aliam transibitur: & ita si dicetur, ut nonnun-  
 quam ex eo quod dictum sit, id, quod dictum non  
 sit.

fit, intelligatur: & si non modo id, quod obest, verum etiam id, quod nec obest, nec adiuvat, praeteribitur: & si semel unūquodq, dicitur: & si nō ab eo in quo proxime desitum erit, deinceps incipitur. Ac multos imitatio decipit breuitatis, ut cum se breues putent esse, lōgissimi sint: cum deus operam, ut res multas breuiter dicant, nō ut omnino paucas res dicant, et non plures quā necesse sit. nā plerūq, breuiter dicere videtur, qui ita dicunt. Accessi ad aedes, puerū euocaui, respōdit. quē sui dominū: domi negauit esse. Hic tamen si tot res breuius nō potuit dicere: tamē quia satis fuit dixisse, Domi negauit esse, fit rerū multitudine lōgus. Quare hoc quoq, in genere vitāda est breuitatis imitatio, & non minus rerū non necessaria, quā verborū multitudine supersedendū est. Aperta autē narratio poterit esse, si, ut quidq, primum gestū erit, ita primum exponetur, & rerum ac temporum ordo seruabitur, ut ita narrētur, ut geste res erūt; aut, ut potuisse geri videbūtur. Hic considerandū erit, nequid perturbate, nequid cōtorte dicatur: ne quā in aliā rem irāseatur, ne ab ultimo repetatur, ne ad extremum prodeatur: nequid, quod ad rē pertineat, praetereatur: & omnino, quae praecepta de breuitate sunt, hoc quoq, in genere sunt cōseruāda. nā sēpe res parū est intellecta lōgitudine magis, quā obscuritate narratio- nis. Ac verbis quoq, dilucidis videndum est: quo de genere dicendum est in praeceptis elocutionis. Pro-

*babilis erit narratio, si in ea videbuntur inesse ea, quæ solent apparere in veritate, si personarum dignitates seruabuntur, si causse factorum exstarent, si fuisse facultates faciendi videbuntur, si tempus idoneum, si spatij satis, si locus opportunus ad eandem rem, qua de re narrabitur, fuisse ostenditur, si res & ad eorum, qui agunt, naturam, & ad vulgi rumorem, & ad eorum qui audiunt, opinionem accommodabitur. Ac veri quidem similis ex his rationibus esse poterit. Illud autem præterea considerare oportebit, ne aut, cum obstit narratio, aut, cum nihil prosit, tunc interponatur: aut non loco, aut non quæadmodum caussa postulat, narretur. Obest tum, cum ipsius rei gestæ expositio magnam excipit offensionem, quam argumentando, & caussam agendo leniri oportebit. Quod cum acciderit, membratim oportebit partem rei gestæ dispergere in caussam: et ad vnamquamque confestim rationem accommodare, ut vulneri præsto medicamentum sit, & odium statim defensio mitiget. Nihil prodest narratio tunc, cum ab aduersarijs re exposita, nostra nihil interest iterum, aut alio modo narrare: aut cum alijs, qui audiunt, ita tenetur negotium, ut nostra nihil intersit eos alio pacto docere. Quod cum acciderit, omnino narratione supersedendum est. Non loco dicitur, cum non in ea parte orationis collocatur, in qua res postulat: quo de genere agemus tum, cum de dispositione dicemus. nam hoc ad dispositionem.*

positionem pertinet. Non quemadmodum causa postulat, narratur, cum aut id, quod aduersario prodest, dilucide & ornate exponitur, \* aut id, quod ipsum adinuat, obscure dicitur et negligenter. Quare, ut hoc vitium vitetur, omnia torquenda sunt ad commodum suae causae, contraria quae praeteriri poterunt, praetereundo, quae illius erunt, leuiter attingendo: sua diligenter et ensdate narando. Ac de narratione quidem satis dictum videtur: deinceps ad partitionem transeamus.

RECTE habita in causa partitio, illustrem & perspicuam totam efficit orationem. Eius partes duae sunt, quarum utraq, magnopere ad aperiendam causam, et constituendam pertinet controuersiam. Vna pars est, quae quid cum aduersarijs conueniat, & quid in controuersia relinquantur, ostendit: ex qua certum quiddam\* designatur auditori, in quo animum debeat habere occupatum. Altera est, in qua rerum earum, de quibus erimus dicturi, breuiter expositio ponitur distribuitur: ex qua conficitur, ut certas animo res teneat auditor, quibus dictis, intelligat fore peroratum. Nunc utroque genere partitionis quemadmodum conueniat uti, breuiter dicendum videtur. Quae partitio, quid conueniat, aut quid non conueniat, ostendit, haec debet illud quod conuenit, inclinare ad suae causae commodum, hoc modo: Interfectam matrem esse à filio, conuenit mihi cum aduersarijs. Item contra: Interfectum esse à Clytemnestra

Agamemnonem conuenit. nam hic uterque & id posuit quod cōueniebat, & tamen suæ causse commodò consuluit. Deinde quid cōtrouersie sit, ponendum est in indicationis expositione, quæ quemadmodū inueniuntur, ante dictum est. Quæ autem partitio, rerum distributam continet expositionem, hæc habere debet breuitatem, absolutionem, paucitatem. Breuitas est, cum nisi necessarium nullum assumitur verbum. Hæc in hoc genere iccirco utilis est, quod rebus ipsis, et partibus causse, non verbis, neq; extraneis ornamentis animus auditoris tenendus est. Absolutio est, per quam omnia, quæ incidunt in causam, genera, de quibus dicendum est, amplectitur partitione. In qua videndum est, ne aut aliquod genus utile relinquatur, aut sero extra partitionem, id quod vitiosissimum ac turpissimum est, inferatur. Paucitas in partitione seruatur si genera ipsa rerum ponuntur, neque permiste cum paribus implicentur. Nam genus est, quod plureis partibus amplectitur, ut animal. Pars est, quæ subest generi, ut equus, Sed sæpe eadem res alijs genus, alijs pars est. Nam homo animalis pars est, Thebani aut Troiani genus. Hæc ideo diligentius inducitur præscriptio, ut aperte intellecta generali partitione, paucitas generum in partitione seruari possit. Nam qui ita partitur, Ostendam propter cupiditatem, & audaciam, & auaritiam aduersariorum, omnia incommoda ad remp. peruenisse, is



non intellexit in partitione exposito genere, partem se generis admiscuisse. Nā genus est omnium minimum libidini cupiditas: cuius autem generis sine dubio pars est auaritia. Hoc igitur vitandum est, ne cuius genus posueris, eius secum aliquam diuersam & dissimilem partem ponas in eadem partitione. Quod, si quod in genus plures incidunt partes, id, cum in prima partitione caussae erit simpliciter expositum, distribuetur eo tempore commodissime, cum ad ipsum ventum erit explicandum in causae dictione post partitionem. Atque illud quoque pertinet ad paucitatem, ne aut plura quam satis est, demonstraturos nos dicamus, hoc modo: Ostendā aduersarios, quod arguimus, & potuisse facere, et voluisse, et fecisse. nā fecisse ostendere satis est: aut, cū in causa partitio nulla sit, & quiddam simplex agatur, tamen utamur distributione: idque perraro potest accidere. Ac sunt alia quoque, praecepta partitionū, quae ad hunc usum oratoriū nō tantopere pertinent, quae versantur in philosophia: ex quibus haec ipsa transulimus, quae conuenire videbātur, quorum nihil in ceteris artibus inueniebamus. Atque his de partitione praeceptis, in omni dictione meminisse oportebit, ut et prima quoque pars, ut exposita est in partitione, sic ordine transgatur: & omnibus explicatis, percratum sit, hoc modo, ut nequid posterius praeter conclusionem inferatur. Partitur apud Terentiū breuiter, & commode senex

in Andria, quæ cognoscere libertum velit :

„ Eo pacto & gnati vitam, & consilium meum

„ Cognosces, & quid facere in hac re te velim.

Itaque quemadmodum in partitione proposuit, ita narrat primum gnati vitam :

„ Nam is, postquam excessit ex ephēbis Sofia, deinde suum consilium : „ Et nunc id operam

do : deinde quid Sofiam velit facere, id, quod postremum posuit in partitione, postremum dicit :

„ Nunc tuum est officium. Quemadmodum igitur hic & ad primam quamq; partem primum accessit, & omnibus absolutis, fidē dicendi fecit: sic nobis placet & ad singulas partes accedere, & omnibus absolutis, perorare. Nunc de confirmatione, deinceps ita, ut ordo ipse postulas, præcipiendum videtur.

CONFIRMATIO est, per quam argumentande nostræ causæ fidem, & auctoritatem, & firmamentum adiungit oratio. Huius partis certa sunt præcepta, quæ in singula causarum genera diuidentur. Veruntamen non incommodum videtur quandam siluam, atq; materiam vniuersam ante permistam, & confusam exponere omnium argumentationū: post autem tradere quemadmodum vnumquodq; genus causæ: \* hinc omnibus argumentandi rationibus tractis, confirmare oporteat. Omnes res argumentando confirmantur, aut ex eo, quod personis, aut ex eo, quod negotiis est attributum. Ac personis has res attributas

pria-

putamus: nomen, naturā, viētum, fortunam, ha-  
 bitum, affectionē, studia, consilia, facta, casus, ora-  
 tiones. Nomen est, quod unicuiq; personæ datur,  
 quo suo quæq; proprio, et certo vocabulo appella-  
 tur. Naturam ipsam definire difficile est: partes  
 autem eius enumerare eas, quarū indigemus ad  
 hanc præceptionē, facilius est. Hæ autem partim  
 diuino, partim mortali in genere versatur. Mor-  
 talium autem, pars in hominum, pars in bestia-  
 rum genere enumeratur. Atque hominum genus  
 & in sexu\* consideratur, virile an muliebri sit:  
 & in natione, patria, cognatione, & ætate. Na-  
 tione,\* Græcus an barbarus. Patria, Atheniēsis,  
 an Lacedæmonius. Cognatione, quibus maiori-  
 bus, quibus consanguineis. Ætate, puer an ado-  
 lescent, natus grandior an senex. Præterea com-  
 moda & incommoda considerantur ab natura  
 data animo, aut corpori, hoc modo: Valens an im-  
 becillus, longus an brevis, formosus an deformis,  
 velox an tardus sit, acutus an hebetior, memor  
 an obliuiosus, comis, officiosus, patiens, prudens  
 an contra: & omnino quæ a natura data animo  
 & corpori considerabuntur, in natura conside-  
 randa sunt. Nam quæ industria comparantur, ad  
 habitum pertinent: de quo posteriùs dicendū est.  
 In viētū considerare oportet, apud quos, & quo  
 more, & cuius arbitratu sit educatus, quos ha-  
 bueris artium liberalium magistros, quos viuendi  
 præceptores, quibus amicis utatur, quo in negotio

*quæ sit, artificio sit occupatus, quomodo rem familiarem administret, qua consuetudine domestica sit. In fortuna quaeritur, servus sit an liber, pecuniæ sit an tenuis, privatus an cum potestate. si cum potestate, iure an iniuria, felix, clarus, an contra, quales liberos habeat. Ac, si de non viuo quaeretur, etiam quali morte sit affectus erit considerandum. \* Habitu autem appellamus, animi aut corporis constantem, & absolutam aliquam in re perfectionem, ut virtutis aut artis perceptionem alicuius, aut quamvis scientiam: & item corporis aliquam commoditatem non natura datam, sed studio & industria \* partiam. Affectio, est animi, aut corporis ex tempore aliqua de causa commutatio, ut lætitia, cupiditas, metus, molestia, morbus, debilitas, & alia, quæ genere in eodem reperiuntur. Studium autem est, animi assidua, & vehemens ad aliquam rem applicata magna cum voluntate occupatio, ut philosophiæ, poësiæ, geometriæ, litterarum. Consilium, est aliquid faciendi, aut non faciendi vere excogitata ratio. Facta autem, & casus, & orationes tribus ex temporibus considerabuntur: quid fecerit, aut quid ipsi acciderit, aut quid dixerit, aut, quid faciat, quid ipsi accidat, quid dicat, aut quid factururus sit, quid ipsi casurum sit, qua sit usus oratione. ac personis quidem hæc videntur esse attributa. Negotijs autem quæ sunt attributa, partim sunt continentia cum ipso negotio, partim*

partim in gestione negotij considerantur, partim adiuncta negotio sunt, partim gestum negotium consequuntur. Continentia cum ipso negotio sunt ea, quæ semper affixa esse videntur ad rem, nequæ ab ea possunt separari. Ex his prima est brevis complexio totius negotij, quæ summam continet facti, hoc modo: Parentis occisio, patriæ proditio: deinde causa eius summæ, per quam, & quamobrem, & cuius rei causa factum sit, queritur: deinde ante rem gestam quæ facta sunt, continentur usq; ad ipsum negotium: deinde in ipso gerendo negotio quid actum sit: deinde quid postea factum sit. In gestione autem negotij, qui locus secundus erat, de ijs quæ negotijs attributa sunt, queritur locus, tempus, modus, occasio, facultas. Locus consideratur, in quo res gesta sit ex opportunitate, quam videatur habuisse ad negotium aduinistrandum. Ea autem opportunitas queritur ex magnitudine, intervallo, lōginitate, propinquitate, solitudine, celebritate, natura ipsius loci, & vicinitate totius regionis. Ex his etiam attributionibus, sacer an profanus, publicus an priuatus, alienus, an ipse, de quo agitur, locus sit, an fuerit. Tempus autem est id, quo nunc utimur (nam ipsum quidem generaliter definire difficile est) pars quedam eternitatis, cum alicuius annui, mensis, diurni, nocturni spatij certa significatione. In hoc & quæ præterierunt considerantur, & eorum ipsorum, quæ propter reuoluentem obso-

leuerunt, ut incredibilia videantur, & iam in  
 fabularum numerum reponantur: & quæ iam-  
 diu gesta, & à memoria nostra remota, tamen  
 faciant fidem, vere tradita esse, quod eorum mo-  
 nimenta certa in litteris exstent: & quæ nuper  
 gesta sint, quæ scire plerique possint: & item quæ  
 insint in præsentia, & quæ maxime fiant, &  
 quæ consequantur. In quibus potest considerari,  
 quid ocysus, & quid serius futurum sit. Et item  
 communiter in tempore perspiciendo longinqui-  
 tas eius est consideranda. nam sæpe oportet com-  
 metiri cum tempore negotium, & videre, potue-  
 ritne aut magnitudo negotij, aut multitudo rerum  
 in eo transigi tempore. Consideratur autem tem-  
 pus & anni, & mensis, & diei, & noctis, & vi-  
 giliæ, & horæ, & in aliqua parte alicuius ho-  
 rum. Occasio autem est pars temporis, habens in  
 se alicuius rei idoneam faciendi aut non facien-  
 di opportunitatem. \* Quare cum tempore hoc  
 differt. Nam genere quidem, utrumque idem esse  
 intelligitur: verum in tempore spatium quodam-  
 modo declaratur, quod in annis, aut in anno, aut  
 in aliqua anni parte spectatur. In occasione ad  
 spatium temporis faciendi, quædam opportunitas  
 intelligitur adiuncta. Quare, cum genere idem  
 sit, sit aliud, quod quadam parte & specie, ut di-  
 ximus, differat. Hæc distribuitur in tria genera,  
 publicum, commune, singulare. Publicum est, quod  
 ciuitas vniuersa aliqua de causa frequenter, ut  
 ludii,

*In di, dies festus, bellum. Commune est, quod acci-*  
*dit omnibus eodem fere tempore, ut messis, vin-*  
*demia, calor, frigus. Singulare autem est, quod a-*  
*liqua de causa privatim solet alicui accidere. ut*  
*nuptie, sacrificium, funus, conuiuium, somnus.*  
*Modus autem est, in quo quemadmodum, & quo*  
*animo factum sit, queritur. Eius partes sunt pru-*  
*dentia, & imprudentia. Prudentia autem ratio*  
*queritur ex iis quae clam, palam, vi, persuasione*  
*fecerit. Imprudentia autem in purgationem con-*  
*fertur: cuius partes sunt, inscientia, casus, neces-*  
*sitas: & in affectionem animi, hoc est modestiam,*  
*iraucundiam, amorem: & cetera, quae in simili ge-*  
*nere versantur. Facultates sunt, aut quibus faci-*  
*lius fit, aut sine quibus aliquid cōfici non potest.*  
*Adiunctum autem negotio id intelligitur, quod*  
*maius, & quod minus, & quod simile erit ei ne-*  
*gotio de quo agitur, & quod aequale magnum, &*  
*quod contrarium, & quod disparatum, & genus,*  
*& pars, & euentus. Maius & minus, & aequale*  
*magnum, ex vi & ex numero, & ex figura nego-*  
*tij, sicut ex statura corporis consideratur. Simile*  
*autem ex specie cōparabili: aut ex conferenda,*  
*atq; assimilanda natura indicatur. Contrarium*  
*est, quod positum in genere diuerso, ab eodem, cui*  
*contrarium esse dicitur, plurimum distat: ut fri-*  
*gus calori, vita mors. Disparatum autem est id,*  
*quod ab aliqua re per oppositionem negationis*  
*separatur, hoc modo: Sapere, & non sapere,*

Genus est, quod parteis aliquas amplectitur, ut cupiditas. Pars est, quæ subest generi, ut amor, avaritia. Euentus est, alicuius exitus negotij: in quo queri solet, quid ex quaq; re eueniat, eueniat, euenturumque sit. Quare hoc in genere ut commodius, quid euenturum sit, ante animo colligi possit, quid quaq; ex re soleat euenire, considerandum est, hoc modo: Ex arrogantia odium, ex insolentia arrogantia. Quarta autem pars est ex ijs, quas negotijs dicebamus esse attributas, consecutio. In hac hæres quæritur, quæ gestum negotium consequuntur. Primum, quod factum est, quo id nomine appellari consueuat. Deinde eius facti, qui sint principes & inuectores: qui deniq; auctoritatis eius & inuentionis comprobatores atq; æmuli. Deinde ecquæ ea de re, aut eius rei sit lex, consuetudo, actio, iudicium, scientia, artificium. Deinde natura eius, euenire vulgo soleat, an insolenter & raro. Postea homines id sua auctoritate comprobare, \* an offendi in his confueuerint, & cetera, quæ factum aliquod similiter confestim, aut ex intervallo solent consequi. Deinde postremo attendendum est, num quæ res ex ijs rebus, quæ sunt posite in partibus honestatis, aut utilitatis consequantur, de quibus in deliberatio genere causse distinctius erit dicendum. Ac negotijs quidem fere res eæ, quas commemorauimus, sunt attributæ. Omnis autem argumentatio, quæ ex ijs locis, quos commemorauimus, sumitur,



metur, aut probabilis, aut necessaria debebit esse. Est enim, ut breuiter describamus, argumentatio videtur esse inuentum ex aliquo genere, rem aliquam aut probabiliter ostendens, aut necessarie demonstrans. Necessarie demonstrantur ea, quæ aliter ac dicuntur, nec fieri, nec probari possunt, hoc modo: Si peperit, cū viro concubuit. Hoc genus argumentandi, quod in necessaria demonstratione versatur, maxime tractatur in dicendo, aut per complexionem, aut per enumerationem, aut per simplicem conclusionem. Complexio, est in qua verum concesseris, reprehenditur, ad hunc modum: Si improbus est, cur vteris? si probus, cur accusas? Enumeratio est, in qua pluribus rebus expositis & ceteris infirmatis, una reliqua necessario confirmatur, hoc pacto: Necesse est aut inimicitarum causa ab hoc esse occisum, aut metus, aut spei, aut alicuius amici gratia, aut si horum nihil est, ab hoc non esse occisum. nam sine causa maleficium susceptum esse non potest. Sed neque inimicie fuerunt, nec metus ullus, nec spes ex morte illius alicuius commodi, neque ad amicum huius aliquem, mors eius pertinebat. Relinquitur igitur, ut ab hoc non sit occisus. Simplex autem conclusio ex necessaria consecutione conficitur, hoc modo: Si vos me istud eo tempore fecisse dicitis, ego autē eo ipso tempore trans mare fui, relinquitur, ut id, quod dicitis, non modo non fecerim, sed ne potuerim quidē facere. Atque hoc dili-

genter videre oportebit, ne quo pacto genus hoc  
 refelli possit: ut ne confirmatio modum in se ar-  
 gumentationis solum habeat, & quandam simi-  
 litudinem necessariae conclusionis, verum ipsa  
 argumētatio ex necessaria ratione consistat. Pro-  
 babile autem est id, quod fere fieri solet, aut quod  
 in opinione positum est, aut quod habet in se ad  
 hæc quandam similitudinem, siue id falsum est,  
 siue verum.\* Verum in eo genere quod fere solet  
 fieri, probabile huiusmodi est: Si mater est, diligit  
 filium. Si auarus est, negligit iusurandum. In eo  
 autem, quod in opinione positum est, huiusmodi  
 sunt probabilia: Impiis apud inferos pœnas esse  
 preparatas. Eos, qui philosophiæ deus operam,  
 non arbitrari deos esse. Similitudo autem in con-  
 trarijs, & paribus, & in ijs rebus, quæ sub eandē  
 cadunt rationem, maxime spectatur. In contrarijs  
 hoc modo: Nam si ijs, qui imprudentes læserunt,  
 ignosci cōuenit: ijs qui necessario profuerunt, ha-  
 beri gratiam non oportet. Ex pari, sic: Nam, ut  
 locus sine portu, nauibus esse non potest iurus: sic  
 animus sine fide stabilis amicis non potest esse. In  
 ijs rebus, quæ sub eandem rationem cadunt, hoc  
 modo probabile cōsideratur: Nam si Rhodijs tur-  
 pe non est portoriū locare, ne Hermacreoni qui-  
 dem turpe est conducere. Hæc tunc vera sunt, hoc  
 pacto: Quoniam cicatrix est, fuit vulnus. Tunc  
 verisimilia, hoc modo: Si multus erat in calcem  
 pulvis, ex itinere eum venire oportebat. Omne  
 autem

autem (ut certas quasdam in parteis distribuamus) probabile quod sumitur ad argumentationem, aut signum est, aut credibile, aut iudicatum, aut comparabile. Signum est, quod sub sensum aliquem cadit, & quiddam significat, quod ex ipsa profectum videtur, quod aut ante fuerit, aut in ipso negotio, aut post fit consecutum, & tamen indiget testimonij, & grauioris confirmationis: ut cruor, fuga, pallor, puluis, & quæ his sunt similia. Credibile est, quod sine ullo teste auditoris opinione firmatur, hoc modo: Nemo est qui non liberos suos incolumes, & beatos esse cupiat. Iudicatum, est res assensione, aut auctoritate, aut iudicio alicuius, aut aliquorum comprobata. Id tribus in generibus spectatur, religioso, communi, approbato. Religiosum est, quod iurati legibus, iudicant. Commune est, quod omnes vulgo probant, & securi sunt, huiusmodi: Ut maiori- bus natu assurgatur, ut supplicum misereatur. Approbatum est, quod homines, cum dubium esset, quale haberi oporteres, sua constiuerunt auctoritate: velut Gracchi patris factum, quem populus Romanus ob id factum, quod insciente collega, in censura nihil gessit, post censuram consilium fecit. Comparabile autem est, quod in rebus diuersis simile aliquam rationem continet. Eius partes sunt tres, imago, collatio, exemplum. Imago, est ratio demonstrans corporum aut naturarum similitudinem. Collatio, est ratio rem cum re, ex

similitudine conferens. Exemplum, est quod rem auctoritate, aut casu alicuius hominis, aut negotij confirmat, aut infirmat. Horum exempla & descriptiones in praeceptis elocutionis cognoscuntur. Ac fons quidem confirmationis, vs sacculus uulit, apertius est: nec minus dilucide, quã rei natura ferebat, demonstratus est. Quemadmodum autem quæq; constitutio, & pars constitutionis, & omnis controuersia siue in ratione, siue in scripto uersetur, tractari debeat: & quæ in quasq; argumentationes conueniant: sigillatim in secundo libro de unoquoq; genere dicemus. In praesentia tantummodo numeros, & modos, & partes argumentandi confuse,\* & permiste dispersimus: post descripte, & electe in genus quodq; caussæ, quid cuiq; conueniat, ex hac copia digeremus. Atque inueniri quidem omnis ex his locis argumentatio poterit: inuentam exornari, & certas in partes distinguere, & suauissimum est, & summe necessarium, & ab artis scriptoribus maxime neglectum. Quare & de ea præceptione nobis, & in hoc loco dicendum visum est, ut ad inuentionem argumenti absolutio quoq; argumentandi adiungeretur. Et magna cum cura, & diligentia locus hic omnis considerandus est: quod non rei solum magna utilitas est, sed præcipiendi quoq; summa difficultas.

OMNIS igitur argumentatio, aut per inductionem tractanda est, aut per ratiocinationem.

Inductio

Inductio, est oratio, quæ rebus non dubijs captae  
 assensionem eius quicum instituta est: quibus as-  
 sensionibus facit, ut illi dubia quædā res propter  
 similitudinem earum rerum quibus assensit, pro-  
 beatur: velut apud Socraticum Aeschinem demō-  
 strat Socrates, cum Xenophonis uxore, & cum  
 ipso Xenophonte Aspasia locutam: Dic mihi,  
 quæso, Xenophonis uxor, si vicina tua melius  
 habeat aurū quam tu habes: utrum illius, an tuū  
 malis? Illius, inquit. Quid si vestem, & ceterum  
 ornatum muliebrem precij maioris habeat, quam  
 tu habes: tuumne, an illius malis? Illius vero, re-  
 spondit. Age sis, inquit, si virū illa meliorem ha-  
 beat, quam tu habes, utrumne tuum, an illius ma-  
 lis? Hic mulier erubuit. Aspasia autem cum ipso  
 Xenophonte sermonem instituit: Quæso, inquit,  
 Xenophon, si vicinus tuus meliorem equum ha-  
 beat, quam tuus est: tuumne equum malis, an il-  
 lius? Illius, inquit. Quid si fundum meliorem ha-  
 beat, quam tu habes, utrum tandem fundum ha-  
 bere malis? Illum, inquit, meliorem scilicet. Quid  
 si uxorem meliorem habeat, quam tu habes, virū  
 illius malis? Atq; hic Xenophon quoque ipse ta-  
 cuit. Post Aspasia: Quoniam uterque vestrum,  
 inquit, id mihi solum non respondit, quod ego so-  
 lum audire volueram: egomet dicam quid uterq;  
 cogitet. Nam & tu mulier optimum virum ma-  
 nus habere, & tu Xenophon uxorem habere le-  
 tissimam maxime vis. Quare nisi hoc perfectri-

ris: ut neq, vir melior, neq, fœmina lectior inter-  
 ris sit, profecto id semper, quod optimum putabis  
 esse, multo maxime requireris, & tu, ut maritus  
 sis quamoptime mulieris, & hæc quamoptimo vi-  
 ro nupta sit. Hic, cum rebus nõ dubijs esset assen-  
 sum, factum est propter similitudinẽ, ut etiam il-  
 lud, quod dubium videbatur, siquis separatim  
 quæreret, id pro certo propter rationem rogandi  
 concederetur. Hoc modo sermonis plurimum So-  
 crates usus est, propterea quod nihil ipse afferre  
 ad persuadendũ volebat, sed ex eo, quod sibi ille  
 dederat quicum disputabat, aliquid cõficere ma-  
 lebat, quod ille ex eo, quod iam concessisset, neces-  
 sario approbare deberet. Hoc in genere præcipiẽ-  
 dum nobis videtur, primum, ut illud, quod indu-  
 cemur per similitudinem, eiusmodi sit, ut sit ne-  
 cesse concedi. Nã ex quo postulabimus nobis il-  
 lud, quod dubium sit concedi, dubium esse id ip-  
 sum non oportebit. Deinde illud, cuius confirmã-  
 di causa fiet inductio, videndum est, ut simile ijs  
 rebus sit, quas res quasi non dubias ante induxe-  
 rimus. Nã ante aliquid nobis concessum esse ni-  
 hil proderit, si ei dissimile erit id, cuius causa il-  
 lud concedi primum voluerimus. Deinde non in-  
 telligat quo spectent illæ primæ inductiones, &  
 ad quem sint exitum peruenitur. Nam qui videt,  
 si ei rei, quæ primo rogetur, recte assenserit, illam  
 quoq, rem, quæ sibi displiceat, esse necessaria con-  
 cedendam, plerumque aut non respondendo, aut  
 male

male respondendo longius procedere rogationem non sinit. Quare ratione rogationis imprudens ab eo, quod concessit, ad id, quod non vult concedere, deducendus est. Extremum autem aut taceatur oportet, aut concedatur, aut negetur. Si negabitur, aut ostendenda est similitudo earum rerum, quæ ante concessæ sunt: aut alia utendum inductione. Si concedetur, concludenda est argumentatio. Si tacebitur, aut elicienda est responsio: aut quoniam taciturnitas imitatur confessionem, pro eo ac si concessum sit, concludere oportebit argumentationem. Ita fit hoc genus argumentandi tripartitum. Prima pars constat ex similitudine una, pluribusve. Altero ex eo, quod concedi volumus, cuius causæ similitudines adhibite sunt. Tertia ex conclusione, quæ aut confirmat concessionem, aut quid ex ea conficiatur ostendit. Sed quia non satis videbitur alicui dilucide demonstratum, nisi quid ex civili causarum genere exempli subiecerimus: videtur huiusmodi quoque utendum exemplo: non quo præceptum differat, aut aliter hoc in sermone, atque indicendo sit utendum: sed ut eorum voluntati satisfiat, qui quod aliquo in loco viderint, alio in loco, \* nisi demonstratum est, nequeunt cognoscere. Ergo in hac causæ, quæ apud Græcos est peragata, quod Epaminondas Thebanorum imperator ei, qui sibi ex lege prætor successerat, exercitum non tradidit, & cum paucos ipse dies contra

legem exercitum tenuisset, Lacedæmonios funditus vicit, poterit accusator argumentatione usi per inductionem, cum scriptum legis contra sententiam defendat, ad hunc modum: Si iudices, id, quod Epaminondas ait legis scriptorem, sensisse, ascribat ad legem, & addat exceptionem hanc, EXTRA quā si quis reipub. causa exercitum non tradideris, patiemini? non opinor. Quod si vosmetipsi, quod a vestra religione, & sapientia remotissimum est, istius honoris causa hanc eandem exceptionem iniussu populi ad legem adscribi iubeatis, populus Thebanus patieturne id fieri? profecto nō patietur. Quod ergo adscribi ad legem nefas est, id sequi quasi adscriptū sit, rectum vobis videatur? Noui vestrā intelligentiam: non potest ita videri, iudices. Quod si litteris corrigi neque ab illo, neq. a vobis scriptoris voluntas potest: videte ne multo indignius sit id re, & iudicio vestro mutari, quod ne verbo quidem commutari potest. Ac de inductione quidem satis in præsencia dictum videtur. Nunc deinceps rationationis vim, & naturam consideremus. Rationatio est, oratio ex ipsa re probabile aliquid eliciens: quod expositum, & per se cognitum, sua se vi, & ratione confirmet. Hoc de genere qui diligentius considerandum putauerunt, cum idem usu dicendi sequerentur, paululum in præcipiendi ratione dissenserunt. Nam partim quinque eius parteis esse dixerunt: partim non plus quam in



tres partes posse distribui putauerunt. Eorum  
 controuersiam non incommodum videtur cum u-  
 trorumque ratione exponere. Nam & breuis est,  
 & non eiusmodi, ut alteri prorsus nihil dicere  
 putentur: & locus hic nobis in dicendo mini-  
 me negligendus uidetur. Qui putant in quin-  
 que distribui partes oportere, aiunt primam con-  
 uenire exponere summam argumentationis, ad  
 hunc modum: Melius accurantur, quæ consilio  
 geruntur, quam quæ sine consilio administran-  
 tur. Hanc primam partem numerant: eam de-  
 inceps rationibus varijs, & quam copiosissimis  
 verbis approbari putant oportere, hoc modo: Do-  
 mus ea, quæ ratione regitur, omnibus instructior  
 est rebus, & apparatus, quam ea, quæ temere, &  
 nullo cōsilio administratur. Exercitus is, cui præ-  
 positus est sapiēs & callidus imperator, omnibus  
 partibus commodius regitur quam is, qui stultitia  
 & temeritate alicuius administratur. Eadem na-  
 uigatio est. Nam nauis optime cursum con-  
 ficit ea, quæ scientissimo gubernatore utitur.  
 Cum propositio sit hoc pacto approbata, & due  
 partes transferint ratiocinationis: tertia in par-  
 te aiunt, quod ostendere uelis, id ex vi proposi-  
 tionis oportere assumere, hoc pacto: Nihil autem  
 omnium rerum melius, quam omnis modus ad-  
 ministratur. Huius assumptionis quarto in loco  
 aliam porro inducunt approbationem, hoc modo:  
 Nam & signorum ortus, & obitus definitū quen-

dam ordinem seruant : & annuæ commutationes, non modo quadam ex necessitate semper eodem modo fiunt : verum ad utilitates quoque rerum omnium sunt accommodatæ : & diurnæ, nocturnæq; vicissitudines, nulla in re vîquam mutæ quidquam nocuerunt. Quæ signa sunt omnia, non mediocri quodam consilio naturam mundi administrari. Quinto inducunt loco completionem eam, quæ aut id infert solum, quod ex omnibus partibus cogitur, hoc modo : Consilio igitur mundus administratur : aut unum in locum cum conduxerit breuiter propositionem, & assumptionem, id adiungit quod ex his conficiatur, ad hunc modum : Quod si melius geruntur ea, quæ consilio, quam quæ sine consilio administrantur : nihil autem omnium rerum melius, quam omnis mundus administratur : consilio igitur mundus administratur. Quinque partitam igitur hoc pacto putant esse argumentationem. Qui autem tripartitam esse dicunt, ij non aliter putant tractari oportere argumentationem : sed partitionem horum reprehendunt. Negant enim neq; a propositione, neq; ab assumptione approbationes earum separari oportere : neq; propositionem absolutam, neque assumptionem sibi perfectam videri, quæ approbatione confirmata non sit. Quare quas illi duas partes numerant, propositionem & approbationem, sibi unam partem videri, propositionem : quæ si approbata non sit, propositio non sit argumentum.

mentationis. Item quæ ab illis assumptio, & assumptionis approbatio dicitur, eandem sibi assumptionem solam videri. Ita fit, ut eadem ratione argumentatio tractata, alijs tripartita, alijs quinquepartita videatur. Quare evenit, ut res non tam ad usum dicendi pertineat, quam ad rationem præceptionis. Nobis autem commodior illa partitio videtur esse, quæ in quinque partibus distributa est: quæ omnes ab Aristotele & Theophrasto profecti, maxime secuti sunt. Nam quæadmodum illud superius genus argumentandi, quod per inductionem sumitur, maxime Socrates & Socratici tractauerunt: sit hoc, quod per ratiocinationem expolitur, summe est ab Aristotele, atque peripateticis, & Theophrasto frequentatum: deinde a rhetoribus ijs, qui elegantissimi atque artificiosissimi putati sunt. Quare autem nobis illa magis partitio probetur, dicendum videtur, ne temere secuti putemur: & breuiter dicendum, ne in huiusmodi rebus diutius quàm ratio præcipiendi postulat, commoremur. Si quadam in argumentatione satis est uti propositione, & non oportet adiungere probationem propositioni: quadam autem in argumentatione infirma est propositio, nisi adiuncta sit probatio: separatim quiddam est a propositione approbatio. Quod enim adiungi, & separari ab aliquo potest, id non potest idem esse, quod est id, ad quod adiungitur, & a quo separatur. Est autem quedam argumenta-

tio, in qua propositio non indiget approbatione: & quedam, in qua nihil valet absque approbatione, ut ostendemus. Separata est igitur a propositione approbatio. Ostendemus autem, id quod polliciti sumus, hoc modo: Quæ propositio in se quiddam continet perspicuum, eo quod constare inter omnes necesse est, hanc velle approbare & firmare nihil attinet. Ea est huiusmodi: Si quo die ista cædes Romæ facta est, ego Athenis eo die fui, interesse in cæde non potui. Hoc quia perspicue verum est, nihil attinet approbari. Quare assumi statim oportet, hoc modo: Fui autem Athenis eo die, hoc si non constat, indiget approbationis: qua inducta complexio consequetur, Igitur in cæde interesse non potui. Est igitur quedam propositio quæ non indiget approbatione, nam esse quidem quandam quæ indigeat, quid attinet ostendere, quod cuius facile perspicuum est? Quod si ita est, ex hoc & ex eo quod proposueramus, hoc conficitur, separatim esse quiddam a propositione approbationem. Si autem ita est: falsum est, non esse plus quam tripartitam argumentationem. Simili modo liquet alteram quoque approbationem separatam esse ab assumptione. Nam si quadam in argumentatione satis est vii assumptione, & non oportet adiungere approbationem assumptioni: quadam autem in argumentatione in firma est assumptio, nisi adiuncta sit approbatio: separatim quiddam est extra assumptionem approbatio.

batio. Est autem argumentatio quaedam, in qua as-  
 sumptio non indiget approbationis, quaedam au-  
 tem, in qua nihil valet sine approbatione, ut ostē-  
 demus. Separata est igitur ab assumptione appro-  
 batio. Ostendemus autem quid polliciti sumus,  
 hoc modo: Quæ perspicuam omnibus veritatem  
 continet assumptio, nihil indiget approbationis. ea  
 est eiusmodi: Si oportet velle sapere: dare operam  
 philosophiæ cōuenit. hæc propositio indiget appro-  
 bationis. Non enim perspicua est, neq; constat in-  
 ter omnes: propterea quod multi nihil prodesse  
 philosophiam, plerique etiam obesse arbitrantur.  
 Assumptio perspicua est hæc: Oportet autē velle  
 sapere. hoc autem quia ipsum ex re perspicitur, &  
 verum esse intelligitur, nihil attinet approbari.  
 Quare statim concludenda est argumētatio, Igi-  
 tur dare operam philosophiæ conuenit. Est ergo  
 assumptio quaedam, quæ approbationis non indi-  
 get. nam quandam indigere, perspicuum est. Se-  
 parata est igitur ab assumptione approbatio. Fal-  
 sum ergo est, non esse plus quam tripartitam ar-  
 gumētationem. Atq; ex his illud iam perspicuum  
 est, esse quandam argumentationem, in qua ne-  
 que propositio, neque assumptio indigeat appro-  
 bationis, huiusmodi (ut certū quiddam, & breue  
 exempli causa ponamus: ) Si summopere sapien-  
 tia petenda est: summopere stultitia vitanda est.  
 Summo autem opere sapientia petenda est: sum-  
 mo igitur opere stultitia vitanda est. Hic & assum-

ptio, & propositio perspicua est. Quare neutra quoque indiget approbatione. Ex his omnibus illud perspicuum est, approbationem tum adiungi, tum non adiungi. Ex quo cognoscitur, neque in propositione, neque in assumptione contineri approbationem: sed utramque suo loco positam, vim suam tamquam certam, & propriam obtinere. Quod si ita est, commode partiti sunt illi, qui in quinque partes distribuerunt argumentationem. Quinque sunt igitur partes eius argumentationis, quæ per ratiocinationem tractatur: Propositio, per quam breuiter locus is exponitur, ex quo vis omnis oportet emanet ratiocinationis: Propositionis approbatio, per quam id, quod breuiter expositum est, rationibus affirmatum, probabilius & apertius sit. Assumptio, per quam id, quod ex propositione ad ostendendum pertinet, assumitur. Assumptionis approbatio, per quam id quod assumptum est, rationibus firmatur. Complexio, per quam id, quod conficitur ex omni argumentatione, breuiter exponitur. Quæ plurimæ habet argumentatio parteis, ea constat ex his quinque partibus. Secunda est quadripartita. Tertia tripartita. Dein bipartita, quod in controuersia est. De una quoque parte potest alicui videri posse argumentationem consistere. Eorum igitur, quæ constat exempla ponemus. Horum, quæ dubia sunt, rationes afferemus. Quinquepartita argumentatio est huiusmodi: Omnes

leges,

leges, iudices, ad commodum reip. referrī oportet, & eas ex utilitate communi, non ex scriptio-  
 ne, quæ in litteris est, interpretari. Ea enim vir-  
 tute & sapientia maiores nostri fuerūt, ut in le-  
 gibus scribendis nihil sibi aliud, nisi salutem at-  
 que utilitatem reip. proponerent. Neq; enim ipsi  
 quod obesset, scribere volebant: & si scripissēt,  
 cum esset intellectum, repudiatum iri legem in-  
 telligebant. Nemo enim leges legum causa sal-  
 uas esse vult, sed reip. quod ex legibus omnes, resp.  
 optime putant administrari. Quamobrem igitur  
 leges seruari oportet, ad eam causam scripta om-  
 nia interpretari conuenit: hoc est quoniam reip.  
 seruimus, ex reipublicæ commodo atque utilitate  
 leges interpretemur. Nam, ut ex medicina nihil  
 oportet putare proficisci, nisi quod ad corporis  
 utilitatem spectat, quoniam eius causa est insti-  
 tuta: sic a legibus nihil conuenit arbitrari, nisi  
 quod reipublicæ cōducatur, proficisci: quoniam eius  
 causa sunt comparatæ. Ergo in hoc quoque iudi-  
 cio desinere litteras legis perscrutari: & legem, ut  
 æquum est ex utilitate reipub. considerare. Quid  
 enim magis utile Thebanis fuit, quam Iacede-  
 monios opprimi? Quid magis Epaminondam  
 Thebanorum imperatorem, quam victoriæ The-  
 banorum consulere decuit? Quid hunc tanta  
 Thebanorum gloria, tam claro, atque exornato  
 nophæo carius, atque antiquius habere cōueni-  
 scripro videlicet legis omisso, scriptoris sententiā

considerare debebat. At hoc quidem satis consideratum est, nullam esse legem, nisi reipublica causa scriptam. Summam igitur amentiam esse existimabat, quod scriptum esset reipublica salutis causa, id non ex reipublica salute interpretari. Quod si leges omnes ad utilitatē reipublica referri convenit, hic autē saluti reipublica profuit profecto non potest eodem facto, & communibus fortunis consuluisse, & legibus non obtemperasse. Quattuor autem partibus constat argumentatio, cum aut proponimus, aut assumimus sine approbatione. Id facere oportet, cum aut propositio ex se intelligitur, aut assumptio perspicua est, & nullius approbationis indiget. Propositionis approbatione preterita, quattuor ex partibus argumentatio tractatur, ad hunc modum: Iudices, qui ex lege iurati indicatis, legibus obtemperare debetis. Obtemperare autem legibus nō potestis, nisi quod scriptum est in lege, sequamini. Quod enim certius legis scriptor testimonium voluntatis sue relinquere potuit, quā quod ipse magna cū cura, atque diligentia scripsit? Quod si litteræ non exstarent, magnopere eas requireremus: ut ex his scriptoris voluntas cognoscere tur: nec iamē Epaminonda permitteremus, \* ne si extra iudicium quidem esset, ut is nobis sententiam legis interpretaretur, nedum nunc istud patiamur, cū præsto lex sit, nō ex eo quod apertissime scriptum est, sed ex eo, quod suæ causæ cōvenit, scriptoris voluntatem



ratem interpretari. Quod si vos, iudices, legibus  
 obtemperare debetis, & id facere non potestis,  
 nisi quod scriptum est in lege sequamini: quid  
 causæ est, quin istum contra legem fecisse iudice-  
 ris? Assumptionis autem approbatione præteri-  
 ta, quadripartita sic fiet argumentatio: Qui sæ-  
 penumero nos per fidem fefellerunt, eorum oratio-  
 ni fidem habere non debemus. Siquid enim per-  
 fidia illorum detrimenti acceperimus, nemo erit,  
 præter nosmetipsos, quem iure accusare possimus.  
 Ac primum quidem decipi incommodum est: ite-  
 rum stultum: tertium turpe. Carthaginienses autem  
 per sæpe iam nos fefellerunt. Summa igitur amen-  
 tia est, in eorum fide spem habere, quorum per-  
 fidia toties deceptus sis. Viraq; approbatione præ-  
 terita, tripartita sit hoc pacto: Aut metuemus  
 Carthaginienses oportet, si incolumes eos relinque-  
 rimus: aut eorum urbem diruamus. ac metuere  
 quidem non oportet: restat igitur, ut urbem dirua-  
 mus.\* Sunt autem qui putant nonnumquam pos-  
 se complexione & oportere supersederi, cum id  
 perspicuum sit, quod conficiatur ex ratiocinatio-  
 ne. Quod si fiat, bipartitam quoque fieri argumē-  
 tationem, hoc modo: Si peperit, virgo non est: pe-  
 perit autē. hic satis esse dicunt proponere & assu-  
 mere: quoniam perspicuum sit quod conficiatur,  
 complexionis rem non indigere. Nobis autem vi-  
 detur & omnis ratiocinatio concludenda esse, &  
 illud vitium, quod illis displicet, magnopere vitā-

dum: ne quod perspicuum sit, id in complexionem inferamus. Hoc autem fieri poterit, si complexionum genera intelligantur. Nam aut ita complectemur, ut in unum conducamus propositionem, & assumptionem, hoc modo: Quod si leges omnes ad utilitatem reipubl. referri convenit: hic autem saluti reip. profuit: profecto non potest eodem facto, & saluti communi consuluisse, & legibus non obtemperasse. Aut ita, ut ex contrario sententia conficiatur, hoc modo: Summa igitur amentia est, in eorum fide spem habere, quorum perfidia toties deceptus sis. Aut ita, ut id solum, quod conficitur, inferatur ad hunc modum: Urbem igitur diruamus. Aut ut id quod eam rem, quæ conficitur, sequatur necesse est, id est huiusmodi: Si peperit, cum viro concubuit: peperit autem. Conficitur hoc: Concubuit igitur cum viro. Hoc si nolis inferre, & inferas id, quod sequitur, Fecit igitur incestum, & concluderis argumentationem, & perspicuam feceris complexionem. Quare in longis argumentationibus, ex conductionibus, aut ex contrario complecti oportet: in breuibus id solū, quod conficitur, exponere: in ijs, in quibus exitus perspicuus est, consecutione vti. Si qui autē ex vna quoque parte putabāt cōstare argumentationem, potuerunt dicere, sepe satis esse hoc modo argumentationem facere: Quoniam peperit, cum viro cōcubuit. nā hoc nullius neque approbationis, neque assumptionis, vel eius appro-

batio-

bationis, neque complexionis indigere: sed nobis  
 ambiguitate nominis videntur errare. Nam &  
 argumentatio nomine uno res duas significat, ideo  
 quod & inuentum aliquam in rem probabile, aut  
 necessarium, argumentatio vocatur, & eius in-  
 uenti artificiosa expolitio. Quando igitur profe-  
 rent aliquid huiusmodi: Quoniam peperit, cum  
 viro concubuit: inuentum proferet, non expolitio-  
 nem. Nos autem de expolitionis partibus loqui-  
 mur. Nihil igitur ad hanc rem ratio illa perti-  
 nebit: atq; hac destinatione alia quoque, quæ vi-  
 debuntur officere huic partitioni propulsabimus,  
 si qui aut assumptionem aliquando tolli posse pu-  
 tent, aut propositionem: quæ si quid habet proba-  
 bile, aut necessarium, quoquomodo commoueat  
 auditorem necesse est. Quod si solum spectaretur  
 id quod esset inuentum, ac nihil quo pacto tra-  
 ctaretur id quod esset excogitatum, referret: ne-  
 quaquam tantum inter summos oratores & me-  
 diocres interesse existimaretur. Variare autem  
 orationem magnopere oportebit. nam omnibus  
 in rebus, Similitudo est facietatis mater. id fieri  
 poterit, si non similiter semper ingrediamur in ar-  
 gumentationem. Nam primum omnium gene-  
 ribus ipsis distinguere conuenit orationem: hoc  
 est tum inductione vii, tum ratiocinatione, dein-  
 de in ipsa argumentatione non semper a propo-  
 sitione incipere, nec semper quinque partibus vii,  
 neque eadem ratione expolire partitiones: sed ita

ab assumptione incipere licet, tum ab approbatione alterutra, tum utraque: tum hoc tum illo genere complexionis uti. Id ut perspiciatur, aut scribamur, aut in quolibet exemplo de iis, quae proposita sunt, hoc idem exerceamus, \* ut quam facile sit factu. Ac de partibus quidem argumentationis satis nobis dictum videtur. Illud autem volumus intelligi, nos probe tenere, alijs quoque rationibus tractari argumentationes in philosophia multis, & obscuris: de quibus certum est artificium constitutum. Verum illa nobis abhorere ab usu oratorio videntur. Quae pertinere autem ad dicendum putamus, ea nos commodius quam ceteros attendisse non affirmamus: sed perquisitius, & diligentius conscripsisse pollicemur. Nunc, ut instituimus, proficisci ordine ad reliqua pergimus.

REPREHENSIO est, per quam argumentando aduersarioris confirmatio diluitur, aut infirmatur, aut \* eleuatur. Hæc fonte inuentionis eodem utitur, quo utitur confirmatio: propterea, quod quibus ex locis aliqua res confirmari potest, isdem potest ex locis infirmari. Nihil enim considerandum est in his omnibus inuentionibus, nisi id quod personis, aut negotijs attributum est. Quare inuentionem, & argumentationum expolitionem ex illis, quae ante præcepta sunt, hanc quoque in partem orationis transferri oportebit. Veruntamen, ut quædam præceptio detur huius

ius quoque partis, exponemus modos reprehensio-  
nis: quos qui observabunt, facilius ea, quæ con-  
tra dicuntur, diluere, aut infirmare poterunt. Om-  
nis argumentatio reprehenditur, si aut ex ijs, quæ  
sumpta sunt, non conceditur aliquod unum, plu-  
ræque: aut his concessis, complexio cōfici ex his ne-  
gatur: aut, si genus ipsum argumentationis vitio-  
sum ostenditur: aut, si contra firmam argumen-  
tationem, alia æque firma, aut firmior ponitur.  
Ex ijs, quæ sumuntur, aliquid non conceditur: cū  
aut id, quod credibile dicunt, negatur esse eius-  
modi, aut quod cōparabile putant, dissimile osten-  
ditur: aut iudicatum aliam in partem traducitur:  
aut omnino iudicium improbat: aut quod signū  
esse adversarij dixerūt, id eiusmodi negatur esse:  
aut si complexio, aut una, aut utraq, ex parte re-  
prehenditur: aut si enumeratio falsa ostenditur:  
aut si simplex conclusio falsi aliquid cōtinere de-  
monstratur. Nam omne quod sumitur ad argu-  
mentandum, siue pro probabili, siue pro necessario,  
necesse est sumatur ex his locis, ut ante ostendi-  
mus. Quod pro credibili sumptū erit, id infirma-  
bitur, si aut perspicue falsum erit, hoc modo: Ne-  
mo est, qui nō pecuniam, quam sapientiam malit:  
aut ex contrario quoque credibile aliquid habe-  
bit, hoc modo: Quis est qui non officij cupidior sit,  
quam pecuniæ? aut erit omnino incredibile: ut si-  
quis, quem cōstes esse auarum, dicat alicuius me-  
diocris officij causa se maximā pecuniam negle-

xisse: aut si, quod in quibusdam rebus, aut hominibus accidit, id omnibus dicatur usu enenire, hoc pacto: Qui pauperes sunt ijs, antiquior officio pecunia est. Qui locus desertus est, in eo cadē factam esse oportet. In loco celebri homo occidi qui potuit? aut si id quod raro fit, fieri omnino negatur: ut Curius pro Fulvio: Nemo potest uno aspectu, neque praeferiens in amorem incidere. Quod autem pro signo sumetur, id ex iisdē locis, quibus confirmatur, infirmabitur. Nam in signo primum verum esse ostēdi oportet. Deinde eius esse rei signum proprium, qua de re agitur, ut cruorem cedis. Deinde factum esse, quod non oportuerit: aut non factum, quod oportuerit. Postremo scisse eū, de quo quæritur eius rei legem, & cōsuetudinem. Nam eae res sunt signo attributae, quas diligētius aperiemus, cum separatim de ipsa coniecturali constitutione dicemus. Ergo horum unumquodq; in reprehensione, aut non esse signo, aut parū magno esse, aut a se potius, quam ab aduersarijs stare, aut omnino falso dici, aut in aliam quoq; suspicionem duci posse demonstrabitur. Cum autem pro comparabili aliquid inducetur, quoniam id per similitudinem maxime tractatur: in reprehendendo conueniet, simile id negare esse, quod conferetur ei, qui cum conferetur. Id fieri poterit, si demonstrabitur diuersum esse genere, natura, vi, magnitudine, tempore, loco, persona, opinione: ac si quo in numero illud, quod per similitudi-

nem afferetur, & quo in loco hoc, cuius caussa afferetur, haberi cōueniat, ostendetur. Deinde quid res cum re differat, demonstrabimus: ex quo docebimus aliud de eo, quod comparabitur, & de eo, qui cum cōparabitur, existimari oportere. Huius facultatis maxime indigemus, cum ea ipsa argumentatio, quæ per inductionem tractatur, erit reprehendenda. Si iudicatum aliquod inferetur, quoniam id ex his locis maxime firmatur, laude eorum, qui iudicant, similitudine eius rei, qua de agitur, ad eam rem, qua de iudicatum est, commemorando non modo non esse reprehensum iudicium, sed ab omnibus approbatum: & demonstrando difficilius, & maius fuisse id iudicatum, quod afferatur, quam id, quod instet: ex contrarijs locis, si res aut vera, aut verisimilis permittet, infirmari oportebit: atq; erit observandum diligenter, ne nihil ad id quod agatur, pertineat id quod iudicatum sit: & videndum est ne ea res proferatur, in qua sit offensum, ut de ipso, qui iudicavit, iudicium fieri videatur. Oportet autem animaduvertere, ne, cum aliter multa sint iudicata, solitarium aliquod, aut rarum iudicatum afferatur. Nam his rebus auctoritas iudicati maxime potest infirmari. Atque ea quidem argumeta, quæ quasi probabilia sumuntur, ad hunc modum tentari oportebit. Quæ vero sicuti necessaria inducentur, ea si forte imitabuntur modo necessariam argumentationem, neq; erunt eius-

modi, sic reprehendetur. Primum complexio, quæ utrum concesseris, debet tollere, si vera est, numquam reprehendetur: sin falsa, duobus modis, aut cōversione, aut alterius partis infirmatione. Conuersione, hoc modo:

- „ Nā si veretur: quid eū accuses, qui est probus?
- „ Sin inuerecundum animi ingenium possidet:
- „ Quid eum accuses, qui id parui auditu æstimet?

Hic siue vereri dixeris, siue non vereri, concludendum hoc putat, ut neges esse accusandum. Quod conuersione, sic reprehendetur: Immo vero accusandus est. Nam si veretur, accuses, non enim parui auditu æstimabis. Sin inuerecundum animi ingenium possidet, tamen accuses, non enim probus est. Alterius autem partis infirmatione hoc modo reprehendetur. Verum si veretur, accusatione tua correctus, ab errato recedes. Enumeratio vitiosa intelligitur, si aut præteritum quiddam dicemus, quod velimus concedere: aut infirmum aliquid annumeratum, quod aut contra dici possit, aut causa non sit, quare non honeste possimus cōcedere. Præteritum quiddam in eiusmodi enumerationibus: Quoniam habes istum equum, aut emeris oportet, aut hereditate possideas, aut munere acceperis, aut domi tibi natus sit: aut, si horum nihil est, surripueris necesse est. Sed neq. emisisti, neq. hereditate venit, neq. domi natus est, neq. donatus est: necesse est ergo surripueris.



pueris. Hoc commode reprehenditur, si dici possit ex hostibus equus esse captus, \* cuius præde sectio venerit: quo illato infirmatur enumeratio: quoniam id sit inductum, quod præteritum sit in enumeratione. Altero autem modo reprehenditur, si aut contra aliquid dicetur: hoc est, si (exempli causa, ut in eodem versemur) poterit ostendi hereditate venisse: aut, si extremum illud non erit turpe concedere, ut si quis cum dixerint adversarij, Aut insidias facere voluisti, aut amico morem gessisti, aut cupiditate elatus es: amico semorem gessisse fateatur. Simplex autem conclusio reprehenditur, si id quod sequitur, non videatur necessario cum eo, quod antecessit, coherere. Nam hoc quidem, Si spiritum ducit, vivit: Si dies est, lucet: eiusmodi est, ut cum priore necessario posterius coherere videatur. Hoc autem, Si mater est, diligit: Si aliquando peccavit, numquam corrigitur: sic conveniet reprehendi, ut demonstretur non necessario cum priore posterius coherere. hoc genus & cetera necessaria, & omnino omnis argumentatio, & eius reprehensio maiorem quandam vim continet, & latius patet, quam hic exponitur: sed eius artificij cognitio huiusmodi est, ut non ad huius artis partem aliquam adungi possit: sed ipsa separatim longi temporis, & magnæ atq; arduæ cognitionis indigeat. Quare illa nobis alio tempore, atq; ad aliud institutum, si facultas erit, explicabuntur. Nunc his præ-

ceptionibus rhetorum ad usum oratorum contentos nos esse oportebit. Cum igitur ex ijs, que sumuntur, aliquid non conceditur, sic infirmabitur. Cum autem his concessis, complexio ex his non conficitur, hæc erunt cōsideranda: num aliud conficiatur, aliud dicatur, hoc modo: Si cum aliquis dicat se profectum esse ad exercitiū: contraque eum quis velit hac argumentatione vii, Si venisses ad exercitum, a tribunis militaribus visus esses: non es autem visus ab his: non es igitur profectus ad exercitum. hic cum concesseris propositionem, & assumptionem, complexio est infirmanda. Aliud enim quam cogeatur, illatum est. Ac nunc quidem quo facilius res cognoscatur, perspicuo & grandi vitio prædium posuimus exemplum: sed sæpe obscurius positum vitium pro vero probatur, cum aut parum meminere quod concesseris, aut ambiguum aliquod pro certo concesseris. Ambiguum si concesseris ex ea parte, quam ipse intellexeris: eam partē si aduersarius ad aliā partem per complexionem velit accommodare, demonstrare oportebit, non ex eo quod ipse cōcesseris, sed ex eo quod ille sumpservit, confici complexionem ad hunc modum: Si pecuniæ indigeris, pecuniā non habetis: Si pecuniā non habetis, pauperes estis: Indigeris autē pecunia: mercaturæ enim, nisi ita esset, operam non daretis. Pauperes igitur estis. Hoc sic reprehēduntur. Cum dicebas, Si indigeris pecuniæ, pecuniā non

*non habetis: hoc intelligebam: si propter inopiam  
 in egestate estis, pecuniam non habetis, & id-  
 circo concedebam. cum autem hoc sumebas, in-  
 digetis autem pecuniae, illud accipiebam, Vul-  
 tis autem pecuniae plus habere, ex quibus conces-  
 sionibus non conficitur hoc, Pauperes igitur  
 estis. conficeretur autem, si tibi primo quoque hoc  
 concessissem, qui pecuniam maiorem vellet ha-  
 bere, cum pecuniam non habere. Saepe autem  
 oblitum putant quid concesseris, & idcirco id  
 quod non conficitur, quasi conficiatur, in conclu-  
 sione inferitur, hoc modo: Si ad illum hereditas  
 veniebat, verisimile est ab illo esse necatum. De-  
 inde hoc approbant plurimis verbis: post assu-  
 munt, Ad illum autem hereditas veniebat, deinde  
 inferitur, Ille igitur occidit. Id ex iis quae sumpse-  
 rant, non conficitur. Quare observare diligenter  
 oportet & quid sumatur, & quid ex his conficia-  
 tur. Ipsum autem genus argumentationis vitio-  
 sum his de causis ostenditur: si aut in ipso vitium  
 erit, aut, si non ad id, quod instituitur, accommo-  
 dabitur. Atque in ipso vitium erit: si omnino to-  
 tum falsum erit, si commune, si vulgare, si leve, si  
 remotum, si mala definitio, si controuersum, si  
 perspicuum, si non concessum, si turpe, si essen-  
 sium, si contrarium, si incostans, si aduersum.  
 Falsum est, in quo perspicue mendacium est, hoc  
 modo: Non potest esse sapiens, qui pecuniam  
 negligit: Socrates autem pecuniam negligebat:*

non igitur sapiens erat. *Commune est, quod nihilo magis ab aduersarijs, quam à nobis facit, hoc modo: Idcirco, iudices, quia veram causam habebam, breui peroravi. Vulgare est, quod in aliam quoque rem non probabilem, si nunc concessum fit, transferri possit, hoc modo: Si veram causam non haberet, vobis se, iudices, non commisisset. Leue est, quod aut post tempus dicitur, hoc modo: Si in mentem venisset, non comisset: aut perspicue rem turpem leui tegere vult defensione, hoc modo:*

„ Cum te expetebant omnes, florentissimo

„ Regno reliqui: nunc desertum ab omnibus,

„ Summo periculo sola ut restituam, paro.

*Remotum est, quod ultra quam satis est, petitur, hoc modo: Quod si non P. Scipio Corneliam filiam Tiberio Graccho collocasset, atque ex ea duos Gracchos procreasset, tantæ seditiones natæ non essent. Quare hoc incommodum Scipioni adscribendum videtur. Huiusmodi est illa quoque questio:*

„ Utinam, ne in nemore Pelio securibus

„ Cæsa cecidisset abiegnæ ad terram trabes.

*Longius enim repetita est, quam res postulabat. Mala definitio est, cum aut communia describit. hoc modo: Seditiosus est is, qui malus, atque inutilis est ciuis. nam hoc non magis seditiosus, quam ambitiosus, quam calumniatoris, quam alicuius improbi hominis vim descripsit: aut falsum quiddam*

dam dicit, hoc pacto : Sapientia, est pecunie ac-  
quirendæ intelligentia : aut aliquid non graue,  
nec magnum continens, sic : Stultitia, est im-  
mensa gloriæ cupiditas. Est hæc quidem stul-  
titia, sed ex parte quadam non ex omni ge-  
nere definita. Controuersum est, in quo ad du-  
bium demonstrandum dubia causa affertur, hoc  
modo :

„ Eho tu, di, quibus est potestas motus superum,  
atque inferum

„ Pacem inter sese conciliant, conferunt con-  
cordiam.

Perspicuum est, de quo non est controuersia : ut si  
quis, cum Orestem accuset, planum faciat ab eo  
matrem esse occisam. Non concessum est, cum  
id quod augetur, in controuersia est, ut si quis,  
cum Vlysem accuset, in hoc maxime commore-  
tur, Indignum esse ab homine ignauissimo vi-  
rum fortissimum Aiacem necatum. Turpe est,  
quod aut eo loco, in quo dicitur : aut eo homine,  
qui dicat : aut eo tempore, quo dicitur : aut ijs,  
qui audiunt : aut ea re, de qua agitur, indignum  
propter inhonestam rem videtur. Offensum, est  
quod eorum, qui audiunt, voluntatem lædit : ut  
si quis apud equites Romanos cupidos indicandi  
Capionis, legem iudiciariam laudet. Contrarium,  
est quod contra ea dicitur, quæ ij qui audiunt,  
fecerunt : ut si quis apud Alexandriæ Macedonæ  
contra aliquem vrbs expugnatorem diceret, ni-

hile esse crudelius, quam vrbes diruere, cum ipse Alexander Thebas diruisset. Inconstans est, quod ab eodem de eadem re diuerse dicitur: ut si quis, cum dixerit, qui virtutem habeat, eum nullius rei ad bene viuendum indigere, neget postea sine bona valetudine posse bene viuere: aut se amico adesse propter benivolentiã. sperare enim aliquid commodi ad se peruenturum. Aduersum est, quod ipsi causse aliqua ex parte officit: ut si quis hostium vim, & copias & felicitatem augeat, cum ad pugnam milites hortetur. Si non ad id, quod instituitur, accommodabitur aliqua pars argumentationis, horum aliquo in vitio reperietur: Si plura pollicitus, pauciora demonstrabit: aut si, cum totum debet ostendere, de parte aliqua loquatur, hoc modo: Mulierum genus auarum est. Nam Eriphyle auro viri vitam vendidit: aut si non id, quod accusabitur, defendet: ut si quis, cum ambitus accusabitur, manu se fore rem esse defendet, ut Amphion apud Euripidem, item apud Pacinnium, qui vituperata musica, sapientiam laudat: aut si res ex hominis vitio vituperabitur: ut, si quis doctrinam ex alicuius docti vitijs reprehendat: aut si quis, cum aliquem volet laudare, de felicitate eius, non de virtute dicat: aut si quis rem cum re ña comparabit, ut alteram se non putet laudare, nisi alteram vituperarit: aut si alteram ita laudet, ut alterius non faciat mentionem: ut si quis, cum

aliqui

aliqui deliberent, bellum geratur, an non: pacem laudet omnino, non illud bellum inutile esse demonstret: aut si, cum de certare quaretur, de communi instituetur oratio: aut si ratio aliquius rei reddetur falsa, hoc modo: Pecunia bonum est, propterea quod ea maxime vitam beatam efficiat: aut si infirma, ut Plautus:

„ Amicum castigare ob meritam noxiam,

„ Immune est facinus: verum in aetate utile,

„ Et conducibile: nam ego amicum hodie meum

„ Concastigabo pro commerita noxia.

Aut eadem, hoc modo: Maximum malum est avaritia: multos enim magnis incommodis afficit pecunie cupiditas. Aut parum idonea, hoc modo: Maximum bonum est amicitia: plurimae enim delectationes sunt in amicitia. Quartus modus erat reprehensionis, per quem contra firmam argumentationem, & que firma, aut firmior ponebatur. Hoc genus in deliberationibus maxime versatur, cum aliquid, quod contra dicatur, aequi esse concedimus: sed id quod nos defendimus, necessarium esse demonstramus, aut cum id, quod illi defendant utile esse fateamur: quod nos dicamus, demonstramus esse honestum. Ac de reprehensione haec quidem existimamus esse dicenda. Deinceps nunc\* conclusionem ponemus.

\* Hermagoras degressionem deinde, tum postremam conclusionem ponit. In hac autem degressionem ille putat oportere quandam inferri oratio-

nem à causa, atque à iudicatione ipsa remotionem, quæ aut sui laudem, aut aduersarij vituperationem contineat, aut in aliam causam deducat: ex qua conficiat aliquid confirmationis, aut reprehensionis nõ argumentando, sed augendo per quandam amplificationem. Hanc si quis partem putarit esse orationis, sequatur Hermagoram licebit. Nam & augendi, & laudandi, & vituperandi præcepta nobis partim data sunt, partim suo loco dabuntur. Nobis autem non placeat hanc partem in numerum reponi, quod de causa degredi, nisi per locum communem, displicet: quo de genere posterius est dicendum. Laudes autem, & vituperationes non separatim placeat tractari, sed in ipsis argumentationibus esse implicitas. Nunc de conclusione dicemus.

**CONCLUSIO**, est exitus & determinatio totius orationis. Hæc habet partis tres, enumerationem, indignationem, conquestionem. Enumeratio est, per quam res disperse, & diffuse dictæ, vnum in locum coguntur, et reminiscendi causa, vnum sub aspectum subiciuntur. Hæc si semper eodem modo tractabitur, perspicue ab omnibus artificio quodam tractari intelligitur: sin varie fiet, & hanc suspicionem, & satietatem vitare poteris. Quare tum oportebit ita facere, ut plerique faciunt propter facilitatem: sigillatim vnam quamque rem attingere, & ita omnes transire breuiter argumentationes: tum autem, id quod diffici-



difficilius est, dicere quas partes exposueris in  
 partitione, de quibus te pollicitus sis dicturum,  
 & reducere in memoriam, quibus rationibus  
 unamquamque partem confirmaris: tum ab ijs  
 qui audiunt, querere quid sit, quod sibi velle  
 debeant demonstrari, hoc modo: Docuimus hoc,  
 illud planum fecimus: ita simul & in memoriam  
 redibit auditor, & putabit nihil esse præterea,  
 quod debeat desiderare. Atque in his generi-  
 bus (ut ante dictum est) tum tuas argumen-  
 tationes transire separatim, tum id, quod artificio-  
 sius est, cum tuis contrarias coniungere: & cum  
 tuam argumentationem dixeris, tum contra eam  
 quod afferebatur, quemadmodum dilueris, osten-  
 dere. Ita per breuem comparisonem auditoris  
 memoria & de confirmatione, & de reprehen-  
 sione redintegrabitur. Atque hæc alijs actionis  
 quoque modis variare oportebit. Nam tum ex tua  
 persona enumerare possis, ut quid, & quo loco  
 quidque dixeris admoneas: tum vero personam,  
 aut rem aliquam inducere, & enumerationem  
 ei tuam attribuere. Personam, hoc modo: nam  
 si legis scriptor existat, & querat à vobis quid  
 dubitetis: quid possitis dicere, cum vobis hoc, &  
 hoc sit demonstratum? Atque hic item ut in no-  
 stra persona licebit, alias sigillatim transire omnes  
 argumentationes, alias ad partitiones singula ge-  
 nera referre, alias ab auditore, quid desideret  
 querere, alias hæc facere per comparationem sua-

rum, et contrariarum argumentationum. Res autem inducetur, si alicui rei huiusmodi, legi, loco, urbi, monumento attribuetur oratio per enumerationem, hoc modo: Quid si leges loqui possent, nonne hæc apud vos quererentur? Quidnam amplius desideratis, iudices, cum vobis hoc, & hoc planum factum sit? In hoc quoque genere omnibus eisdem modis vti licebit. Commune autem præceptum hoc datur ad enumerationem, ut ex unaquaque argumentatione, quoniam tota iterum dici non potest, id eligatur, quod erit gravissimum: & unumquodque quam brevissime transeatur: ut memoria non oratio reclusa videatur. Indignatio est oratio, per quam conficitur, ut in aliquem hominem magnum odium, aut in rem gravius offensio concitetur. In hoc genere illud primum intelligi volumus, posse omnibus ex locis ijs, quos in confirmandi præceptis posuimus, tractari indignationem. Nam ex ijs rebus, quæ personis atque negotijs attributæ sunt, quævis amplificationes & indignationes nasci possunt: sed tamen ea, quæ separatim de indignatione præcipi possunt, consideremus. Primus locus sumitur ab auctoritate, cum commemoramus, quantæ curæ resea fueris aut dijs immortalibus, aut eis quorum auctoritas gravissima debeat esse. qui locus sumitur ex sortibus, oraculis, vatibus, ostentis, prodigijs, responsis, similibus rebus: item ex maioribus nobis, regibus, civitatibus, gentibus, hominibus sapien-

sapientissimis, senatu, populo, legum scriptoribus. Secundus locus est, per quem illares, ad quos pertineat, cum amplificatione per indignationem ostenditur, an ad omnes, an ad maiorem partem, quod atrocissimum est: an ad superiores, quales sunt ij, quorum ex auctoritate indignatio sumitur, quod indignissimum est: an ad pares animo, fortuna, corpore, quod iniquissimum est: an ad inferiores. \* quod superbissimum. Tertius locus est, per quem quaerimus, quidnam sit euenturum, si idem ceteri faciant & simul ostendimus, huic si concessum sit, multos aemulos eiusdem audaciae futuros: ex quo quid mali sit euenturum demonstrabimus. Quartus locus est, per quem demonstramus multos alacres expectare quid statuatur, ut ex eo, quod uni concessum sit, sibi quoque tali de re quid liceat, intelligere possint.

Quintus locus est, per quem ostendimus ceteras res perperam constitutas, intellecta veritate, commutatas corrigi posse: hanc esse rem, quae si sit semel indicata, neq; alio commutari iudicio, neque ulla potestate corrigi possit. Sextus locus est, per quem consulto, & de industria factum esse demonstratur: & illud adiungitur, voluntario maleficio veniā dari non oportere: imprudentiae concedi nonnumquam convenire. Septimus locus est, per quem indignamur, quod terribile, crudele, nefarium, tyrānicum factum esse dicamus, per vim,

per manum opulentiam : quæ res ab legibus, ab æquabili iure remotissima sit. Octavus locus est, per quem demonstramus non vulgare, neque factitatum esse, ne ab audacissimis quidem hominibus id maleficium, de quo agitur : atque id à feris quoque hominibus & à barbaris gentibus, & immanibus bestiis remotum esse. Hæc erunt, quæ in parentes, liberos, coniuges, consanguineos, supplices crudeliter facta dicuntur : & deinceps si qua proferantur in maiores natu, in hospites, in vicinos, in amicos, in eos quibuscum vitâ egeris, in eos, apud quos educatus sis, in eos, à quibus evuditus sis, in mortuos, in miseros et misericordia dignos, in homines claros, nobiles, et honore usos, in eos, qui neq; ledere aliû, nec se defendere poterunt, ut in pueros, senes, mulieres : quibus omnibus acriter excitata indignatio summum in eum, qui violavit horum aliquid, odium commovere poterit. Nonus locus est, per quem cum alijs quæ constant esse peccata, hoc, quo de qua sitio est, comparatur, & ita per contentione quanto atrocius, & indignius sit illud, de quo agitur, ostenditur. Decimus locus est, per quem omnia quæ in negotio gerendo acta sunt, quæque post negotium consecuta sunt, cum uniuscuiusq; indignatione, & criminatione colligimus : & rem verbis quâ maxime ante oculos eius, apud quem dicitur, ponimus : ut id quod indignû est, perinde illi videatur indignum, ac si ipse interfuerit, ac præsens viderit.

viderit. Undecimus locus est, per quē ostendimus ab eo factum, à quo minime oportuerit: et à quo, si alius faceret, prohiberi cōueniret. Duodecimus locus est, per quem indignamur, quod nobis hoc primis acciderit, nec alicui numquam usu euenerit. Tertiusedecimus locus est, si cum iniuria, contumelia iuncta demonstratur: per quem locum in superbiam, & arrogantiam odium concitatur. Quartusedecimus locus est, per quem petimus ab iis, qui audiunt, ut ad suas res, nostras iniurias referant: si ad pueros pertinebit, de liberis suis cogitent: si ad mulieres, de uxoribus: si ad senes, de paribus aut parentibus. Quintusedecimus est locus, per quem dicimus inimicis quoque, & hostibus ea, quæ nobis acciderint, indigna videri solere. & indignatio quidem his fere de locis grauissime sumetur. Conquestionis autem, huiusmodi de rebus parteis petere oportebit. Conquestio, est oratio, auditorum misericordiam captans. In hac primum animum auditoris mitem, et misericordem conficere oportet, quo facilius cōquestione commoueri possit. Id locis cōmunibus efficere oportebit, per quos fortune vis in omnes, & hominum infirmitas ostenditur: qua oratione habita grauiter & sententiose: maxime dimittitur animus hominum, & ad misericordiam comparatur, cū in alieno malo suā infirmitatem considerabit. Deinde primus locus est misericordie, per quem quibus in bonis fuerint, & nunc

quibus in malis sint, ostenditur. Secundus, qui in tempora tribuitur, per quem, quibus in malis fuerint, & sint, & futuri sint, demonstratur. Tertius, per quem unumquodque deploratur incommodum, ut in morte filij pueritiæ delectatio, amor, spes, solatium, educatio: & si qua simili in genere quolibet de incōmodo per conqueſtionem dici poterunt. Quartus, per quem res turpes & humiles, & illiberales proferuntur, & indigne ætate, genere, fortuna, pristino honore, beneficijs, quas passi perpeſſuræ sint. Quintus, est, per quē omnia ante oculos ſigillatim incommoda ponentur, ut videatur is, qui audit, videre, & re quoque ipsa, quasi adſit, non verbis ſolum ad miſericordiam ducatur. Sextus, per quem præter ſpem in miſerijs demonstratur eſſe, & cum aliquid exſpectaret, non modo id non adeptum eſſe, ſed in ſummas miſerias incidiſſe. Septimus, per quem ad ipſos, qui audiunt, ſimilem cauſam conuertimus: & petimus ut de ſuis liberis, aut parētibus, aut aliquo, qui illis carus debeat eſſe, nos cū videant recordentur. Octauus, per quem aliquid dicitur eſſe factum, quod non oportuerit aut non factum, quod oportuerit, hoc modo: Non affui, nō vidi, non poſtremam eius vocem audivi, non extremum eius ſpirituſ excepi. Item, Inimicorum in manibus moruū eſt: hoſtili in terra turpiter iacuit inſepultus: à feris diu \* vexatus communi quoque honore in morte caruit. Nonus, per quem

oratio

oratio ad multas, & expertes animi res refertur: ut si ad equum, domum, vestem, sermonem alicuius accommodes, quibus animus eorum, qui audiunt, & aliquem dilexerunt, vehementer commouetur. Decimus, per quem inopia, infirmitas, solitudo demonstratur. Undecimus, per quem aut liberorum, aut parentum, aut sui corporis, sepeliendi, aut alicuius eiusmodi rei commendatio fit. Duodecimus, per quem disjunctio deploratur ab aliquo, cum deducaris ab eo, quicum libentissime vixeris, ut à parente, filio, fratre, familiari. Tertiusdecimus, per quem cum indignatione conquerimur, quod ab ijs à quibus minime conueniat, male tractemur propinquis, amicis, quibus benefecerimus, quos adiutores fore putauerimus: aut à quibus indignum est, ut seruis, libertis, clientibus, supplicibus. Quartusdecimus, qui per obsecrationem sumitur, in quo orantur modo illi, qui audiunt, humili & supplici oratione, ut misereantur. Quintusdecimus, per quem non nostras, sed eorum, qui cari nobis debent esse, fortunas conqueri nos demonstramus. Sextusdecimus est, per quem animum nostrum in alios misericordem esse ostendimus: & tamen amplum, & excelsum, & patientem incommodorum esse, & futurum, si quid acciderit, demonstramus. Nam sœpe virtus, & magnificentia, in quo grauitas & auctoritas est, plus proficit ad misericordiam commouen-

dam, quam humilitas & obsecratio. Commotio autem animis, diutius in conuestione morari non oportebit. Quemadmodum enim dixit rhetor Apollonius, lacryma nihil citius arescit. Sed quoniam & satis, ut videmur, de omnibus partibus orationis diximus, & huius voluminis magnitudo longius processit, quæ sequuntur deinceps in secundo libro dicemus.

## M. T. CICERONIS DE ARTE RHETORICA LIBER II.



ROTONIATÆ quondā, cum florerent omnibus copijs, & in Italia cū in primis beati numerarentur, templum Iunonis, quod religiosissime colebant, egregijs picturis locupletare voluerunt. Itaque Eracleotem Zeuxim, qui nun longe ceteris excellere pictoribus existimabatur, magno pretio conductum abhibuerunt. Is & ceteras complures tabulas pinxit, quarum nonnulla pars vsq; ad nostram memoriam propter sanæ religionem remansit, & ut excellentem muliebri formæ pulchritudinem muta in sese imago contineret, Helenæ se pingere simulacrum velle dixit.

Quod



Quod Crotoniatæ, qui eum muliebri in corpore pingendo plurimum alijs præstare sæpe accepissent, libenter audierunt. Putauerunt enim eum, siquo in genere plurimum posset, in eo magnopere elaborasset, egregium sibi opus illo in fano relicturum. Neq; tum eos illa opinio fefellit. nam Zeuxis illico quæsiuit ab his quasnam virgines formosas haberent. Illi autem statim hominem deduxerunt in palestram, atq; ei pueros ostendentes multos magna præditos dignitate. Etenim quodâ tempore Crotoniatæ multum omnibus corporum viribus, & dignitatibus antesteterunt, atq; honestissimas ex gymnico certamine victorias domum cum maxima laude retulerunt. Cum puorum igitur formas, & corpora magno hic opere miraretur, Horum, inquit illi, sorores sunt apud nos virgines. quare qua sint illæ dignitate, potes ex his suspicari. Præbete igitur mihi quæso, inquit, ex istis virginibus formosissimas, dum pingo id, quod pollicitus sum vobis, ut mutum in simulacrum ex animali exemplo veritas transferatur. Tunc Crotoniatæ publico de consilio virgines vnam in locum conduxerunt, & pictori quas vellet, eligendi potestatem dederunt. Ille autem quinque delegit, quarum nomina multi poetæ memoriæ tradiderunt, quod eius essent iudicio probatæ, qui verissimum pulchritudinis habere iudicium debuisset. Neq; enim putauit omnia, quæ quæreret ad venustatem, uno in corpore se reperire posse:

ideo quod nihil simplici in genere omni ex parte perfectū natura expoliuit. Ita q, tamquam ceteris non sit habitura quod largiatur, si vni cuncta cō-  
 cefferit, aliud alij commodi, aliquo adiuncto in-  
 commodo, muneratur. Quod quoniam nobis quo-  
 que voluntatis accidit, vt artem dicendi perscri-  
 beremus: non vnum aliquod proposuimus exem-  
 plum, cuius omnes partes, quocumque essent in  
 genere, exprimendę nobis necessario viderentur  
 sed omnibus vnum in locum coactis scriptoribus  
 quod quisq, commodissime præcipere videbatur,  
 excerpsumus: & ex varijs ingenijs excellentissi-  
 ma quęq, libauimus. ex ijs enim, qui nomine &  
 memoria digni sunt, nec nihil optime, nec omnia  
 præclarissime quisquam dicere nobis videbatur.  
 Quapropter stultitia nobis visa est, aut à bene in-  
 uentis alicuius recedere, si quo in vitio eius offen-  
 deremur, aut ad vitia quoq, eius accedere, cuius  
 aliquo bene præcepto duceremur. Quod si in ce-  
 teris quoq, studijs à multis eligere homines com-  
 modissimum quodq, quam sese vni alicui certo  
 \* mallent addicere, minus in arrogantiam offen-  
 derent, non tantopere in vitijs perseverarent: ali-  
 quanto ex inscientia lenius laborarent. Ac, si p. in  
 nobis huius artis, atque in illo picturę scientia  
 fuisset, fortasse magis hoc suo in genere opus no-  
 strum, quam ille in sua pictura nobilis eniteret.  
 ex maiore enim copia nobis, quam illi fuit exten-  
 sionum eligendi potestas. Ille vna ex urbe, &

ex eo numero virginum, quæ tum erant, eligere  
 potuit: nobis omnium quicumq; fuerunt ab ulti-  
 mo principio huius præceptionis, vsq; ad hoc tem-  
 pus exposui copijs: quodcumq; placeret, eligendi  
 potestas fuit. Ac veteres quidem scriptores artis  
 vsq; ab principio illo, atque inuettore Tysia re-  
 petitos unum in locum conduxit Aristoteles, &  
 nominatim cuiusque præcepta magna conquisita  
 cura perspicue conscripsit, atq; enodata diligen-  
 ter exposuit: ac tantum inuentoribus ipsis suauita-  
 te, & breuitate dicendi præstitit, ut nemo illo-  
 rum præcepta ex ipsorum libris cognoscat, sed om-  
 nes, qui quod illi præcipiant, velint intelligere.  
 ad hunc quasi ad quendam multo commodiorem  
 explicatorem reuertantur. Atq; hic quidem ipse  
 & sese ipsum nobis, & eos qui ante se fuerant, in  
 medio posuit: ut ceteros, & seipsum per se cognos-  
 ceremus. Ab hoc autem qui profecti sunt, quam-  
 quâ in maximis philosophiæ partibus operæ plu-  
 rimum consumpserunt, sicut & ipse, cuius insti-  
 tuta sequebantur, fecerat: tamen permulta nobis  
 præcepta dicendi reliquerunt. Atque alij quoque  
 alio ex fonte præceptores dicendi emanauerunt:  
 qui item permultum ad dicendum, siquid ars pro-  
 fic, opitulati sunt. nam fuit tempore eodem, quo  
 Aristoteles, magnus & nobilis rhetor Isocrates:  
 cuius ipsius quam constet esse artem, non inueni-  
 mus. Discipulorum autem, atque eorum, qui pro-  
 titus ab hac sunt disciplina profecti, multa de

arte præcepta reperimus. Ex his duabus diversis  
 sicuti familijs, quarum altera, cum versaretur in  
 philosophia, nonnullam rhetoricæ quoq, artis sibi  
 curam assumebat: altera vero omnis in dicenda  
 erat studio & præceptione occupata, unū quod-  
 dam est conflatum genus, à posterioribus, qui ab  
 virisq, ea, quæ commodè dici videbantur, in suas  
 artes contulerunt: quos ipsos simul, atq, illos su-  
 periores nos nobis omnes, quoad facultas ulis,  
 proposuimus, & ex nostro quoq, nonnihil in com-  
 mune contulimus. Quod si e a, quæ in his libris  
 exponuntur, tantopere eligenda fuerunt, quanto  
 studio electa sunt: profecto neque nos, neq, alios  
 industriæ nostræ pænitebis. Sin autem temere  
 aliquid alicuius præterisse, aut non satis elegan-  
 ter secuti videbimur: docti ab aliquo facile, &  
 libenter sententiam commutabimus. non enim  
 parum cognosse, sed in parum cognito stultie, &  
 diu perseverasse turpe est: propterea quod alte-  
 rum communi hominum infirmitatis, alterū sin-  
 gulari uniuscuiusq, vitio est attributum. Quare  
 nos quidem sine ulla affirmatione simul quaren-  
 tes dubitanter, unumquodq, dicemus: ne dum  
 paruulum hoc consequimur, ut satis cōmode hæc  
 perscripsisse videamur, illud amittamus quod ma-  
 ximum est, ut ne cui rei temere, atq, arroganter  
 assenserimus. Verum hoc quidem nos, & in hoc  
 tempore, & in omni vita studiose, quoad facultas  
 feret, consequemur. Nunc autem ne longius o-

ratio progressa videatur, de reliquis, quæ præci-  
pienda videntur esse, dicemus. Igitur primus li-  
ber, exposito genere huius artis, & officio, & fi-  
ne, & materia, & partibus, genera controuersia-  
rum \* & inuentiones, & constitutiones & iudi-  
cationes continebat: deinde partes orationis, &  
in eas omnes omnia præcepta. Quare cum in co-  
ceteris de rebus distinctius dictum sit, disperse  
autem de confirmatione, & de reprehensione: nunc  
certos confirmandi & reprehendendi in singula  
causarum genera locos tradendos arbitramur.  
Et quia, quo pacto tractari conueniret argumen-  
tationes, in libro primo non indiligenter exposi-  
tum est, hic tantum ipsa inuenta vnamquamque  
in rem exponuntur simpliciter sine vlla exorna-  
tione: ut ex hoc, inuenta ipsa: ex superiore au-  
tem expositio inuentorum petatur. Quare hæc,  
quæ nunc præcipientur, ad confirmationis, & re-  
prehensionis partes referre oportebit.

OMNIS & demonstratiua, & deliberatiua,  
& iudicialis causa necesse est in aliquo eorum,  
quæ ante exposita sunt, constitutionis genere v-  
no, pluribusue versetur. Hoc quamquam ita est,  
tamē cum communiter quedam de omnibus præ-  
cipi possint, separatim quoque aliæ sunt cuiusque ge-  
neris, & diuersæ præceptiones. Aliud enim laus  
aut vituperatio, aliud sententiæ dictio, aliud ac-  
cusatio aut recusatio conficere debet. In iudicijs  
quid æquum sit queritur: in demonstrationibus,

diuersa  
resur in  
rtis sibi  
dicendi  
quod-  
qui ab  
in suas  
illos su-  
tas iuris,  
in com-  
his libris  
quanto  
eq, alios  
semere  
elegant.  
acile, &  
non enim  
fuisse, &  
od alie-  
teru fin-  
m. Quare  
queren-  
ne diu  
mode hæc  
quod ma-  
roganter  
& in hoc  
facultas  
ongius o-  
ratio

quid honestum: in deliberationibus, ut nos arbitramur, quid honestum sit, & quid vile. Nam ceteri utilitatis modo finem in suadendo, & in dissuadendo exponi oportere arbitrati sumus. Quorum igitur generum fines & exitus diversi sunt, eorum praecepta eadem esse non possunt. Neque nunc hoc dicimus non easdem incidere constitutiones: veruntamen oratio quaedam ex ipso fine, & genere causae nascitur, quae pertineat ad vitae alicuius demonstrationem, aut ad sententiae dictionem. Quare nunc in exponendis controuersis in iudiciali genere causarum & praceptorum versabimur. Ex quo pleraque in cetera quoque causarum genera simili implicata controuersia, nulla cum difficultate transferentur: post autem separatim de reliquis dicemus.\* Nunc à coniecturali constitutione proficiscemur, cuius exemplum sit hoc expositum: In itinere quidam proficiscentem ad mercatum quendam, & secum aliquantum nummorum ferentem est comitatus: cum hoc, ut fere fit, in via sermonem contulit: ex quo factum est ut illud iter familiarius facere vellent. Quare, cum in quandam tabernam\* diuertissent, simul cenare, & in eodem loco somnum capere voluerunt. Cenati discubuerunt ibidem. caupo autem (namia dicitur post inuentum, cum in alio maleficio deprehensus esset) cum illum alterum, videlicet qui nummos haberet, animaduertisset, noctu postquam  
illos

illos arctius, ut sit, iam ex lascitudine dormire  
 sensit, accessit, & alterius eorum, qui sine nūmis  
 erat, gladium propter appositum ē vagina edu-  
 xit, & illum alterum occidit, nummos abstulit,  
 gladium cruentum in vaginam recondidit: ipse  
 sese in lectum suum recepit. Ille autem, cuius  
 gladio occisio erat facta, multo ante lucem sur-  
 rexit, comitem illum suum inclamavit semel, &  
 saepius. Illum somno impeditum non respondere  
 existimavit: ipse gladium & cetera, quae se-  
 cum attulerat, sustulit: solus profectus est. Cau-  
 po non multo post conclamavit hominem esse oc-  
 cisum, & cum quibusdam \* diversoribus illum  
 qui ante exierat, consequitur: in itinere homi-  
 nem comprehendit: gladium eius ē vagina edu-  
 cit: reperit cruentum: homo in urbem ab illis  
 deducitur, ac reus fit. In hac Intentio est crimi-  
 nis. Occidisti, Depulsio, Non occidi. Ex quibus  
 constitutio est. Questio eadem in coniecturali, quae  
 indicatio, Occiderine. Nunc exponemus locos,  
 quorum pars aliqua in omnem coniecturalem in-  
 cidit controuersiam. Hoc autem & in horum loco-  
 rum expositione, & in ceterorum oportebit atten-  
 dere, non omnes in omnem causam conuenire. Ut  
 enim omne nomen ex aliquibus, non ex omnibus  
 literis scribitur: sic omnem in causam non omnis  
 argumentorum copia, sed eorum necessaria pars  
 aliqua cōueniet. Omnis igitur, ex causa, ex perso-  
 na, ex facto ipso cōiectura capiēda est. Causa di-

stribuitur in impulsione, & in ratiocinationem. Impulsio est, quæ sine cogitatione per quandam affectionem animi facere aliquid hortatur: ut amor, iracundia, ægritudo \* vinolentia, & omnia omnia, in quibus animus ita videtur affectus fuisse, ut rem perspicere cum consilio & cura non potuerit: & id quod fecit, impetu quodam animi potius quam cogitatione fecerit. Ratiocinatio autem est diligens, & considerata faciendi aliquid, aut non faciendi excogitatio. Ea dicitur tum interfuisse, cum aliquid faciendum, aut non faciendum certa de causa vitasse, aut secius esse animus videtur: ut si amicitie quid causa factum dicetur, si inimici ulciscendi, si metus, si glorie, si pecunie, si denique (ut omnia generatim amplectamur) alicuius retinendi, augendi, adipiscendive commodi: aut contrarij rei, \* deminuenti, deuitandive incommodi causa. Nam horum in genus alterutrum illa quoque incident, in quibus aut incommodum aliquod maioris vitandi incommodi causa, aut maioris adipiscendi commodi suscipitur: aut commodum aliquod maioris adipiscendi commodi, aut maioris vitandi incommodi præteritur. Hic locus sicut aliquod fundamentum est huius constitutionis. nam nihil factum esse cuiquam probatur, nisi aliquid quare factum sit, ostenditur. Ergo accusator, cum aliquid impulsione factum esse dicet, illum imperum & quandam commotionem animi, affectionemque

verbis



verbis, & sententijs amplificare debebit, & ostendere quanta vis amoris sit, quanta animi perturbatio ex iracundia fiat, aut ex aliqua causa earum, qua impulsus aliquem id fecisse dicet. Hic & exemplorum commemoratione, qui simili impulsu aliquid commiserint, & similitudinum collatione, & ipsius animi affectionis explicatione curandum est, ut non mirum videatur, si quod ad facinus tali perturbatione commotus animus accesserit. Cum autem non impulsione, verum rationatione aliquem commisisse quid dicet: quid commodi sit secutus, aut quid incommodi fugerit, demonstrabit, & id augebit quammaxime poterit: ut quoad eius fieri possit, idonea quammaxime causa ad peccandum hortata videatur. Si glorie causa, quantam gloriam consecuturam existimavit. Item si dominationis, si pecunie, si amicitiæ, si inimicitiarum, & omnino quicquid erit, quod causæ fuisse dicet, id summe augere debet. Et hoc eum magnopere considerare oportebit, non quid in veritate modo, verum etiam vehementius, quid in opinione eius, quem arguet fuerit. Nihil enim refert non fuisse, aut non esse aliquid commodi, aut incommodi, si ostendi potest ei visum esse, qui arguatur. Nam opinio dupliciter fallit homines, cum aut res aliusmodi est, ac putatur, aut non is euentus est quem arbitrati sunt. Res\* aliusmodi est tum, cum aut id, quod bonum est, malum putant, aut contra, quod

malum est, bonum : aut quod nec malum est, nec bonum, malum aut bonum, aut quod malum, aut bonum est, nec malum, nec bonum. Hoc intellecto, si quis negabit ullam esse pecuniam fratris, aut amici vita, aut denique officio suo antiquiorem, aut suaviorem, non erit hoc accusatori negandum : Nam in eum culpa, & summum odium transferetur, qui id, quod tam vere, & pie dicitur, negabit. Verum illud dicendum erit, illi non esse ita visum, quod sumi oportet ex ijs, quae ad personam pertinent, de quo post dicendum est. Euentus autem tum fallit, cum aliter accidit, atque ij, qui arguuntur, arbitrati esse dicuntur, ut si quis dicatur alium occidisse, ac voluerit, quod aut similitudine, aut suspicione, aut demonstratione falsa deceptus sit : aut eum necasse, cuius testamento, non sit heres, quod eius testamento se heredem arbitratus sit. non enim ex euentu cogitationem spectari oportere, sed qua cogitatione, & spe ad maleficium profectus sit, considerari : & quo animo quid quisq; faciat, non quo casu viatur, ad rem pertinere. In hoc autem loco, caput illud erit accusatori, si demonstrare poteris, alij nemini causam fuisse faciendi : secundarium, si tantam, aut tam idoneam nemini. Sed fuisse alijs quoque causa faciendi videbitur, aut potestas alijs defuisse demonstranda est, aut facultas, aut voluntas : Potestas, si aut nescisse, aut non affuisse, aut conficere aliquid non potuisse dicatur.

*est, nec  
m, aut  
electo,  
is, aut  
uiorem,  
negan-  
odium  
ie dice-  
illi non  
que ad  
um est.  
idit, at-  
nitur, ut  
rit, quod  
onstra-  
e, cuius  
mento se  
nam cogi-  
isatione,  
derari: &  
casu via-  
caput il-  
it, alij ne-  
larium, si  
d fuisse a-  
aut pote-  
ut facul-  
scisse, aut  
posuisse di-  
cetur.*

*cetur. Facultas, si ratio, adiutores, adiumenta, &  
cetera quæ ad rem pertinebunt, defuisse alicui  
demonstrabuntur. Voluntas, si animus à talibus  
factis vacuus, & integer esse dicetur. Postre-  
mo, quas ad defensionem rationes reo dabimus,  
ijs accusator ad alios ex culpa eximendos abu-  
retur. Verum id breui faciendum est, & in u-  
nam multa sunt conducenda, ut ne alterius de-  
fendendi causa hunc accusare, sed huius accu-  
sandi causa defendere alterum videatur. atque  
accusatori quidem hæc fere sunt in causa faci-  
enda, & considerata. Defensor autem ex con-  
trario: primum impulsione, aut nullam fuisse  
diceret, aut, si fuisse concederet, extenuabit, & par-  
uulam quandam fuisse demonstrabit: aut non ex  
ea solere huiusmodi facta nasci, docebit. Quo e-  
rit in loco demonstrandum quæ vis, & natura e-  
ius sit affectionis, qua impulsus aliquid reus  
commisisse dicetur: in quo, & exempla, & simi-  
litudines erunt proferendæ, & ipsa diligenter  
natura eius affectionis quam leuissime quiesissi-  
mam ad partem explicanda: ut & res ipsa à fa-  
cto crudeli, & turbulento ad quoddam mitius,  
& tranquillius traducatur, & oratio tamen ad  
animum eius, qui audiet, & ad animi quendam  
inimum sensum accommodetur. Ratiocinationis  
autem suspensiones infirmabit, si aut commodum  
nullum fuisse, aut paruum, aut alijs maius fuisse,  
aut nihilo sibi maius \* quam alijs, aut incom-*

modum sibi maius, quam commodum diceret: nequaquam fuerit illius commodi, quod expectatum dicatur, magnitudo, aut cum eo incommodum quod acciderit, aut cum illo periculo, quod subeat, comparanda. qui omnes loci similiter in incommodi quoque, vitiatione tractabuntur. Sin accusator dixerit eum id esse securum, quod ei verum sit commodum, aut id fugisse quod putaret esse incommodum, quanquam in falsa fueris opinione: demonstrandum erit defensori neminem tanta esse stultitia, qui tali in re possit veritatem ignorare. Quod si id concedatur, illud non concessum iri, ne dubitasse quidem hunc quid ei iniuris esset, sed id, quod falsum fuerit, sine ulla dubitatione pro falso, quod verum pro vero probasse. Quod si dubitauerit, summam fuisse amissionem, dubia spe impulsam certum in periculum committere: Quemadmodum autem accusator cum ab alijs culpam demouebit, defensoris locum utetur: sic ijs locis, qui accusatori dati sunt, utatur reus, cum in alios ab se crimen volet transferre. Ex persona autem coniectura capietur, et ea res, quae personis attributae sunt, diligenter considerabuntur: quas omnes in primo libro exposuimus. nam & de nomine nonnumquam aliquid suspicionis nascitur. Nomen autem cum dicimus, cognomen quoque intelligatur oportet. De hominis enim certo & proprio vocabulo agitur, ut si dicamus iccirco aliquem \* Calidum

vocari

dicet: ut  
d' expeti-  
commodo,  
od subea-  
it in in-  
r. Sin ac-  
mod ei vi-  
od putatis  
fueris opi-  
i neminem  
veritatem  
d non con-  
quid eius  
sine ulla  
vero pro-  
isse amen-  
riculum se  
accusatur,  
sforis locis  
i sunt, vie-  
olet trans-  
capietur, si  
diligenter  
o libro ex-  
iniquam a-  
ntem cum  
ur oportet.  
ocabulo a-  
\* Calidum  
vocari,

vocari, quod temerario, & repentino consilio sit:  
aut si ea de re hominibus Græcos imperitis ver-  
ba dedisse, quod Clodius, aut Cæcilius, aut Mu-  
nius vocarentur. Et de natura licet aliquantulum  
ducere suspicionis. omnia enim hæc, vir an  
mulier, huius an illius ciuitatis sit, quibus sit  
maioribus, quibus consanguineis, qua ætate, quo  
animo, quo corpore, quæ naturæ sunt attributa,  
ad aliquam coniecturam faciendam pertinebunt.  
Et ex victu multæ trahuntur suspensiones, cum  
quemadmodum, & apud quos, & à quibus e-  
ducatus, & eruditus sit, queritur, & quibus-  
cum uiuat, qua ratione uiuæ, quo more dome-  
stico uiuat. Et ex fortuna sæpe argumentatio  
nascitur, cum seruus an liber, pecuniosus an pau-  
per, nobilis an ignobilis, felix an infelix, priuatus  
an cum potestate sit, aut fuerit, aut futurus sit,  
consideratur, aut denique aliquid eorum quæri-  
tur, quæ fortunæ esse attributa intelliguntur.  
Habitus autem, quoniam in aliqua perfecta &  
constanti animi aut corporis absolutione confi-  
stit, quo in genere est virtus, scientia, & quæ  
contraria sunt: res ipsa, causa posita, docebit,  
et quid hic quoq, locus suspicionis ostendat. Nam  
affectionis quidem ratio perspicuam soles præ se  
gerere coniecturam, ut amor, iracundia, mole-  
stia, proteruita, quod & ipsorum vis intelli-  
gitur, & quæ res harum aliquam rem conse-  
quantur, faciles cogniti sunt. Studium autem

quoniam est assidua, & vehemens ad aliquam rem applicata magna cum voluntate occupatio, facile ex eo ducitur argumentatio, quam res ipsa desiderabit in caussa. Item ex consilio sumetur aliquid suspicionis. Nam consilium, est aliquid faciendi, non faciendive excogitata ratio. \* Iam facta, & casus, & orationes, quæ sunt omnia (ut in confirmationis præceptis dictum est) in tria tempora distributa, facile erit videre ecquid afferant ad coniecturam cōfirmandam suspicionis. Ac personis quidē res eæ sunt attributæ, ex quibus omnibus vnum in locum coactis accusatoris erit improbatione hominis vti. Nam caussa facti parum firmitudinis habet, nisi animus eius, qui insinulatur, in eam suspicionem adducatur, ut à tali culpa, non videatur abhorruisse. Vt enim animus alicuius improbare nihil attinet, cum caussa, quare peccauerit, non intercessit: sic causam peccati intercedere leue est, si animus nulli minus honestæ rationi affinis ostenditur. Quare vitam eius, quem arguit ex antefactis accusator improbare debet, & ostendere si quo in pari ante peccato conuictus sis. Si id non poteris, si quam insimilem autem suspicionem venerit: ac maxime, si fieri poterit, simili aliquo in genere eiusmodi caussa aliqua commotum peccasse, aut in æque magna re, aut in maiore, aut in minore: ut si quæ pecunia dicat inductum fecisse, possis demonstrare aliqua in re eius aliquod factum auarium. 1.

rem in omni causa naturam, aut victum, aut studium, aut fortunam, aut aliquid eorum, quæ personis attributa sunt, ad eam causam, qua communium peccasse dicet, adiungere: atque ex dispari quoque genere culpæ, si ex pari sumendi facultas non erit, improbare animum aduersarij oportebit: si auaritia inductum arguas fecisse, & auarum eum, quem accuses, demonstrare non possis, alijs affinem esse vitij doceas, & ex ea re non esse mirandum, qui in illa re turpis, aut cupidus, aut petulans fuerit, hac quoque in re eum deliquisse. Quantum enim de honestate & auctoritate eius, qui arguitur, detractum est, tantum de facultate totius est defensionis deminutum. Si nulli affinis poteris vitio reus ante admissio demonstrari: locus inducetur ille, per quem hortandi iudices erunt, ut veterem famam hominis nihil ad rem putent pertinere. nam eum ante celasse, nunc manifesto teneri, Quare non oportere hanc rem ex superiori vita spectari, sed superiorem vitam ex hac re improbari, & aut potestatem ante peccandi non fuisse, aut causam, Aut, si hæc dici non poterunt, dicendum erit illud extremum, non esse mirum, si nunc primum deliqueris. Nam necesse est eum qui velit peccare, aliquando primum delinquere. Sin vita antea acta ignorabitur, hoc loco præterito, & cur prætereatur demonstrato, argumentis accusationem statim confirmare oportebit. Defensor autem pri-

*num, si poterit, debebit vitam eius, qui infima-*  
*labitur, quam honestissimam demonstrare. Id fa-*  
*ciet, si ostenderit aliqua eius nota, & communia*  
*officia: quod genus in parentes, cognatos, ami-*  
*cos, affines, necessarios: etiam quæ magis rara, &*  
*eximia sunt, si ab eo, cum magno aliquo labore,*  
*aut periculo, aut utraque re, cum necesse non es-*  
*set, officij causa, aut in rempublicam, aut in pa-*  
*rentes, aut in aliquos eorum qui modo expositi*  
*sunt, facta esse dicet: \* Deinde si nihil\* dices*  
*deliquisse, nulla cupiditate impeditum ab officio*  
*recessisse. Quod eo confirmatius erit, si cum pote-*  
*stas impune aliquid faciendi minus honeste fuisse*  
*dicetur, voluntas ei faciendi demonstrabitur\* ab-*  
*fuisse. Hoc autem ipsum genus erit eo firmitus, si*  
*eo ipso in genere, quo arguetur, integer ante a fu-*  
*isse demonstrabitur: ut, si cum avaritia causa*  
*fecisse arguatur, minime omni in via pecuniæ*  
*cupidus fuisse doceatur. Hic illa magna cū gra-*  
*uitate inducetur indignatio, iuncta conquestioni,*  
*per quam miserum facinus esse, & indignum de-*  
*monstrabitur, cum animus omni in vita fuerit à*  
*vitij remotissimus, cum causam putare, quæ ho-*  
*mines audaces in fraudem rapere soleat, castissi-*  
*imum quoq; hominē ad peccandum potuisse impel-*  
*lere: aut iniquū esse, & oprimo cuiq; perniciosis-*  
*simum, non vitam honeste actam tali in tempore*  
*quamplurimum prodesse, sed subita ex crimina-*  
*tione, quæ confingi facile possit, non ex antea acta*  
*vita,*



vita, quæ neq; ad tēpus fingi, neq; ullo modo immutari possit, facere iudicium. Sin autem in antea vita aliquæ turpitudines erūt, aut falso venisse in eam existimationem dicetur, aut ex aliquorū invidia, aut obirectatione, aut falsa opinione: aut imprudentiæ necessitudini, aut persuasioni adolescentiæ, aut alicui non malitiosæ animi affectioni attribuentur, aut dissimili in genere visiorum: ut animus non omnino integer, sed à tali culpa remotus esse videatur. Ac si nullo modo vitæ turpitudō, aut infamia leniri poterit oratione, negare oportebit de vita eius, & moribus queri, sed de eo crimine, quo de arguatur: quare ante factis omissis, illud quod instet, agi oportere. Ex facto autem ipso suspensiones ducuntur, si totius administratio negotij ex omnibus partibus pertinebitur, atque hæ suspensiones partim ex negotio separatim, partim communiter ex personis atque ex negotio proficiſcentur. Ex negotio duci poterunt, si eas res, quæ negotijs attributæ sunt, diligenter considerabimus. Ex his igitur in hanc constitutionem convenire videntur genera eorum omnia, partes generum pleraq;. Videre igitur primum oportebit, quæ sint convenientia cum ipso negotio: hoc est, quæ abreſeparari non possunt. Quo in loco satis erit diligenter considerare, quid sit ante rem factum, ex quo spes perficiendi nata, & faciendi facultas quæ sita videatur: quid in ipsa re gerenda, quid

postea consecutum sit. Deinde ipſius eſt negotij geſtio pertractanda. Nam hoc genus earum rerum, quæ negotio attributæ ſunt, ſecundo in loco nobis eſt expoſitum. Hoc ergo in genere ſpectabitur locus, tempus, occaſio, facultas: quorum uniuſcuſque viſ diligenter in confirmationis præceptis explicata eſt. Quare, ne aut hic non admonuiſſe, aut ne eadem iterum dixiſſe videamur, breuiter demonſtrabimus, quid quaque in parte conſiderari oporteat. In loco igitur opportunitas, in tempore longinquitas, in occaſione commoditas, ad faciendum idonea, in facultate copia, & poteſtas earum rerum, propter quas aliquid facilius fit,\* aut ſine quibus omnino conſci non poteſt, conſideranda eſt. Deinde videndum eſt quid adiunctum ſit negotio, hoc eſt, quid maius, quid minus, quid æque magnum ſit, quid ſimile: ex quibus coniectura quædam ducitur, ſi quemadmodum res maiores, minores, æque magnæ, ſimileſq; agi ſoleant, diligenter conſiderabitur. Quo in genere euentus quoq; videndus erit, hoc eſt quid ex vnaquaq; re ſoleat euenire, magnopere conſiderandum eſt, ut metus, lætitia, titubatio. Quarta autem pars erat ex ijs, quas negotijs dicebamus eſſe attributas, conſecutio. In ea quæritur ea, quæ geſtum negotium confeſtim, aut ex intervallo conſequuntur. In qua videbimus ecquæ conſuetudo ſit, ecquæ lex, ecquæ actio, ecquod eius rei artificio ſit, aut uſus, aut exercitatio hominum,

nam, aut approbatio, aut offensio: ex quibus non-  
 numquam elicitur aliquid suspicionis. Sunt au-  
 tem aliquæ suspensiones, quæ communiter & ex  
 negotiorum, & ex personarum attributionibus  
 sumuntur. Nam & ex fortuna, & ex natura, &  
 ex victu, studio factis, casu, orationibus, consilio,  
 & ex habitu animi, aut corporis pleraq; pertinet  
 ad easdem res, quæ rem credibilem, aut incredi-  
 bilem facere possunt, & cum facti suspensione iun-  
 guntur. Maxime enim quæri oportet in hac con-  
 sultatione, Primum potuerintne aliquid fieri: de-  
 inde ecquo ab alio potuerit: deinde facultas, de  
 qua ante diximus: deinde utrum id facinus sit,  
 quod poenitere fuerit necesse: item, quod spem ce-  
 landi non haberet: deinde necessitudo, in qua num  
 necesse fuerit id aut fieri, aut ita fieri quaeritur.  
 Quorum pars ad consilium pertinet, quod perso-  
 nis attributum est: ut in ea causa, quam exposui-  
 mus. Ante rem erit, quod in itinere se tam fami-  
 liariter applicauerit: quod sermonis causam que-  
 fuerit: quod simul diuenerit: \* cenarit. In re,  
 nox, somnus. Post rem, quod solus exierit: quod  
 illum tam familiarem comitatum tam æquo ani-  
 mo reliquerit: quod cruentum gladium habuerit,  
 Hæc pars ad consilium pertinet: quaeritur enim  
 eorum videatur diligenter ratio faciendi esse ha-  
 bita, & excogitata, an ita temere, ut non verifi-  
 mile sit quemquam tam temere ad maleficium  
 accessisse. In quo quaeritur, num quo alio modo

commodius potuerit fieri, vel a fortuna admini-  
strari. Nam sæpe, si pecuniæ ad iumēta, si adiuto-  
res desint, facultas fuisse faciendi nō videtur. Hoc  
modo si diligenter attendimus, apta inter se esse  
intelligemus hic quæ negotijs, & illa quæ perso-  
nis sunt attributa. Hic neque facile est, neque ne-  
cessarium distinguere, ut in superioribus parti-  
bus, quo pacto quidque accusatorem, & quomodo  
defensorem tractare oporteat. Non necessarium,  
propterea quod, causa posita, quid in quaque  
conueniat, res ipsa docebit eos, qui non omnia hic  
se inuenturos putabunt: sed ad ea, quæ præcepta  
sunt, comparationis modo quandam in commu-  
ne mediocrem intelligentiam conferent. Non fa-  
cile autem, quod & infinitum est, tot de rebus  
viramque in partem sigillatim de unaquaque  
explicare: & alias aliter hæc in viramque par-  
tem causæ solent conuenire. Quare considerare  
hæc quæ exposuimus, oportebit. Facilius autem  
ad inuentionem animus incedet, si gesti negotij  
& suam, & aduersarij narrationem sæpe, & di-  
ligenter pertractabit, & quid quæq; pars suspi-  
cionis habebit eliciens, considerabit. Quare, quo  
consilio, qua spe perficiendi quidque factum sit:  
cur hoc modo potius, quam illo: cur ab hoc potius,  
quam ab illo: cur nullo adiutore, aut cur hoc: cur  
nemo sit conscius, aut cur sit, aut cur hic sit: cur  
hoc ante factum sit: cur hoc ante factum non sit:  
cur hoc in ipso negotio, cur hoc post negotium:

aut

aut quid factum de industria, aut quid rem ipsam consecutum sit. constetne oratio aut cum re, aut ipsa secum: hoc huiusne rei sit signum, an illius: an & huius & illius: & utrius potius: quid factum sit quod non oportuerit: aut non factum quod oportuerit. Cum animus hac intentione omnes totius negotij partes considerabit: tum illi ipsi in medium conseruati loci procedent, de quibus ante dictum est: & cum ex singulis, tum ex coniunctis argumenta certa nascentur. Quorum argumentorum pars probabili, pars necessario in genere versabitur. Accedunt autem ad coniecturam saepe quæstiones, testimonia, rumores: quæ contra omnia uterq; simili via præceptorum torquere ad suæ causæ cōmodum debet. Nam & ex quæstione suspensiones, & ex testimonio, & ex rumore aliquo pariratione, ut ex causâ, & ex persona, & ex factō duci oportebit. Quare nobis & ij videntur errare, qui hoc genus suspensionum artificij non putant indigere: & ij, qui aliter hoc de genere, ac de omni coniectura præcipiendum putant. Omnis enim ijsdem ex locis coniectura sumenda est. Nam & eius, qui in quæstione aliquid dixerit, & eius qui in testimonio, & ipsius rumoris causâ, & veritas ex ijsdem attributionibus reperietur. Omni autem in causâ pars argumentorum est adiuncta ei causæ solum quæ dicitur: & ab ipsa ita ducta, ut ab ea separatim in omnes eiusdem generis causas transferri non

satis commode possit : pars autem est peruagatior, & aut in omnes eiusdem generis, aut in plerasq; causas accommodata. Hæc ergo argumenta, quæ transferri in multas causas possunt, locos communes nominamus. Nam locus communis, aut certæ rei quandam continet amplificationem, ut si quis hoc velit ostendere, eum qui parentem necarit, maximo supplicio esse dignum : quo loco nisi perorata, & probata causa, non est utendum: aut dubiæ, quæ ex contrario quoque habeat probabiles rationes argumentandi: ut suspicionibus credi oportere, & contra, suspicionibus credi non oportere. Ac pars locorum communium, aut per indignationem, aut per conquestionem inducitur, de quibus ante dictum est : pars per aliquam probabilem utraque ex parte rationem. Distinguitur autem oratio, atque illustratur maxime, raro inducendis locis communibus, & aliquo loco, iam certioribus illis, auditoribus, argumentis confirmatis. Nam & tum conceditur commune quiddam dicere, cum diligenter aliquis proprius causæ locus tractatus est: & auditoris animus aut renouatur ad ea, quæ restant, aut omnibus iam dictis, excusatur. Omnia enim ornamenta elocutionis, in quibus & suauitatis, & grauitatis plurimum consistit, & omnia, quæ in inuentione verborum, & sententiarum aliquid habent dignitatis, in communes locos conferuntur. Quare, non ut causarum,

sic

hic oratorum quoque multorum communes loci  
sunt. nam nisi ab ijs, qui multa exercitatione  
magnam sibi & verborum, & sententiarum co-  
piam comparauerint, tractari non poterunt or-  
nate, & graviter: quemadmodum natura ipso-  
rum desiderat. Atque hoc sit nobis dictum com-  
muniter de omni genere locorum communium.  
Nunc exponemus in coniecturalem constitutio-  
nem qui loci communes incidere soleant. Suspi-  
cionibus credi oportere, & non oportere. Rumoribus  
credi oportere, & non oportere. Testibus  
credi oportere, & non oportere. Quaestionibus  
credi oportere, & non oportere. Vitam anteactam  
spectari oportere, & non oportere. Eiusdem esse,  
qui in illa re peccarit, & hoc quoque, admisisse: &  
non esse eiusdem. Maxime spectari causam oport-  
ere, & non oportere. Atque hi quidem, & si qui  
eiusmodi ex proprio argumento communes loci  
nascentur: in contrarias partes diducentur. Cer-  
tus autem locus est accusatoris, per quem auget fa-  
cti atrocitatem: & alter per quem negat malo-  
rum misereri oportere. Defensoris, per quem ca-  
lamitas accusatorum cum indignatione ostendi-  
tur, & per quem cum conquestione misericordia  
capitur. Hi, & ceteri omnes loci communes ex  
iisdem praeceptis sumuntur, quibus ceterae argu-  
mentationes: sed illae tenuius, & acutius: & sub-  
tilius tractantur: hi autem gravius, & ornatus,  
& cum verbis, tum etiam sententijs excellentibus.

In illis enim finis est, ut id quod dicitur, verum esse videatur: in his tamen hoc quoque videri oportet: tamen finis est amplitudo. Nunc ad aliam constitutionem transeamus.

CUM est nominis controuersia, quia vis vocabuli definienda verbis est, constitutio definitiua dicitur. Eius generis exemplo nobis posita sit hæc causa: C. Flaminius is qui consul rempib. male gessit bello Punico secundo, cum tribunus plebis esset, inuito senatu, & omnino contra voluntatem omnium optimarum per seditionem ad populum legem agrariam ferebat. Hunc pater suus concilium plebis habentem de templo deduxit. accersitur maiestatis, Intentio est, Maiestatem minuiisti: quod tribunum plebis de templo deduxisti. Depulsio est, Non minui maiestatem. Quæstio est, Maiestatem ne minuerit. Ratio, In filium enim quam habebam potestatem, ea usus sum. Rationis infirmatio, At enim qui patria potestate, hoc est priuata quadam, tribunitiam potestatem, hoc est populi potestatem infirmat, minuit is maiestatem. Iudicatio est, Minuâne is maiestatem, qui in tribunitiam potestatem patria potestate utatur. Ad hanc iudicationem argumentationes omnes afferri oportebit. Ac, ne quis forte arbitretur nos non intelligere aliam quoq; incidere constitutionem in hanc causam, eam nos partem solam sumimus, in qua præcepta nobis dâda sunt. Omnibus autem paribus hoc in libro explicatis, qui-



nis omni in causa, si diligenter attender, omnes  
 videbit constitutiones, & earum parteis & con-  
 trouersias, siquæ forte in eas incidet. nam de om-  
 nibus perscribemus. Primus ergo accusatoris lo-  
 cus est, eius nominis, cuius de vi quæritur, breuis  
 & aperta, & ex hominum opinione definitio, hoc  
 modo: Maiestatem minuire, est de dignitate, aut  
 amplitudine, aut potestate populi, aut eorum qui-  
 bus populus potestatem dedit, aliquid derogare.  
 hoc sic breuiter expositum, pluribus verbis est  
 & rationibus confirmandum: & ita esse, ut de-  
 scripseris, ostendendum. Postea ad id quod defi-  
 nieris, factum eius qui accusabitur, adiungere oport-  
 ebit: & ex eo, quod ostenderis esse, verbi causa,  
 maiestatem minuire, docere aduersarium maie-  
 statem minuisse: & hunc locum totum communi  
 loco confirmare: per quem ipsius facti atrocitas,  
 aut indignitas, aut omnino culpa cum indigna-  
 tione augeatur, Post erit infirmanda aduersario-  
 rum descriptio. Ea autem infirmabitur, si falsa  
 demonstrabitur. Hoc ex opinione hominum su-  
 metur: cum quemadmodum, & quibus in rebus  
 homines in consuetudine scribendi, aut sermoci-  
 nandi eo verbo uti soleant, considerabitur. Item  
 infirmabitur, si turpis aut inuutilis esse ostendetur  
 eius descriptionis approbatio: & si, quæ incom-  
 moda consecutura sint, eo concessio ostendatur. Id  
 autem ex honestatis & utilitatis, partibus sume-  
 tur: de quibus in deliberationis præceptis expo-

nemus. Et, si cum definitione nostra aduersariorum definitionem conferemus: & nostram veram, honestam, vtilem esse demonstrabimus: illorum contra. Quæremus autem res, aut maiori, aut minori, aut pari in negotio similes: ex quibus affirmetur nostra descriptio. Iam si res plures erunt definiendæ: ut, si quæramur, fur sit, an sacrilegus, qui vasa ex priuato sacra surripuerit: erit utendum pluribus definitionibus: deinde simili ratione caussa tractanda. Locus autem communis in eius malitiam, qui non modo rerum, verumetiam verborum potestatem sibi arrogare conetur: ut & faciat, quod velit: & id quod fecerit, quo velit nomine appeller. Deinde defensoris primus locus est, item nominis brevis & aperta & ex opinione hominum descriptio, hoc modo: Maiestatem minuire est, aliquid de repub. cum potestatem non habeas, administrare: deinde huius confirmatio, similibus, & exemplis, & rationibus: postea sui facti ab illa definitione separatio: deinde locus communis, per quem facti vitilitas, aut honestas adaugetur: deinde sequetur aduersariorum definitionis reprehensio: quæ ipsædem ex locis omnibus, quos accusatori præscripsimus, conficitur: & cetera post eadem præter communem locum inducentur. Locus autem communis erit defensoris is, per quem indignabitur, \* accusatoris sui periculi caussa non res solum conuertere: verumetiam verba commutare conari. Nam

illi

illi quidem communes loci, qui aut calumnie accusatorum demonstrandæ, aut misericordiæ caprandæ, aut facti indignandi, aut a misericordia deterrendi causâ sumuntur, ex periculi magnitudine, non ex causæ genere ducuntur. Quare non in omnem causam, sed in omne causæ genus incidunt. Eorum mentionem in coniecturali constitutione fecimus. Inductione autem eorum, cum causâ postulabit, utemur.

CUM autem actio translationis, aut commutationis indigere videtur: quod non aut is agit, quem oportet, aut cum eo quicum oportet, aut apud quos, quæ lege, quæ pœna, quo crimine, quo tempore oportet: constitutio translativa appellatur. Huius nobis exempla permulta opus sunt, si singula translationum genera quaramus: sed quia ratio præceptorum similis est: exemplorum multitudine superfedendum est. Atq; in nostra quidem consuetudine multis de causis fit ut rarius incidunt translationes. Nam & prætorij exceptionibus multæ excluduntur actiones: & ita ius civile habemus constitutum, ut causâ cadat is, qui non quemadmodum oportet, egerit. Quare in iure plerumq; versantur. Ibi enim & exceptiones postulanti, & quodammodo agendi potestas datur, & omnis conceptio priuatorum iudiciorum constituitur. In ipsis autem iudicijs rarius incidunt: & tamen, si quando incidunt, eiusmodi sunt, ut per se minus habeant firmitudinis: con-

firmantur autem assumpta alia aliqua constitutione. Vt in quodam iudicio, cum venefici cuiusdam nomen esset delatū, & quia paricidij caussa subscripta esset, extra ordinem esset acceptum, cum in accusatione, alia quædam crimina testibus & argumentis confirmarentur, paricidij autem solum mentio facta esset. defensor in hoc ipso multum oportet & diu consistat, cum de nece parentis nihil demonstratum sit, indignum facinus esse ea pœna afficere eum, qua paricide afficiuntur. Id autem si damnavetur, fieri necesse esse: quoniam & id causse subscriptum: & ex ea re nomen extra ordinem sit acceptum. Ea igitur pœna si affici reum non oporteat, damnari quoque non oportere: quoniam ea pœna damnationem necessario cōsequatur. Hic defensor pœnæ commutationem ex translativo genere inducēdo, totam infirmabit accusationem. Verumtamen ceteris quoq; criminibus defendendis coniecturali constitutione translationem confirmabit. Exemplum autem translationis in caussa nobis positum sit huiusmodi: Cum ad vim faciendam quidam armati venissent: armati contra præsto fuerunt, & cuidam equiti Romano, quidam ex armatis resistenti, gladio manū præcidit. Agit is, cui manus præcisa est, iniuriarum, postulat is, qui cum agitur, a prætore exceptionē: **EXTRA QVAM** in reum capitis præiudicium fiat. Hic is qui agit, iudicium purum postulat: Ille quicum agitur, exceptione-

cept  
pien  
rec  
ficar  
orazi  
gnum  
dicat  
quar  
lesicio  
cetur.  
rem ca  
per qu  
am in  
Id ex  
sumi o  
rebus  
aliud a  
cessum  
castome  
iam r  
cui aut  
induce  
diffidat  
turbati  
veniat  
agatur,  
crimini  
perturb  
Tres ig

ceptionem addi ait oportere. *Quæstio est, Excipiendum sit, an non. Ratio, Non enim oportet in recuperatorio iudicio eius maleficij, de quo inter sicarios quæritur, præiudicium fieri. Infirmatio orationis. Eiusmodi sunt iniuriæ, ut de his indignum sit non primo quoq; tempore iudicari. Iudicatio, Atrocitas iniuriarum satisne causse sit, quare, dñ de ea iudicetur, de aliquo maiore maleficio, de quo iudicium comparatum sit, præiudicetur. atq; exemplum quidē hoc est. In omni autem caussa ab utroque quæri oportebit, à quo, & per quos, & quomodo, & quo tempore aut agi, aut iudicari, aut quid statui de ea re conveniat. Id ex partibus iuris, de quibus post dicendum est, sumi oportebit, & ratiocinari quid in similibus rebus fieri soleat, & videre utrum malitia quid aliud agatur, aliud simuletur, an stultitia, an necessitudine, quod alio modo agi non possit: an occasione agēdi sic sit iudicium, aut actio constituta: an recte sine ulla re eiusmodi res agatur. Locum autē cōmunis contra eum, qui translationem inducet, Fugere iudicium ac pœnam, quia causse diffidat. A translatione autem, Omnium fore perturbationē, si non ita res agatur, & in iudicium veniat, quo pacto oporteat, hoc est, si aut cum eo agatur, quicum non oporteat, aut alia pœna, alio crimine, alio tempore: atque hanc rationem ad perturbationem iudiciorum omnium pertinere. Tres igitur eæ constitutiones, quæ partes non*

habent, ad hunc modum tractabuntur. Nunc generalem constitutionem, & partes eius consideremus.

CUM & facto, & facti nomine concessio, neque ulla actionis illata controuersia, vis & natura, & genus negotii ipsius quaeritur, constitutionem generalem appellamus. Huius primas esse partes duas nobis videri diximus, negotialem, & iudicialem. Negotialis est, quae in ipso negotio intrinsecus habet implicitam controuersiam. Ea est huiusmodi: Quidam pupillum heredem fecit, Pupillus autem ante mortuus est, quam in suam tutelam veniret. De hereditate ea, quae pupillo venit, inter eos, qui patris pupilli heredes secundi sunt, & inter agnatos pupilli controuersia est: possessio heredum secundorum est. Inuentio est agnatorum, Nostra pecunia est, de qua is, cuius agnati sumus, testatus non est. Depulsio est, Imo nostra, qui heredes secundi testamenti patris sumus. Quaestio est, Virorum sit. Ratio est, Pater enim & sibi & filio testamentum scripsit, dum is pupillus esset. Quare, quae filii fuerunt, testamento patris nostra fiant necesse est. Infirmatio est rationis, Imo pater sibi scripsit, & secundum heredem non filio, sed sibi iussit esse. Quare praeterquam quod ipsius fuit in testamento, ullius vestrum esse non potest. Iudicatio, Possitne quisquam de filii pupilli re testari. An heredes secundi ipsius patris familias, non filii quoque eius heredes pupilli

pupilli sint. Atque hoc non alienum est, quod ad multa pertineat, ne aut nusquam, aut usque-  
 quaque dicatur, hic admonere. Sunt causse, quæ  
 plures habent rationes in simplici constitutione :  
 quod sit, cum id quod factum est, aut quod defen-  
 ditur, pluribus de causis rectum, aut probabile  
 videri potest, ut in hac ipsa causa. Supponatur  
 enim ab hæredibus hæc ratio, Vnius enim pecu-  
 niæ, plures dissimilibus de causis heredes esse nõ  
 possunt: nec umquam factum est, ut eiusdem pe-  
 cuniæ alius testamento, alius lege heres esset. In-  
 firmatio hæc erit, Non est vna pecunia: propterea  
 quod altera iam erat pupilli aduentitia: cuius  
 heres non illo in testamento quisquam scriptus  
 erat, siquid pupillo accidisset: & de altera patris  
 etiam nunc mortui voluntas plurimum valebat,  
 quæ iam mortuo pupillo, suis heredibus conce-  
 debat. Indicatio est, Vnane pecunia fuerit. ac  
 si hac erunt vsi infirmatione, Posse plures esse  
 vnus heredes pecuniæ dissimilibus de causis :  
 de eo ipso indicatio nascitur, Possintne eiusdem  
 pecuniæ plures dissimilibus generibus esse here-  
 des, Ergo vna in constitutione intellectum est,  
 quomodo & rationes, & rationum infirma-  
 tiones, \* & præterea indicationes plures fiant.  
 Nunc huius generis præcepta videamus. Viris-  
 que, aut etiam omnibus, si plures ambigent,  
 ius ex quibus rebus constet, est considerandum.  
 Initium ergo eius ab natura ductum videtur:

quædam autem ex utilitatis ratione, aut perspicua nobis, aut obscura in consuetudinem venisse: post autem approbata: quædam aut à consuetudine, \* aut à vero utilia visa, legibus esse firmata. Ac nature quidē ius est, quod nobis non opinio, sed quædam innata vis afferat, ut religionem, pietatem, gratiam, vindicationem, observantiā, veritatem. Religionem, eam quæ in metu & ceremonia deorum sit, appellāt: pietatem, quæ erga patriam, aut parentes, aut alios sanguine coniunctos officium conservare moneat: gratiam, quæ in memoria & remuneratione officiorum, & honorum, & amicitiarum observantiam teneat: vindicationem, per quam vim, et contumeliam defendendo, aut ulciscendo propulsamus à nobis, & à nostris qui nobis cari esse debent, & per quam peccata punimus: observantiam, per quam ætate, aut sapientia, aut honore, aut aliqua dignitate antecedētes reueremur et colimus: veritatem, per quam damus operam ne quid aliter, quam confirmaverimus, fiat, aut factum, aut futurum sit. Ac nature quidē iura minus ipsa queruntur ad hanc controuersiam, quod neq; in hoc civili iure versantur, & à vulgari intelligentia remotiora sunt: ad similitudinem vero aliquam aut ad rem amplificandam sæpe sunt inferenda. Consuetudinis autē ius esse putatur id, quod voluntate omnium, sine lege, vetustas comprobavit. In ea autem iura sunt quædā ipsa iam certa propter



per vetustatē. Quo in genere & alia sunt multa, & eorum multo maxima pars, quæ præiores dicere consueuerunt. Quædā autem genera iuris, iā certa cōsuetudine facta sunt: quod genus, pactum, par, iudicatum. Pactum est, quod inter aliquos conuenit, quod iam ita iustum putatur, ut non præstare dicatur, Par, quod in omnes æquabile est. Iudicatum, de quo iam ante sententia aliorum, aut aliquorum constitutum est. Iam iura legitima ex legibus cognosci oportebit. His ergo ex partibus iuris quidquid aut ex ipsa re, aut ex iure, aut ex maiore, aut ex minore nasci videbitur, quemque attendere, atque elicere percontando inquamque partem iuris oportebit. Locorum autem cōmunium, quoniam (ut ante dictum est) duo sunt genera, quorum alterum dubiæ rei, alterum certæ continet amplificationem, quid ipsa causa det, & quid augeri per communem locum possit, & oporteat, considerabitur. Nam certi, qui in omnes incidant loci præscribi non possunt. in quolibetque fortasse ab auctoritate iuriscōsultorum, et contra auctoritatem dici oportebit. Attendendum est autem in hac, & in omnibus, num quosdam communes, præter eos, quos exposuimus. ipsa res ostendat. Nunc iuridiciale genus, & partis eius consideremus.

IVRIDICIALIS est, in qua æqui & iniuri natura, & præmij, aut pænæ ratio quæritur, cuius partes sunt duæ, quarum alteram absolu-

tam, alteram assumptiuam nominamus. Absoluta est, quæ ipsa in se, nō vt negotialis implicite & abscondite, sed patentius et expeditius recti, & non recti questionem continet. Ea est huiusmodi: Cum Thebani Lacedæmonios bello superauissent, & fere mos esset Graijs, cum inter se bellum gessissent, vt ij qui vicissent, \* trophæum aliquod in sinibus statuerent victoriæ modo in præsentia declarandæ causæ, non vt in perpetuum belli memoria maneret: æneum statuerunt trophæum. Accusantur apud Amphictyonas, id est apud commune Græciæ concilium, Intentio est, Non oportuit. Depulsio est, Oportuit. Quæstio est, Oportueritne. Ratio est, eam enim ex bello gloria virtute peperimus, vt eius æterna insignia posteris nostris relinquere vellemus. Infirmatio est. Attamen æternum inimicitiarum monumentum Graios de Graijs statuere non oportet. Iudicatio est, cum summæ virtutis\* celebrandæ causæ Graij de Graijs æternum inimicitiarum monumentum statuerint, rectene, an contra fecerint. Hanc ideo rationem subieciimus, vt hoc causæ genus ipsum, de quo agimus, cognosceretur: Nam si eam supposuissemus, qua fortasse usi sunt, Non enim iuste, neque pie bellum gessistis: in relationem criminis delaberemur, de qua post loquemur. Virūque autē causæ genus in hanc causam incidere perspicuum est. In hanc argumentationes ex istis locis sumendæ sunt, atq; in causam negotiālē,

de

de qua ante dictum est. Locos autem communes  
 ex causa ipsa, siquid inerit indignationis, aut  
 inquisitionis, & ex iuris utilitate & natura  
 multos & graues sumere licebit, & oportebit,  
 si causae dignitas videbitur postulare. Nunc  
 assumptiuam partem iuridicialis consideremus.  
 Assumptiuam igitur tunc dicitur, cum ipsum ex  
 factum probari non potest, aliquo autem foris  
 adiuncto argumento defenditur. Eius partes  
 sunt quattuor, Comparatio, Relatio criminis,  
 Remotio criminis, Concessio. Comparatio est,  
 cum aliquod factum, quod per se ipsum non sit  
 probandum, ex eo, cuius id causa factum est,  
 defenditur. Ea est huiusmodi: Quidam impera-  
 tor, cum ab hostibus circumfunderetur, neque  
 effugere ullo modo posset, depectus est cum eis  
 arma & impedimenta relinqueret, milites  
 educeret. Itaque fecit: armis & impedimentis  
 cunctis, praeter spem milites conseruauit. Accu-  
 sator maiestatis. Incurris huc definitio, quid sit  
 ledere maiestatem. sed nos hunc locum, de quo  
 agimus, consideremus. Intentio est, Non oportet  
 arma, & impedimenta relinquare. Depulsio  
 est, Oportuit. Quastio est, Oportueritne. Ratio  
 est, Milites enim omnes perissent. Infirmatio est  
 aut coniecturalis, Non perissent: aut altera con-  
 iecturalis, Non ideo fecisti. Ex quibus sunt iu-  
 dicationes Perissentne: & ideone fecerit:  
 aut haec comparatiua, cuius nunc indigemus. At

enim satius fuit amittere milites, quam arma,  
 & impedimenta hostibus concedere. Ex qua iudicatio nascitur, Cum omnes perituri milites essent, nisi ad hanc pactionem venissent, utrum satis fuerit amittere milites, an ad hanc conditionem venire. Hoc causæ genus ex his locis tractari conveniet. Oportebit adhibere ceterarum quoque constitutionum rationem, atque præcepta, ac maxime coniecturis faciendis infirmare illud, quod cum eo quod crimini dabitur, qui accusabuntur, comparabunt. Id fiet, si aut id, quod dicent defensores futurum fuisse, nisi id factum esset, quo de facto iudicium est, futurum fuisse negabitur: aut, si alia ratione, & aliam ob causam, ac dicet se reus fecisset, demonstrabitur esse factum. Eius rei confirmatio, & item contraria de parte infirmatio ex coniecturali constitutione sumitur. Sin autem certo nomine malefici vocabitur in iudicium, sicut in hac causa (nam maiestatis accersitur) definitione, & definitionis præceptis uti oportebit. Atque hæc quidem plerumque in hoc genere \* incidunt, ut coniectura, & definitione utendum sit. Sin aliud quoque aliud genus incidet, eius generis præcepta licebit huc pari ratione transferre. Nam accusatori maxime est in hoc elaborandum, ut id ipsum factum, propter quod sibi reus concedi putat oportere, quamplurimis infirmet rationibus, quod facile est, si quamplurimis constitutionibus aggrediamur  
 id

ad improbare. Ipsa autem comparatio separata  
a ceteris generibus controuersiarum, sic ex sua  
ipsa considerabitur, si illud, quod comparabitur,  
aut non honestum, aut non utile, aut non necessa-  
rium fuisse, aut non tantopere utile, aut non tan-  
topere honestum, aut non tantopere necessarium  
fuisse demonstrabitur. Deinde oportet accusato-  
rem illud, quod ipse arguat, ab eo quod defen-  
sor comparat, separare. Id autem faciet, si demon-  
strabit, non ita fieri solere, neque oportere, neque esse  
rationem, quare hoc propter hoc fiat: ut propter  
salutem militum ea, quæ salutis causâ comparata  
sunt, hostibus tradantur. Postea comparare o-  
portebit cum beneficio maleficium, & omnino id,  
quod arguitur, cum eo quod factum ab defen-  
sore laudatur, aut faciendum fuisse demonstra-  
re, contendere: & hoc extenuando maleficij  
magnitudinem simul adangere. Id fieri poterit,  
si demonstrabitur, honestius, utilius, magis ne-  
cessarium fuisse illud, quod vitauit reus, quam il-  
lud, quod fecerit. Honesti autem, & utilis, & ne-  
cessarij vis, & natura in deliberationis præceptis  
cognoscetur. Deinde oportebit ipsam illam com-  
paratiuam indicationem exponere tamquam caus-  
sam deliberatiuam, & de ea ex deliberationis  
præceptis deinceps dicere. Sit enim hæc indica-  
tio, quam ante exposuimus: Cum omnes perituri  
militēs essent, nisi ad hanc pactionem venissent,  
utrum satius fuerit perire milites, an ad hæc pa-

Etionem venire. Hoc ex locis deliberationis, quasi aliquam in consultationem res veniat, tractari oportebit. Defensor autem quibus in locis ab accusatore aliæ constitutiones erunt inductæ, in ijs ipse quoq; ex ijsdem constitutionibus defensionem comparabit: ceteros autem omnes locos, qui ad ipsam comparationem pertinebunt, ex contrario tractabit. Loci communes\* erunt accusatoris, in eum, qui, cum de facto turpi aliquo, aut inuili, aut utroq; fateatur, quærat tamen aliquam defensionem,\* facti inuilitatem, aut turpitudinem cum indignatione proferre. Defensoris est, nulli factum inuile, neq; turpe, neq; item utile, neque honestum putari oportere, nisi quo animo, quo tempore, qua de causa factum sit, intelligatur. Qui locus ita communis est, ut bene tractatus in hac causa, magno ad persuadendum momento futurus sit. Et alter locus, per quem magna cum amplificatione, beneficij magnitudo ex utilitate, aut honestate, aut facti necessitudine demonstratur. Et tertius, per quem res expressa verbis, ante oculos eorum, qui audiunt, ponitur: ut ipsi se quoq; idem facturos fuisse arbitrentur, si sibi illares, atq; ea faciendi causa per idem tempus accidisset. Relatio criminis est, cum reus id, quod arguitur confessus, alterius se inductum peccato, iure fecisse demonstrat. Ex est huiusmodi: Horatius, occisis tribus\* Curiatibus, & duobus amissis fratribus, domum se victor recepit. Is animaduertit

sororem

sororem suam de fratrum morte non laborantem:  
propositi autem nomen appellantiem identidem Cu-  
riatis, cum gemitu, & lamentatione, indigne pas-  
sus, virginem occidit, accusatur. Intentio est, In-  
iuria sororem occidisti. Depulsio est, iure occidi.  
Quæstio est, Iurene occideris. Ratio est, Illa enim  
hostium mortem lugebat, fratrum negligebat, me  
& populum Rom. vicisse moleste ferebat. Infirm-  
matio est, Tamen à fratre indemnata necari  
non oportuit, Ex qua indicatio fit: Cum Horatia  
fratrum mortem negligeret, hostium lugeret, fra-  
tris & populi Romani victoria non gauderet,  
oportueritne eam à fratre indemnata necari.  
Hic in genere causæ, primum siquid ex ceteris  
dabitur constitutionibus sumi oportebit, sicut in  
comparatione præceptum est. Postea, si qua facul-  
tas erit, per aliquam constitutionem illum, in quem  
crimen transferitur defendere. Deinde lenius esse  
illud, quod in alterum peccatum reus transferat,  
quam quod ipse susceperit. Postea translationis  
partibus uti, & ostendere à quo, & per quos, &  
quomodo, & quo tempore aut agi, aut iudicari,  
aut statui de ea re conuenierit: ac simul ostendere  
non oportuisse ante supplicium, quam iudicium  
interponere. Tum leges quoque & iudicia de-  
monstranda sunt, per quæ potuerit id peccatum,  
quod sponte sua reus\* punitus sit, moribus, & iu-  
dicio vindicari. Deinde negare debebit, audiri  
oportere id, quod in eum criminis conferatur, de quo

is ipse qui conferat, iudicium fieri noluerit, & id quod iudicatum non sit, pro infecto haberi oportere. Postea impudentiam demonstrare eorum, qui eum nunc apud iudices accusent, quem sine iudicibus ipsi condemnarint, & de eo iudicium faciant, de quo iam ipsi supplicium sumpserint. Postea perturbationem iudicij futuram dicemus, & iudices longius, quam potestatem habeant, progressuros, si simul & de reo, & de eo, quem reus arguat, iudicarint. Deinde hoc si constitutum sit, ut peccata homines peccatis, & iniurias iniurijs ulciscantur, quantum incommodorum consequatur. Ac si idem facere ipse, qui nunc accusat, voluisset: ne hoc quidem ipso quidquam opus fuisse iudicio: si vero ceteri quoque idem faciant, omnino iudicium nullum futurum. Postea demonstrabitur, ne si iudicio quidem illa damnata esset, in quam id crimen ab reo conferatur, potuisse hunc ipsum de illa supplicium sumere. Quare esse indignum eum, qui ne de damnata quidem penas sumere potuisset, de ea supplicium sumpsisse, quæ ne adducta quidem sit in iudicium. Deinde postulabit, ut legem, qua lege feceris, proferat. Deinde, quemadmodum in comparatione præcipiebamus, ut illud quod comparabatur, extenuaretur ab accusatore quammaxime: sic in hoc genere oportebit illius culpam, in quem crimen transferetur, cum huius maleficio, qui se iniure fecisse dicat, comparare, postea demonstrandum est,



est, non esse illud eiusmodi, ut ob id hoc fieri cō-  
uenires. Extrema est, ut in comparatione, assump-  
tio indicationis, & de ea per amplificationem  
ex deliberationis preceptis, dictio. Defensor au-  
tem, quæ per alias constitutiones inducentur, ex  
iis locis qui traditi sunt, infirmabit. Ipsam au-  
tem relationem comprobabit: primum augendo  
eius, in quem refert crimen, culpam & audaci-  
am, & quammaxime per indignationem, si res  
feret, iuncta conqueſtione, ante oculos ponendo:  
postea leuius demonstrando reum punitum, quam  
si ille promeritus: & suum supplicium cum il-  
lius iniuria conferendo. Deinde oportebit eos lo-  
cos, qui ita erunt ab accusatore tractati, ut refel-  
li, & contrariam in partem conuerſi possint, quo  
in genere sunt res extremæ, contrarijs rationi-  
bus infirmare. Illa autem acerrima accusatorum  
criminatio, per quam perturbationem fore om-  
nium iudiciorum demonstrant, si de indemnato  
supplicij sumendi potestas data sit, leuabitur.  
Primum, si eiusmodi demonstrabitur iniuria, ut  
non modo viro bono, verum etiam homini libero  
videatur non fuisse toleranda: deinde ita perspi-  
cua, ut ne ab ipso quidem qui fecisset, in dubium  
vocaretur: deinde eiusmodi, ut in eam is maxime  
debuerit animaduertere, qui animaduertit: ut  
non tam rectum, non tam fuerit honestum in iu-  
dicium illam rem peruenire, quam eo modo, atq;  
ab eo vindicari, quo modo, et a quo sit vindicata:

postea sic rem fuisse apertam, ut iudicium de ea re fieri nihil attinuerit. Atque hic demonstrandum est rationibus & rebus similibus permultas ita atroces & perspicuas res esse, ut de his non modo non necesse sit, sed ne utile quidem, quin mox iudicium fiat, expectare. Locus communis accusatoris in eum, qui, cum id, quod arguitur, negare non possit, tamen aliquid sibi spei comparet ex iudiciorum perturbatione: atque hic utilitatis, iudiciorum demonstratio, & de eo conquesio, qui supplicium dederit indemnatus: in eius autem qui sumpsit audaciam, & crudelitatem, indignatio. Ab defensore in eius, quem ultus sit, audaciam sui conquesione: rem non ex nomine ipsius negotij, sed ex consilio eius qui fecerit, et caussa, et tempore considerari oportere: quid mali futurum sit aut ex iniuria, aut ex scelere alicuius: nisi tanta, & tam perspicua audacia ab eo, ad cuius famam, aut ad parietes, aut ad liberos pertinuerit, aut ad aliquam rem, quam carã esse omnibus aut necesse est, aut oportet esse, fuerit vindicata. Remotio criminis est, cum eius intentio facti, quod ab adversario inferitur, in alium, aut in aliud \*demonetur. Id fit bipartito: nam tum caussa, tum res ipsa remouetur. Caussa remotionis hoc nobis exemplo sit. Rhodij quosdam legarunt Athenas. Legatis questores sumptuum, quem oportebat dari, non dederunt. Legati profecti non sunt, accusantur. Intentio est, Pro-

fifici

scisci oportuit. Depulsio est, Non oportuit. Quæ-  
 stio est, Oportueritne. Ratio est, Sumptus enim,  
 qui de publico dari solet, is ab quæsture non est  
 datus. Infirmatio est. Vos tamen id quod publice  
 vobis datum erit negotij, conficere oportebat. Iu-  
 dicatio est, cum ijs, qui legati erant, sumptus qui  
 debebatur de publico, non daretur, oportueritne  
 eos cōficere nihilominus legationem. Hoc in ge-  
 nere primum, sicut in ceteris, si quid aut ex con-  
 iecturali, aut ex alia constitutione sumi possit.  
 videre oportebit. Deinde pleraque ex compara-  
 tione, & ex relatione criminis in hanc quoque  
 causam convenire poterunt. Accusator autem  
 illum, cuius culpa id factum reus dicet, primum  
 defendet, si poterit: sin minus poterit, negabit  
 ad hoc iudicium illius, sed huius, quem ipse ac-  
 cuset, culpam pertinere. Postea dicet, suo quem-  
 que officio consulere oportere: nec si ille peccasset,  
 tunc oportuisse peccare. Deinde si ille deliquerit,  
 separatim illum, sicut hunc accusari oportere: &  
 non cum huius defensione cōiungi illius accusa-  
 tionem. Defensor autem, cum cetera, si qua ex  
 aliis incident constitutionibus, pertractarit, de  
 ipsa remotione sic argumentabitur. Primum cu-  
 ius acciderit culpa demonstrabit: deinde, cum id  
 aliena culpa accidisset, ostēdet se aut non potuis-  
 se, aut non debuisse id facere quod accusator di-  
 cat oportuisse. \* Quid poterit, ex utilitatis par-  
 tibus, in quibus est necessitudinis vis implicata.

demonstrabit, quid debuerit, ex honestate considerabitur. De utroque distinctius in deliberatio genere dicetur. Deinde omnia facta esse ab reo, quæ in ipsius fuerint potestate: quod minus, quam conuenerit, factum sit, culpa id alterius accidisse. Deinde in alterius culpa exponenda demonstrandum est, quantum voluntatis, & studij fuerit in ipso: & id signis confirmandum huiusmodi, Ex cetera diligentia, ex ante factis, aut dictis: atque hoc ipsi uile fuisse facere, inutile autem non facere, & cum cetera uita magis hoc fuisse consentaneum, quam quod propter alterius culpam non fecerit. Sin autem non in hominem certum, sed in rem aliquam causa demouebitur, ut in hac eadem re, si quaestor mortuus esset: & idcirco legatis pecunia data non esset: accusatione alterius, & culpe depulsione dempta, ceteris similiter uti locis oportebit: & ex concessionis partibus, quæ conuenient, assumere, de quibus post nobis dicendum erit. Loci autem communes iidem utrisque fere, qui superioribus assumptiuis incident. Hi tamen certissimi: Accusatoris facti indignatio: Defensis, cum in alia culpa sit, aut in ipso non sit, supplicio reum affici non oportere. Ipsius autem rei sit remotio, cum id, quod datur crimini, negat neq; ad se, neq; ad officium suum reus pertinuisse: nec, si quod in eo sit delictum, sibi attribui oportere. Id genus causæ est huiusmodi: In eo facere, quod factum

factum est quondam cum Samnitibus, quidam  
adolescens nobilis porcā sustinuit iussu imperato-  
ris. Fœdere autem ab senatu improbato, & impe-  
ratore Samnitibus dedito, quidā in senatu cum  
quoque dicit, qui porcā tenuerit, dedi oportere.  
Intentio est, Dedi oportet. Depulsio est, Non opor-  
tet. Questio est, Oporteatne. Ratio est, Non enim  
meum fuit officium, nec mea potestas: cum & id  
etatis, & priuatus essem, & esset summa cum  
auctoritate, & potestate imperator, qui videret  
in suis honestum fœdus feriretur. Infirmatio est,  
Auamen quoniam tu particeps factus es in tur-  
pissimo fœdere summae religionis, dedi de conue-  
nit. Iudicatio est, Cum is qui potestatis nihil ha-  
buerit iussu imperatoris in fœdere, & in tanta  
religione interfuerit, dedēdusne sit hostibus, nec-  
ne. Hoc genus causse a superiore hoc differt, quod  
in illo concedit se reus oportuisse facere id, quod  
feri dicat accusator oportuisse, sed alicui rei aut  
homini causam attribuit, quæ voluntati suæ fue-  
rit impedimento, sine concessionis partibus. nam  
earum quædam maior vis est, quod paullo post in-  
telligitur. In hoc autē non accusare alterum, nec  
culpam in aliū trāsferre debet, sed demonstrare  
eam rem nec ad se, nec ad potestatem, neque ad  
officium suum pertinuisse, aut pertinere. Atque in  
hoc genere hoc accidit noui, quod accusator quoq;  
sape ex remotione criminationem conficit. Vt si  
quis eum accuset, qui, cum prætor esset, \* in sedi-

zione ad arma populum vocavit, cum consules  
 adessent. Nam, ut in superiore exemplo reus ab  
 suo officio ac potestate factum demonebat: sic in  
 hoc ab eius officio ac potestate, qui accusatur, ipse  
 accusator factū remouendo, hac ipsa ratione con-  
 firmat accusationem. In hac ab utroq; ex omni-  
 bus partibus honestatis, & omnibus utilitatis  
 partibus, exemplis, signis, ratiocinando quid cu-  
 iusq; officij, iuris, potestatis sit, quæri oportebit: et,  
 fuerint ei, quo de agitur, id iuris, officij, potestatis  
 attributum, necne. Locos autem communes ex  
 ipsa re, si quid indignationis, ac cōquestionis ha-  
 bebis, sumi oportebit. Concessio est, per quam non  
 factum ipsum \*probatum ab reo: sed ut ignosca-  
 tur, id petitur. Cuius partes sunt due, purgatio,  
 et deprecatio. Purgatio est, per quam eius qui ac-  
 cusatur, non factum ipsum, sed voluntas defendi-  
 tur. Ea habet partes tres, imprudētiā, casum,  
 necessitudinem. Imprudentia est, cum scisse ali-  
 quid is qui arguitur, negatur. Ut apud quosdam  
 lex erat, Nequis Dianæ vitulum immolares.  
 Nauta quidam, cum aduersa tempestate in alto  
 iactarentur, voverunt, Si eo portu, quem conspi-  
 ciebant, potiti essent, ei deo, qui ibi esset, se vitu-  
 lum immolatueros. Casus erat in ea portus sanum  
 Dianæ eius, cui vitulum immolari non licebat.  
 Imprudentes legis cum exissent, vitulum immo-  
 lauerunt. Accusantur. Intentio est, Vitulum im-  
 molastis ei deo, cui non licebat. Depulsio est in  
 concef-

concessione posita. Ratio est. Nesciui non licere. Infirmatio est, Tamen quoniam fecisti quod non licebat: ex lege supplicio dignus es. Iudicatio est, Cum id fecerit, quod non oportuerit, & id non oportere nescierit, sit ne supplicio dignus, Casus autem inferretur in cōcessionem, cum demonstrabitur aliqua fortunæ vis voluntati obstiisse, ut in hac: Cum Lacedæmonijs lex esset, ut hostias, nisi ad sacrificium quoddam redemptor præbuisset, capitale esset: hostias is qui redemerat, cum sacrificij dies instaret, in urbem ex agro capere: tum subito magnis commotus tempestatibus fluminis Eurotas, is qui propter Lacedæmonem fluit, ita magnus, & vehemens factus est, ut eo traduci victimæ nullo modo possent. Redemptor suæ voluntatis ostendendæ causâ hostias constituit omnes in litore, ut qui trans flumen essent, videre possent. Cum omnes studio eius subitam fluminis magnitudinem scirent fuisse impedimento, tamen quidam capitis arcessiuerunt. Inuentio est, Hostiæ, quas debuisti, ad sacrificium præsto non fuerunt. Depulso est concessio. Ratio, Flumen enim subito accreuit, & ea re traduci non potuerunt. Infirmatio est, Tamen quoniam quod lex iubet, factum non est, supplicio dignus es. Iudicatio est, cum in ea re redemptor contra legem aliquid fecerit, quâ in re studio eius subita fluminis obstiterit magnitudo, supplicione dignus sit. Necessitudo autem infer-

*ritur* : cum vi quadam reus id quod fecerit, fecisse defenditur, hoc modo : Lex est apud Rhodios, ut si qua rostrata in portu navis deprehensa sit, publicetur. Cum magna in alto tempestas esset, vis ventorum inuius nautis Rhodiorum in portum nauim coëgit. Quæstor nauim populi vocat. Nauis dominus negat publicari oportere. Intentio est, Rostrata nauis in portu deprehensa est. Depulsio est, concessio. Ratio, Vi & necessario sumus in portum coacti. Infirmatio est, Nauim ex lege tamen, populi esse oportet. Iudicatio est, Cum rostratam nauim in portu deprehensam lex publicarit, cumq; hæc nauis, inuius nautis, vi tempestatis in portum coniecta sit, oporteatne eam publicari. Horum trium generum idcirco vnum in locum contulimus exempla, quod similis in ea præceptio argumentorum traditur. Nam in his omnibus primum, si quid res ipsa dabit facultatis, coniecturam ab accusatore induci oportebit, ut id quod voluntate factum negabitur, consulto factum suspicione aliqua demonstretur. Deinde inducere definitionem necessitudinis, aut casus, aut imprudentiæ : & exempla ad eam definitionem adiungere, in quibus imprudentia fuisse videatur, aut casus, aut necessitudo : & ab his id quod reus inferat, separare, id est ostendere dissimile, quod leuius, facilius, non ignorabile, non fortuitum, non necessarium fuerit : postea demonstrare, potuisse vitari, & hac ratione provideri potuisse,



missis, si hoc, aut illud fecisset, aut nisi fecisset,  
 recaveri: & definitionibus ostendere non hanc  
 imprudentiam, aut casum, aut necessitudinem,  
 sed inertiam, negligentiam, fatuitatem nominari  
 oportere. Ac si qua necessitudo turpitudinem  
 videbitur habere, oportebit per locorum com-  
 munium implicationem redarguentem demon-  
 strare, Quidvis perperam, mori denique, satius fuisse,  
 quam eiusmodi necessitudini obtemperare. Atque  
 tum ex ijs locis, de quibus in negotiali parte di-  
 ctum est, iuris & æquitatis naturam oportebit  
 querere, & quasi in absoluta iuridicali per se  
 hoc ipsum ab rebus omnibus separatim conside-  
 rare. Atque hoc in loco, si facultas erit, exemplis vii  
 oportebit, quibus in simili excusatione non sit  
 motum: & contentione, magis illis ignoscendum  
 fuisse: & ex deliberationis partibus, turpe, aut  
 inutile esse, concedi eam rem, quæ ab adversario  
 commissa sit: permagnum esse, & magno futu-  
 rum detrimento, si ea res ab ijs, qui potestatem  
 habent vindicandi, neglecta sit. Defensor autem  
 cunctis omnibus his partibus poterit vii. Maxi-  
 me autem in voluntate defendenda commorabi-  
 tur, & in ea re adaugenda, quæ voluntati fuerit  
 impedimento, & se plus, quam fecerit, facere non  
 curasse: & in omnibus rebus voluntatem specta-  
 ri oportere, & se convinci non posse, quod non  
 sit a culpa: & ex suo nomine, communem ho-  
 minum infirmitatem posse damnari. Deinde ni-

hil indignius esse, quam eum qui culpa caret, supplicio non carere. Loci autem communes accusatoris, vnus in confessione, & alter, quanta potestas peccandi relinquatur, si semel institutum sit, vt non de facto, sed de facti causa queratur. Defensoris autem, conquestio calamitatis eius, quæ non culpa, sed vi maiore quadam acciderit: & de fortunæ potestate, & hominum infirmitate: & vi suum animum, non euentum considerent. In quibus omnibus, conquestionem suarum arumnarum, & crudelitatis aduersariorum indignationem inesse oportebit. Ac neminem mirari conueniet, si aut in ijs, aut in alijs exemplis scripti quoque controuersiam adiumentam videbit. Quo de genere post erit nobis separatim dicendū, propterea quod quedam genera causarum simpliciter, & ex sua vi considerantur: quedam autem sibi aliud quoque aliquod controuersie genus assumunt. Quare omnibus cognitis, non erit difficile in vnamquamque causam transferre, quod ex eo quoque genere conueniet: vt in his exemplis concessionis inest omnibus scripti controuersia ea, quæ ex scripto & sententia nominatur. Sed quia de confessione loquebamur, in eam præcepta dedimus: alio autem loco de scripto, et sententia decemus: nunc in alteram concessionis partem considerationem intendemus. Deprecatio est, in qua non defensio facti, sed ignoscendi postulatio continetur. Hoc

genus

genus vix in iudicio probari potest: ideo quod, concessio peccato, difficile est ab eo, qui peccatorum iudex esse debet, ut ignoscat impetrare. Quare parte eius generis, cum causam non ideo constitueris, ut depreceris, uti licebit. Ut si pro aliquo claro aut forti viro, cuius in remp. multa sint beneficia, dixeris, possis, cum videaris non uti deprecatione, uti tamen ad hunc modum: Quod si, iudices, hic pro suis beneficijs, pro suo studio, quod in vos habuit semper, tali suo tempore multorum suorum recte factorum causa uni delicto ut ignosceretis postularet: tamen dignum vestra mansuetudine, dignum virtute huius esset, iudices, a vobis hanc rem, hoc postulante impetrari. Deinde augere beneficia licebit, & iudices per locum communem ad ignoscendi voluntatem ducere. Quare hoc genus, quamquam in iudicijs non versatur, nisi quadam ex parte, tamen quia & pars ipsa inducenda nonnunquam est, & in senatu, ac consilio saepe omni in genere tractanda: in id quoque praecepta ponemus. Nam in senatu, & in consilio de Siphace diu deliberatum est: & de Q. Numitorio Pullo, apud L. Opimum, & eius consilium\* diu dictum est: & magis in hoc quidem ignoscendi, quam cognoscendi postulatio valuit. Nam semper animo bono se in populum Romanum fuisse non tam facile probabat, cum coniecturali constitutione uteretur, quam, ut propter posterius beneficium sibi ignoscereur, cum depre-

cationis partem adiungeret. Oportebit enim igitur, qui sibi ut ignoscatur, postulabit, commemorare, si qua sua poterit beneficia: & si poterit, ostendere ea maiora esse, quam hæc quæ deliquerit, ut plus ab eo boni, quam mali profectum esse videatur: deinde maiorum suorum beneficia, si qua exstabant, proferre: deinde ostendere non odio, neque crudelitate fecisse, quod fecerit, sed aut stultitia, aut impulsu alicuius, aut aliqua honesta aut probabili causa: postea polliceri & confirmare, se & hoc peccato doctum, & beneficio eorum, qui sibi ignoverint, confirmatum, omni tempore à tali ratione absuturum: deinde spem ostendere aliquo se in loco, magno iis, qui sibi concesserint, usui futurum: postea si facultas erit, se aut consanguineum, aut iam à maioribus in primis amicum esse demonstrabit, & amplitudinem suæ voluntatis, & nobilitatem generis eorum, qui se saluum velint, & dignitatem ostendere, & cetera ea, quæ personis ad honestatem & amplitudinem sunt attributa, cum conqueſtione, sine arrogancia in se esse demonstrabit, ut honore potius aliquo, quam ullo supplicio dignus esse videatur. Deinde ceteros proferre, quibus maiora delicta concessa sint. Ac multum proficiet, si se misericordem in potestate, & propensum ad ignoscendum fuisse ostendet. Atque ipsum illud peccatum erit extenuandum, ut quamminimè obfuisse videatur, & aut turpe, aut inutile demonstrandum

tum tali de homine supplicium sumere : deinde  
 iocis communibus misericordiam captare oportet.  
 his ex ijs præceptis, quæ in primo libro sunt expo-  
 sita. Aduersarius autem malefacta augebit, ni-  
 hil imprudenter, sed omnia ex crudelitate, &  
 malitia facta dicet. Ipsum immisericordem, su-  
 perbum fuisse : & si poterit, ostendet semper ini-  
 micum fuisse, & amicum fieri nullo modo posse.  
 Si beneficia proferet, aut aliqua de causa facta,  
 non propter beneuolentiam demonstrabit, aut  
 postea odium esse acre susceptum, aut illa omnia  
 maleficijs esse deleta, aut leuiora beneficia quam  
 maleficia, aut cum beneficijs honos habitus sit,  
 pro maleficio poenam sumi oportere : deinde tur-  
 pe esse, aut inutile ignosci : deinde de quo, re-  
 potestas esset, sæpe optarint, in eum potestate non  
 cuius summam esse stultitiam : & cogitare oportet,  
 quem animum in eum, vel quale odium ha-  
 buerint. Locus autem communis erit, indignatio  
 maleficijs, & alter, Eorum misereri oportere, qui  
 propter fortunam, non propter malitiam in mi-  
 serijs sint. Quoniam igitur in generali constitu-  
 tione tamdiu propter eius partium multitudi-  
 nem commoramur, ne forte varietate, & dissi-  
 militudine rerum deductus alicuius animus in  
 quendam errorem deferatur, quid etiam nobis  
 ex eo genere restet, & quare restet, admonen-  
 dum videtur. Inuidicalem causam esse diceba-  
 mus, in qua æqui, & iniqui natura, præmijs aut

pœnæ ratio quæreretur. Eas causas, in quibus de æquo & iniquo queritur, exposuimus: nunc restat ut de præmio, & de pœna explicemus. Sunt enim multæ causæ, quæ ex præmij alicuius petitione constant. nam & apud indices de præmio sæpe accusatorum queritur: & à senatu, aut consilio aliquod præmium sæpe petitur. Ac neminem conveniet arbitrari nos, cum aliquod exemplum ponamus, quod in senatu agatur, ab iudicali genere exemplorū recedere. Quidquid enim de homine probando, aut improbando dicitur, cum ad eam dictionem sententiarum quoque ratio accommodetur, id non, si per sententiæ dictionem agitur, deliberativum est, sed quia de homine statuitur, iudiciale est habendum. Omnino autem qui diligenter omnium causarum vim & naturam cognoverit, cum \* genere primo, tum etiam forma eas intelliget dissidere. Ceteris autem partibus aptas inter se omnes, & aliam in aliam implicatam videbit. Nunc de præmijs consideremus. L. Licinius Crassius consul quosdam in citeriore Gallia nullo illustri, neque certo duce, neque eo nomine, neque numero præditos, ut digni essent qui hostes pop. Rom. esse dicerentur: quod tamē excursionibus, & latrocinij infestam provinciam redderent, consecratus est, & consecit. Romam redijt, triumphum ab senatu postulat. Hic, ut & in deprecatione nihil attinet, rationibus & infirmationibus rationum supponendis

ad

ad indicationem peruenire: propterea quod, nisi alia quoq; incidet constitutio, aut pars constitutionis, simplex erit indicatio, & in quaestione ipsa continebitur. In deprecatione, huiusmodi, Oportetne pœna affici, In hac, huiusmodi, Oportetne prœmium dari. Nunc ad prœmij quaestionem appositos locos exponemus. Ratio igitur prœmij quattuor est in parteis distributa: in beneficia, in hominem, in prœmij genus, in facultates. Beneficia ex sua vi, ex tempore, ex animo eius cui fecerit, & casu cōsiderantur. Ex sua vi, quaeritur hoc modo: Magna an parua, facilia an difficilia, singularia sint an vulgaria, vera, an falsa quoadam ex oratione honestentur. Ex tempore autem, si tum, cum indigeremus, cum ceteri non possent, aut nollent opitulari, si tum cum spes deservisset, \* opitulatus sit. Ex animo, si non sui cōmodi causâ, sed eo cōsilio fecit omnia, ut hoc cōficere posset. Ex casu, si nō fortuna, sed industria factum videbitur, aut, si industriæ fortuna obstitit. In hominem autem, quibus rationibus vixerit, quid sumptus in eam rem, aut laboris insumpserit, & si quid aliquando tale fecerit, num alieni laboris, aut decorum bonitatis prœmium sibi postulet: num aliquando ipse talem ob causam aliquem prœmio affici negarit oportere: aut, num iam satis pro eo quod fecerit, honos habitus sit: aut, num necesse fuerit ei facere id quod fecerit: aut, num huiusmodi sit factum, ut, nisi fecis-

set, supplicio dignus esset, non quia fecerit, præmio: aut, num ante tempus præmium petat, & sp̃e incertam certo venditet pretio: aut, num quod supplicium aliquod vitet, eo præmium postulet, vñ de se præiudicium factum esse videatur. In præmij autem genere, quid, & quantum, & quā obrem postuletur, & quo, & quanto quæque res præmio digna sit, cōsiderabitur: deinde apud maiores, quibus hominibus, & quibus de causis talis honos sit habitus, quæretur: deinde ne is honos nimium pervagetur. Atque hic eius, qui contra aliquem præmium postulantiem dicet, locus erit communis, Præmia virtutis & officij sancta, & casta esse oportere: neque ea, aut cum improbis communicari, aut in mediocribus hominibus per-  
vulgari. Et alter, Minus homines virtutis cupidos fore, virtutis præmio pervulgato. Quæ enim rara & ardua sint, ea ex præmio pulchra & iucunda hominibus videri. Et tertius, si existant qui apud maiores nostros ob egregiam virtutem tali honore dignati sunt, nonne de sua gloria, cum pari præmio tales homines affici videant, delibari putent? & eorum enumeratio, & cum eis, quos contra dicat, comparatio. Eius autem, qui præmium petet, facti sui amplificatio, & eorum qui præmio affecti sunt, cum suis factis contentio: deinde ceteros à virtutis studio repulsum iri, si ipse præmio non sit affectus. Facultates autem considerantur, cum aliquod pecuniarium præmi-



non postulatur, in quo verum copiane sit agri, vestigalium, pecuniæ, an penuria consideratur. Loci communes, facultates augere, non minuere oportere: & impudens esse, qui pro beneficio non gratiam, verum mercedem postulet: contra autem de pecunia ratiocinari sordidum esse, cum de gratia referenda deliberetur: & se non pretium pro facto, sed honorem, ita ut factitatum sit, pro beneficio postulare. Ac de constitutionibus quidem satis dictum est: nunc de iis controversiis, quæ in scripto versantur dicendum videtur.

IN SCRIPTO versatur controversia, cum excriptionis ratione aliquid dubij nascitur. Id fit ex ambiguo, ex scripto & sententia, ex contrariis legibus, ex ratiocinatione, ex definitione. Ex ambiguo autem nascitur controversia, cum quid senserit scriptor, obscurum est, quod scriptum duas pluresve res significat, ad hunc modum: Pater familias, cum filium heredem faceret, vasum argenteorum centum pondo uxori suæ sic legavit: HERES meus uxori meæ vasorum argenteorum pondo centum, quæ volet, dato. Post mortem eius, vasa magnifica, & pretiose calata petiit à filio mater: ille si quæ ipse vellet, debere dicit. Primum, si fieri poterit, demonstrandum est, non esse ambigue scriptum, propterea quod omnes in consuetudine sermonis sic uti solent eo verbo uno, pluribusve in ea sententia, in qua is

qui dicet, accipiendū esse demonstrabit: deinde ex superiore, & ex inferiore scriptura docendum, id quod queratur, fieri perspicuum. Quare, si ipsa separatim ex se verba considerentur, omnia, aut pleraq; ambigua visum iri: quæ autem ex omni considerata scriptura perspicua fiant, hæc ambigua non oportere existimari. Deinde qua in sententia scriptor fuerit, ex ceteris eius scriptis, ex factis, ex dictis, animo, atque vita eius sumi oportebit: & eam ipsam scripturam, in qua inerit illud ambiguum, de quo queritur, totam omnibus ex partibus pertentare, si quid, aut ad id appositum sit, quod nos interpretemur, aut ei, quod aduersarius intelligat, aduersetur. Nam facile, quid verisimile sit eum voluisse, qui scripsit, ex omni scriptura, & ex persona scriptoris, atque his rebus quæ personis attributæ sunt, considerabitur: deinde erit demonstrandum, siquid ex ipsa re dabitur facultatis, id quod aduersarius intelligat, multo minus commodè fieri posse, quam id quod nos accipimus: quod illius rei neque administratio, neque exitus ullus exstet: nos quod dicamus, facile & commodè transigi posse, ut in hac lege: (nihil enim prohibet fictam legem exempli loco ponere, quo facilius res intelligatur.) MERETRIX coronam auream ne habero: si habuerit, publica esto: contra cum qui meretricem publicari dicat ex lege oportere, possit dici, neq; administrationem esse ullam publicam.

blic  
pub  
strat  
nihil  
opor  
tellig  
cessa  
si id,  
vile  
id, qu  
dicen  
contr  
quod  
esse d  
demon  
aduer  
ut in  
ritur, p  
bi, quæ  
enim n  
heres q  
cum he  
adscrip  
hoc ge  
portebit  
esser, no  
ex his  
Deinde  
ut, quoc

blicæ meretricis, neq, exitum legis in meretrice publicanda: at in auro publicando & administrationem, & exitum facilem esse, & incommodi nihil inesse. Ac diligenter illud quoq, attendere oportebit, num illo probato, quod aduersarius intelligat, utilior res, aut honestior, aut magis necessaria, à scriptore neglecta videatur. Id fiet, si id, quod nos demonstrabimus, honestum, aut utile, aut necessarium demonstrabimus: & si id, quod ab aduersarijs dicitur, minime eiusmodi dicemus esse: deinde, si in lege erit ex ambiguo controuersia, dare operam oportebit, ut de eo, quod aduersarius intelligat, alia in lege cauum esse doceatur. Permulum autem proficiet illud demonstrare, quemadmodum scripisset, si id, quod aduersarius accipiat, fieri aut intelligi voluisset: ut in hac causa, in qua de vasis argenteis quaeritur, possit mulier dicere, nihil attinuisse adscribi, quæ uolet, si heredis voluntati permitteret. Eo enim non adscripto, nihil inesse dubitationis, quin heres quæ ipse uellet, daret. Amētię igitur fuisse, cum heredi uellet cauere, id adscribere, quo non adscripto, nihilominus heredi caueretur. Quare hoc genere magnopere talibus in causis uti oportebit: si hoc modo scripisset, isto uerbo usus nō esset, non isto loco uerbum istud collocasset. Nam ex his sententia scriptoris maxime perspicitur. Deinde quo tempore scriptum sit, querendum est, ut, quod cum uoluisse in eiusmodi tempore veri-

simil. sit, intelligatur. Post ex deliberationis partibus, quid utilius, & quid honestius, & illi ad scribendum, & his ad comprobandum sit, demonstrandum: & ex his siquid amplificationis dabitur, communibus utrumque locis uti oportebit. Ex scripto & sententia controuersia consistit, cum alter verbis ipsis, quæ scripta sunt, utitur, alter ad id, quod scriptorem sensisse dicet, omnem adiungit dictionem. Scriptoris autem sententia ab eo, qui sententia se defendet, tum semper ad idem spectare, & idem velle demonstrabitur: tum aut ex facto, aut ex euentu aliquo ad tempus id, quod instituit, accommodatur. Semper ad idem spectare, hoc modo: Paterfamilias cum liberorum nihil haberet, uxorem autem haberet, in testamento ita scripsit: \* SI MIHI FILIVS genitur vnus, pluresue, is mihi heres esto. Deinde, quæ assolent. Postea, SI FILIVS ante moritur, quam in tutelam suam venerit, \* tum mihi ille secundus heres esto. Filius non est natus. ambigunt agnati cum eo, qui est secundus heres. si filius ante, quam in tutelam veniat, mortuus sit. In hoc genere non potest hoc dici ad tempus, aut ad euentum aliquem sententiam scriptoris oportere accommodari: propterea quod ea sola demonstratur, qua fretus ille, qui contra scriptum dicet suam esse hereditatem defendit. Alterum autem genus est, eorum, qui sententiam inducunt, in quo  
non

non s  
in om  
leat:  
pus i  
cialis  
induc  
aperit  
bello  
ne ab  
prope  
tio cr  
nium,  
litura  
cidit.  
lex, q  
præsti  
profes  
& per  
& per  
ut in  
ia sen  
luisse  
modi  
is, qu  
omnib  
Prim  
muni:  
ptum  
guimu

non simplex voluntas scriptoris ostenditur, quæ in omne tempus, & in omne factum idem valeat: sed ex quodam facto, aut euentu ad tempus interpretanda dicitur. Ea partibus iudicialis assumptiue maxime sustinetur. Nam tum induciitur comparatio: ut in eum qui, cum lex aperiri portas noctu vetaret, aperuit quodam in bello, & auxilia quædam in oppidum recepit, ne ab hostibus opprimerentur, si foris essent: quod prope muros castra hostes haberent. Tum relatio criminis, ut in eo qui, cum communis lex omnium, hominem occidere vetaret: tribunum militum suum, qui vim sibi inferre conabatur, occidit. Tum remotio criminis, ut in eo qui, cum lex, quibus diebus in legationem proficisceretur præstiuerat, quia sumptum non dedit, quæstor, profectus non est. Tum concessio per purgationem & per imprudentiam, ut in viuli immolatione: & per vim, ut in naui rostrata: & per casum, ut in Eurotæ fluminis magnitudine, Quare aut via sententia inducetur, ut unum quiddam voluisse scriptor demonstretur: aut sic, ut in eiusmodi re & tempore hoc voluisse doceatur. Ergo is, qui scriptum defendit, his locis plerumque omnibus, maiore autem parte semper poterit uti. Primum scriptoris collaudatione, & loco communi: Nihil eos qui iudicent, nisi id quod scriptum sit, spectare oportere: & hoc eo magis, si legimum scriptum proferetur, id est, aut lex ipsa,

aut ex lege aliquid : postea , quod vehemen-  
tissimum est , facti aut intentionis aduersariorum  
cum ipso scripto contentione : quid scriptum sit,  
quid factum , quid iuratus index : quem locum  
multis modis variare oportebit : tum ipsum secum  
admirantem quidnam contra dici possit : tum ad  
iudicis officium reuertentem , & ab eo queren-  
tem , quid præterea audire , aut expectare debeat :  
tum ipsum aduersarium , quasi in iudicis loco pro-  
ducendo , hoc est interrogando , utrum scriptum ne-  
get esse eo modo , an ab se contra factum esse : aut  
contra contendere neget : utrum negare ausus sit :  
se dicere desitutum . Si neutrum neget , & contra  
tamen dicat nihil esse quod hominem impuden-  
tiores quisquam se visurum arbitrentur . in hoc  
ita commorari conueniet , quasi nihil præterea di-  
cendum sit , & quasi contra dici nihil possit : sæpe  
id quod scriptum est , recitando , sæpe cum scripto  
factum aduersary confligendo , atque interdum  
acriter ad iudicem ipsum reuertendo .

Quo in loco iudici demonstrandum est , quid  
iuratus sit , quid sequi debeat : duabus de causis  
iudicem dubitare oportere , si aut scriptum sit  
obscure : aut neget aliquid aduersarius . cum &  
scriptum sit aperte , & aduersarius omnia con-  
fiteatur , tum iudicem legi parere , non interpre-  
tari legem oportere . Hoc loco confirmato , \* tum  
diluere ea quæ contra dici poterant , oportebit .  
Contra autem dicetur , si aut prorsus aliud sen-  
sisse

fisse scriptor, & scripsisse aliud demonstrabitur, ut in illa de testamento, quam posuimus, controversia: aut causa assumptiva inferretur, quam obrem scripto non potuerit, aut non oportuerit obtemperari. Si aliud sensisse scriptor, aliud scripsisse dicetur, is qui scripto utitur, hoc dicet, Non oportere de eius voluntate nos argumentari: qui ne id facere possemus, indicium nobis reliquerit suae voluntatis: multa incommoda consequi, si instituatur, ut a scripto recedatur. Nam & eos qui aliquid scribant, non existimaturos id, quod scripserint, ratum futurum: & eos, qui iudicent, certum quid sequantur, nihil habituros, si semel a scripto recedere consueverint. Quod si voluntas scriptoris conseruanda sit, se, non aduersarios a voluntate eius stare. Nam multo propius accedere ad scriptoris voluntatem eum, qui ex ipsius eam litteris interpretetur, quam illum qui sententiam scriptoris non ex ipsius scripto spectet, quod ille suae voluntatis, quasi imaginem reliquerit: sed domesticis suspicionibus perscrutetur. Sin causam afferet is, qui a sententia stabit: Primum nit contra dicendum. Quam absurdum non negare contra legem fecisse: sed quare fecerit, causam aliquam inuenire: Deinde \* conuersa esse omnia ante solitos esse accusatores iudicibus persuadere, affinem esse alicuius culpae eum, qui accusaretur: causam proferre, quae eum ad peccandum impulisset: nunc ipsum reum causam afferre

quare deliquerit : deinde hanc inducere partitionem, cuius in singulas partes multæ conuenient argumentationes. Primum, Nulla in lege ullam causam contra scriptum accipi conuenire : deinde si in ceteris legibus conueniat : hanc esse eiusmodi legem, ut in ea non oporteat. Postremo, si in hac quoque lege oporteat, hanc quidem causam accipi minime oportere. Prima pars his fere locis confirmabitur, scriptori neque ingenium, neque operam, neque ullam facultatem defuisse quo minus posset aperte perscribere id quod cogitaret : non fuisse ei graue, nec difficile eam causam excipere, quam aduersarij proferant, si quidquam excipiendum putasset : consueuisse eos qui leges scribant, exceptionibus uti. Deinde oportet recitare leges cum exceptionibus scriptas : & maxime videre, si qua in ea ipsa lege qua de agitur, sit exceptio aliquo in capite, aut apud eundem legis scriptorem, quo magis probeatur, eum fuisse excepturum, siquid excipiendum putaret, & ostendere causam accipere, nihil aliud esse, nisi legem tollere : ideo quod, cum semel causa consideretur, nihil attineat eam ex lege considerare : quippe quæ in lege scripta non sit. Quod si sit institutum, omnibus causam dari, & potestatem peccandi : cum intellexerint, vos ex ingenio eius, qui contra legem fecerit, non ex lege, in quâ iurati sitis, rem iudicare. Deinde & ipsis iudicibus indicandi, & ceteris civibus viuendi rationes



ones perturbatum iri: si semel a legibus recess-  
 sit. Nam & indices neque quid sequantur  
 habituros, si ab eo quod scriptum sit, recedant:  
 neque quo pacto alijs improbare possint, quod cō-  
 tra legem iudicarint: & ceteros ciues, quid agās  
 ignoraturos, si ex suo quisque consilio, & ex ea  
 ratione quæ in mētem aut in libidinem venerit,  
 non ex communi præscripto ciuitatis vnamquāq;  
 rem administrabit. Postea quærere a iudicibus  
 ipsis, quare in alienis detineantur negotijs, cur  
 reipublicæ munere impediantur, cum sæpius suis  
 rebus, & commodis seruire possint: cur in cer-  
 uerba iurent, cur certo tempore conueniant,  
 certa discedant. Nihil quisquam afferat causæ,  
 quo minus frequenter operam reipub. det, nisi  
 hæc causæ ex lege excepta sit: an se legibus ob-  
 strictos in tantis molestijs esse æquum censeant:  
 aduersarios nostros leges negligere concedant.  
 Deinde item quærere ab iudicibus, si \* eius rei  
 causam, propter quam se reus contra legem fe-  
 cisse dicat, exceptionem ipse in lege adscribat,  
 passurine sint: postea hoc quod faciat, indignius  
 & impudentius esse, quam si adscribat. Age  
 porro, quid si ipsi velint iudices adscribere, pas-  
 surusne sit populus? atque hoc esse indignius,  
 quam rem verbo & litteris mutare non possint,  
 tam re ipsa, & iudicio maxime commutare. De-  
 inde indignum esse de lege aliquid derogari, aut  
 legem abrogari, aut aliqua ex parte commutari,

cum populo cognoscendi, & probandi, aut impro-  
bandi potestas nulla fiat. hoc ipsis iudicibus inui-  
diosissimum futurum. Non hunc locum esse, neque  
hoc tempus legum corrigendarum : apud populum  
hoc, & per populum agi convenire : quod si nemo  
id agant : velle se scire qui lator sit, qui sint acce-  
pturi : se actiones videre, & dissuadere velle.  
Quod si hæc cum summe inutilia, tum multo tur-  
pissima sint : legem cuiuscumque sit, in præsentia  
conseruari a iudicibus : post, si displiceat, a populo  
corrigi convenire. Deinde si scriptum non exsta-  
ret, magnopere queremus : neque isti, ne si extra  
periculum quidē esset, crederemus. Nunc cū scri-  
ptum sit, amentiam esse eius qui peccarit, potius,  
quam legis ipsius verba cognoscere. His & hu-  
iusmodi rationibus ostēditur, causam extra scri-  
ptum accipi non oportere. Secūda pars est, in qua  
est ostendendum si in ceteris legibus oporteat, in  
hac non oportere. Hoc demonstrabitur, si lex aut  
ad res maximas, vtilissimas, honestissimas, reli-  
giosissimas videbitur pertinere : aut inutile, aut  
turpe, aut nefas esse tali in re non diligentissime  
legi obtemperare : aut ita lex diligēter perscripta  
demonstrabitur, ita cautum unaquaq; de re, &  
ita quod oportuerit exceptum, ut minime conue-  
niat quidquam in tam diligēti scriptura præteri-  
tum arbitrari. Tertius locus est ei, qui pro scripto  
dicet, maxime necessarius, per quem ostendat o-  
portet, si conveniat, causam contra scriptum ac-  
cipi,

tam tamen minime oportere, quæ ab ad-  
 versariis afferatur. Qui locus idcirco est huic  
 necessarius, quod semper is, qui contra scriptum  
 agit, æquitatis aliquid afferat oportet. Nam  
 nimia impudentia est, eum qui contra quod  
 scriptum sit, aliquid probare velit, non æquita-  
 tis præsidio id facere conari. Siquid igitur ex hac  
 causa quippiam accusator deroget, omnibus par-  
 tibus iustius & probabilius accusare videatur.  
 Nam superior oratio hoc omnis faciebat, uti iu-  
 dices, etiam si nollent, necesse esset: hac autem,  
 etiam si necesse non esset, ut vellent, contra iu-  
 dicare. Id autem fiet, si quibus ex locis culpa de-  
 monstrabitur esse in eo, qui comparatione, aut re-  
 motione, aut relatione criminis, aut concessio-  
 nis partibus se defendit, de quibus ante, ut po-  
 nimus, diligenter perscripsimus, de his locis quæ  
 res postulabit, ad causam adversariorum impro-  
 bandam transferemus, aut causæ & rationes af-  
 ferentur, quare, & quo consilio ita sit in lege, aut  
 in testamento scriptum, ut sententia quoque, &  
 voluntate scriptoris, non ipsa solum scripturæ  
 causa confirmatum esse videatur: aut alijs quo-  
 que constitutionibus factum coarguetur. Contra  
 scriptum autem qui dicet, primum eum indu-  
 cet locum, per quem æquitas causæ demonstre-  
 tur: aut ostendet quo animo, quo consilio, qua de  
 causa fecerit: & quamcumque causam assumeret,  
 assumptionis partibus se defenderet: de quibus ante

dictum est. Atque hoc in loco, cum diutius commoratus sui facti rationem, & equitatem causae exornauerit: tum ex his locis fere contra aduersarios dicet, oportere causas accipi: demonstrabit nullam esse legem, quae aliquam rem inutilem aut iniquam fieri velit: omnia supplicia quae a legibus proficiuntur, culpae ac malitiae vindicandae causa constituta esse. Scriptorem ipsum, si existat, factum hoc probaturum: & idem ipsum, si ei talis res accidisset, facturum fuisse: & ea re legis scriptorem certo ex ordine iudices, certa aetate praeditos constituisse, ut essent, non qui scriptum suum recitarent, quod quivis puer facere posset: sed qui cogitationem assequi possent, & voluntatem interpretari. Deinde illum scriptorem, si scripta sua stulis hominibus, & barbaris iudicibus committeret, omnia summa diligentia perscripturum fuisse: nunc vero quod intelligeret quales viri iudicaturi essent, idcirco eum quae perspicua videret esse, non adscripsisse: neque enim vos scripti sui recitatores, sed voluntatis interpretes fore putavit. Postea querere ab aduersariis, quid si hoc fecissem? quid si hoc accidisset? eorum aliquid in quibus aut causa sit honestissima, aut necessitudo certissima, tamenne accusaretis? Atqui haec lex nusquam excepit. Non ergo omnia scriptis, sed quaedam, quae perspicua sunt, tacitis exceptionibus caueri. Deinde nullam rem neque legibus,

gibus, neque scriptura ulla, denique ne in ser-  
mone quidem quotidiano atque imperijs dome-  
sticis recte posse administrari, si unusquisque  
velit verba spectare, & non ad voluntatem eius,  
qui ea verba habuerit, accedere. Deinde ex uti-  
litas & honestatis partibus ostendere, quam  
inutile, aut quam turpe sit id, quod aduersarij  
dicant fieri oportuisse, aut \* potuisse: & id, quod  
nos fecerimus aut postulamus, quam utile aut  
quam honestum sit. Deinde leges nobis charas  
esse non propter litteras, quæ tenues & obscuræ  
sunt voluntatis, sed propter earum rerum,  
quibus de scriptum est utilitatem, & eorum, qui  
scripserint, sapientiam & diligentiam. Postea  
quid sit lex describere, ut ea videatur in senten-  
tijs, non in verbis consistere: & iudex is videatur  
legi obtemperare, qui sententiam eius, non qui  
scripturam sequatur. Deinde quam indignum  
sit, eodem affici supplicio eum, qui propter ali-  
quod scelus & audaciam contra legem fecerit:  
& eum qui honesta aut necessaria de causa, non  
absentia, sed ab litteris legis recesserit, atque  
his & huiusmodi rationibus, & accipi causam,  
& in hac lege accipi, & eam causam quam ipse  
offerat, oportere accipi demonstrabit. Et quem-  
admodum ei dicebamus, qui a scripto diceret,  
hoc fore utilissimum, si quid de aequitate ea, quæ  
cum aduersario staret, derogasset: sic huic qui  
contra scriptum dicet, plurimum proderit ex

ipsa scriptura aliquid ad suam causam conuertere, aut ambigue aliquid scriptum ostendere: deinde ex illo ambiguo eam partem, quæ sibi profit, defendere: aut verbi definitionem inducere: & illius verbi vim, quo urgeri videatur, ad suæ causæ commodum traducere: aut ex scripto non scriptum aliquid inducere per ratiocinationem: de qua post dicemus. Quacumque autem in re, quamvis leniter probabili scripto ipso se defenderit, etiam cum æquitate causæ abundabit, necessario multum proficiet: ideo quod si id, quo nititur aduersariorum causæ, subduxerit: omnem illam eius vim & acrimoniam lenierit, ac diluerit. Locī autem communes certis ex assumptionis partibus in utramque partem conuenient. Præterea eius, qui a scripto dicet, Leges ex se, non ex eius qui contra commiserit, uilitate spectari oportere: & legibus antiquius haberi nihil oportere. Contra scriptum, leges in consilio scriptoris & uilitate communi non in uerbis consistere. Quam indignum sit æquitatem litteris urgeri, quæ uoluntate eius qui scripserit, defendatur. Ex contrarijs autem legibus controuersia nascitur, cum inter se duæ uidentur leges, aut plures discrepare, hoc modo: Lex, **Q**ui tyrannum occiderit, Olympionicarum præmiū capito, & quam uolet sibi rem a magistratu deposcito, & magistratus ei cōcedito. Et altera lex, **T**YRANNO occiso quinq; eius

proxi-

proximos cognatione, magistratus necato. Alexandrum, qui apud Pheræos in Theſſalia tyrannidem occupauerat, vxor ſua, cui Thebe nomen fuit, noctu, cum ſimul cubaret, occidit. Hæc filium ſuum quem ex tyranno habebat, ſibi præmij loco depoſcit. Sunt qui ex lege puerum occidi dicant oportere. Res in iudicio eſt. In hoc genere vtramque in partem ijdem loci, atque eadem præcepta conuenient, ideo quod vterque ſuam legem confirmare, contrariam infirmare debebit. Primum igitur leges oportet contendere, conſiderando vtra lex ad maiores, hoc eſt ad vtiliores, ad honeſtiores ac magis neceſſarias res pertineat. Ex quo conſicitur, vt ſi leges duæ, aut ſi plures, aut quotquot erunt, conſeruari non poſſint, quia diſcrepens inter ſe: ea maxime conſeruanda putetur, quæ ad maximas res pertinere videatur. Deinde vtra lex poſterior ſit. Nam poſtrema quæque grauiffima eſt. Deinde vtra lex iubeat aliquid, vtra permittat. Nam id, quod imperatur, neceſſarium, illud, quod permittitur, voluntarium eſt. Deinde in vtra lege, ſi non obtemperatum ſit, pœna afficiatur, aut in vtra maior pœna ſtatuitur. Nam maxime conſeruanda eſt ea, quæ diligentiffime ſancta eſt. Deinde vtra lex iubeat, vtra vetet. Nam ſæpe ea quæ vetat, quaſi exceptione quadam corrigere videtur illam quæ iubet: deinde vtra lex de genere omni, vtra de parte quadam, vtra communiter in plures,

*ut in aliquam certam rem scripta videatur.*  
*Nam quæ in partem aliquam, & quæ in certam*  
*quandam rem scripta est, promptius ad causam*  
*accedere videtur, & ad iudicium magis perti-*  
*nere: deinde ex lege utrum statim fieri necesse*  
*sit, utrum habeat aliquam moram, & sustenta-*  
*tionem. Nam id, quod statim faciendum sit, per-*  
*fici prius oportet: deinde operam dare,\* ut suo*  
*lex ipsa scripto videatur niti: contraria autem*  
*aut per ambiguum, aut per ratiocinationem, aut*  
*per definitionem induci, quo sanctius, & firmitus*  
*id videatur esse, quod apertius scriptum sit: de-*  
*inde suæ legis ad scriptum, ipsam sententiâ quo-*  
*que adiungere, contrariam legem item ad aliam*  
*sententiam traducere: ut, si fieri poterit, ne dis-*  
*crepare quidem videantur inter se: postremo fa-*  
*cere, si causa facultatem dabit, ut nostræ ratione*  
*utraq; lex conservari videatur, & adversa-*  
*riorum ratione, altera sit necessario negligenda.*  
*Locos autem communes, & quos ipsa causa det,*  
*videre oportebit, & ex utilitatis & honestatis*  
*amplissimis partibus sumere, demonstrantem per*  
*amplificationem ad utram potius legem accede-*  
*re oporteat. Ex ratiocinatione nascitur contro-*  
*versia, cum ex eo quod uspiam est, ad id quod*  
*nusquam scriptum est, pervenitur, hoc pacto: Lex,*  
*SI FURIOSUS est, agnatum gentiliumque*  
*in eo pecuniaque eius potestas esto. Et lex, Pa-*  
*ter familias uti super familia pecuniaq; sua\* le-*  
*gasset,*

gass  
 LI  
 agn  
 est  
 pote  
 sum  
 gati  
 esse  
 prof  
 dam  
 & t  
 bun  
 sum  
 sum  
 fia e  
 is q  
 prof  
 supp  
 men  
 cina  
 ut e  
 test  
 arg  
 arb  
 laue  
 qua  
 nen  
 con  
 nen



gassit, ita ius esto. Et lex, SI PATER FAMILIAS intestatus moritur, familia pecuniaque eius agnatorum gentiliumque esto. Quidam indicatus est parentem occidisse, & statim, quod effugiendi potestas non fuit, lignæ solæ in pedes \* inditæ sunt: os autem obuolutum est folliculo, & præligatum: deinde est in carcerem deductus, ut ibi esset tantisper, dum culeus in quem coniectus in profluentem deferretur, cōpararetur. Interea quidam eius familiares in carcerem tabulas afferunt, & testes adducunt. Heredes, quos ipse iuber, scribunt: tabulæ obsignantur. De illo post supplicium sumitur inter eos qui heredes in tabulis scripti sunt, & inter agnatos de hereditate controuersia est. Hic certa lex, quæ testamenti faciendi iis qui in eo loco sint, adimat potestatem, nulla profertur ex ceteris legibus, & quæ hinc ipsum supplicio huiusmodi afficiunt, & quæ ad testamenti faciendi potestatem pertinent, per rationationem veniendum est ad eiusmodi rationem, ut quærat, habueritne testamenti faciendi potestatem. Locos autem communes in hoc genere argumentandi hos & huiusmodi quosdam esse arbitramur: Primum eius scripti, quod proferas, laudationem & confirmationem: deinde eius rei, qua de quærat, cum eo de quo constet collationem eiusmodi, ut id de quo quæritur, rei de qua constet, simile esse videatur: postea admirationem percunctationem, qui fieri possit, ut qui hoc

æquum esse concedat, illud neget, quod aut æ-  
 quius, aut eodem sit in genere: deinde idcirco de  
 hac re nihil esse scriptum, quod cum de illa esset  
 scriptum, de hac is, qui scribebat, dubitatum  
 neminem arbitratus sit. Postea multis in legi-  
 bus multa esse præterita, quæ idcirco præterita  
 nemo arbitretur, quod ex ceteris, de quibus scrip-  
 tum sit, intelligi possint: deinde æquitas rei de-  
 monstranda est, ut in iuridicali absoluta. Contra  
 autem qui dicet, similitudinem infirmare debe-  
 bit. quod facies, si demonstrabit illud, quod con-  
 feratur, ab eo, cui conferatur, diuersum esse  
 genere, natura, vi, magnitudine, tempore, lo-  
 co, persona, opinione: si quo in numero illud,  
 quod per similitudinem affertur, & quo in loco  
 illud cuius causa afferretur haberi conueniat, o-  
 stendetur: deinde quid res cum re differat, de-  
 monstrabitur, ut non idem videatur de utraque  
 existimari oportere. Ac si ipse quoque poterit ra-  
 tiocinationibus rii, iisdem\* ratiocinationibus,  
 quibus ante prædictum est, utetur. si non poterit,  
 negabit oportere quidquam, nisi quod scriptum  
 sit, considerare: periclitari omnia iura, si simili-  
 tudines accipiantur: nihil esse pene, quod non  
 alteri simile esse videatur\* multis de dissimilibus  
 rebus: in vnâ quâque rem tantum singulas esse  
 leges: omnia posse inter se vel similia, vel dissi-  
 milia demonstrari. Loci communes à ratiocinatio-  
 ne, Oportere coniectura ex eo quod scriptum sit,

ad

ad id quod non sit scriptum, peruenire: & Nemi-  
nem posse omnes res per scripturam amplecti: sed  
eum commodissime scribere, qui curet ut quædā  
ex quibusdam intelligatur. Contra ratiocinatio-  
nem, Huiusmodi coniecturam diuinationem esse,  
& Stulti scriptoris esse, non posse omnibus de re-  
bus cauere quibus velit. Definitis est, cū in scri-  
pto verbum aliquod est positum, cuius de vi qua-  
ritur, hoc modo, Lex, QVI IN ADVERSA  
TEMPESTATE nauim reliquerint, omnia a-  
mittunt: eorū nauis & onera sunt, qui in nauī  
remanserint. Duo quidam, cum iam in alio nauī-  
garet, & eorū alterius nauis, alterius onus esset,  
naufragum quendam natantem, & manus ad se  
tendentem animaduenterunt. misericordia com-  
moti, nauim ad eum applicauerunt: hominē ad se  
sustulerūt. Postea aliquanto, ipsos quoq; tempestas  
reherentius iactare cepit, usque adeo ut domi-  
nus nauis, cum idem gubernator esset, in scapham  
cōfugeret, & inde funiculo, qui a puppi religatus  
scapham annexā trahebat, nani,\* qua posset, mo-  
deraretur: ille autem cuius merces erant, in gla-  
diū in nauī ibidem incumberet. Hic ille naufra-  
gus ad gubernaculum accessit, & nani, quoad po-  
uit, est opitulatus. Sedatis autem fluctibus, &  
tempestate iam commutata, nauis in portum pro-  
uehitur. Ille autem qui in gladium incubuerat,  
leniter sancius facile est ex vulnere recreatus.  
Nauim cum onere horum trium suam quisque

esse dicit. Hic omnes scripto ad causam accedunt, & ex nominis vi nascitur controuersia. Nam & relinquere nauem, & remanere in navi, denique naui ipsa quid sit, definitionibus quaeritur: istidem autem ex locis omnibus, quibus definitiua constitutio tractabitur. Nunc, expositis istis argumentationibus, quae in iudiciale causarum genus accommodantur, deinceps in deliberatiuum genus & demonstratiuum argumentandi locos & praecipua dabimus: non quo non in aliqua constitutione omnis semper causa versetur: sed quia proprii tantum harum causarum quidam loci sunt, non a constitutione separati: sed ad fines horum generum accommodati. Nam placet in iudicali genere finem esse aequitatem: hoc est, partem quaedam honestatis. In deliberatiuo autem Aristoteli placet utilitatem: nobis & honestatem & utilitatem: in demonstratiuo autem, honestatem. Quare in hoc quoque genere causae quaedam argumentationes communiter ac similes tractabuntur: quaedam separatius ad finem, quo referri omnem rationem oportet, adiungentur. Atque uniuscuiusque constitutionis exemplum supponere non grauaremur, nisi illud videremus, quemadmodum res obscurae, dicendo fierent apertiores, sic res apertas obscuriores fieri oratione. Nunc ad deliberationis praecipua pergamus.

RERUM experendarum tria genera sunt. Par autem numerus vitandarum ex contraria parte.

parte. Nam est quiddam, quod sua vi nos alliciat ad sese, non emolumento captans aliquo, sed trahens sua dignitate: quod genus, virtus, scientia, veritas est. Aliud autem non propter suam vim & naturam, sed propter fructum, atq; utilitatem expetendum: quod pecunia est. Est porro quiddam ex horum partibus iunctum, quod & sua vi, & dignitate \* nos ducit: & præ se gerit quandam utilitatem, quo magis expetatur, ut amicitia, bona existimatio. Atq; ex his, horum contraria facile, tacentibus nobis, intelligentur. Sed, ut expediens ratio tradatur, ea, quæ posuimus, breui nominabuntur. Nam in primo genere quæ sunt honesta appellabuntur. Quæ autem in secundo, utilia. Hæc autem tertia, quia partem honestatis & utilitatis continent, & quia maior est vis honestatis, iunctæ res omnino ex duplici genere intelligentur: sed in meliorem partem vocabuli conferantur, & honesta nominentur. Ex his illud conficitur, ut appetendarum rerum partes sint, honestas & utilitas: vitandarum, turpitudo & inutilitas. His igitur duabus rebus res duæ grandes sunt attributæ, necessitudo & affectio: quarum altera ex vi, altera ex re, & personis consideratur. De utraq; post apertius perscribemus. Nunc honestatis rationes primū explicemus. Quod autem totum, aut aliqua ex parte propter se petitur, honestum nominabimus. Quare, cum eius duæ partes sint, quarum altera simplex, altera iuncta

sit: simplicem prius consideremus. Est igitur in eo  
 genere, omnes res una vi, atque uno nomine am-  
 plexa virtus. Nam virtus est animi habitus na-  
 turæ modo rationi consentaneus. Quamobrem  
 omnibus eius partibus cognitis, tota vis erit sim-  
 plicis honestatis considerata. Habet igitur partes  
 quatuor: prudentiam, iustitiam, fortitudinem,  
 temperantiam. Prudentia est rerum bonarum &  
 malarum & virarumque scientia. Partes eius, me-  
 moria, intelligentia, providentia. Memoria est,  
 per quam animus repetit illa, quæ fuerunt. In-  
 telligentia est, per quam ea perspicit, quæ sunt.  
 Providentia est, per quam futurum aliquid vide-  
 tur ante, quam factum sit. Iustitia est habitus ani-  
 mi, communi utilitate conservata, suam cuique  
 tribuens dignitatem. Eius initium est ab natura  
 profectum: deinde quædam in consuetudinem ex  
 utilitatis ratione venerunt: postea res & ab na-  
 tura profectas, & ab consuetudine probatas, le-  
 gum metus, & religio sanxit. Natura ius est, quod  
 non opinio genuit, sed quædam innata vis infer-  
 nit: ut religionem, pietatem, gratiam, vindictio-  
 nem, observantiam, veritatem. Religio est, quæ su-  
 perioris cuiusdam naturæ (quam divinam vocant)  
 curam cærimoniamque affert. Pietas per quam san-  
 guine coniunctis, patriæque benevolis officium, &  
 diligens tribuitur cultus. Gratia, in qua amicitia-  
 rum & officiorum alterius memoria, & alterius  
 remunerandi voluntas cõnectitur. Vindicatio est,  
 per

per quam vis & iniuria, & omnino omne quod obfuturum est, defendēdo aut ulciscendo propulsatur. Observantia est, per quam homines aliqua dignitate antecedentes cultu quodam & honore dignantur. Veritas est, per quam immutata ea quæ sunt, aut ante fuerunt, aut futura sunt, dicuntur. Consuetudine ius est, quod aut leniter a natura tractum aluit: & maius fecit usus: ut religionē: aut, si quid eorum, quæ ante diximus, ab natura profectum, maius factū propter cōsuetudinē videmus: aut quod in morem vetustas, vulgi approbatione perduxit: quod genus, pactum, par, iudicatum. Pactum est, quod inter aliquos convenit. Par, quod in omnes æquabile est. Iudicatum, de quo alicuius aut aliquorum iam sententijs constitutum est. Lege ius est, quod in eo scripto, quod populo expositum est, ut observet, continetur. Fortitudo, est cōsiderata periculorū susceptio, & laborū perperessio. Eius partes, magnificentia, fidentia, patientia, perseverantia. Magnificentia, est rerum magnarū & excelsarū cum animi ampla quadā & splēdida propositione agitatio, atq; administratio. Fidentia est, per quam magnis & honestis in rebus multū ipse animus in se fiduciæ certa cum spe collocavit. Patientia, est honestatis aut utilitatis causa rerū arduarū, ac difficilium voluntaria ac diuturna perperessio. Perseverantia, est in ratione bene considerata, stabilis & perpetua permāsisio. Temperantia, est rationis in libidinem, atq;

in alios nō rectos impetus animi firma, & moderata dominatio. Eius partes sunt, continentia, clementia, modestia. Continentia, est per quam cupiditas, consilij gubernatione regitur. Clementia, per quam animi temere in odium alicuius\* inuectio concitata, comitate retinetur. Modestia, per quam pudor honestus, claram & stabilem comparat auctoritatem. Atq; hæc omnia propter se solum, ut nihil adiungatur emolumenti, petenda sunt. Quod ut demonstretur, neq; ad hoc nostrum institutum pertinet, & a breuitate præcipiendi remotum est. Propter se autem vitanda sunt, non ea modo, quæ his contraria sunt, ut fortitudini ignavia, & iustitiæ iniustitia: verum etiam illa, quæ propinqua videntur, & finitima esse: absunt autem longissime. quod genus, fidentie contrarium est diffidentia: & ea re vitium est: audacia non contrarium, sed appositum est, ac propinquum, & tamen vitium est. Sic unicuiq; virtuti finitimum vitium reperietur, aut certo iam nomine appellatum, ut audacia, quæ fidentie: pertinacia, quæ perseverantiæ finitima est: superstitio, quæ religioni propinqua est: aut sine ullo certo nomine. Quæ omnia item, uti contraria rerum bonarum, in rebus vitandis reponemus. Ac de eo quidem genere honestatis, quod omni ex parte propter se petitur, satis dictum est. Nunc de eo, in quo utilitas quoq; adiungitur, quod tamen honesti vocamus, dicendum videtur. Sunt igitur multa, quæ nos cum dignitate,



gnitate, tum quoque fructu suo \* ducunt, quo in genere est gloria, dignitas, amplitudo, amicitia. Gloria est frequens de aliquo fama cum laude. Dignitas alicuius honesta, & cunctis, & honore, & verecundia digna auctoritas. Amplitudo, potentiae aut maiestatis, aut aliquarum copiarum magna abundantia. Amicitia, voluntas erga aliquem rerum bonarum, illius ipsius causa quem diligit, cum eius pari voluntate. Hic, quia de civilibus causis loquimur, fructus ad amicitiam adiungimus: ut eorum quoque causa petenda videatur: ne forte qui nos de omni amicitia dicere existimant, reprehendere incipiant: quamquam sunt qui propter utilitatem modo petendam putant amicitiam: sunt qui propter se solum: sunt qui propter se & utilitatem: quorum quid verissime constituatur, alius locus erit considerandus. Nunc hoc sic ad usum oratorium relinquatur, utramque propter rem, amicitiam esse expetendam. Amicitiarum autem ratio, quoniam partim sunt religionibus iunctae, partim non sunt: & quidam partim veteres sunt, partim novae: partim ab illorum, partim ab nostro beneficio profectae: partim utiliores, partim minus utiles: ex causarum dignitatibus, ex temporum opportunitatibus, ex officiis, ex religionibus, ex vetustatibus habebitur. Utilitas autem aut in corpore posita est, aut in extraneis rebus: quarum tamen rerum multo maxima pars ad corporis commodum reuertitur: ut in republica quae-

dam sunt, quæ (ut sic dicam) ad corpus pertinēt ciuitatis: ut agri, portus, pecunia, classes, nautæ, milites, socij: quibus rebus incolumitatē ac libertatem retinēt ciuitates: alia vero, quæ iam quiddam magis amplum, & minus necessarium conficiunt: ut urbis egregia exornatio atq; amplitudo, ut quædam excellens pecunie magnitudo, amicitiarum ac societarum multitudo. Quibus rebus non illud solum conficitur, ut saluæ & incolumes: verum etiam ut amplæ atq; potētes sint ciuitates. Quare utilitatis duæ partes videntur esse, incolumitas & potētia. Incolumitas est salutaris tuta atq; integra conseruatio. Potentia, est ad sua conseruanda, & aliterius obtinenda, idonearum rerum facultas: atque in ijs omnibus, quæ ante dicta sunt, quid difficulter fieri, & quid facile fieri possit oportet considerare. Facile fieri id dicimus, quod sine magno, aut sine ullo labore, sumptu, molestia, quam breuissimo tempore confici potest. Difficile autem fieri, quod quamquam laboris, sumptus, molestiæ, longinquitatis indiget, atque aut omnes, aut plurimas, aut maximas causas habet difficultatis: tamē his susceptis difficultatibus, compleri, atque ad exitum perducipotest. Quoniam ergo de honestate, & de utilitate diximus, nunc restat ut de ijs rebus, quas his attributas esse dicebamus, necessitudine & affectione perscribamus. Puto igitur esse hanc necessitudinem, cui nulla vi resisti potest: quæ neque

mutari, neque leniri potest. Atque, ut apertius hoc sit, exemplis licet vim rei, qualis & quanta sit cognoscamus. Vri posse flamma ligneam materiam necesse est. Corpus mortale aliquo tempore interire necesse est: atque ita necesse vi vis postulat ea quæ modo describebamus, necessitudinis: \* cui nulla vi resisti potest quæ neq. mutari, neq. leniri potest. Huiusmodi necessitudines, cum in dicendi rationes incident: recte necessitudines appellabuntur. Sin aliquæ res incident difficiles in illa superiori, possint fieri, questione considerabimus. Atque etiam hoc mihi videor videre, esse quasdam cum adiunctione necessitudines, quasdam simplices & absolutas. Nam aliter dicere solemus, necesse est Cassilinenfes se dedere Hannibali: aliter autem, necesse est Cassilinum venire in Hannibalis potestatem. illic in superiore adiunctio est hæc, nisi malint fame perire: si enim id malunt, non est necesse. hoc inferius non item: propterea quod siue velint Cassilinenfes se dedere, siue famem perpeti, atq. ita petire, necesse est Cassilinum venire in Hannibalis potestatem. Quid igitur perficere potest hæc necessitudinis distributio? Prope dicam plurimum, cum is locus necessitudinis videbitur incurrere. Nam cum simplex eris necessitudo, nihil erit quod multa dicamus, cum eam nulla ratione lenire possimus. Cum autem ita necesse erit, ut aliquid effugere aut adipisci velimus: tum adiun-

Etio illa quid habeat utilitatis aut honestatis, erit  
 considerandum. Nam si velis attendere, ita ta-  
 men ut id quæras, quod cōueniat ad vsum cini-  
 tatis: reperiās nullam esse rem, quam facere ne-  
 cesse sit, nisi propter aliquam causam, quam ad-  
 iunctionē nominamus.\* Pariter autem inuenias  
 esse multas res necessitudinis: ad quas similis ad-  
 iunctio nō accedit: quod genus, ut homines mor-  
 tales necesse est interire, sine adiunctione, ut cibo  
 vuantur, non necesse est nisi cum illa exceptione,  
 Extra quam si nolint fame perire. Ergo, ut dixi,  
 illud quod adiungitur, semper cuiusmodi sit erit  
 considerādum. Nam omni tempore id pertinebit,  
 ut aut ad honestatem hoc modo exponēda neces-  
 situdo sit, Necesse est hoc faciamus, si honeste vo-  
 lumus viuere: aut ad incolumitatem hoc modo,  
 Necesse est, si incolumes volumus esse: aut ad cō-  
 moditatē hoc modo, Necesse est, si sine incommodo  
 volumus viuere. Ac summa quidem necessitudo  
 videtur esse honestatis, huic proxima incolumita-  
 tis, tertia ac leuissima commoditatis: quæ cum his  
 numquam poterit duabus contendere. Hasce au-  
 tem inter se sæpe necesse est comparari: ut quam-  
 quam præster honestas incolumitati, tamen viri  
 potissimum consulendum sit, deliberetur. Cuius  
 rei certum quiddam præscriptum videtur in per-  
 petuum dari posse. Nam qua in re fieri poterit,  
 ut cum incolumitati consuluerimus, quod sit in  
 præsentia de honestate delibatum, virtute ali-  
 quando

quando & industria recuperetur, incolumitatis ratio videbitur habenda: cum autem id non poterit, honestatis. Ita in eiusmodi quoq; re, cum incolumitati videbimur consulere, vere poterimus dicere, nos honestatis rationē habere: quoniā sine incolumitate eam nullo tempore possumus adipisci. Qua in re vel concedere alteri, vel ad conditionē alterius descendere, & in præsentia quiescere, atq; aliud tempus expectare oportebit. In cōmoditatis vero ratione, modo illud attendatur, dignane causa videatur ea, quæ ad utilitatem pertinebit, quære aut de magnificētia, aut de honestate quidquā derogetur. Atq; in hoc loco mihi caput illud videtur esse, ut queramus quid sit illud, quod si adipisci aut effugere velimus, aliqua res nobis sit necessaria. hoc est, quæ sit adiunctio, ut proinde uti quæq; res erit, laboremus, et gravissimam quamq; causam vehemētissime necessariam iudicemus. Affectio est quedam ex tempore, aut ex negotiorum euentu, aut administratione, aut studio hominum, commutatio rerum: ut non tales, quales ante habitæ sint, aut plerumque haberi soleant, habendæ videantur esse: ut ad hostes transire turpe videtur esse, at nō illo animo quo Vlysses transit: & pecuniā in mare deicere inutile: at non eo consilio quo Aristippus fecit. Sunt igitur res quedā ex tēpore & ex consilio, non ex sua natura considerandæ: quibus in omnibus quid tempora petant, aut quid personis di-

gnum sit, considerandum est: & non quid, sed quo quidque animo, quicum, quo tempore, quamdiu fiat, attendendum est. His ex partibus ad sententiam dicendam, locos sumi oportere arbitramur. Laudes autem & vituperationes ex his locis sumentur, qui loci personis sunt attributi, de quibus ante dictum est. Sin distribuius tractare quis volet, partiat in animum & corpus & extraneas res licebit. Animi est virtus, cuius de partibus paullo ante dictum est. Corporis, valeudo, dignitas, vires, velocitas. Extraneæ, honos, pecunia, affinitas, genus, amici, patria, potentia, & cetera, quæ simili esse in genere intelliguntur. Atque in his id quod in omnia valet, valere oportebit: contraria quoque, & quæ & qualia sint intelliguntur. Videre autem in laudando & in vituperando oportebit, non tam quæ in corpore, aut in extraneis rebus habuerit is de quo agitur, quam quo pacto his rebus usus sit. Nam fortunam quidem & laudare stultitia, & vituperare superbia est. Animi autem & laus honesta, & vituperatio vehemens est. Nunc quoniam omne in causse genus argumentandi ratio tradita est, de inuentione prima ac maxima parte rhetorica satis dictum videtur. Quare quoniam & una pars ad exitum hunc ab superiore libro perducta est, & hic liber non parum continet litterarum: quæ restant in reliquis dicemus.

FINIS.

IOAN.

IOAN. MICHAELIS  
BRVTI ANIMAD-  
VERSIONES IN IIII  
libros Rhetoricorum incerti  
auctoris ad C. He-  
rennium.



Pag. 12. Lin. 21. *Lambinus sublatam vocem, inanis, è verbo, arrogantiæ, tamquam alieno loco, paullo infra, gloriæ, adiungit. & sane epitheton est multo magis gloriæ aptum, quam arrogantie. Excusis quidem cum manuscriptis conuenit: è quibus, ne quem hoc fugiat, aliquot principio carent: à distributione temporis, quo quis uti principio possit, nimirum, tria sunt tempora quibus principio uti non possumus, initium facientes.*

21 *quæ nihil ad propositum attinebant. Lambin. ut videtur ex ingenio, loco emendato, duo hinc verba sustulit, ad propositum, cuius coniecturam, Aldi & Victorij editio, tum è tribus Gryphij manuscriptis libris vnus, qui integer est, confirmat, in quo ea verba absunt.*

12 *Sed si te, habent impressi omnes. in vno Gryphij manuscripto, sed particula abest.*

13. 6. *velimus esse. Ald. Victor. Lamb. habent. in excusis & manuscriptis nonnullis legitur, esse valeamus.*

8 Quoniam igitur demonstratum est, quas causas oratorem recipere oporteat, quasque res habere conveniat. Ita in quibusdam impressis legitur. Nos ex Gryph. manuscr. cui cum Aldi editione, Victorij, & Lambini congruit, sublato verbo, oporteat, postremo loco, conveniret, edidimus.

10 nunc quemadmodum ad orationem possint officia oratoris accommodari, dicendum videtur. Ita legitur in omnibus excusis. Nos ut Lamb. putat, inesse mendum suspicati, ad inventionis rationem, accommodari, edidimus.

21 quibus de rebus sumus acturi. Gryph. unus manuscriptus, quem posthac littera, A, designabimus. In eodem legitur lin. 17. cum assertione.

14. 3. genus causæ erit considerandum. Gryph. cum contempta res ante offertur.

13 Gryph. à quo dissentiant excusi omnes. Vnus Leenicensi liber habet, antefertur, sed uterque male, ut existimo.

26 insinuatione utemur. Nos, ut Lamb. edidit, insinuatione utendum erit, excudendum curavimus, hanc scripturam in Gryph. A. quæ multo quidem vulgare præstat, nacti.



15. 1. Si uti volumus, sine voce, principio, ut iam Aldus, & Victorius ediderat, scriptum inuenimus in Gryph. A. Lamb. secundo loco, vocem, principio, tollit, haud illam etiam illic magnopere opportunam.

4. à narratione, à lege, à scriptura, Lamb. legit: quod quidem videtur ratio postulare. ubi enim quis principio non utatur, reliqua illi est narratio, quam primam aggrediatur. quæ quamquam ita sint, absunt tamen æque à manuscr. & ab impressis alijs.

9 quomodo quidque fieri possit, habet Gryph. A. quomodo quidque confici possit Ald. Victor. Leonie. quomodo quidque eorum confici possit, legit. Lamb. loco verbi, confici, efficit, habet.

15 nos esse dicturos. tria hæc verba, quæ post vocem, pietatem, male hæserant, cum à Lamb. admoniti, tum quod à Gryphij libro eodem manuscripto longe optimo absunt, sustulimus. Videntur autem è margine in Cicer. contextum temere ab imperito librario inuecta.

18 si exponemus res quibus de rebus dicturi sumus, ita, ut legitur in Gryph. A. edidit curauimus; usitata optimis scriptoribus dicendi ratione, ut infra eodem libro, De his rebus caute consilgendum est, quibus in rebus, & quæ sequitur. In impressis partim, vox illa prior,

res, abest, partim duæ sequentes, de rebus.

23 aut in remp. alij habent. Lamb. si aut in remp. Gryph. A. atq, in remp. quomodo edidimus.

25 vel omnes, vel aliquos, inter duas voces, audiunt, & referemus, in Lambini editione interiecta verba leguntur.

16. 13. eorum Lam. aduersariorum alij.

20 tria sunt tempora, quæ diligenter sum consideranda: in quibus principio viri non possumus. Unus Leonicensi liber vetustissimæ editionis (Veneijs enim nonagesimo tertio ab hinc anno est excusus) conuerso ordine verborum, ita habet. Gryph. tres libri manuscripti longe vetustissimi à vulgaris non dissentunt.

17. 1. aut hominem non rem. quattuor hæc verba absunt à duobus Gryph. manuscriptis quorum est uterque vetustissimus, in uno leguntur, qui est recentior, ut in vulgaris habentur, præter particulam, aut, quæ abest.

20 eorum, neque in Aldi, neque in Victorij editione legitur, cum quibus tres Gryph. congruunt. Lambinus, ut etiam Lugduni excusi, habet. Iam lin. 23. duæ voces, id est, in duobus Gryph. vetustioribus non habentur. Non incommode autem videntur posse desiderari.

17 Si de eo Lamb. sublata particula, si, De eo, clausulæ principium facit: cuius emendationem duo Gryph. B. C. tuentur. ijdem paullo post,  
sine,

sine, aut, ab aduersarij dicto, & linea sequenti,  
dubitatione utemur, & que habent, sine voce, aut,  
que cum in excusis alijs, tum in Gryph. A. legi-  
tur. lin. 32. quo loco, in eiusdem B. & C. habetur,  
vbi alijs. cui loco.

25 immutatione, Gryph. B. C. habet alius,  
ut est in excusis, imitatione. lin. sequenti, vbi  
impressi, ambiguo, habent, in his Leonic. cuius  
est antiquissima editio, in Gryph. B. abiecia, in  
C. abiecta, legitur: ut verisimile sit, corrup-  
tam vocem, & depravatam ex vera, abiecia,  
que non male adiungi verbo suspitione potest.  
Si quam enim in suspitionem aduersariorum o-  
ratione sint indices vocati, ut principium ab ea  
abiecia, & refutata instituatur. In utroque eo-  
rum rursus lin. 4. collectione, litterarum muta-  
tione. à quibus, Gryph. A. non dissentiens, vo-  
cem collatione, que in vulgatis mansit, retinet.  
In Leonic. qui collatione, habet, abiectione, mu-  
tatione litterarum legitur. Item lin. 6. similitu-  
dine turpi, nouitate, in Gryphij B. & C. scrip-  
tum exstet. quod principium huiusmodi debet  
esse. Tres Gryph. manuscripti, quod, non habent:  
que eadem lectio in nonnullis impressis habetur.  
Leon. Victor. Ald. Lam. quod, retinent, in is-  
dem Gryph. libris & que perscripsimus, legitur,  
sequenti versu.

18. 17. ne quando vitio in exordio utamur.  
Gryph. A.

9 quod separatum vocatur: in quo etiam translatum includitur. Cum hæc verba in meis manuscriptis, non exstent, absint autem æque, in Aldi, & in Victorij editione, equidem in eam suspicionem venio, ut ea tamquam redundantia inducenda censeam. Sapiunt certe nescio quo pacto seduli hominis explicationem, ne satis Ciceronis sententia intelligeretur, verentis. Illud sane omitendum non est, à Lambino in his verbis quæ mox sequuntur, negationem addi, ut non proprie cohæreat cum narratione: quod ille qua ratione adductus fecerit, docet.

19. 8. quod maxime pertinet. Gryph. A. in ceteris, maxime, abest. Et lin, 15. duo verba vel laudationis, in eiusdem manusc. B. & C. non habentur.

29 errorem, neque in manuscriptis legitur, neque in quibusdam impressis, Ald. Victor, Leonic. Lambini editio habet.

20. 13. persequemur, quomodo emēdat Lamb. auctoritate manuscriptorum innixus, legendum.

16 ita ponemus, duo Gryph. B. C. quibus Leonic. suffragatur.

23 semel in tribus Gryph. manuscriptis non exstat. Excusi habent, in his etiam Leonic.

28 illi, quod a ceteris abest, ex Gryph. A. addi-

addidimus.

21. 2. In duobus Gryph. B. C. ne quid perturbare, ne quid noue dicamus, ne quam in aliam rem &c. alteri cum excusis conuenit.

13 ne referri possit, Lamb. edidit: manuscripti eodem consensu & impressi, ne refelli, legunt.

13 nisi quod de insinuatione noua quædam excogitauimus, qui &c. Ita Lamb. legit. de insinuationibus manuscripti. habent. in ceteris non discedunt a lect. vulgata.

29 artificium, ubi impressi, officium habent, edidimus, duorum Gryph. exemplarium B. C. auctoritatem, quæ certa præsertim ratione nititur, secui. Linea sequenti, industrie Lamb. legit ab Aldi editione non dissentiens. Cum manuscriptis qui, industrie, habent, Victorio conuenit.

22. 5. Primum per narrationem, legitur in duobus Gryph. manuscriptis, quæ lectio haud scio an sit vulgatæ præferenda.

17 esse non oportet, legitur in vulgatis ferè omnibus. Alter è Gryphij manuscriptis, contineri, quomodo legitur in Leonic. exemplari, alter, constare, habet.

24 nunc ad confirmationem, & confutationem, ut Lamb. edidit, legitur in Gryph. A. alij duo, confutationem, non habent, quæ æque vox abest ab impressis Ald. Vict. Leonic.

23. 3. Hermagoras, Lamb. legit ex uno, atque altero exemplari manuscr. duo Gryph. B. & C. neutrum habent. ita enim in his scriptum exstat, noster doctor treis putavit esse.

14 gladium educit Gryph. A. ceteri, ut vulgati, habent telum.

24. 17. Cum scriptum duas, aut plures sententias significat, ut Lambin. edidit. legitur in Gryph. A. vetustiores duo eodem modo habent, cum res unam sententiam, scriptum duas, aut plures sententias significat, fortassis non male.

25. 25. exceptiones sunt, ut Lamb. edidimus, ex Gryphij B. & C. auctoritate, quibus Leonicen. editio suffragatur, fiunt, fere excusi habent, Ald. Viët.

26. 2. similitudine quadam aucupatur, scriptum est in duobus Gryph. B. C. quæ ni fallor, germana lectio est, aucupatur enim non similitudinem sed caussæ adiumentum, ex similitudine, posse autem desiderari verbi adiumentum, exempla scriptorum, atque usus latini sermonis docet. quæ quamquam ita sint, nostro tamen instituto, sententia nostra indicata, vulgaram lectionem retinimus.

26. 4. Si furiosus esse incipit, Lamb. ex lib. Tuscul. Idem deijcitur, legit lin. 18. quo loco alij, deijciatur, duo Gryph. Exemplaria B. C. deuebatur, habent. In iisdem paullo ante, ut is  
obno-

obuolutus legitur, quemadmodum etiam in Leonicen. exemplari.

10. Legasset, in lib. ij. de Inuent. pag. 283. scriptum habet vetustiss. Gryph. codex, quæ nobis fuit caussatur & hoc loco ita excudi curauimus.

14. os inuolutum Gryph. A.

27. 1. extraria, habent tres Gryph. manuscripti. ex contraria, legitur in Leon. libro.

21. aperuit, Gryph. B. C. aperuisset eiusdem, A. excusifere eodem modo, aperuerit.

28. 8. conferens crimen, in tribus Gryph. manuscriptis legitur.

26. ut si impedimenta habet, Gryph. A.

29. 4. reperire conuenit, & mox, reperta, duo Gryph. B. C. habent. eodem verbo paullo inferius non semel, eadem significatione est usus.

31. 17. de oratoris officijs quinque ut Lamb. habent tres Gryph. manuscripti. & Leonic. exemplar.

33. 5. afuisse, ut alibi docuimus, quod etiam antea Lamb. annotauerat, in duobus Gryphij B. & C. scriptum semper inuenitur.

33. 9 appetierit, non, acquisierit legendum, præter Lamb. cui plurimum tribuo, Gryph. tribus exemplaribus eandem lectionem tuentibus, quibus Leoniceni editio suffragatur.

34. 3. demonstrare. Ab hoc verbo, alia sequitur, quæ Lambinus edidit, quem pecuniæ caussa

dicat maleficium fecisse, quæ in nostris & excu-  
sis, & manuscr. desiderantur.

35. 4. defensor demonstret oportet, sine, ut, e-  
didimus, quod ratio elegantior Latini sermonis  
postulat, & præter Lamb. nostri etiam manuscr.  
confirmant.

23. scierit ne satis. Gryph. B.C. sciri, &  
potuerit ne scire. A. nos lectionem vulgatam re-  
tinuimus.

36. 18. de administris Lamb. ubi, de adiumen-  
tis, alij, legit. Gryphij quidem duo B. & C. ita ha-  
bent. num quid dixerit, num quid habuerit. de  
conscijs, de adiutoribus, de adiumentis.

40. 25. offensatione, duo Gryph. exemplaria  
B.C. habent.

41. 8. si id voluisset adscribere, eodem modo  
tres Gryph. lib. manuscripti.

14. sententia redderetur, & volumas, in  
vulgaris omnibus legitur. Nos, ut Lamb. verbū,  
redderetur, sustulimus: quod recte abest à duo-  
bus Gryphij B.C.

42. 22. obrogatio, legit Lamb. multo commodi-  
ore sensu ac veriore adeo, quam quod vulg. ha-  
bent, abrogatio.

idem lin. 7. pariter, abrogatum, edidit.

23. sanctum sit, duo Gryph. B. C. ut etiam  
supra pag. 4.

43. 15. amphiboliarum, lege, & infra lin. 31.  
amphibolias, quemadmodum in duobus Gryph.  
manu-



manuscriptis legitur, qui sunt de meliore nota, & ratio Græcæ linguæ docet, unde ea vox manat, Ita etiam edidit Lamb. Alij ex vulgatis, amphibologiarum, legunt, sed male.

44. 4. quæ sunt ea. recte Lamb. post hæc verba, notam interrogandi apponit. Ita autem scriptum reperitur in Gryph. A. Hæc sunt ea, habet Leon. liber. quæ non mala sectio est, tolerabilior certe est quam vulgata, nisi hac interpunctione utare.

21. aut persecutionem, nulla liura officiente, quæ legenti impedimento sit, legitur in Gryph. optimo exemplari B. quam lectionem Lamb. probat, loco ex Acmarî Ranconetî coniectura emendato, viri doctissimi.

45. 3. quod maluerit cauere, an quod satis cautum putarit Lamb. aliquot verbis sublatis, quæ perturbare sententiam videbantur, locum ita restituit: deinde utrum consulto de eare scriptum non sit, quod satis cautum putarit. nos à vulgata lectione non discedentes, vna modo particula, an, sublata, satis commode consuluisse scriptoris sententia videmur.

23. tuleris expensum, ex certa ratione & per vulgata edidimus. Ita autem scriptum legitur, in tribus Gryph. exemplaribus manuscriptis.

46. 18. condicito, ut videtur Lamb. edi voluisse, legendum est. ferri enim non potest vulga-

ea lectio, qua non multo melior in manuſc. habetur. In uno tamen Gryph. B. conſcripto legitur, ex quo unius litteræ mutatione, condicito, id quod eſt à Lamb. factum, perbelle effici poteſt. lineæ ſequenti, ex conuento, in duobus Gryph. legitur, non, ex conueniu.

47. 20. verene, duo Gryph. exempl. B. C.

47. 7. in quos crimen transferet. Gryph. B. C. Leonicen.

48. 11. Conceſſio eſt, per quam nobis ignoſci poſtulamur. ea diuiditur in purgationem, & deprecationem. Hic ignoſcendi ratio queritur ex his locis. Poſtrema hæc clauſula abeſt ab omnibus alijs & impreſſis, & manuſcr. in duobus Gryph. B. C. legitur. nos vulgatam lectionem retinuimus. Eadem certe dicendi ratione vitur, ubi de deprecatione agit.

18. num culpa ventum ſit, duo Gryph. B. C. Leonic. utrum per culpam, alijs excuſi habent.

26. cecidiſſe. Gryph. B. C. in iſdem ubi alij, contaminabitur, habent, legitur 49. 8. contaminabit. quam lectionem agnoſcit Lambinus.

50. 13. omnium peccatorum. In duobus exemplar. Gryph. vox, omnium, non legitur.

26. & ediſſeretur B. & C. Gryph. & diſſeretur habet Leonic.

51. 9. experiri, in duobus Gryph. B. & C. legitur, expolire in omnibus excuſis.

52. 27. Ira

12. 27. Ira exsuscitatum Gryph. A.B.C. Leoni.  
 13. 16. rum enim. Duo Gryph. Est cum com-  
 plexione supersedendum est: & paullo infra, Est  
 cum exornatio prætermittenda est, quæ mihi vi-  
 detur lectio multo esse, quam vulgata, venustior,  
 & elegantior.

16. 14. Omnium malorum stultitia est mater,  
 pestis præ cæteris ea parit. Ita legitur in Gryph.  
 B. In C. quidem aliquanto clarius, post vocem,  
 mater, quæ præ cæteris parit. quomodo etiam ha-  
 betur in Leon. exemplari. & Lamb. postremus e-  
 didit. Equidem suspicatus non temere hæsisse in  
 libro longe optimo Gryphij, vocem pestis, ita legi  
 non male posse contenderim, quæ pestis præ cæ-  
 teris, aut, pestis, quæ præ cæteris parit. Verisimile  
 autem est, inductum, pestis, verbum ab imperito  
 librario, propter litterarum similitudinem, quæ in  
 duabus vocibus sequentibus, præ cæteris, ha-  
 bentur, verito nimirum ne male bis inculcatum  
 idem verbum esset.

25. accidissent in Gryph. exempl. B.C. quo-  
 modo etiam in Topicis, quod semel admonui-  
 mus.

29. villo pellem Lamb. legit probata Ran-  
 coneti coniectura. alij, illam pellem, & impressi  
 & manuscr. retinent.

57. 25. immune facinus, certissimis adductus  
 rationibus edidit Lamb. quibus cum accedat  
 Festi auctoritas, nulla mihi causa visa est, cur

ab illius sententia discederem, itaque immane facinus curavi edendū. Certe iam pridem Plauti locum ita Ioachimius Camerarius emendauerat, qui, cum in veter. exemplaribus, immane prisco more scriptum inueniretur, pro, immane, factum esse ait, ut à deceptis sententiæ affinitate & litterarum, in, immane deprauaretur.

25. Concastigabo, discedens à lectione vulgata, lego, ex certa ratione, & auctoritate veterum exemplarium, in his, duorum Gryphij B.C. in quibus etiam, commissæ noxiæ, pro commerta legitur. Neque est prætereundum, à Lambino, quo sententiam expleat, quæ male ita imperfecta relinquebatur, alterum versum ex Trinummo adiectum, probabili in primis coniectura, cū ita locus usurpatus esset, incuria, atque oscitantia librarij mancum fuisse descriptum. Is autem versus est, Inuitus ni id me inuitet ut faciam. fides: qui optime totam Plauti sententiam concludit.

58. 9. Saxiq, ad instar globosi prædicant esse volubilem. Leonic. Saxoq, instare in globo posse dicunt volubili. duo Gryph. B. C. Saxoq, instare eam globoso prædicant volubili, Lamb. Saxoq, instare globoso prædicant volubili, Al, Victor. Lugdun, ut fere impressi omnes.

12. memorant edidit Lambin. ex Aurati coniectura, ut carminis ratio constet sine verbo esse. Veteres, aut, esse, iterant, aut, vocant, ut Leonic.

mic.habent.

27. solum ut restituam, vnus Gryph.lib.  
3.habet.

3. augendæ, & ratione adductus, & au-  
thoritate duorum veterum Gryph. exemplarium  
curari excudendum, alij, arguendæ, legunt.

22. quid si, ex Gryph.lib. duobus B. C. edi-  
tissimus, quæ etiam lectio probatur Lambino.

12. Quare accussem, legit Lamb.

17. efferre, alij habent. Ald. Victor Leonic.  
Gryph.C. effundere, eiusdem, B, ut videtur, pro,  
discere & disputare effusus, atq; latius. Lamb.  
efferre.

3. quæ incommoda sint & quam, in duo-  
bus Gryph.B.C.habetur, pro quo, ego. quæ incom-  
moda sint & quanta, lego.

11. an Veientibus, Ald. Victor. an Vestinis,  
Pezinensibus, Gryph. B. an Vestinis Pennensi-  
bus, Gryph.C. pessime omnium. nonnulli habent  
excusi Veientinis. Veientanis Lamb. emendat.  
Plin. quidem libr. 3. 12. Vestinorum alios, An-  
gulos, alios Pinnenses, alios Peluinales, facit,  
atq; in quarta regione Italiæ constituit, in qua  
pariter Albenses ad Fucinum lacum recenses.  
Ita quantum ad hunc locum pertineat, videtur  
id ob eam causam dictum, quod cum inter duo-  
decim colonias quæ bello Punico secundo, mili-  
tiam detrectauerant, Alba, vnde etque & Alba-  
ni, & Albenses dicuntur, enumeretur, in his Ve-

stinorum nulla mentio sit. Quorum tamen, ut fac-  
tear, quod meritum adeo insigne in rempub. fue-  
rit, ut Albensibus de populo Romano male meri-  
tis opponi debuerint, neque scio, neque diuinare  
facile cuiquam puto. Cum autem ea vis huius  
præceptionis sit, ut cum controuersia sit insti-  
ta, utri maior honos sit habendus, ne honestan-  
di alterius causa de altero, etiam cum facultas  
sit idipsum agendi, quidquam dicere cum contru-  
melia necesse habeamus, locus videtur postula-  
re, ut in horum alteris sit, quod minus recte com-  
memorari possit: quibus obijci quidquam, cuius  
rei præsertim sit memoria oblitterata, immane,  
ac barbarum est.

66. 6. ad exaugendam, habent duo Gryph. B. C.

68. 29. ex consulto vulgati habent, pro quo  
Lamb. ex consilio, edidit. Gryph. manuscripti, &  
consulto, ut videatur &, ante verbum, ostende-  
mus esse reuocandum.

70. 15. ex tua conscientia. Gryph. B. C. in iisdem  
legitur paullo post, præceptione, 17. ut sensus sit,  
letabere te nobis id præcepisse: qua in re dum ti-  
bi gessimus morem, cōsuluisse rectissimo tuo studio  
visi sumus. sed tamen nihil muro, neq; enim hanc  
vocem hac notione quemquam v'surpassse video.

71. 14. de tribus in hoc libro, sine, voce, parti-  
bus in duobus Gryph. exemplar scriptum est.

72. 21. in his ex ipsa causa crunt ad augen-  
dam, aut deprimendam orationem eorum, qui  
sen-

sententiam dicent qui sententiam dicet, finem si-  
 conuenienter utilitatis proponere, ut omnis eo-  
 dem totius orationis ratio conferatur. Ita scri-  
 ptum est in Gryph. B.C. multo aliter quam legi-  
 tur in vulgatis, utrum rectius, docti viderint:  
 nobis non mala lectio videtur, si cum vulg. con-  
 feratur. omnem deliberationem, Lamb. legit, quo  
 loco orationem alij. Equidem. ut ingenue fatear,  
 etiam in veter. lectione quam sequor, aliquid  
 desidero. aut enim pro verbo erunt, legendum est,  
 nit, ut intelligatur ratio, aut aliquid addendum  
 quod Ciceronis sententiam expleat post verbum,  
 erunt, ut, parata adiumenta, aut, loci deprompti,  
 ut quippiam huiusmodi: sed ita etiam longe  
 illam sentio vulgatae anteferendam.

3. 2. Vis decernitur in quibusdam legiur, in  
 alijs decernitur. neutrum probat Lamb. qui dis-  
 cernitur, ut nos, edidit.

6. mentione, probata Lamb. emendatione, edi-  
 tomus. Quid enim sibi hoc loco vult, mentione?  
 quis autem est, qui nouitate verbi moueatur, is  
 intelligat qua ratione, appetitio, à verbo Appeto,  
 molitio, à verbo Molior, deducta vox sit, eadem  
 ratione à verbo Mentior, mentitio, duci licuisse.

13. dilectum, in duobus Gryph. libris aequi-  
 parum exstat, quam scribendi rationem ita se-  
 quitur Lamb. ut tamen hoc loco, delectum, ha-  
 beat, forassis operarum incuria, eius insignito  
 refragante.

22. cupiditatem, duo lib. Gryph. B.C. & quidem rectius. ex quorum auctoritate, disciplinam aut scientiam lin. 23. edidimus, non disciplinabilem, quod vix dignum verbum doctis auribus, ne dum eius seculi elegantia, haud probabile videtur à politissimo scriptore usurpatum.

74. 21. simus comparati, duo Gryph. exempl.

23. Et, celsas, lin. 17. quo loco alij, excelsas.  
75. 22. liberalitatem, edidi, hanc lectionem, præter duos Gryphij vetustiores libros, Leonic. approbante.

80. 14. Principio tractato tñ ab re tñ ab aliqua harum. ita habet vulgata lectio. Gryph. duo B.C. Principium tractum ab aliqua harum, &c. Lamb. Principio tractato ab aliqua harum.

7. primo, non est in Gryph. manuscript. ab iisdem lin. 13. abest vox, caute. lin. 16. iisdem habent, tracta sint. quæ vox idem hoc loco videtur valere, quod, ducta sint. manarint, qua virtute, industria, ingenio sint paria. Lectio vulgata, tractata, habet, quam retinuimus.

20. dedecorem, in duobus Gryph. manuscript. habetur. dedecorum quidem suis maioribus dixit Tacitus ij. Annal. vi, aut hoc loco, dedecorum, aut apud Tacitum, dedecorem, videatur legendum. dedecori, nos tamen, ut est in vulgatis, edidimus.

24. in vinperatione inde derrahere, duo Gryph. B.C.



81. 26. Si visuperemus, è contrario aliud in-  
 ipste, aliud ignave, aliud immodeste, aliud stulte  
 factum esse prædicemus. hæc verba quæ in non-  
 nullis non habentur, Aldi, Victorij, Leonici. vete-  
 rem editionem, atque auctoritatem manuscrip-  
 torum secuti edidimus, in his Gryph.

29. propterea quod sæpe indicant, ut non  
 sit necessaria dictu. ita legitur in duobus Gryph.  
 B.C.

82. 8. commendandum est. Gryph. B.C. & lin.  
 9. putemus, ubi alij, putavimus.

83. 5. sed per singulas quoque argumentatio-  
 nes in Leonici. exemplari legitur. Lamb. per sin-  
 gulas quoque argumentationis partes. ut nos e-  
 didimus. Sed singulas quoque habent vulgati  
 Victor. Ald. Lugduni excusi.

21. obtunse, duo Gryph. B.C.

84. 26. Nos quidem vnam de quinque rebus  
 plurimum posse non facile dixerimus: egregie  
 magnam esse utilitatem in promuntiatione auda-  
 cter confirmaverimus. ita legitur in manuscrip-  
 tis Gryphij. Lamb. eandem lectionem secutus,  
 ante adverbium, egregie, nec, negandi particulam  
 apponit. Leonici editio cetera eodem modo, ut  
 Lambini, unum præterea verbum habet, sola,  
 inter duas voces, promuntiatione, & audacter,  
 quod quidem orationem totam planissimam ef-  
 ficat. Nobis quidem lectioni vulgatæ si vox hæc  
 una addatur, recte sensus videtur constare. Qua

22. cupiditatem, duo lib. Gryph. B.C. & quidem rectius, ex quorum auctoritate, disciplinam aut scientiam lin. 23. edidimus, non disciplinabilem, quod vix dignum verbum doctis auribus, ne dum eius seculi elegantia, hand probabile videtur à politissimo scriptore usurpatum.

74. 21. simus comparati, duo Gryph. exempl.  
23. Et, celsas, lin. 17. quo loco alij, excelsas.  
75. 22. liberalitatem, edidi, hanc lectionem, præter duos Gryphij vetustiores libros, Leonic. approbante.

80. 14. Principio tractato it̃ ab re it̃ ab aliqua harum. ita habet vulgata lectio. Gryph. duo B.C. Principium tractum ab aliqua harum, &c. Lamb. Principio tractato ab aliqua harum.

7. primo, non est in Gryph. manuscript. ab iisdem lin. 13. abest vox, caute. lin. 16. idem habent, tracta sint. quæ vox idem hoc loco videtur valere, quod, ducta sint. manarint, qua virtute, industria, ingenio sint parata. Lectio vulgata, tractata, habet, quam retinuimus.

20. dedecorem, in duobus Gryph. manuscript. habetur. dedecorum quidem suis maioribus dixit Tacitus ij. Annal. vi, aut hoc loco, dedecorum, aut apud Tacitum, dedecorem, videatur legendum. dedecori, nos tamen, ut est in vulgatis, edidimus.

24. in vituperatione inde derrahere, duo Gryph. B.C.

81. 26. Si vituperemus, è contrario aliud iniuste, aliud ignave, aliud immodeste, aliud stulte factum esse predicemus. hæc verba quæ in nonnullis non habentur, Aldi, Victorij, Leonici. veterem editionem, atque auctoritatem manuscriptorum secuti edidimus, in his Gryph.

29. propterea quod sæpe indicant, ut non sit necessaria dictu. ita legitur in duobus Gryph. B.C.

82. 8. commendandum est. Gryph. B.C. & Lin. putemus, ubi alij, putavimus.

83. 5. sed per singulas quoque argumentationes in Leonici. exemplari legitur. Lamb. per singulas quoque argumentationis partes. ut nos edidimus. Sed singulas quoque habens vulgati Victor. Ald. Lugduni excusi.

21. obrunse, duo Gryph. B.C.

84. 26. Nos quidem unam de quinque rebus plurimum posse non facile dixerimus: egregie magnam esse utilitatem in promuntiatione audacter confirmaverimus. ita legitur in manuscriptis Gryphij. Lamb. eandem lectionem secutus, ante adverbium, egregie, nec, negandi particulam apponit. Leonici editio cetera eodem modo, ut Lambini, unum præterea verbum habet, sola, inter duas voces, promuntiatione, & audacter, quod quidem orationem totam planissimam efficit. Nobis quidem lectioni vulgatae si vox hæc una addatur, recte sensus videtur constare. Qua

tamen reiecta, Lambini & Leonicensi editionem,  
una modo voce, sola, adiecta, quæ de erat alteri,  
secuti sumus.

85. 14. comparata duo Gryph. exempl. compa-  
ratum, ut Lamb. Leonicensi liber, habet.

23. quoniam altera natura paritur, altera  
natura comparatur, nihil nos attinet comminisci.  
ita ex Gryphij exempl. auctoritate, certa præte-  
rea ratione innixi edidimus.

86. 11. ut multo genere, alij legunt.

87. 15. quæ visa sunt, tamquam aduenitia  
verba Lamb. solit.

88. 3. aut proinde, legit Lamb. quemadmodum  
in Gryphij libris habetur. aut perinde in vulga-  
ris, legitur.

26. ex verbo infesare, corruptio, vanum  
non videt, Ioannes Auratus, Lambino referen-  
te, efficit, inculcare: quod, ut fatear, mihi proba-  
ri potius, quam, interfecare, quæ lectio vulgata  
est, non plane mihi tamen probatur. Equidem, si  
divinandum est, & discedere à vetere scriptura  
licet, insculpere, malim, quæ amici mei per erudi-  
ti hominis emendatio est. sed, amplius, pronunti-  
andum puto.

89. 3. hilare, quæ vox mansit in manuscriptis,  
reposuimus hilariter, habent impressi.

22. quam clarissimam. Gryph. B. C. ut ad  
vocem referatur. quæ optima lectio est, in iisdem  
lin. 23. habemus, non, ut in vulg. habetur.

88. 6. con-

88. 6. conspiciendam, lege, non conspicuam, quæ vox in excusis manet. Ita quidem legitur, etiam in Gryph. manuscr.

89. 26. Et simul cum cogitatione nata, vulgaria lectio habet. & sine concitatione nata Gryph. exempl. duo, quemadmodum legendum videtur, 92. 21. hedera, ædes, intercolumnium. Gryph. & lin. 17. id quod dictatum est.

93. 14. secuti, ubi hæserat in manuscriptis. & impressis omnibus, sequi, ex Lamb. editione, ratione id postulante, edidimus: Vulgata enim lectio, nisi, & copula antecedit verbum sequi, ferri non potest.

22. Quare placet. Lamb. sublato verbo, placet, uno est contentus infra posito, oportebis, à quo oratio concludatur. infra vero, ubi in excusis, commeditari scriptum inueniuntur, in Gryph. manuscriptis, commode notare, legitur: alij, commoditer, habent.

23. ut distincti, lego, ex Gryph. B. & C. auctoritate. ut distincte, legitur in vulgatis, quam minime tamen lectionem rejicimus.

92. 9. ut imagines partim firmæ, & acres, legit Lamb. firmæ, & hæres, habent duo Gryph. B. C. ut suspicer, mancā esse vocem ex integra, hærentes. participium autem solitum usurpari significatione nominis adiuncti, nemo non novit. Cic. de oratore 2. cum de hac ipsa memoria ageretur quæ arte cōparatur. Imaginibus, inquit, est

utendum agentibus, acribus, insignis: & lib. de clar. orator. Acrem enim oratorem, incensum, & agentem, & canorum concursus hominum foriq, strepius desiderat. In iisdem, quod in impressis, imbecilles, legitur, imbecilla exstat, lin. 31.

97. 16. & noue manent in animo diutius. Leon. & Lamb. duæ voces, in animo, in Gryph. manuscr. & in Ald. & Manus. editione desiderantur.

98. 3. si non multas, nec vagas in duobus Gryph. B. & C. habetur: quibus conuenit cum Leon. editione.

17. peruagemur, tum duo Gryph. exempl. tum Leon. editio habet.

99. 20. id enim quod admonueris, & leuiter præceperis ars, & ratio exemplo, &c. Ita legis Lamb. Idem, ubi alij, domestico pugnet, domesticis testibus, habet. in Leon. editione domesticis testimonijs pugnet, modo legitur, sequensia verba, Et sui ipsius testimonio abusat, absunt. & sane, ut dicam quod sentio libere, videntur redundantia, & rei explicandæ causa adiecta temere locum obtinuisse.

103. 14. & omnia in arte maxime scribenda redigit &c. Ita scriptum exstat in impressis: nos ex Gryphij exemplari manuscr. ita edidimus, & omnia in arte maxima, scribendo redigit, quæ planissima lectio est. neq, nos tamen, si quis vulgarum malis, pugnare volumus.

27. de modestia dicitur, ut scriptum exstat in Gryph. utroq; exemplari, & Leonicensi editione excudi curauimus, in ceteris, de, abest.

104. 7. Ladas, aut Boliscus Sicyonij, Lamb. ex Adriani Turnebi coniectura.

105. 1. quibus possumus & debemus. Huius loci restituti laus Lambino debetur. Antea enim, quod possumus, ut ad vocem, testimonium referretur, legebatur; & quidem nulla cum ratione. Crassi enim sunt verba ex eius oratione, exempli causa ad genus illud orationis demonstrandum sumpta.

106. 26. ideo quod alienis utantur, ita in impressis legitur. in uno Gryph. multo planius: cum in eo, quod alienis utantur, quæ eadem lectio in Leonic. libro habetur.

107. 23. incideret, edidimus, cū Lābino assensu, cum auctoritatem manuscrip. secuti, incidet legitur in excusis libris. Leoni. tamē incidere habet.

108. 18. ut in vetustis exemplaribus scriptum exstat, hominibus, edi iussimus. omnibus, retinēs vulgati.

111. 9. Sunt igitur tria genera, quæ genera legitur in tribus manuscriptis.

100. 26. proturbetis, unus Gryph. habet. cere-ri & impressi, & manuscripti, perturbetis præter unum Lamb. qui, deturbetis magis vsitatam vocem Latinis scriptoribus habet. Proturbare vsus est Lin. lib. 5. Iamq; & alij congregari relictis

missilibusq; & saxis perturbare hostes, ruinaq;  
 tota prolapsa, acies in præceptis deferri. & quæ  
 sequuntur.

113. 22. rubores elicere Lambin. emendat ex  
 Ranconesi coniectura. vulg. & manuscr. eicere,  
 habent, à quibus non discedo.

23. ad salutandum, unus Gryph. lib. B. &  
 paullo post, pone scenam, ubi, penes alij habent,  
 & melius quidem, ni fallor.

114. 10. suffulta, legitur in duobus Gryph. B.  
 C. & Leon. exemplari.

115. 13. Nam ille istic in balineis accessit ad  
 hunc, postea dixit, ita legitur in tribus Gryph. li-  
 bris manuscr. non male.

116. 28. Bacca, eoa, ut uniones intelligantur,  
 legit Io. Auratus vir doctissimus, referente Lã-  
 bino. Baccha aenea, habent eodẽ modo tres Gryph.  
 libri, Vacca aenea, Leon. editio. Nos, Baccha æ-  
 nea, edidimus. Hæ enim, ut canephora, cupidi-  
 nes, fileni, pristes, tritones, in scyphis & poculis  
 celebrantur, quæ eadem inter ædium ornamenta  
 à marmore, antiquo opere atq; art.ificio solita ad-  
 hiberi, nemo non novit.

118. 8. poscere, legitur in Gryph. exemplari, B.

9. contempsisti, quàm agnoscit lectionem  
 Lamb. legitur in vno. Gryph. A. ceteri ut vulga-  
 ri, habent, reliquisti.

15. exaugendam. habent tria manuscr. ex-  
 emplaria, à quibus fiat cum Leon. tum postrema  
 Lamb.



Lamb. editio.

119. 5. in Italia, duæ hæ voces in manuscrip-  
tis non exstant.

120. 5. quædam, in Gryph. tribus exemp. abest.

7. cum ex contrarijs rebus oratio conficitur.  
res Gryph. libri. cū ex contrarijs verbis, antiqua  
editio Leonic. Aldi. Victor. Lambinus utramque  
lectionem complexus unam efficit, cum ex con-  
trarijs verbis, aut rebus. Neutra certe vox salua  
lege præceptionis potest desiderari.

121. 12. utrūne aliquem exornari, scriptū reti-  
nent eodē consensu vulgati omnes: ex manuscr.  
quidam, ut Gryph. A. exhortari, habent: alij, in  
his Gryph. B. exorari, quomodo etiam scriptum  
inuenitur in Leon. libro. quomodo edidimus, &  
omnino videtur legendum. 122. 12. deducit  
Gryp. A. ceteri, ut impressi, ducit. 27. retinet,  
legas, ut & Lamb. emendat, & scriptum exstat  
in Gryphij manuscriptis, à quibus venusta Leo-  
nic. editio non dissensit. 123. 2. plurimum, le-  
git Lambin. Ranconesi coniecturam secutus. pri-  
mam, manuscrip. & impressi inuentur. equidem,  
plurimum, malim. 13. hoc pacto, Gryph.  
tria exemplaria. hoc modo, excusi omnes.

21. Sunt item sententiæ, quæ duplices effe-  
runtur, hoc modo sine ratione, Errant, &c. Man-  
cam orationem, id quod nemo non videt ut Lāb.  
emēdat, in uno atq; altero Gryphij exēpl. exple-  
tam inuenimus, ut nihil nobis moræ fuerit, quin

ita locum excudendum curaremus, Ita autem habet. Sunt item sententiae, quae dupliciter efferuntur, cum ratione, & sine ratione. Sine ratione, hoc modo.

124. 15. cum fide tenere. unus Gryph. B. in eodem paullo post ubi in alijs, videri, fore, legitur, quomodo Lamb. edidit.

126. 18. denominatione, unico verbo in Gryph. duobus manuscr. habetur. Vt optima ratione innixus, dinumeratione, videatur Lamb. edidisse.

127. 28. cum ad idem verbum & nomen acceditur commutatione vel additione. Hic verba quaedam addidimus, quae non insunt in vulgari, ex duobus Gryph. exemplar. & Leonicensi. Id autem eo fecimus libentius, quo eam lectionem animaduerimus Lambino probari.

128. 19. quae in litterarum commutatione, breuitate, production. aliter legitur in tribus Gryph. manuscr. & Leonicensi. quae in litterarum breui commutatione, productione, quam lectionem agnoscit Lamb. Infra autem lin. 16. lege, transfectione, praeter Leonic. qui à vulgari non dissentit, iisdem pariter eandem lectionem approbantibus, translatione, excusi habent.

129. 12. Alexandrum omnes maxime metuerunt, item plurimum dilexerunt. Nos, vocem, item, sustulimus, quae elegantius abest, in manuscriptis, quam adest, in vulgari. Lāb. post verbum, omnes, ut, apponit, ut sis, cui vox, item, responde-

at,

at, omnino melius, quam in impressis. lin. 14. Sulpicium lege, non Sulpicio, ut in omnibus vulgatis legitur. Locum recte ita emendavit Lābinus.

130. 10. audior, abest à manuscriptis tribus. quam vocem si quis malis expungere, non pugnabo. nos vulgatam lectionem retinuimus.

134. 20. quod rei militaris se infrequentem tradidisti. Nos hic verbum unum reposuimus ex duobus Gryph. libris manuscriptis, quo planissima lectio redditur. quod tribunis rei militaris se infr. reddid. Ita autem se legisse in manuscripto Lamb. testatur.

7. accepisse, in impressis fere omnibus legitur: cepisse habent duo Gryph. manuscripti.

135. 9. quam non pertineat. Lamb. quam non atineat, multo magis ex usu & ratione Latini sermonis.

27. per interpolationem, unus Gryph. liber.

137. 23. atque obtemperabo. Lamb. vocem, atque, non habet. Forte non male legi possit, æque obtemperabo. Nam, atque, ferri non potest, quæ vulgata lectio est.

143. 16. Nullius inquit mæror. nos ut Lamb. Nullus urbis mæror edidimus: huic lectioni duobus Gryph. exemplaribus & Leoniceni suffragantibus.

145. 13. Quare, Luci Cassi, In quibusdam manuscriptis, Quare L. caussis, corrupte legitur, ex quo Lamb. in caussis efficit: nomine tamen non abiecto, quod mansit in impressis, & manuscri-

pris alijs. Nam in Leonicensi editione integra lectio tota exstat. Quare, L. Cassi. si in cassis &c. quo modo excudi curauimus.

146. 29. ut quod erit commotum licentia, id laude mitigetur. In duobus manuscriptis Gryphij sic legitur, quod erit commotum licentia, id laude constitueretur, quæ non mala lectio est. Contrarium enim constituere, est verbo Commouere: sumpta similitudine ab aqua, cum, sedata tempestate, nescio quo pacta constituta quiescere videtur. Id est Græcis οὐκ ἀναι, ni fallor.

147. 22. tamen si vereor quomodo accepturi sitis. Hic duo verba adiecimus, tamen dicam, quæ in vulgatis fere omnibus absunt, & leguntur in duobus Gryph. manuscr. & Leon. editione, Eodem autem modo & Lamb. edidit.

148. 4. Deminutio, hoc loco, & Deminuius paullo post atque alibi semper legitur in duobus Gryph. exemplaribus vetustioribus; quemadmodum veteres grammatici docent legendum.

149. 2. Leo Phænissus, habent duo Gryph. B. C. quod à me hoc loco non eo annotatum est, quod lectionem vulgatam haud probem, sed quod hanc temere non esse abijciendam putem. Hoc mihi certe constitutum est nihil, nisi plana ineptum & contemnendum in quo varient vetera exemplaria à vulgatis, non cum fide representare.

4. aduens dentes multos, Lamb. vocem mul-

108. tollit, tamquā redundantē. in duobus Gryph. habens dentes multos, legitur.

22 Et superbi re simul, & verbis inuehantur. ita legitur in libro uno Gryphij & Leonici editione. Alius Gryphij in postremo verbo modo variat, & inuenientur habet. alij ita, & superbia simul, & verbis inuehantur. Secus legit Lamb. ex usuata latini sermonis ratione, & superbis factis simul & verbis inuehantur. Vix enim hæc solent disuncta efferri. in superbi hominis fastidio, & insolentia augenda. Itaque aut, re & verbis aut factis, & verbis videtur legendum.

151. 8. infestus cognatis, quemadmodum edidit Lamb. habent vetera exemplaria manuscripta, a quibus ratio stat & usus latinæ linguæ.

21 fortuna familiaris rei attenuatissima. Ita legitur in uno Gryphij manuscripto. recensio- re, & in Aldi & Victorij editione. alij numero multitudinis, fortunæ familiaris rei attenuatissi- mæ legunt. duo alij Gryphij manuscripti. & Leonici. fortunæ familiares attenuatissima: quam lectionem probat Lambinus.

152. 16. conueniant maleficia. tollit Lamb. vo- cem maleficia, & ineptam & incommodam huic loco, manuscr. quidem & vulgatis omnibus re- clamantibus, sed approbante ratione: quam & ipsi potiorem tanto consensu veterum exempla- rium habuimus.

# ANIMADV.

26 Sed commutare. sed commutare, legas, ut Lamb. recte ex manuscriptis emendas, à quibus stant nostri, & ratio adeo, quam sequimur.

153. 3. cum augetur. cum agerur edidimus, hanc lectionem tribus nostris manuscriptis inentibus, & Lambini editione. cum augetur, habet Aldi editio, Victorij, Leonicieni, omnibus antiquior, sed male, ut ratio docet.

154. 3. Quia hæc loquitur secum sapiens. In hæc loquetur secum sapiens, habent duo manuscripti. exemplaria. Quare hæc loquitur secum sapiens, in altero legitur. Leonicieni editio ita habet. Hæc loquetur secum sapiens. Lambino convenit cum Aldi & Victorij editione, Quia hæc loquitur secum sapiens. quam lectionem & ipsi retinimus, non tamen dissimulantes, nobis nullam ex his probari.

155. 8. Sed ab eiusdem. ut ab eiusdem, Lamb. cui lectioni suffragantur duo manuscripti Gryph. alter ut vulgari, sed ab eiusdem, habet.

156. 16. debere accedere. aut, ut Lamb. edidit, debere accedi, legendum est, aut, ut nos, decere, quod scriptum exstat in duob. manuscript. Gryph. vetustioribus.

157. 4. Demouendi scriptum est in Gryph. libris duobus. Certe ut nullius auctoritas sit, postulat ratio, & locus ut ita legatur.

158. 24. Id enim perspicuū est de primo similitudinis

itudinis verbo. Aliter scriptum in duobus Gryph. libris inuenitur, Id cum perspicuum est, de primo similitudinis verbo sumetur. mox alterius est clausulæ principium, Apertius dicendi caussa, &c. Lamb. non discedens a lectione vulgata, principio periodi quæ mox sequitur, verbum, Sumitur, annectit, ita, Sumitur apertius &c. Certe in editione Ald. Victor. aliorum, vox, Sumitur, abest, quæ legitur in omnibus manuscripti. & in Leon. exemplari.

161. 9. nisi exempli quis vsus esset, legit Lamb. quo modo ratio poscere videtur. in vulgatis eodem modo & in manuscriptis legitur, nisi exemplum quod genus esset.

16. Inibat prælium, habet vnus Gryphij liber. Lamb. Ibat Turnus in prælium, legit, ex manuscripto libro. alij, Ibant in prælium numero multitud. legunt, quemadmodum in vulgatis habetur.

21. aspectu rabido circumspiciens. Lamb. ut nostri omnes manuscripti, & vnus impressus Leonicensi, aspectu venenato, spiritus rabido circumspiciens, &c.

27. & oneratus auro clamat & deierat. Leonicensi exemplar ita habet, & oneratus auro clamat, & delirat, quomodo Lamb. excudendum curauit. cum vno Gryph. manuscripto vulgati consentiunt, qui clamat, & deierat, retinent. In vno tamen Gryph. recentiore est, delirat, clamat, & peierat, quomodo edidimus.

162. 2. comeditur cum domo sua & aufertur. nos, ut est in vno exemplari manuscripto, cum domo sua, ut comedatur, aufertur. Hanc autem lectionem Leonicensi editio tuetur.

13. sed ostentatorem pecuniosum. sed ostentatorem pecunie sue emendat Lamb. In vno Gryph. manuscripto, pecunio si dimidiatum verbum, legitur: ex quo non mala coniectura probari possit, legendum, pecunia sue, aequae praeclari sensu.

163. 2. qui iam bene hominis naturam nouit. in vno Gryphij ita legitur, qui hanc iam bene hominis naturam nouit.

165. 4. quinque adoluscentes homines, habet vnus e meis manuscr.

19. ad adoluscentiam perducas. in duobus Gryph. exemplar. deest verbum: fortassis non male, ut videatur, temporis angustijs excluso addere postremum verbum non licuisse: quod ad significandam ferociam inimici eum subito opprimentis, magnam vim habet.

21. Praesto. Quidam existimant, Praedo legendum, non male.

166. 19. & formata & ei oratio attribuitur. in vno Gryph. exemplari multo melius, & forma ei & oratio attribuitur: quomodo edendum curauimus.

24. clarissimis potita victorijs, habet vnus Gryph. duo alij manuscr. ut ex cunctis, clarissimis locupleta victorijs.

167. 9. Tamen



167. 9. Tamen proficit. Gryph. exemplar v-  
num, sed proficit, habet.

168. 8. Noli, Saturnine, nimium populi frequē-  
tia fretus esse. inulsi iacent Gracchi. Hæc vul-  
gata lectio, quam etiam agnoscit Lamb. In alijs  
libris vulgaris & manuscriptis magna varietas.  
Vnus Gryph. antiquior ita habet, Noli Saturn.  
nim. pop. reuerentia fretus esse, Stultitia & cerne  
Gracchi. Alter cetera eodē modo: in uno variat,  
Stultitia & Gracchi memento. Leonic. editio, Stul-  
titiā nosce Gracchi, Aldi aliquāto melius, Stul-  
titiā nosce, inulsi iacēt Gracchi. Manutius duas  
voces, stultis. nosce reijcit, cetera retinet, ut in  
vulgatis habentur: neque ab eo Victor. dissentit.  
nam vox, reuerentia, in manuscriptis exolenit.

14. inde Tharsi. confirmant Turnebi con-  
iecturam Thasi hoc loco legentis duo libri Gry-  
phij verustiores: in quibus Thasi legitur, littera  
men, uita inferne coenæ, ut videatur ex du-  
plici ss. ab imprudente librario confecta. mox ubi  
legunt, urbem in Bithynia, unus Gryph. ha-  
bet urbē per vim Inachitū sustulit. Huius oppidi  
mentū Plin. lib. 4. 5. quod aliquandiu appella-  
tum, Dipsium Argos testatur. recensentur autem in  
oppidis quæ a Scyllæo ad Isthmum intercedūt.

169. 5. sudans oculis ardentibus. Lamb. vo-  
cem, sudans tollit: pro eo nos, stans, legendum pu-  
amus: quam lectionem duo Gryph. exemplaria  
habentur. Ceteri Leonic. Aldi Victor. Manutij, eodē

## ANIMAD V.

modo, sudans, sed æque male habent, ut opinor.

9. dextera pedem. nos probata Lamb. conjectura dextro pede, aliquanto meliore sensu, edidimus.

12. conuolant. unus Gryph. manuscr. ut edidit Lamb. habet, commeant.

16. ex imo pectore, in vno e meis manuscriptis legitur.

19. nulla voce delibans insitam virtutem, concidit tacitus. in vno Gryph. exemplari, aliter legitur, nullam vocem edens, insita virtute concidit tacitus. quam lectionem Lamb. se inuenisse in nonnullis e suis testatur. Ita certe habetur in Leonicensi editione. Equidem, ut Lambino assentiar, puto hic, vocem indignam male desiderari: ita enim videtur legendum, Nullam vocem edēs indignam insita virtute. Neque vero mirum est, quæ erat hominum in describendo oscitantia, imperitium librarium, & aliud agentem verbum integrum fugisse.

29. locutionis, alij legunt.

## IN DVOS CICERONIS LIBROS DE INVENTIONE.

172. 15. victu fero, in duobus Gryphij manuscriptis legitur.

22. Propter errorē, atq; inscitiam. in quatuor manuscriptis, eodem consensu, propter erro-

rem

rem atque inscientiam, scriptum inuenitur, quomodo Lamb. edidit. Leonicen. Ald. Victor. Manus. Lugduni & Luseria impressi, inscientiam habent. Vbicumq; vero in impressis inscientia, in manuscriptis. inscientia legitur.

173. 3. & eos unam in quamq; rem inducēs. Ita scriptum exstat in tribus exemplaribus manuscriptis, duobus Gryphij, altero meo.

176. 9. antequā dicimus, duo manuscripti vetustissimi, habent.

177. 21. in disceptatione, & consultatione civili. In duobus exempl. Gryph. quæ ceteris vetustate antecellunt, in consultatione, modo legitur: vox, disceptatione abest, in altero, disceptatione, sine, consultatione: alijs cum vulgaris libris conuenit: qui utramq; vocem habent.

178. 10. ut quid sis bonum. nos, Ecquid sis bonū, edidimus, tribus exemplaribus, Gryphij duobus, altero meo, eandem lectionem tuentibus: quemadmodum etiam Lamb. edidit.

180. 23. Nam quid factū sit. & Gryph. & nostri manuscr. ecquid, habent, & mox ecquid fiat.

181. 5. non quod de facto nō cōstet. hæc verba Lamb. recte supernuacanea esse arbitratus tollit. quorsum enim hæc repetitio, quæ neque rei magis significandæ, neq; ornandæ, amplificandæue causa, necessaria est? retinuimus tamen, vulgaræ lectioni parcentes.

183. 7. placet autem ipsi intentionis esse de-

pulsione. nos, ut scriptum exstat in uno Gryphij  
exemplari recentiore, sed longe optimo, ante vo-  
cem, intensionis, constitutionem addidimus: quo-  
modo legitur in Aldi editione: quam tamen Ma-  
nutius non sequitur: cui convenit cum Victorij  
editione, & omnibus fere vulgaris: in his Leonis.  
Lamb. ut nos, constitutionem habet.

185. 29. an coniuncta, & si coniuncta eris. Ita,  
ut edidit Lamb. scriptum exstat in vno Gryph.  
manuscr. exemplari. ceteri, an iuncta, & si iun-  
cta, habent.

186. 15. an in ratione, an in scripto. nos priore  
loco, an particulam sustulimus cum ex certa ra-  
tione, tum ex veterum codicum auctoritate, in  
quibus omnibus recte abest.

188. 4. appositissima, in quattuor manuscriptis  
exemplaribus, eodem modo legitur.

14. factum est, factum non est. in duobus  
Gryphij exemplaribus, atque in vno, meo, secundo  
loco, vox, factum abest.

189. 3. in rationem precepta dabimus, in pre-  
positione cum nomine coeunte, in omnibus lib. an-  
tiquis scriptum exstat: ex qua voce diducta etiam  
si non incommoda lectio confici potest, Lamb. ta-  
men sequor ex eadem, orationem, unde multo pla-  
nior lectio fit, emendantem. vulgata quidem le-  
ctio ferri non potest.

21. implicata est, nonnulli manuscripti habent.

190. 18. vel, si vti principio placebit. Sin vti  
princi-

principio placebit, ut scriptum est in omnibus  
meis manuscr. & in uno impresso Leonicensi, ex-  
cudendum curavi.

191. 4. in odium ducentur, habent manuscri-  
pti omnes vetustiores: Leonicensi editio, Aldi, a  
quo filius dissensit. In Victorij editione, ut in an-  
tiquis, ducentur legitur. Lamb. ut Manut. addu-  
cēt edidit. credo, eruditos homines, quod crebrior  
usus est verbi, adduco in hac translatione, quam  
eius. a quo manat duco, adducentur emendasse.

193. 25. quod genus, strepitum, acclamationem.  
nos Lamb. secuti, strepitum, atq, acclamatione, edi-  
dimus, Lectio quidem vulgata non est ferenda.

199. 3. aut id, quod ipsum adiuvat. Eodem mo-  
do & in manuscriptis exemplaribus & in excu-  
sis legitur, uno Aldi excepto: in quo, id, quod se-  
ipsum legitur, cui est Lamb. assensus. In Leonice-  
ni, quod ipsum, sine pronomine, id, antecedente,  
habetur. Victorio cum impressis alijs conuenit.

17. designatur auditori. in manuscriptis om-  
nibus, & in uno impresso Leonicensi, destina-  
tur, scriptum exstat.

202. 25. hinc omnibus argumentandi rationi-  
bus tractis. ita in omnibus fere manuscriptis, &  
impressis scriptum inuenitur: duo tamen vetustis-  
sima exemplaria Gryphij, his omnibus argumen-  
tandi rationibus confirmari oporteat, nec quid-  
quam amplius habent.

203. 11. considerandū, in vetustiorib. habetur.

13. *Græius an barbarus. eadem Gryph. exemplaria, Græcius habet. recentiora duo, Græius, ut est in impressis: ex quibus tamen Leonicensi editio per antiqua, Græcius, retinet.*

204. 8. *Habitus autem hunc appellamus. Vocem, hunc, iam olim Leonicensis sustulerat, quem Aldus aliquot postea annis est secutus. Manusius sublatam vocem a patre restituit: a quo stat Victor. editio, qui eadem retinet: ut videtur, uterque auctoritate veterum codicum adductus: in quibus magna consensione, scriptum, hunc, inveniunt. Lamb. tollit, cui sumus assensu: minime enim necessaria vox, atque importuna adeo videtur.*

23. *partam, omnibus exemplaribus manuscr. eandem lectionem tuentibus, edidi. quam etiam ex impressis, Leonic. & Victor. editio tuetur: comparatam alij habent.*

205. 20. *& vicinitatis, legitur in manuscript.*

206. 19. *Quare cum tempore hoc differt. Lamb. Quare a tempore differt emendat, recte suspicatus lectionem vulgatam mendo non carere.*

207. 22. *Simile autem ex specie comparabili. veteres duo Gryphij libri ita habent, Simile autem ex specie: comparabile autem ex conferenda atque assimilanda natura indicatur. Vnum e meis manuscrip. exemplar, aliquanto clarius, Simile autem ex specie comparabili: comparabile autem ex conferenda, atque assimilanda natura indicatur. quam Lectionem Manus. & Victorius agnoscit.*  
Aldi

# ANIMAD V.

*Aldi editio eadem est, & Leonicensi: quæ nititur auctoritate præterea unius codicis manuscripti, & a Lamb. agnoscitur. Simile autem ex specie comparabili, aut ex conferenda. atque assimilanda natura iudicatur. Ita autem & ipsi edendum curauimus.*

210. 9 *Verum in eo genere. Ita in quibusdam manuscriptis legitur: in nonnullis abest, Verum.*

212. 14. *& permiste. Sic omnes & excusi & manuscripti. Lamb. ut Victor. permistim edidit.*

213. 27. *& ut ut maritus sis quamoptime mulieris. in libris nonnullis manuscriptis, vox, mulieris, abest: venuste hoc quidem, & cōcinne. Argumento certe est, vocem esse aliunde ascitam, quod in alijs, mulieris, in alijs, feminae, scriptum exstat. Nam in vno meo manuscripto, cum in orationis contextu nō sit, supra verbum illud quamoptime, vox feminae quasi rei declarandæ caussa est collocata. Sed tamen nihil muto.*

214. 25. *intelligat, alij legunt, veteres impressi & manuscr. aliquot intelligant, habent: Lamb. intelligatur. sic autem videtur legendum, ratione id Latini sermonis postulante.*

215. 25. *nisi monstratur, habent manuscripti omnes.*

221. 8. *Si oportet sapere, alij legunt: in his Aldus: & paullo post. oportet autem sapere, sine verbo, Vella.*

222. 25. *de unaquaq; parte, male habent im-*

pressi. Tu lege, de vna quoq; parte, tum rationi assensus, tum veterū codicum auctoritati. Ita quidē Victorius olim, & hoc tempore Lamb. edidit.

224. 26. nisi extra iudicium quidem esset. In omnibus fere vulgatis eodē modo ita legitur. Aldus, ut iam olim Leonic. ediderat, nisi extra iudicium quid esset. in duobus manuscriptis, ut emendauit Manutius, & ne si extra iudicium quidem esset, quam lectionem probat Lambinus, nos secuti sumus. Ita enim prorsus est legendum.

225. 20. Sunt autem qui putant. Varie hic locus legitur in vulgatis, & manuscriptis. Alij ita habent, in his vnus Gryph. vetustissimus, & aliter recentior. Sunt autem qui putant nonnumquam posse complexione, & oportere supersederi. Abijs stat Ald. Victor. & Manutius: qui sic ediderūt. Lam. ita legit, Sunt autē qui ita putant, nonnumquā posse conclusionē supersederi. Cui vnus meus manuscriptus suffragatur, in quo utroq; modo legi posse significatur, ad vocem illam, complexione, superne posita, conclusionē.

227. 28. uti, quemadmodum legit Lamb. in vno Gryph. manuscripto habetur: ceteri & impressi, & manuscr. abuti, prāter Leonicenum, qui habet, uti, Ald. Victor. Manut. Lugduni, & Lutetiae excusi habent.

228. 5. ut quam facile sit factū. Hæc verba Lamb. tollit tamquam his oratio redūder: ea varie leguntur in vulgatis, & manuscriptis libris.



# ANIMAD V.

In quorum vno ita habetur, de his, quæ proposita sunt hoc idem exerceamus, quam facile sit factu. In duobus Gryphij vetustiorib. sic scriptum legitur, de ijs quæ proposita sunt, quam facile factu sit periclitari.

10 allenatur, habet Manus. à patre dissentiens, qui eleuatur emendat, quemadmodum scriptum reperitur in duobus Gryph. exemplar. Lamb. leuatur, edidit.

231. 14. id iudicatum, quod ad iudicandum afferatur, legitur in duobus Gryph. & in vno meo exemplari.

233. 2. cuius prædæ sectio non venierit. nos cuius prædæ sectio venierit. probata Lambini coniectura, edidimus.

239. 26. conclusionem, quemadmodum Lamb. emendat, scriptum inuenimus in duobus Gryph. lib. de conclusione, excusi habent. Ald. Victor. Manus. alij.

27 degressionem, & paullo infra, degressionem, & degredi, quam rationem scribendi sequitur Lamb. in duobus Gryph. exempl. vetustissimis habetur.

243. 9. quod superbissimum est. Hinc verbum, est, sustulimus ex auctoritate manuscr. exemplarium omnium, in quibus, abest.

246. 28. diu vexatus. diuexatus, expuncta littera vocali, v, in nonnullis manuscr. habetur.

250. 22. vellent addicerent. Nos, mallerent, quod

iam antea Lamb. certa coniectura adductus emendarat: centesimo ab hinc anno Leonice ediderat. Facilis autem fuit lapsus à verbo, vellent: quod perperam vulgati, atque adeo melioris notæ retinent.

253. 5. & inuentiones, & constitutiones, et indicationes continebat. Hic vocem vnā quæ in vulgatis abest, & Lamb. & vnius Gryph. codicis fidem secuti, indicationes addidimus.

254. 16. nunc à coniecturali constitutione proficiscemur. Ita scriptum extat in omnibus manuscriptis, quibus conuenit cum excusis. Lamb. vbi legitur in Leonicensi editione, Nunc ad coniecturalem constitutionem proficiscemur, vltiore dicendi forma edidit. à coniecturali, si legas, idē valet verbum proficiscemur, atq; faciemus initium, exordiemur.

24 deuerissem, edidit Lamb. quomodo semper in manuscr., vltioribus legitur. In ysdem, ubi in alijs caupo, copo semper, scriptum reperitur, prisco more. Ita pag. 226. lin. 11. ydem, deuersoribus, habent.

255. 13. Deuersoribus habens manuscripti, vbi supra, deuerissem.

256. 4. vinolentia, & hic, & ubiq; semper, eadem Gryph. exempl. habent, quod etiam Faënius scriptum obseruauit, in nobilissimo illo exemplari orationum Cic. in Antonium, quod Romæ in Vaticano asseruatur.

17 deminuendi, Gryph. manuscr. ut docui-  
mus etiam alibi. diminuendi vulgari habent.

257. 28. res aliusmodi est. In Gryph. libro longe  
optimo, alii modi & hic, & paullo infra legitur.  
Ita autem prisca huius vocis patrium casum effe-  
rebant. Cæcilius. Nullius alij rei nisi amicitie  
caussa. Iam pridem vero ita Victor. ediderat.

259. 29. aut nihilo sibi magis. Nos, ut est in  
Gryph. duobus manuscr. aut nihilo sibi maius,  
quæ lectio etiam Lamb. probatur.

260. 29. caldum vocari. callidum habetur in  
Leonice. editione. Calidum Aldus, quam lectio-  
nem sequitur Lamb, in vno meo manuscr. utroq;  
modo legi significatur, & Caldum, & Cadum.

261. 26. ut amor, iracundia, molestia, proteruia,  
quod &c. ita legitur in Gryph. vetustiore exem-  
plari. Plaut. quidem in Bacchid: fere eadem cõ-  
iunxit. -proteruo, inquit, iracundo animo, indo-  
mito, incogitato, Cicer. ad animi mollitiam tran-  
sulit, de Fin. 5. Et flexi, fractiq; motus quales  
proteruorum hominum aut mollium esse solent,  
contra naturam sunt. Idem pro Cælio. De corrup-  
telis, de adulterijs, de proteruitate, de sumptibus  
immensa oratio est. Alibi ad animi fastidium &  
insolentiam: Alij audaces, proterui, idem intem-  
perantes & ignavi. Plaut. Amphitr. -quæ non  
deliquit, decet Audacem esse & confidenter pro  
se, & proterue loqui.

262. 6. Item facta & casus. Iam facta, &

# ANIMADV.

casus Gryph. duo manuscr. libri habent, vetustior alter, alter recentior, quibus unus meus qui est inter hos medius, suffragatur.

264. 10. Deinde si nihil deliquisse. Lamb. Deinde se nihil deliquisse: quemadmodum scriptum est in vetustissim. Gryph. & Leonic. exemplari. In meo libro multo clarius, Deinde si nihil dicit deliquisse. in altero Gryph. Deinde nihil deliquisse, ut pendeat oratio à superiore verbo ostendit.

14. asuisse, ut alibi docuimus, in eodem Gryphij libro vetustiore recte legitur.

266. 13. aut quibus sine, duo Gryph. exempl. antiqu. & vnum è meis.

267. 20. dehinc cenarit. Nos vocem, dehinc, susulimus, quæ quidem non temere abest in manuscriptis, & in Leonicen. libro. elegantior sane oratio, ea expuncta efficitur. lin. 4. in vno Gryph. manuscripto legitur, tam læto animo liquerit.

274. 27. accusatorem sui periculi caussa. Ita legitur in omnibus manuscriptis, minime à vulgatis dissentientibus. Lamb. sic habet. accusatorem in sui periculi caussa.

275. 20. Nam & prætoris acceptionibus. Nos, prætorijs, edidimus, ut olim Leonicens & Manus. postea, & postremo edidit Lamb.

277. 3. recuperatorio iudicio, si standum est auctoritate veterum codicum, est legendum. Ita certe scriptum est in vno Gryph. exempl. vetustiss. Sed hoc iam animaduertierat Lamb. vñ doctiss.

# ANIMADV.

Eliff. & peritiff. antiquitatis.

279. 25. & præterea indicationes plures fiant. In manuscr. omnibus, & in Leonic. editione, & propterea legitur fortassis non male.

280. 3. aut vero, legit Lamb. aut à vero habent omnes manuscr.

281. 7. quod inter omnes, quod in omnes edidit Manut. et multis ante illū annis Leoni. Ita quidē scriptum legitur in omnibus manuscr. exempl.

282. 7. Non est dissimulandum, quod Lamb. emendat certa adductus ratione, trop. cum in antiquissimo Gryphij libro scriptum inueniri.

19 concelebrandæ, duo manuscr. lib. meus unus, Gryphij alter habet.

284. 22. incidunt. accidunt habent manuscr. omnes. accidit, Leonic. & in clausula initio. Atq; hoc quidem quomodo ratio docet legendum.

286. 8. inerunt, legitur in manuscriptis.

11 & facti inutilitatem. Aut manca oratio est, aut quod Lamb. fecit, copula, & est inducenda.

28 Curialis alij habent impressi, & duo manuscr. alij Curialibus, ut scriptum extat in vno Gryph. exempl. cui suffragatur Leonic. editio Aldi Victor. Manut. Curialis legit Lambin. ut congruat cum Liu. melioribus exemplaribus.

287. 27. panitus s. duo vetustissima Gryph. exemplar. habent. prisco more. Et rursus pag. 256. 3. panium.

290. 20. demonetur, ex vetustiss. codicum auctoritate & certa ratione innixi edidimus. dimouetur alij excusi habent, Victor. Manus. alij remouetur, vt Leonic. Ald. Lamb. dimouetur, etiam in nonnullis manuscr. legitur. Demonetur autem rursus 258. 2. in iisdem habetur.

291. 27. Quod non poterit. nos ex duobus Gryph. numquam satis laudandis exemplarib. Quid potuerit, et paullo infra, quid debuerit, curauimus excudendum. Ita certe praeclare legi docent, quae mox sequuntur. Deinde omnia facta esse ab reo, quae in ipsius fuerint potestate, quod minus, quam conuenerit factum sit, culpa id alterius accidisse, quae quamquam ita sint, minime tamen lectionem vulgatam improbandam puto, quam Victorius praesertim agnoscit.

293. 29. in expeditionem. nos secuti fide duorum Gryph. exemplar. antiquiorem, in seditione, edidimus. quae quanto melior lectio quam vulgata sit nemo non videt.

294. 14. improbat. nos, vt iam Aldus ediderat, probatur, excudi curauimus, eius editione duobus Gryph. libris antiquis & praeterea duobus alijs manuscript. iuentibus. Eodem modo & Lamb. legit.

295. 10. capitale. si fides habenda est antiquitati, vetustiss. duo Gryph. codices veram Ciceronis lectionem representant, in quibus nulla littera, voce inquinata, nulla sublata littera, capital

capital legitur. Vsum autem hac voce præter Plautum Nonius affirmat. Lucil. lib. xxvi. Facile deridemur. scimus capital esse irascier. Ciceronem certe oblectatum fuisse priscis vocibus adolescentem, qua ætate hæc scripsit, ex libro de perfecto oratore ad Brutum coniici potest. Quid proprie autem capital esset, unde est hoc nāslatum, docet Festus: qui linteam fuisse quoddam, quo in sacris uterentur affirmat.

21 iudicandi. tria verusta exemplar. vindi-  
candi, habent. quam agnoscit lectionem Lamb.

299. 3. quare parte eius generis. Vnus est Gryph. liber recentior in quo, nī fallor, germanæ lectionis vestigia, quæ manca est in vulgatis continetur, unum modo verbum mutuati sumus ex altero antiquiore: eam antea tamen mirifice a Lamb. emendatam fatemur: sed ut nonnihil dissentiat. Quare parte eius generis cum causam non ideo constitueris ut deprecereis, vii licebit. negationem autem retinuimus, minime ea impediri sensum arbitrati. valet autem, nō ideo, non eo consilio, non ea spe, ut magnum causæ adiumentum futurum in deprecatione constitutum habueris. nihil tamen subtilius aut elegantius Lamb. coniectura. quare parce eo genere, cum causam in eo constitueris. duo autem verba quæ in vulgatis desiderantur, ut deprecereis, clarissime in eo libro scripta leguntur. Adinuāt autem nostram coniecturam quæ paullo infra dicuntur,

Quare hoc genus quamquam in iudicijs non ver-  
satur nisi quadam ex parte, &c.

24. diu dictum est. diu ductum est, habet  
Gryph. liber recentior. & unus è meis.

302. 17. cum genere primo & forma intelliget  
dissidere. Ita habet meus manuscripi. liber. duo  
Gryph. vetustiores genere, & prima confirma-  
tione intelliget dissidere.

303. 17. opitulatus sit. in omnibus manuscri-  
ptis exemplaribus duo hæc verba absunt: &  
recte quidem, ut suspicor.

304. 22. delibari. Aldus quem secuti sumus,  
delibrari, iam pridem edidit. Lamb. delibrari,  
quam lectione & ratione & auctoritate tuetur.

308. 17. Si mihi filius genitus fuerit. In ma-  
nuscr. verbum, fuerit, abest, ut recte Lãb. ultima  
modo commutata littera, genitur emendari.

309. 19. tu mihi dicebat, secundus heres esto,  
duo Gryph. antiquissimi, tu mihi, dicet, secun-  
der. esto. Lamb. temere sublatam litteram. m, ex  
adverbio tum ob priorem similem vocis insequen-  
tis, mihi, ex verbo, dicet, corrupto pronomen,  
ille, efficit, quomodo esse legendum ratio po-  
stulat.

310. 27. deluere, duo Gryph. vetust. libri.

311. 25. In iisdem controuersa esse omnia, le-  
gitur.

313. 19. si eius causse, legit Lamb. certe vul-  
gata lectio non potest ferri. Si eius rei caussa for-



te legendum in littera abiecta.

315. 8. in uno Gryph. codice, quippiam, abest. Siquidem igitur, Aldus edidit: quæ mihi tamen lectio haud probatur.

23 Confirmata esse videatur. Lamb.

317. 17. fieri oportuisse, aut oportere. nos probata Lamb. emendatione, fieri oportuisse, aut potuisse, edidimus. iisdem autem verbis alibi eandem in his libris sententiam complexus est.

318. 14. deluerit, ut supra etiam pag. 275. 1. deluere.

320. 9. ut sua lex ipso scripto. in lege, ut suo lex ipsa scripto. quomodo in antiquis. Gryph. libro scriptum exstat. & ratio docet legendum.

29 legassit, ubi vulgati legauerit, habet vetustissimus unus Gryph. liber, quemadmodum etiam Lamb. edidit. Ita autem legendum lib. 1. ad Heren. quidquid id eo, hoc ipsum exemplar. variare videatur. religiose enim prisca illa & horrida verba in vetustis est, legibus conservata.

321. 5. inditæ sunt alij habent, ut unus Gryph. manuscr. indutæ alius, inductæ nonnulli legunt. quam lectionem Leon. Aldus, Manutius, Victorius, omnesque adeo vulgati præter Lamb. agnoscunt. Is enim, inditæ, ut nos, edidit. Indere autem catenas captivis, Plaut. dixit, locuples auctor Latine elegantie.

322. 20. rationibus, legitur in omnibus manuscriptis.

## ANIMADV.

25 multis dissimilibus rebus. multis de dis-  
similibus. Lamb. recte emendat. Ita enim doctæ  
ratio esse legendum.

323. 21. qua posset, ut edidimus scriptum ex-  
stat in duob. manuscr. Gryph. melioribus, unde  
quoad posset.

325. 9. nos inductos ducit, Lamb. hinc non sine certa ratione vocem inductos, alieno loco incertam tollit Lamb.

328. 5. *Clementia, per quam animi temere in odium alicuius inuectionis concitati comitata retinetur. Hæc vulgata lectio fæde corrupta & perturbata. Nos ex meo libro in quo integra manet, plane nobis videtur depravatam restituisse. Clementia, per quam animi temere in odium alicuius inuectio concitata, comitata retinetur. Vnam autem ipsi vocem leui mutatione emendatam pro, iniectione, inuectio substituiimus.*

329. 4. ducunt ad se, Nos duas postremas voces, quæ in omnibus manuscript. aberant, sustulimus.

331. 7. cui nulla vi resisti potest, quo eas cunctis  
id quod facere potest, perficiat. Hic à verbo po-  
test, cetera in duobus Gryph. libris antiquis in-  
veniuntur; quæ absunt in manuscriptis alijs et  
in vulgatis. In iisdem lin. 32. parum autem esse  
multas res necessitatis.

**FINIS.**



I can remember me well to meet  
 to the Georgeo Clarke / 1880  
 Robert / 1880  
 I can remember me well to meet  
 to the Georgeo Clarke / 1880  
 Robert / 1880